

იგანე ჯავახიშვილის სახელობის თბილისის სახელმწიფო უნივერსიტეტის
იურიდიული ფაკულტეტი

თამარ გვარამაძე

საგადასახადო პასუხისმგებლობის
სამართლებრივი საფუძვლები
(შედარებით-სამართლებრივი ანალიზი)

სადისერტაციო ნაშრომი სამართლის დოქტორის
აკადემიური ხარისხის მოსაპოვებლად

სამეცნიერო ხელმძღვანელი – მაია ქოპალეიშვილი
თსუ, იურიდიული ფაკულტეტის სრული პროფესორი

თბილისი

2012წ.



სარჩევი

აბრევიატურა.....	5
შესავალი.....	6
თემის აქტუალობა	6
კვლევის მიზანი და შესწავლის საგანი.....	10
კვლევის მეთოდები.....	12
თავი 1. საგადასახადო სამართლის ადგილი სამართლებრივ სისტემაში და საგადასახადო ვალდებულებათა შეუსრულებლობასთან დაკავშირებული პრობლემური საკითხები სხვადასხვა სამართლებრივ სისტემაში	13
1.1 საგადასახადო სამართლის ადგილი სამართლებრივ სისტემაში	13
1.2 პოლიტიკის ზეგავლენა საგადასახადო სამართლდარღვევებზე და პასუხისმგებლობის დამდგრენა სამართლებრივ ნორმათა სიცხადის აუცილებლობა.....	16
1.3 ელექტრონული კომუნიკაციის გამოყენებით გამოწვევული პრობლემები საგადასახადო სფეროში და მისი ზეგავლენა სამართლდარღვევებზე	19
თავი 2. საგადასახადო სამართლდარღვევებისა და პასუხისმგებლობის ადგილი სამართლებრივ სისტემაში.....	21
2.1. იურიდიული პასუხისმგებლობის სახეები სხვადასხვა სამართლებრივი სისტემის ჭრილში.....	21
2.1.1. სისხლის სამართლებრივი და ადმინისტრაციული პასუხისმგებლობების გაძიჯების მქონე სამართლებრივი სისტემები.....	22
2.1.2. ადმინისტრაციული პასუხისმგებლობის არმქონე სამართლებრივი სისტემები.....	26
2.1.3. ადამიანის უფლებათა უკროპული სასამართლოს ხტანდარტები ადმინისტრაციულ და სისხლის სამართლის საქმეებთან მიმართებით.....	28
2.2. საგადასახადო სამართლდარღვევებისა და პასუხისმგებლობის ცნება და მისი ადგილი სხვადასხვა სახის იურიდიულ პასუხისმგებლობებს შორის	32
2.2.1. საგადასახადო სამართლდარღვევები და პასუხისმგებლობა, როგორც ადმინისტრაციული სამართლდარღვევებისა და პასუხისმგებლობის ნაირსახეობა.....	34
2.2.1.1. თეორიული შეფასებები	34
2.2.1.2. სასამართლო პრაქტიკა.....	39
2.2.1.3. საზღვარგარეთის ქვეყნების გამოცდილება	39
2.2.1.4. საგადასახადო სამართლდარღვევები და პასუხისმგებლობა ადამიანის უფლებათა უკროპული სასამართლოს პრეცედენტებში.....	41
2.2.1.5. <i>Ne bis in idem</i> -ის პრინციპის დარღვევა საგადასახადო პასუხისმგებლობის ადმინისტრაციულისადმი საქანონმდებლო მიკუთვნების არარსებობის გამო	42
თავი 3. საგადასახადო პასუხისმგებლობის პრინციპები.....	45
თავი 4. საგადასახადო ვალდებულებების შესრულება და შეუსრულებლობა	53
4.1. გადასახადების გადაუხდევლობა	53
4.1.1. გადასახადების გადაუხდევლობის სხვადასხვა საშუალება	53
4.1.2. საგადასახადო ვალდებულებათა შეუსრულებლობის მიზეზები და მათი კლასიფიკაცია.....	55
4.2. საგადასახადო ვალდებულებათა შესრულების წინაპირობები და თეორიები.....	62
თავი 5. საგადასახადო სამართლდარღვევის ცნება და მისი ელემენტები... ..	68
5.1. ქმედების შემადგენლობა, როგორც საგადასახადო სამართლდარღვევის ცნების ელემენტი	71
5.1.1. ქმედების შემადგენლობის ობიექტური მხარე.....	71

5.1.1.1. ხელყოფის ობიექტი.....	72
5.1.1.2. ქმედება	74
5.1.1.3. მიზეზობრივი კავშირი და შედეგი.....	74
5.1.1.4. პასუხისმგებლობის დამდგენი ნორმა.....	75
5.1.2. ქმედების შემაღებლობის სუბიექტური მხარე.....	78
5.2. ქმედების მართლწინააღმდეგობა, როგორც საგადასახადო სამართალდარღვევის ცნების ელექტრი	78
5.3. ბრალი - როგორც საგადასახადო სამართალდარღვევის ცნების შემაღებელი ნიშანი..	79
5.3.1. ბრალის შინაარსი.....	79
5.3.2. ბრალის გამომრიცხავი გარემოებები.....	88
5.3.3. ბრალის დადგენა.....	90

თავი 6. საგადასახადო სამართალდარღვევის სუბიექტი.....93

6.1. გადასახადის გადამხდელი ფიზიკური პირები, როგორც საგადასახადო სამართალდარღვევები და მათი პასუხისმგებლობის ასაკი.....	94
6.2. კანონიერი წარმომადგენლების პასუხისმგებლობის საკითხი არასრულწლოვანთა მიერ ჩადენილ საგადასახადო სამართალდარღვევათა გამო.....	98
6.3. მექავიდრეებისთვის საგადასახადო პასუხისმგებლობის დაკისრება.....	102
6.4. საგადასახადო სამართალდარღვევათა სუბიექტების სხვა კატეგორიები	103

თავი 7. სანქციები საგადასახადო სამართალდარღვევებისთვის.....106

7.1. საგადასახადო სამართალდარღვევათა ჩადენის გამო დაწესებული სანქციები და მათი სახეები	106
7.1.1. ფინანსური ხასიათის სანქციები და მათი დაწესების საფუძვლები.....	110
7.1.2. არაფინანსური ხასიათის სანქციები.....	113
7.2. საგადასახადო სანქციების მიზნები და ფუნქციები.....	118
7.2.1. მიზნები.....	118
7.2.2. ფუნქციები.....	121
7.3. საურავი - როგორც საგადასახადო პასუხისმგებლობის თავისებური ზომა	122

თავი 8. საგადასახადო სამართალდარღვევასთან დაკავშირებული საქმის წარმოება 129

8.1. ჩადენილი საგადასახადო სამართალდარღვევის გამოვლენა და შესაბამისი გადაწყვეტილების მიღება საგადასახადო ორგანოების მიერ.....	129
8.1.1. საგადასახადო საქმეთა წარმოების ამოცანები, პრინციპები.....	129
8.1.2. საგადასახადო სამართალდარღვევის საქმეთა წარმოების სტადიები.....	131
8.1.2.1. საგადასახადო სამართალდარღვევის საქმის განხილვის დაწესება; დარღვევის ფაქტის განხილვა	132
8.1.2.2. საგადასახადო სამართალდარღვევების გამოვლენის შემთხვევები და საქმის განხილვა საქმის განხილვის საგადასახადო კანონმდებლობიდან გამომდინარე	135
8.1.2.3. საგადასახადო სამართალდარღვევის განმხილველი ორგანოები.....	137
8.1.2.4. საგადასახადო სამართალდარღვევის ოქმი.....	141
8.1.2.5. საგადასახადო შემოწმების დროს გამოვლენილი საგადასახადო სამართალდარღვევის განხილვა	145
8.1.2.6. საგადასახადო სამართალდარღვევასთან დაკავშირებით გადაწყვეტილების მიღება	147
8.1.2.7. სამართალდარღვევის შესახებ მიღებული გადაწყვეტილების გაუქმება	149
8.2. სამართალდარღვევებთან დაკავშირებით მიღებული გადაწყვეტილებების სასამართლოში გასაჩივრება	151
8.2.1. საგადასახადო დავების განმხილველი ორგანოები სხვადასხვა სამართლებრივი სისტემის მიხედვით.....	152

თავი 9. საგადასახადო სამართალდარღვევის ჩადენისთვის პასუხისმგებლობისგან გათავისუფლების საფუძვლები.....164

9.1 საგადასახადო პასუხისმგებლობისგან სრულად გათავისუფლება	167
9.2. პასუხისმგებლობის დაკისრებისგან ნაწილობრივ გათავისუფლება.....	167
9.3. კეთილსინდისიერი გადამხდელისა და სხვა საფუძვლებით გადამხდელის პასუხისმგებლობისგან გათავისუფლება.....	169
9.4. საგადასახადო პასუხისმგებლობის დაკისრების ხანდაზმულობის ვადები	173
9.5. საგადასახადო ამნისტია	174
თავი 10. პასუხისმგებლობის დამამძიმებელი და შემამსუბუქებელი გარემოებები	177
10.1. პასუხისმგებლობის დამამძიმებელი გარემოებები	177
10.1.1. სამართალდარღვევის განმეორებით ჩადენა 12 თვის განმავლობაში.....	177
10.1.2. იგივე ქმედების ჩადენა განმეორებით.....	182
10.1.3. განმეორებით სამართალდარღვევის ჩადენა იგივე გადამხდელის მიერ.....	182
10.1.4. აღმინისტრაციული სამართალდარღვევებისთვის დადგენილი დამამძიმებელი გარემოებები	183
10.2. საგადასახადო სამართალდარღვევის ჩადენისთვის პასუხისმგებლობის შემამსუბუქებელი გარემოებები.....	184
10.2.1. შემამსუბუქებელი გარემოებები საგადასახადო კოდექსიდან გამომდინარე.....	184
10.2.2. შემამსუბუქებელი გარემოებები აღმინისტრაციული სამართალდარღვევებისა და საზღვარგარეთ ქვეყნების სამართლის მაგალითზე.....	185
10.3. დამამძიმებელი და შემამსუბუქებელი გარემოებების დადგენა უფლებამოსილი ორგანოების მიერ გადაწყვეტილებათა მიღების დროს.....	186
დასკვნა და რეკომენდაციები	189
ბიბლიოგრაფია.....	196

აბრევიატურა

აშშ	ამერიკის შეერთებული შტატები
გპ-	გვერდი
დღგ	დამატებითი დირექტულების გადასახადი
იხ.	იხილე
მუხ.	მუხლი
რედ.	რედაქტორი
სსიპ	საჯარო სამართლის იურიდიული პირი
წ.	წელი

შესაგალი

თემის აქტუალობა

ნებისმიერი კაპიტალისტური სახელმწიფოს ერთ-ერთი უმნიშვნელოვანესი ამოცანაა, განახორციელოს სახელმწიფოში ეკონომიკური განვითარების შესაბამისი პოლიტიკა, ამ პოლიტიკის განხორციელებაში კი ერთ-ერთ მთავარ ბერკეტს ქვეყნის საგადასახადო სისტემა წარმოადგენს.¹ გადასახადების დაწესება და მათი ამოღების შესაბამისი მექანიზმების შექმნა სახელმწიფოს სუვერენიტეტისა და დამოუკიდებლობის განმსაზღვრელი ერთ-ერთი ნიშანია და მის გარეშე სახელმწიფოს მმართველობის განხორციელება შეუძლებელი იქნებოდა.² აღნიშნულიდან გამომდინარე საგადასახადო საკითხები ყოველთვის აქტუალურია.

გადასახადები უძველესი დროიდან არსებობს და მისი ცნება თანამედროვე სახელმწიფოებთან ერთად არ გაჩენილა. გადასახადები ნახსენებია ბიბლიასა და ახალ აღთქმაში. ბიბლიაში აღნიშნულია, რომ ახალგაზრდა ებრაელს ყოველწლიურად გადასახადის სახით უნდა ეხადა ნახევარი შეკილი.³

სახელმწიფოებრიობის თანამედროვე ცნების გაჩენასთან ერთად გაჩნდა გადასახადის შემოღებისა და განაწილების მექანიზმები, თუმცა მათი თეორიული გააზრება და გადასახადების შესახებ ერთიანი მეცნიერული შეხედულებები ევროპაში პირველად XVIII საუკუნეში იჩენს თავს, ბურჟუაზიული სახელმწიფოსა და საზოგადოების წარმოშობასთან ერთად. მის ფუძემდებლად ითვლებოდა ა. სმიტი, რომელმაც 1770 წელს განმარტა გადასახადის ცნება და განსაზღვრა მისი აღგილი სამუშაოების საქმიანობაში. სმიტი განსაზღვრავდა გადასახადს როგორც ტვირთს, რომლის ოდენობა და გადახდის წესი სახელმწიფოს მიერ კანონით არის დადგენილი.⁴

გადასახადების აკრება სახელმწიფოს უფლებაა, მათი გადახდა კი – მოსახლეობის ვალდებულება და ეს სახელმწიფოს არსებობით არის განპირობებული. შუა საუკუნეებში გადასახადების მნიშვნელობის ხაზგასმის გარდა, მეცნიერები დაბეგვრის პრინციპებზეც მიუთითებდნენ. ა. სმიტი აღნიშნავდა, რომ დაბეგვრის დროს სახელმწიფოებს უნდა ეხელმძღვანელათ ისეთი პრინციპებით, როგორიცაა: საყოველთაობა, განსაზღვრულობა, ამოღების მოხერხებულობა, დაბეგვრის ობიექტთა შერჩევა, დატეგვრის სამართლიანობა.⁵

¹ ი. W. Vermeend, R. Ploeg, J. W. Timmer, E. Elgar, Taxes and Economy A Survey of the Impact of Taxes on Growth, Employment, Investment, Consumption and the Environment, Published by E. Elgar, Glensanda House Montpellier Parade, Cheltenham UK, 2008, pp. 9.

² ი. Tax policy in the European Union; European commission <http://ec.europa.eu/publications/booklets/move/17/txt_en.pdf> [24.08.2012].

³ ი. <<http://www.garynorth.com/public/2315.cfm>> [28.03.2010].

⁴ ი.

<<http://www.taxhistory.org/thp/readings.nsf/ArtWeb/9375786377B669C385256F1F00593C1A?OpenDocument>> [09.07. 2009].

⁵ ი. Финансовое прав, Под. ред. О.Н. Горбунова, Москва 1996г. ст. 178.

ისტორიული გამოცდილების მსგავსად, თანამედროვე სამართლებრივ სივრცეში გადასახადებთან დაკავშირებული საკითხები გამოირჩევა მრავალფეროვნებით და ამავე დროს, სირთულით. გადასახადები თავის აქტუალობას არათუ კარგაგს, არამედ დღითი დღე სულ უფრო მეტად მნიშვნელოვანი და აქტუალური ხდება. ამერიკის შეერთებული შტატების (შემდგომში აშშ) დამოუკიდებლობის დეკლარაციის ერთ-ერთი ავტორის, ბენჯამენ ფრანკლინის მიერ ორი საუკუნის წინ წარმოთქმული ცნობილი ფრაზა: „სიცოცხლეში მხოლოდ სიკვდილი და გადასახადებია გარდაუვალი“,⁶ დღესაც აქტუალური და მნიშვნელოვანია მსოფლიოს ნებისმიერი კაპიტალისტური სახელმწიფოსთვის. განსაკუთრებით კი – აშშ-ისთვის, სადაც გადასახადების მიმართ სახელმწიფოსა და გადამხდელთა დამოკიდებულება მთლიანად ამ მიდგომითაა გამსჭვალული და ნებისმიერი საკითხი განსაკუთრებულ დაინტერესებას იწვევს ამ სფეროში მომუშავე როგორც პრაქტიკოსთა, ასევე თეორეტიკოსთა შორის.

აქტუალობასთან ერთად, გადასახადები და საგადასახადო კანონმდებლობა სამართლის ერთ-ერთი ყველაზე მეტად რთული და კომპლექსური დარგია. მაგალითად, ამერიკელი მეცნიერების შეფასებებით საგადასახადო სისტემა და საგადასახადო კანონმდებლობა ყველაზე რთული გასაგებ და აღსაქმელ კანონმდებლობას წარმოადგენს. ამერიკელი მკვლევარები საგადასახადო კანონმდებლობის სირთულისა და მოცულობის თვალსაჩინოებისთვის შედარებებზე მიუთითებენ: ამერიკელი ხალხისადმი აბრაამ ლინკოლნის მიმართვა შეადგენდა სულ რაღაც 2 727 სიტყვას, აშშ-ის დამოუკიდებლობის დეკლარაცია არის დაახლოებით 1 300 სიტყვა, ბიბლია კი მოიცავს 773 000 სიტყვას, მაშინ როცა აშშ-ის მხოლოდ ფედერალური საგადასახადო კანონმდებლობა ცხრა მილიონი სიტყვისგან შედგება და დღითიდღე ეს ციფრი იზრდება.⁷ საგადასახადო კანონმდებლობის სირთულეს და კომპლექსურ ხასიათს ემატება ფისკალური ეფექტი გადასახადების გადამხდელთა მიმართ, რომელთა უმრავლესობა ყოველთვის უკმაყოფილოდ გადასახადების გადახდის გამო. ეს უფრო მეტად თვალსაჩინოა იმ სახელმწიფოებში, სადაც მკაცრი საგადასახადო პოლიტიკა მოქმედებს და საგადასახადო ტვირთი განსაკუთრებულად მძიმეა. XX საუკუნის მეორე ნახევარში ევროპულ სახელმწიფოებში მკაცრი საგადასახადო სისტემებისა და მძიმე საგადასახადო ტვირთის პირობებში მოქალაქეთა უმრავლესობა გადასახადებს აღიქამდა, როგორც მათ პირად ცხოვრებაში გაუმართლებელ ჩარევასა და მათი საკუთრების უფლების ხელყოფას. ევროპელი მკვლევარები აღნიშნავდნენ, რომ არაერთ საერთაშორისო გამოკითხვებში რესპონდენტთა უმრავლესობა ნეგატიურ განწყობას ამჟღავნებდა ზოგადად გადასახადების, მაღალი საგადასახადო

⁶ იბ. <http://en.wikiquote.org/wiki/Benjamin_Franklin> [24.09.2012].

⁷ იბ. K McG. Painter, There's no Place Like Home: Projections on the Fate of the Home Mortgage Interest Deduction and the Alternative Minimum Tax in Light of Consumer Behavior, St John's Journal of legal Commentary Journal, volume 22, Summer 2007, pp. 295 <<http://www.stjohns.edu/media/3/a3df3b46ede04e6286f332c0ff37a1be.pdf>> [24.08.2012].

განაკვეთებისა და საგადასახადო სისტემის სხვა ელემენტების მიმართ.⁸ XX საუკუნის მეორე ნახევარში ევროპულ სახელმწიფოებში არსებული ნეგატიური განწყობა გადასახადების მიმართ შეიმჩნეოდა არა მხოლოდ პოლიტიკოსთა და ექსპერტთა შეხედულებებსა თუ საზოგადოებრივი გამოკითხვის შედეგებში, არამედ თავის გამოძახილს ტოვებდა კულტურის სფეროშიც.⁹

გადასახადების მიმართ გადაჭარბებული ინტერესი და ამ საკითხების აქტუალობა იმითაც აიხსნება, რომ გადასახადები წარმოადგენს სახელმწიფო ბიუჯეტის შევსების ერთ-ერთ ძირითად წყაროს, მათი გადაუხდელობა და საგადასახადო კანონმდებლობის შეუსრულებლობა კი პირდაპირ ზიანს აენებს ნებისმიერი სახელმწიფოს საბიუჯეტო ინტერესს. მაგალითად, საქართველოს ფინანსთა სამინისტროს ოფიციალური მონაცემების თანახმად, 2011 წლის განმავლობაში საქართველოს სახელმწიფო ბიუჯეტში შემოსავლების სახით მობილიზებულ იქნა 6 500 მლნ ლარამდე, საიდანაც 5 802 მლნ ლარი გადასახადების სახით იქნა მიღებული, რამაც მთლიანი ბიუჯეტის შემოსავლითი ნაწილის 88% შეადგინა.¹⁰

ქვეყნის ბიუჯეტის მიმართ არსებული მაღალი საზოგადოებრივი და საჯარო დაინტერესება კიდევ უფრო მნიშვნელოვან ხასიათს სძენს საგადასახადო კანონმდებლობის მოთხოვნათა შესრულების საკითხს და ამდაფრებს ინტერესს საგადასახადო კანონმდებლობის მოთხოვნათა შეუსრულებლობის შემთხვევაში გადამხდელების მიმართ პასუხისმგებლობის დაკისრებასთან დაკავშირებით. ამდენად, ძალზე მნიშვნელოვანია ის, თუ როგორ აწესრიგებს კანონმდებელი საგადასახადო სამართალდარღვევებთან დაკავშირებულ საკითხებს. მოწესრიგებაში იგულისხმება სახელმწიფოს დამოკიდებულება იმ პირთა მიმართ, რომლებიც საგადასახადო კანონმდებლობას არღვევენ და ასევე, მათ მიმართ დადგენილი პასუხისმგებლობის ზომები. შესაბამისად, თავისთავად აქტუალურია საგადასახადო სამართალდარღვევებთან დაკავშირებული საკითხები.

ადამიანის უფლებათა ევროპული სასამართლო თავის ერთ-ერთ გადაწყვეტილებაში – იანოსევიჩი შვედეთის წინააღმდეგ – მიუთითებს, რომ საგადასახადო დაგებში და გადასახადებთან დაკავშირებულ საკითხებში სახელმწიფოს გააჩნია განსაკუთრებული ფინანსური დაინტერესება, რამეთუ გადასახადები წარმოადგენს სახელმწიფოს შემოსავლების უმთავრეს

⁸ იხ. W. Vermeend, R. Ploeg, J. W. Timmer, E. Elgar, Taxes and Economy A Survey of the Impact of Taxes on Growth, Employment, Investment, Consumption and the Environment, Published by E. Elgar, Glensanda House Montpellier Parade, Cheltenham UK, 2008, pp. 13.

⁹ მაგალითად ცნობილი ბრიტანული როკ-ჯგუფის ბიოლზის შემოქმედება, ასევე ჯგუფ კინქსის სიმღერები, რომელშიც მომღერლები უარყოფითად აფასებენ მაღალ საგადასახადო განაკვეთებს და მკაცრ საგადასახადო სისტემას. იხ. W. Vermeend, R. Ploeg, J. W. Timmer, E. Elgar, Taxes and Economy A Survey of the Impact of Taxes on Growth, Employment, Investment, Consumption and the Environment, Published by E. Elgar, Glensanda House Montpellier Parade, Cheltenham UK, 2008, pp. 14.

¹⁰ იხ. ოფიციალური ინფორმაცია საქართველოს ფინანსთა სამინისტროს ვებ-გვერდზე <<http://www.mof.ge/News/4914#>> [14.08.2012]; და იქვე 2011 წლის სახელმწიფო ბიუჯეტის შესრულების მონაცამები <http://www.mof.ge/common/get_doc.aspx?doc_id=9288> [14.08.2012].

წყაროს. საგადასახადო სისტემა, რომელიც უმეტესწილად გადამხდელთა მიერ წარდგენილ ინფორმაციას ეფუძნება, ვერ იქნება გამართული, თუ სახელმწიფო არ შექმნის სტანდარტულ და ეფექტურ პროცედურებსა და შესაბამის ნორმებს, რომლებიც განსაზღვრავს პასუხისმგებლობას არასწორად წარდგენილი ინფორმაციებისთვის და გადამხდელებს შესაბამის პასუხისმგებლობას დააკისრებს.¹¹

საქართველოში საგადასახადო სამართალი მეცნიერული კვლევის თვალსაზრისით ნაკლები დაინტერესებით გამოირჩევა. სამართლის სხვა დარგებისგან განსხვავებით, ქართული სამეცნიერო ლიტერატურა განებივრებული არ არის ამ სფეროში კვლევებისა და სამეცნიერო ნაშრომების სიმრავლით, ისევე როგორც თავად ამ დარგში მომუშავე მეცნიერების სიმრავლით, რაც ჩვენი სამეცნიერო სივრცისთვის დიდი პრობლემაა.

მეცნიერთა მხრიდან ამ საკითხის მიმართ ნაკლები დაინტერესების მიუხედავად, თავად გადასახადები ქართულ რეალობასა და ისტორიაში მნიშვნელოვან ადგილს იკავებს.

ფეოდალურ საქართველოში სხვადასხვა სახის გადასახადები იყო დაწესებული. გლეხების უმრავლესობა გადასახადებს ნატურის სახით იხდიდა, იმის მიხედვით, თუ რისი წარმოების შესაძლებლობა გააჩნდათ. როგორც საქართველოს სახელმწიფოსა და სამართლის ისტორიის ნარკევებშია აღნიშნული, ფეოდალურ საქართველოში 149-ზე მეტი სახის გადასახადი მოქმედებდა და გადასახადები განსაკუთრებული სიჭრელით გამოირჩეოდა.¹² გადასახადების მრავალფეროვნების მიუხედავად, რომელიც ფეოდალური საქართველოს სხვადასხვა სამართლის წყაროებით იყო დადგენილი, სამეცნიერო ლიტერატურაში არაფერია ნათქვამი ამ გადასახადების გადაუხდელობის გამო დაკისრებული პასუხისმგებლობის შესახებ.¹³

საგადასახადო სამართალდარღვევების სამართლებრივ რეგულირებას მეფის რუსეთში ვეზდებით მე-19 საუკუნის ბოლოს, როცა რუსეთის გავლენა საქართველოზე საკმაოდ დიდი იყო. სხვადასხვა საგადასახადო სამართალდარღვევისთვის პასუხისმგებლობა გათვალისწინებული იყო სხვადასხვა სამართლებრივ აქტში. მაგალითად ე.წ. აქციზური საქონლის რეალიზაცია სათანადო ნიშანდების გარეშე იწვევდა შესაბამის პასუხისმგებლობას.¹⁴ მე-19 საუკუნის ბოლოს რუსეთში საგადასახადო სამართლის განვითარების მიმართულებით სერიოზული ძრები შეიმჩნეოდა, თუმცა 1921 წლიდან საბჭოთა ხელისუფლების დამყარებით აღნიშნული პროცესი შეფერხდა და სრულიად სხვა მიმართულებით განვითარდა.¹⁵

¹¹ იბ. ადამიანის უფლებათა ევროპული სასამართლოს გადაწყვეტილება Janosevic v. Sweden, 2003, ECHR <<http://hudoc.echr.coe.int/sites/eng/pages/search.aspx?i=001-60628>> [23.07.2012].

¹² იბ. ივ. სურგულაძე, ნარკევები საქართველოს სახელმწიფოსა და სამართლის ისტორიიდან, საქართველოს სსრ კულტურის სამინისტრო, სახელმწიფო გამომცემლობა ცოდნა, თბილისი 1963წ. გვ. 222.

¹³ იბ. იქვე, გვ. 165-259.

¹⁴ იბ. В.В. Мудрых, Ответственность за нарушения налогового законодательства, Под Ред. Н.Д Ериашвили, Издательство Юнити дана, Москва, 2001г. ст.25-26.

¹⁵ იბ. იქვე, ст. 27.

საბჭოთა კავშირის დაშლის შემდეგ მასში შემავალ რესპუბლიკებში საგადასახადო სამართლის ნორმათა არასტაბილურობა და ხშირი ცვალებადობა, ისევე, როგორც მათ რეალიზაციასთან დაკავშირებული სხვადასხვა პრობლემის არსებობა, ლიტერატურაში აიხსნება საგადასახადო სფეროში კანონმდებლების სუსტი თეორიული ცოდნით, რაც თავისთავად იწვევდა დაუხვეწავი და მოუქნელი კანონმდებლობის მიღებას. აქვე უნდა აღინიშნოს, რომ თავად საბჭოთა იდეოლოგია გამორიცხავდა გადასახადების არსებობას იმ დანიშნულებით, რაც საფუძვლად უდევს კაპიტალისტურ საზოგადოებას. გადასახადების არსებობა საბჭოთა ხელისუფლების დროს მხოლოდ ფასადურ ხასიათს ატარებდა.

კვლევის მიზანი და შესწავლის საგანი

გადასახადების გადახდევინებისა და საგადასახადო სამართალდარღვევების თემის განსაკუთრებულმა მნიშვნელობამ წარსულსა და აწმყოში განაპირობა წინამდებარე სადისერტაციო ნაშრომის კვლევის საგნის შერჩევა. საგადასახადო სამართალდარღვევებთან დაკავშირებული საკითხები ერთ-ერთ ყველაზე აქტუალურ და საინტერესო საკვლევ საკითხებს მიეკუთვნება, ვინაიდან დაბეგვრის სფეროში სამართალდარღვევების ჩადენა და შესაბამისი პასუხისმგებლობის დაკისრება უშუალოდ არის დაკავშირებული გადასახადების ეფექტურად ამოღებასთან, რაც პირდაპირ ზეგავლენას ახდენს ქვეყნის საბიუკეტო ინტერესზე. ამასთანავე, ამ პროცესში მაღალი საზოგადოებრივი თუ საჯარო ინტერესის არსებობის ფონზე მნიშვნელოვანია, თითოეულმა დემოკრატიულმა სახელმწიფომ უზრუნველყოს ეფექტური სამართლებრივი მექანიზმების შექმნა, რომლებიც, თავის მხრივ, ადამიანის უფლებებისა და თავისუფლებების დაცვას უზრუნველყოფენ. ინტერესების დაბალანსების საჭიროება და საგადასახადო ვალდებულებების შესრულების საკითხის განხილვა ადმინისტრაციული სამართლის ჭრილში კიდევ უფრო საინტერესოს ხდის კვლევის საგანს. წინამდებარე სადისერტაციო ნაშრომი წარმოადგენს პირველ მცდელობას საგადასახადო სამართალდარღვევებსა და პასუხისმგებლობასთან დაკავშირებული სხვადასხვა სამართლებრივი პრობლემა შესწავლილ იქნეს ადმინისტრაციული სამართლისა და სხვადასხვა სამართლებრივი სისტემის ჭრილში.

წინამდებარე სადისერტაციო ნაშრომში შესწავლილი იქნება საგადასახადო სამართალდარღვევებისა და საგადასახადო პასუხისმგებლობასთან დაკავშირებული შემდეგი საკითხები:

- თანამედროვე დასავლურ სამართლებრივ ლიტერატურაში საგადასახადო სამართალდარღვევებთან დაკავშირებული საკითხები სხვადასხვა მიმართულებით არის აქტუალური. ნაწილი საკითხებისა საფუძვლიანად არის შესწავლილი, თუმცა ნაწილი თანამედროვეობისა და საზოგადოებრივი ურთიერთობების სიახლის გამო დასავლურ იურიდიულ ლიტერატურაში მხოლოდ ზოგადად განიხილება. აღნიშნული საკითხების შესწავლის მნიშვნელობა მომავალში კიდევ უფრო გაიზრდება და ქართულ

თეორიაში მათი შესწავლის აუცილებლობაც გაჩნდება. საგადასახადო პასუხისმგებლობის ძირეული საკითხების განხილვამდე სადისერტაციო ნაშრომში მიმოხილული იქნება ასეთი აქტუალური საკითხები. კერძოდ, საგადასახადო სამართლის ცნება და მისი აღილი სამართლებრივ სისტემაში; საგადასახადო პასუხისმგებლობის რეგულირებასთან მიმართებით სახელმწიფოს პოლიტიკური ნების გამოკვეთის მიზნებისთვის განხილული იქნება საგადასახადო სამართლის და, მათ შორის, პასუხისმგებლობასთან დაკავშირებულ რეგულაციებზე პოლიტიკის ზეგავლენა და პოლიტიკური მოვლენებისა და ცვლილებების მიმართ საგადასახადო კანონმდებლობის მდგრადობა; ასევე, ელექტრონული კომუნიკაციის ზეგავლენა საგადასახადო ურთიერთობებზე.

- საგადასახადო სამართლდარღვევებისა და პასუხისმგებლობის ცნებების დადგენასა და შესწავლამდე უშუალოდ უნდა იქნეს განსაზღვრული საგადასახადო პასუხისმგებლობის მიკუთვნება იურიდიულ პასუხისმგებლობათა კონკრეტული სახის მიმართ; ამასთან, ამ საკითხის უშუალოდ განხილვამდე, შესწავლილი იქნება სხვადასხვა სახის იურიდიულ პასუხისმგებლობას შორის მიჯნა და განსხვავებული მიღების საერთო სამართლისა და კონტინენტური სამართლის სისტემებს შორის. ეს კვლევა მნიშვნელოვანია, რამეთუ შედარებითი კვლევის მეთოდით საგადასახადო სამართლდარღვევებისა და პასუხისმგებლობის საკითხის განხილვისას განხორციელდეს სწორი შეფასებები განსხვავებული სისტემების ცნებებთან მიმართებით. შედეგად საშუალება იქნება განისაზღვროს საგადასახადო სამართლდარღვევების აღმინისტრაციული სამართლდარღვევებისადმი მიკუთვნებისა და საგადასახადო პასუხისმგებლობის აღმინისტრაციული პასუხისმგებლობის ნაირსახეობად მიჩნევის საკითხი.

- ნაშრომის ფარგლებში მოხდება საგადასახადო პასუხისმგებლობის დაკისრების პრინციპების შესწავლა და ასევე, ახსნილი იქნება საგადასახადო სამართლდარღვევების ჩადენისა და საგადასახადო კანონმდებლობის მოთხოვნათა შესრულების წინაპირობებთან დაკავშირებული საკითხების მნიშვნელობა და მათი კვლევის აუცილებლობა;

- ძალიან მნიშვნელოვანია თავად საგადასახადო სამართლდარღვევის ცნება. სამართლებრივ ლიტერატურაში აღნიშნული საკითხის განხილვის არარსებობისა და მსჯელობის სიმწირის ფონზე აუცილებელია სწორად განისაზღვროს მისი შემადგენელი ელემენტების განსაზღვრის მეთოდოლოგია და შემდგომ წარიმართოს ამ ცალკეული ელემენტის შესწავლა და მეცნიერული შეფასებების წარმოდგენა;

- სადისერტაციო ნაშრომის ცალკე თავში იქნება შესწავლილი საგადასახადო სამართლდარღვევების ჩამდენი სუბიექტების სამართლებრივი ცნებისა და განსაზღვრის პროცედურა;

- საგადასახადო პასუხისმგებლობის საკითხებთან უშუალოდ არის დაკავშირებული პასუხისმგებლობის შესაბამისი ზომებისა და სანქციის საკითხები. მნიშვნელოვანია, განხორციელდეს ამ საკითხების სათანადო შესწავლა და კვლევა, განხილულ იქნეს ცალკეული სახის სანქცია და მათი გამოყენების თავისებურებანი;

- საგადასახადო პასუხისმგებლობის დაკისრებას წინ უნდა უძღვდეს საკითხის განხილვა და საჭიროების შემთხვევაში საგადასახადო ორგანოების მიერ პასუხისმგებლობის დაკისრებასთან დაკავშირებით მიღებული გადაწყვეტილებების კანონიერების სასამართლო წესით შესწავლა. სადისერტაციო ნაშრომის შესაბამის თავში შედარებითი კვლევის ფარგლებსა და ჭრილში შესწავლილი და შეფასებული იქნება არსებული საკანონმდებლო რეგულაციები და გამოვლენილი იქნება ამ მიმართულებით არსებული ცალკეული თეორიული და პრაქტიკული პრობლემები;
- ნებისმიერი სახის პასუხისმგებლობის მსგავსად, კანონმდებლობა უნდა ითვალისწინებდეს საგადასახადო პასუხისმგებლობისგან გათავისუფლებისა ან/და პასუხისმგებლობის შემამსუბუქებელ და დამამდიმებელ გარემოებებს. ნაშრომში მოხდება ამ საკითხის შესწავლა და ამ საფუძვლების არსებობის დადგენა, ასევე, მათი შეფასება შედარებითი სამართლებრივი კვლევის საფუძველზე.
ზემოაღნიშნული ყველა საკითხის შესწავლა წარიმართება ადმინისტრაციული სამართლის ჭრილში, რაც კვლევას კიდევ უფრო დიდ მნიშვნელობას ანიჭებს, ვინაიდან საგადასახადო სამართალდარღვევებისა და პასუხისმგებლობის საკითხების ამ კუთხით შესწავლა ქართულ სამართლებრივ ლიტერატურაში არ განხორციელებულა. მნიშვნელოვანია ისიც, რომ დასახელებული საკითხები ქმნის მნიშვნელოვან საკითხთა წრეს, რომელთა შესწავლაც აუცილებელია საგადასახადო სფეროში პასუხისმგებლობის საკითხების მეცნიერული შეფასებისთვის.
აღნიშნული საკითხების კვლევის შედეგად, ერთი მხრივ, მოხდება საგადასახადო სამართალდარღვევებთან დაკავშირებული მთელი რიგი საკითხების აღწერა და მათი სისტემური გააზრება, რაც მნიშვნელოვანია არა მხოლოდ კონკრეტული საკითხების, არამედ საგადასახადო სამართლის, როგორც სამართლის მეცნიერების, დარგის განვითარებისთვის.
კვლევის შედეგად, ასევე, გამოიყოფა ცალკეული პრობლემური საკითხები კანონმდებლობაში, რომელთა გადასაწყვეტად წარმოდგენილი იქნება რეკომენდაციები.

კვლევის მეთოდები

სადისერტაციო ნაშრომზე მუშაობის პროცესში გამოყენებულ იქნა ისტორიული, დოგმატური, აღწერილობითი, შედარებით-სამართლებრივი კვლევის მეთოდები.
სხვადასხვა საკითხთან დაკავშირებით შედარებით- სამართლებრივი ანალიზის განხორციელებისას, როცა ამა თუ იმ ქვეყნის მსგავსი სამართლებრივი ინსტიტუტების მსგავსება/განსხვავებების დადგენა ხდება, მკითხველმა უნდა გაითვალისწინოს, რომ სხვადასხვა ქვეყანაში საგადასახადო სისტემები და სამართლებრივი ნორმები განსაკუთრებული სირთულითა და მრავალფეროვნებით გამოირჩევა. განსაკუთრებულად დიდი განსხვავებაა ანგლო-ამერიკული, საერთო სამართლის სახელმწიფოებსა და კონტინენტური სახელმწიფოების სამართლებრივ მოწესრიგებას შორის.

კვლევის ფარგლებში აშშ-ის სისტემის შესწავლის გარდა, განხილული იქნება ევროპული და ყოფილი საბჭოთა რესპუბლიკების გამოცდილებაც საკვლევ საკითხებთან დაკავშირებით.

თავი 1. საგადასახადო სამართლის ადგილი სამართლებრივ სისტემაში და საგადასახადო ვალდებულებათა შეუსრულებლობასთან დაკავშირებული პრობლემური საკითხები სხვადასხვა სამართლებრივ სისტემაში

1.1 საგადასახადო სამართლის ადგილი სამართლებრივ სისტემაში

სადისერტაციო ნაშრომის ერთ-ერთი კვლევის საგანია საგადასახადო სამართლდარღვევებისა და შესაბამისი პასუხისმგებლობის ადგილის განსაზღვრა იურიდიული პასუხისმგებლობის სხვადასხვა სახეს შორის. აღნიშნული საკითხის შესწავლისთვის აუცილებელია თავდაპირველად შესწავლილ იქნეს თავად საგადასახადო სამართლის ადგილის საკითხი სამართლებრივ სისტემაში.

სამეცნიერო ლიტერატურაში აღნიშნულ საკითხთან დაკავშირებით განსხვავებული მოსაზრებები განიხილება. მეცნიერთა ნაწილის აზრით, საგადასახადო სამართლი საჯარო სამართლის სპეციალური დარგია. ამავე დროს, შეიძლება ის ადმინისტრაციული სამართლის ნაწილად ჩაითვალოს. თეორიული მოსაზრებით, საგადასახადო სამართლი განსაზღვრავს მოქალაქეთა საგადასახადო ვალდებულებებს და სახელმწიფოს საგადასახადო უფლებების განხორციელების საკითხებს. მეცნიერთა აზრით, საგადასახადო სამართლი გამიჯნული უნდა იყოს საფინანსო სამართლისგან, რომელიც აწესრიგებს გადასახადების განაწილებას და ასევე, საბიუჯეტო სამართლისგან, რომელიც განსაზღვრავს გადასახადების გამოყენებას.¹⁶

ზ. როგავას მოსაზრებით, საგადასახადო სამართლი შედარებით ახალი და რაც მთავარია, თანამედროვე საფინანსო-სამართლებრივ მეცნიერებაში ნაკლებად შესწავლილი მოვლენაა.¹⁷

განსხვავებულია რუს მეცნიერთა შეხედულებები საგადასახადო სამართლის ამა თუ იმ დარგისთვის მიკუთვნებასთან დაკავშირებით. მეცნიერთა ნაწილი მიიჩნევს, რომ საგადასახადო სამართლი წარმოადგენს საფინანსო სამართლის განუყოფელ ნაწილს და მისი ქვედარგია. ნაწილი თვლის, რომ საგადასახადო სამართლის განვითარების ტენდენციების შესაბამისად ის უკვე საჯარო სამართლის დამოუკიდებელი დარგია. ნაწილს კი მიაჩნია, რომ საფინანსო სამართლის ერთ-ერთი ყველაზე გამორჩეულად დიდი დარგია. ასევე, არსებობს მოსაზრება, რომ საგადასახადო სამართლი

¹⁶ იხ. ლ. ჭანტურია, „შესავალი საქართველოს სამოქალაქო სამართლის ზოგად ნაწილში, გამომცემლობა სამართლი, რედ. პროფესორი ს. ჯორბენაძე, თბილისი, 1997წ. გვ. 49.

¹⁷ იხ. ზ. როგავა გადასახადები, საგადასახადო სისტემა და საგადასახადო სამართლი, ბაკნი, ბონდო მაცაბერიძის გამოცემლობა, თბილისი, 2002წ. გვ. 47.

ყალიბდება, როგორც სამართლის დამოუკიდებელი დარგი,¹⁸ რაც, თავის მხრივ, არ ეწინააღმდეგება ზემოაღნიშნულ სხვა ავტორთა მოსაზრებას საგადასახადო სამართლის საჯარო სამართლის დამოუკიდებელ დარგად მიჩნევასთან დაკავშირებით. კიდევ ერთი მოსაზრების თანახმად, მიიჩნევა, რომ რამდენადაც ფულადი სახსრების განაწილების მთავარ ბერკეტს საგადასახადო სისტემა, კერძოდ კი გადასახადები წარმოადგენს, საგადასახადო ურთიერთობები და მაშასადამე, საგადასახადო სამართლი, საფინანსო სამართლურთიერთობათა სფეროს მიეკუთვნება.¹⁹

საგადასახადო სამართლის ცნებისა და ფარგლების შესახებ მსჯელობა, შესაძლებელია, ასევე, საგადასახადო ორგანოების საქმიანობის მარეგულირებელი ნორმებიდან გამომდინარე. საგადასახადო ადმინისტრაციების საქმიანობა თავისთავად დაკავშირებულია არა მხოლოდ საგადასახადო სამართლთან, არამედ ადმინისტრაციულ სამართლთანაც. საგადასახადო ადმინისტრაციების საქმიანობის სხვადასხვა საკითხი და მათ მიერ პროცედურების განხორციელება, უმეტეს შემთხვევებში, მოწესრიგებულია ადმინისტრაციული სამართლით და სამეცნიერო ლიტერატურაში მეცნიერთა ნაწილს მიაჩნია, რომ ამ შემთხვევაში არ არის აუცილებელი ცალკე საგადასახადო კანონმდებლობით საგადასახადო პროცედურების რეგულირება.²⁰

ამ მხრივ მნიშვნელოვანია, ასევე, საქართველოს უზენაესი სასამართლოს განმარტებანი. საქართველოს უზენაესი სასამართლო თავის გადაწყვეტილებებში ხშირად მიუთითებს საგადასახადო ორგანოს გალდებულებაზე, საქმის განხილვისას შესაბამის სპეციალურ კანონმდებლობასთან ერთად გამოიყენოს ზოგადი ადმინისტრაციული კოდექსი, რომელიც განსაზღვრავს და აღგენს ადმინისტრაციულ ორგანოებში ადმინისტრაციული წარმოების წესებს. მაგალითად, საქართველოს უზენაესი სასამართლოს 2006 წლის 9 მარტის განჩინებაში №ბს-888-474(კ-05) მითითებულია, რომ საგადასახადო ორგანო საგადასახადო კანონმდებლობასთან ერთად ვალდებული იყო გადაწყვეტილების მიღების დროს გამოერკვია და დაედგინა საქმისთვის საჭირო და მნიშვნელოვანი გარემოებები ზოგადი ადმინისტრაციული კოდექსით დადგენილი წესების შესაბამისად.²¹ ამდენად, აღნიშნულზე მითითებით სასამართლო საგადასახადო ორგანოების მიმართ ადმინისტრაციული სამართლის გავრცელებაზე მიუთითებს.

გარდა ამისა, საქართველოს უზენაესი სასამართლო ერთ-ერთ გადაწყვეტილებაში განმარტავს, რომ საგადასახადო კოდექსი განეკუთვნება საჯარო სამართლის ნორმატიულ აქტს. საგადასახადო სამართლი

¹⁸ იხ. ზ. როგავა გადასახადები, საგადასახადო სისტემა და საგადასახადო სამართლი, ბაკმი, ბონდო მაცაბერიძის გამომცემლობა, თბილისი, 2002წ. გვ. 47-50.

¹⁹ იხ. ზ. ძნელაშვილი, საგადასახადო საიდუმლოების ზოგიერთი სამართლებრივი ასპექტი, სამეცნიერო-პრაქტიკული რეცენზირებადი უურნალი მართლმსაჯულება, 2008 წ. №2 გვ. 117.

²⁰ იხ. Tax Law Design and Drafting, Editor Victor Thuronyi, International Monetary Fund, 1996, pp. 99-102.

²¹ იხ. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2006 წლის 9 მარტის გადაწყვეტილება №ბს-888-474 (კ-05), საქართველოს უზენაესი სასამართლოს გადაწყვეტილებანი ადმინისტრაციულ და სხვა კატეგორიის საქმეებზე, რედ. ს. ჯორბენაძე (საგადასახადო სამართლი 2006 წ. №3), გვ. 43.

არეგულირებს სახელმწიფო მმართველობის სფეროში წარმოშობილ სამართალურთიერთობებს, რომლის ერთ-ერთი სუბიექტი უცილობლად არის სახელმწიფო მმართველობის განმახორციელებელი ადმინისტრაციული ორგანო. შესაბამისად, საგადასახადო ორგანოების საქმიანობა წარმოადგენს მმართველობის სფეროში საჯარო სამართლებრივი ფუნქციის განხორციელებას. სამართლებრივი ურთიერთობა საგადასახადო სფეროში არის სახელმწიფოს შესაბამისი ინსტიტუტების, ფიზიკური და იურიდიული პირების (სამართლის სუბიექტების) სამართლებრივი ნორმებით განსაზღვრული უფლებებისა და მოვალეობების შესრულება, რომლებიც წარმოშობა საგადასახადო საქმიანობის განხორციელებასთან დაკავშირებით, ხოლო სამართალურთიერთობის მონაწილეებს საგადასახადო სფეროში ერთმანეთის მიმართ გააჩნიათ სამართლის ნორმით დადგენილი უფლებანი და მოვალეობანი, რომელთა შესრულება უზრუნველყოფილია კანონმორჩილებით და მისი დარღვევის შემთხვევაში - სახელმწიფო იძულებით.²²

საკითხის კვლევისას მეცნიერთა შეხედულებებისა და შიდა ეროვნული სასამართლო პრაქტიკის შესწავლის გარდა, მნიშვნელოვანია ადამიანის უფლებათა ევროპული სასამართლოს პრეცედენტული სამართალიც. ადამიანის უფლებათა ევროპული კონვენციის მე-6 მუხლი (სამართლიანი სასამართლოს უფლება) იცავს წევრი სახელმწიფოების მიერ სამართლიანი სასამართლოს პრინციპის დაცვით მართლმსაჯულების განხორციელების უზრუნველყოფას თითოეულ წევრ სახელმწიფოში. ადამიანის უფლებათა ევროპულმა სასამართლომ საგადასახადო ჯარიმების დაკისრებასთან დაკავშირებულ ერთ-ერთი საქმეში, ფერაზინი იტალიის წინააღმდეგ, განმარტა, რომ ინდივიდს შესაძლოა გააჩნდეს სახელმწიფოს წინაშე ფულადი ვალდებულებები, რომელიც ერთმნიშვნელოვნად მიეკუთვნება საჯარო სამართლის სფეროს და სამართლიანი სასამართლოს მიზნებისთვის მასზე არ ვრცელდება კონვენციის დაცვის სფერო. სასამართლო მიიჩნევს, რომ ადამიანის უფლებათა ევროპული კონვენციის მიღების შემდეგ საგადასახადო სფეროში განხორციელებული ცვლილებების მიუხედავად, საგადასახადო ვალდებულების ფუნდამენტური ბუნება არ შეცვლილა. საგადასახადო საკითხები კვლავ რჩება სახელმწიფოს უფლებამოსილების სფეროდ, რომელშიც საჯარო ბუნება და ხასიათი გადასახადის გადამხდელებსა და სახელმწიფოს შორის რჩება დომინანტური. ამასთან, სასამართლო კონვენციის მუხლებს განმარტავს დამატებით ოქმებთან ერთობლიობაში და მიუთითებს პირველი დამატებითი ოქმის პირველ მუხლზე, რომლის თანახმად, სახელმწიფოს რჩება უფლება შემოიღოს კანონები გადასახადების გადახდევინების უზრუნველსაყოფად, რომლებიც, ასევე, არ შედის ადამიანის უფლებათა ევროპული კონვენციით

²² იხ. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2009 წლის 27 იანვრის გადაწყვეტილება №ბს-1133-1095(კ-08), საქართველოს უზენაესი სასამართლოს გადაწყვეტილებანი ადმინისტრაციულ საქმეებზე, რედ. ს. ჯორბეგაძე (საგადასახადო დაცები 2009 წ. №12) გვ. 240-244.

დაცულ სფეროში მე-6 მუხლის მიზნებისთვის.²³ შესაბამისად, ის მიეკუთვნება საჯარო სფეროს.

ამდენად, საგადასახადო სამართლის ცნებასთან დაკავშირებით არსებობს განსხვავებული მიღვომები. თუმცა განსხვავებული მიღვომებიდან გამომდინარე დასკვნის სახით შესაძლოა აღინიშნოს, რომ საგადასახადო სამართლი, რეგულირების სფეროდან გამომდინარე, წარმოადგენს ადმინისტრაციული სამართლის განსაკუთრებულ ნაწილს და აწესრიგებს სპეციფიკურ ადმინისტრაციულ-სამართლებრივ ურთიერთობებს, რომლებიც დაბეგვრის პრინციპებიდან გამომდინარე წარმოიშობა გადამხდელებსა და სახელმწიფოს შორის.

1.2 პოლიტიკის ზეგავლენა საგადასახადო სამართლდარღვევებზე და პასუხისმგებლობის დამდგენ სამართლებრივ ნორმათა სიცხადის აუცილებლობა

საქართველოსგან განსხვავებით განსაკუთრებული მრავალფეროვნებით გამოირჩევა დასავლური სამეცნიერო ლიტერატურა, რომელშიც საგადასახადო საკითხების კვლევას მრავალსაუკუნოვანი ისტორია აქვს. მსჯელობის საგანს წარმოადგენს საკითხები, რომელთა შესახებ არა მარტო საქართველოს სამეცნიერო ლიტერატურა, არამედ კანონმდებლობაც დუმს.

დასავლურ ლიტერატურაში საგადასახადო სამართლის სხვადასხვა საკითხთან ერთად, რომლებიც პასუხისმგებლობის მეტ-ნაკლებად ტრადიციულ და დოგმატურ საკითხებს მიეკუთვნება, შესწავლის საგანს წარმოადგენს თანამედროვე და ასევე, ნოვაციური სამართლებრივი პრობლემები.²⁴

გარდა წმინდა სამართლებრივი კატეგორიებისა, შესწავლის თვალსაზრისით საინტერესოა საგადასახადო პასუხისმგებლობაზე და ზოგადად, საგადასახადო კანონმდებლობაზე პოლიტიკის ზეგავლენის საკითხი. ნებისმიერ სახელმწიფოში საგადასახადო სისტემა სამართლებრივ და ეკონომიკურ ასპექტებთან ერთად ყველაზე უფრო მეტად განიცდის პოლიტიკური კონიუნქტურისა და პოლიტიკური გადაწყვეტილებების ზეგავლენას. როგორც წესი, საგადასახადო სისტემის ჩარჩოს განსაზღვრავს ქვეყანაში მმართველი პოლიტიკური ძალის გადაწყვეტილებები.²⁵ აღნიშნული კი, როგორც ევროპელი მეცნიერები თვლიან, თავის თავად იწვევს სხვა სფეროებთან შედარებით საგადასახადო სისტემის ხშირ ცვლილებებს, რაც უფრო მეტად ართვლებს და ამძიმებს როგორ და კომპლექსურ საგადასახადო კანონმდებლობას.²⁶

²³ ი. ადამიანის უფლებათა ევროპული სასამართლოს გადაწყვეტილება Ferrazzini v. Italy, 2001, ECHR, <<http://hudoc.echr.coe.int/sites/eng/pages/search.aspx?i=001-59589>> [11.09.2012].

²⁴ ი. D. D. Bobek, R. C. Hatfield and S. S. Kramer, Professional liability suits against tax accountants: Some empirical evidence regarding case merit. (Journal) “Advances in Taxation”, Emerald Group Publishing Limited. Volume 16, pp. 3-23.

²⁵ ი. W. Vermeend, R. van der Ploeg, J. W. Timmer, Ed. Elgar, Taxes and Economy; A Survey of the Impact of Taxes on Growth, Employment, Investment, Consumption and the Environment. Published by Ed. Elgar Publishing Limited; Glensanda House; Montpellier, Parade, Cheltenham UK. 2008, pp. 12

²⁶ ი. იქვე, pp. 12.

1928 წელს აშშ-ის უზენაესმა სასამართლომ თავის ერთ-ერთ გადაწყვეტილებაში მიუთითა, რომ სანამ სასამართლო არსებობს, დაბეგვრის ძალაუფლება არ არის განადგურების ძალაუფლების თანასწორი, თუმცა როგორც თავად ამერიკელი მკვლევარები აღნიშნავენ, დროთა განმავლობაში აღნიშნული მიდგომა რადიკალურად შეიცვალა და დაბეგვრის ძალაუფლებამ მოიცვა თავის თავში განადგურების ძალაუფლება, რაც გარეკველწილად გადასახადების პოლიტიკურმა ხასიათმა განაპირობა.²⁷

საგადასახადო სამართლის საკითხებზე პოლიტიკური მოსაზრებებისა და პოლიტიკური ნების გამოხატულებაზეა მსჯელობა სხვადასხვა ამერიკულ კვლევასა და პუბლიკაციაშიც. მკვლევართა აზრით, თავად აშშ-შიც საგადასახადო დავების განხილვისას ძალიან დიდია პოლიტიკური ზეგავლენა, რამეთუ მოსამართლეთა მხრიდან ამ დავების განხილვისას მათი პოლიტიკური მრწამსი, როგორც წესი, გამოძახილს პოულობს მათ მიერ მიღებულ გადაწყვეტილებებში.²⁸

აშშ-ში გადასახადების მიმართ დამოკიდებულება, რაც თავისთავად აისახება შემდგომ უკვე საგადასახადო პოლიტიკის ჩამოყალიბებაში, ძალიან მნიშვნელოვანია. ხშირად ამერიკულ სამეცნიერო ლიტერატურაში გადასახადების გადაუხდელობა და მათთან დაკავშირებული დარღვევები თავისი ხარისხით შედარებულია ისეთ მძიმე დანაშაულებთან, როგორიცაა გაუპატიურება, მკვლელობა და ა.შ.²⁹ რაც, თავის მხრივ, საგადასახადო სისტემის მიმართ ამერიკელთა დამოკიდებულებით არის განპირობებული.³⁰

აშშ-ში საბიუჯეტო დეფიციტის ერთ-ერთ გამომწვევ მიზეზად განიხილება გადასახადების გადაუხდელობა, ამასთან სტატისტიკური გამოთვლებით ბიუჯეტში გადასახდელ გადასახადებსა და ფაქტობრივად გადახდილ გადასახადებს შორის სხვაობა წლიდან წლამდე იზრდება. აღნიშნულის გათვალისწინებით მზარდია ამ საკითხებისადმი მეცნიერთა ინტერესი, როგორც მათი სხვადასხვა ჭრილში ჟეწავლის, ასევე, ამ საკითხების პოლიტიკურ ჭრილში გადაწყვეტის მიმართ.³¹

საგადასახადო სამართალდარღვევების მნიშვნელობა და მათ წინააღმდეგ ბრძოლა სხვადასხვა სახელმწიფოში განსხვავებული მიღგომებითა და სიმკაცრით ხორციელდება და ესეც ამ ქვეყნების პოლიტიკის ნაწილს წარმოადგენს. ზოგიერთ დასავლურ სახელმწიფოში საგადასახადო სამართალდარღვევებს (როგორც სისტემის სამართლებრივი პასუხისმგებლობის გამომწვევი, ასევე, ადმინისტრაციული პასუხისმგებლობის დაკისრების საფუძვლები) ეკონომიკური ხასიათის სამართალდარღვევების წინააღმდეგ ბრძოლაში ნაკლებად მნიშვნელოვანი ადგილი უკავია. მაგალითად, როგორიცაა შვეიცარიაში, მაშინ როცა ისეთი

²⁷ ob. St. Moore, M. Markson, Tax Unfairness, National Review, April 18, 1994, pp. 24.

²⁸ ob. R. M. Howard, Controlling Forum Choice and Controlling Policy: Congress, Courts and the IRS, (Journal) The Policy Studies, Vol. 35, No 1. 2007, pp. 109-123.

²⁹ ob. H. A. Burton, St. S. Karlinsky, C. Blanthon, Perception of a White-Collar Crime: Tax Evasion, (Journal) "Legal Tax Research", Vol. 3, 2005, pp. 35.

³⁰ ob. Tax Law Design and Drafting, Editor V Thuronyi, International Monetary Fund, 1996, pp.168.

³¹ ob. H. A. Burton, St. S. Karlinsky, C. Blanthon, Perception of a White-Collar Crime: Tax Evasion, (Journal) "Legal Tax Research", Vol. 3, 2005, pp. 35-36.

სახელმწიფოები, როგორიცაა ავსტრალია, ამერიკის შეერთებული შტატები ან დიდი ბრიტანეთი, სადაც საეჭვო გარიგებების მიმართ კონტროლის ღონისძიებების გატარება საგადასახადო სამართალდარღვევებისა თუ ამ კატეგორიის დანაშაულებრივი ქმედებების გამოვლენისკენაა უშუალოდ მიმართული.³²

პოლიტიკის ზეგავლენასთან ერთად მნიშვნელოვანია სამართლებრივი ნორმების შინაარსობლივი სიზუსტე, არაორაზროვნება, ეფექტური და სამართლიანი მექანიზმების შექმნა და ამ საკითხების შესწავლა საქართველოში, განსაკუთრებით იმ ვითარებაში, როცა საგადასახადო ორგანოების საქმიანობა არის მუდმივი კრიტიკის ობიექტი, მათ მიერ საკანონმდებლო რეგულაციების პოლიტიკური მიზნებისთვის გამოყენების არგუმენტით. აშშ-ის სახელმწიფო დეპარტამენტის ანგარიშში უარყოფითად იყო შეფასებული საქართველოში საგადასახადო შემოწმების ჩატარებისთვის მეწარმე სუბიექტების შერჩევის ობიექტური კრიტერიუმებისა და შესაბამისი პროგრამული უზრუნველყოფის არარსებობა, რომლის მეშვეობითაც მოხდებოდა საგადასახადო რისკების ანალიზი, ასევე, შესაბამისი ობიექტური კრიტერიუმების საფუძველზე შესამოწმებელ სამეწარმეო სუბიექტთა შერჩევა, რის შედეგადაც საგადასახადო ორგანოებს არ მიეცემოდა შესაძლებლობა სუბიექტური კრიტერიუმებით შეერჩია შესამოწმებელი გადამხდელები³³ და შემოწმების საფუძველზე დაეკისრებინა შესაბამისი პასუხისმგებლობა სამართალდარღვევების ჩადენისთვის.

დაბეგვრის სფეროში ნორმების ბუნდოვანების დაუშვებლობასთან დაკავშირებით, საქართველოს უზენაესი სასამართლო განმარტავს, რომ სამართლებრივი სახელმწიფოს პრინციპი უზრუნველყოფს სამართლებრივ ნდობას, რაც, თავის მხრივ, მოითხოვს კანონის ნორმების სიცხადეს. კანონმდებლობის „არაწინააღმდეგობრიობის“ პრინციპი კი განაპირობებს კანონმდებლობის, როგორც პარმონიული ურთიერთობის არსებობას, რომელიც თავისუფალი იქნება შიდა წინააღმდეგობისგან,. სამართლებრივი სახელმწიფოს პრინციპი აწესებს კანონის ნორმების ერთმანეთთან ისე შეხამების ვალდებულებას, რომ ესა თუ ის მოქალაქე არ აღმოჩნდეს დაუცველი ურთიერთსაწინააღმდეგო მოვალეობისგან. კანონშემოქმედებით საქმიანობის განხორციელებისას კანონმდებელი შეზღუდულია ნორმატიული, სოციალური, ლოგიკური, ენობრივი და სხვა ხასიათის შეზღუდვებით. კერძოდ, კანონმდებლის ნორმატიული შეზღუდვა კონსტიტუციიდან და სამართლებრივი სისტემის კონსტიტუციით დაცულ ნორმათა კომპლექსიდან გამომდინარეობს.³⁴

³² ი. გ. D. Chaikin, How effective are suspicious transaction reporting systems, Journal of Money Laundering Control, Vol. 12, No 3, 2009 pp. 238-25. <www.emeraldinsight.com/1368-5201.htm> [05.05.2012].

³³ ი. ამერიკის შეერთებული შტატების სახელმწიფო დეპარტამენტის ანგარიში საქართველოში ადამიანის უფლებათა მდგომარეობის შესახებ 2011 წელს. <<http://www.state.gov/documents/organization/160457.pdf>> [11.05.2012].

³⁴ ი. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2009 წლის 24 თებერვლის გადაწყვეტილება №ბს-1078-1040(კ-08), საქართველოს უზენაესი სასამართლოს გადაწყვეტილებანი ადმინისტრაციულ საქმეებზე, რედ. ს. ჯორბეგაძე (საგადასახადო დაფუძნების, 2010 წ. №2), გვ. 152-153.

1.3 ელექტრონული კომუნიკაციის გამოყენებით გამოწვეული პრობლემები საგადასახადო სფეროში და მისი ზეგავლენა სამართალდარღვევებზე

სამართალდარღვევების საკითხებთან მიმართებით მნიშვნელოვანია, ასევე, თანამედროვე ტექნოლოგიების საკითხიც. თანამედროვე ტექნოლოგიებმა და ინტერნეტმა მნიშვნელოვნად შეცვალა ადამიანების ცხოვრება და რა თქმა უნდა, დიდი ზეგავლენა იქნია საგაჭრო და სამეწარმეო ურთიერთობებზე. ჯერ კიდევ 2006 წელს მკვლევარები სამეცნიერო სტატიებში მიუთითებდნენ, რომ 2008 წლისთვის აშშ-ში ინტერნეტის მეშვეობით განხორციელებული საგაჭრო ოპერაციების საერთო ბრუნვა შეიძლება ყოფილიყო 230 ბილიონი აშშ დოლარი. ინტერნეტმა მეწარმეებს ელექტრონული სამეწარმეო საქმიანობის განხორციელების შესაძლებლობა მისცა, რამაც მათი საქმიანობის არეალი მნიშვნელოვნად გაზარდა.³⁵ თანამედროვე დასავლურ სამეცნიერო ლიტერატურაში უკვე აქტიურად მსჯელობენ, თუ რა მზარდ მნიშვნელობას იძენს ადამიანების ცხოვრებაში ინტერნეტი და მისი მეშვეობით სხვადასხვა სახის სამართლებრივ ურთიერთობებზი მონაწილეობა. ინტერნეტმა მოიცვა, როგორც პირთა შორის კერძო სამართლებრივი, ასევე, საჯარო სამართლებრივი ურთიერთობები, რომელთა შორის აქტიურად განიხილება დაბეგვრასთან დაკავშირებული საკითხებიც. საკითხის სირთულის გამო, რაც გამოწვეულია კომუნიკაციის - ინტერნეტის საშუალებით სხვადასხვა სახის ურთიერთობებზი დიდი რაოდენობით და შორეულ მანძილზე სუბიექტების მონაწილეობით, ასევე, თანამედროვე სამყაროში ინტერნეტისა და სხვადასხვა საკომუნიკაციო საშუალებისადმი ხელმისაწვდომობით, საგადასახადო სამართალდარღვევებმა და მათი ჩადენის გამო პირების მიმართ საგადასახადო პასუხისმგებლობის დაკისრების საკითხმა განსაკუთრებული მნიშვნელობა შეიძინა. სამეცნიერო ლიტერატურაში აღნიშნავენ, რომ აუცილებელია დიდი ყურადღების მიქცევა კომუნიკაციის ამ ახალი საშუალებების მიმართ, რა დროსაც უნდა მოწერილეს არა მარტო ზოგადად დაბეგვრასთან დაკავშირებული საკითხები, არამედ განისაზღვროს ამ არამატერიალურ სივრცეში საგადასახადო სამართალდარღვევების ჩადენის შემთხვევაში პასუხისმგებლობის დაკისრებასთან დაკავშირებული ყველა საკითხი.³⁶ საქართველოში, მსგავსად საგადასახადო სამართლის სხვა საკითხებისა, სამეცნიერო დოქტერ არ არის შესწავლითი ელექტრონული კომუნიკაციის ზეგავლენა გადასახადების აღმინისტრირებასა და საგადასახადო სამართალდარღვევების აღკვეთაზე. აღნიშნული საკითხი მსოფლიო მასშტაბით დიდ ინტერესს იწვევს და მკვლევარი იურისტების ინტერესთა სფეროშია მოქცეული.³⁷ თანამედროვე ტექნოლოგიები, მართლაც, უსაზღვრო

³⁵ ი. O. Pastukhov, International Taxation of Income Derived From Electronic Commerce, Current Problems and possible Solutions, Journal of Science and Technology Law, Boston University, Summer 2006, 12 B.U.J.SCI & TECH. L. pp. 310.

³⁶ ი. O. Pastukhov, Will internet businesses ever become interested in complying with tax law? (Journal) "Intellectual property and technology Law", Vol. 22, November 8 – August 2010, pp. 10-21.

³⁷ ი. O. Pastukhov, International Taxation of Income Derived From Electronic Commerce, Current Problems and possible Solutions, Journal of Science and Technology Law, Boston University, Summer 2006, 12 B.U.J.SCI & TECH. L. pp. 310.

შესაძლებლობებს ანიჭებს ადამიანს. ამასთან, უმეტეს სახელმწიფოებში არსებული რეგულაციები არ არის მიმართული ელექტრონული საშუალებების მეშვეობით განხორციელებული კომერციული საქმიანობის შედეგად გადასახადების გადახდისგან თავის არიდების საწინააღმდეგო ბრძოლისკენ. როგორც ამერიკელი მკვლევარები აღნიშნავენ, ელექტრონული კომერციის რევოლუციური ბუნების იგნორირებით, რაც შესაძლოა გამოიხატოს ამ ურთიერთობების მარეგულირებელი ისეთი ნორმების შემუშავებაში, რომელთა დარღვევის შემთხვევაში იგივე კანონმდებლობა არ გაითვალისწინებს ამდაგვარი საშუალებებითვე სამართალდარღვევის ჩადენის ეფექტურ გამოვლინებასა და პრევენციის მექანიზმების შექმნას, მივიღებთ ისეთ სისტემას, როცა „დამიჭირე თუ შეგიძლიას“ პრინციპი იქნება გადამწყვეტი და ამ შემთხვევაში ნებისმიერი საგადასახადო სისტემა გახდება არაეფექტური, მოუქნელი და არასტაბილური.³⁸ მაგალითად, აშშ-ში ელექტრონული კომუნიკაციის მეშვეობით ხელშეკრულებების დადების შესაძლებლობამ საფრთხე შეუქმნა გაყიდვების ე.წ. sale tax-ის³⁹ ამოღებას და გადასახადის გადამხდელებისთვის შექმნა უფრო მეტი კომფორტი, თავიდან აეცილებინათ საგადასახადო ვალდებულებები.⁴⁰ საგადასახადო სამართალდარღვებისთვის პასუხისმგებლობის დაკისრების საკითხი და ამ კუთხით კანონმდებლობის გამკაცრების პოლიტიკა ვლინდება ევროპარლამენტის დირექტივებშიც. მაგალითად, 2001/97/EC დირექტივით ევროპარლამენტი ყველა წევრ სახელმწიფოს მიუთითებს ნაციონალურ დონეზე მოხდეს ეროვნული კანონმდებლობის შეცვლა, რათა მინიმუმადე იქნეს დაყვანილი ფინანსური ინსტრუმენტების გამოყენება გადასახადების დამაღვის მიზნით.⁴¹ ამასთან, ევროკავშირი წლების განმავლობაში საგადასახადო ვალდებულებების შესრულების ხარისხისა და რაოდენობის გაზრდის მიზნით, აქტიურად ახორციელებს ინფორმაციული

³⁸ ob. O. Pastukhov, International Taxation of Income Derived From Electronic Commerce, Current Problems and possible Solutions, Journal of Science and Technology Law, Boston University, Summer 2006, 12 B.U.J.SCI & TECH. L. pp. 310.

³⁹ Sale Tax – არის ბრუნვის (გაყიდვების) გადასახადი აშშ-ში, რომლის დაწესება ხდება საქონლის მიწოდებასა და მომსახურების გაწევაზე. ამ გადასახადის დაწესების უფლება გააჩნია მხოლოდ შტატების ხელისუფლებას. გადასახადის გამოანგარიშება ხდება ბრუნვის ნებისმიერ ეტაპზე საქონლისა და მომსახურების ფასის მიხედვით გადასახადის შესაბამისი განაკვეთის გათვალისწინებით. ბრუნვის გადასახადის განაკვეთი შტატების მიხედვით განსხვავდებულია და შერყეობს 1 პროცენტიდან 10 პროცენტამდე. განსხვავდით დღგ-საგან ბრუნვის გადასახადით დაბეგვრა ერთჯერად ხდება საცალო გაყიდვების ეტაპზე, ოუმცა ერთიდაიგივე საქონლის საცალო გაყიდვების ფორმით რამდენჯერმე რეალიზაციის შემთხვევაში ეს გადასახადი რამდენჯერმე გადაიხდევინება. იხ.
http://en.wikipedia.org/wiki/Sales_taxes_in_the_United_States [14.11.2012].

⁴⁰ ob. G. R. Evans, Separate but Taxed: A Rejection of the Streamlined, Sales Tax Project through a Commerce Clause and Federalist Analysis, *Journal American University Law Review*, The American University Washington College of Law, Vol. 56, Issue 2, December 2006, <<http://digitalcommons.wcl.american.edu/cgi/viewcontent.cgi?article=1275&context=aclr>> [29.09.2012].

[\[29.09.2012\]](http://digitalcommons.wcl.american.edu/cgi/viewcontent.cgi?article=1273&context=aun)
ob. Tax policy in the European Union, European Commission
[\[24.08.2012\]](http://ec.europa.eu/publications/booklets/move/17/txt_en.pdf)

და საკომუნიკაციო ტექნოლოგიების დანერგვას და ელექტრონული დეკლარირებისა და ანგარიშგების განხორციელებას.⁴²

ამ თავში აღნიშნული საკითხები, რომლებიც დასავლურ სამეცნიერო ლიტერატურაში სხვადასხვა მიმართულებით განიხილება, მართლაც საინტერესო და მნიშვნელოვანია და საგადასახადო სამართალდარღვევების საკითხებს უკავშირდება. თუმცა ნაშრომში ამ საკითხებზე კვლევა წარმოდგენილია მხოლოდ იმ მოცულობით, რაც აუცილებელია საგადასახადო სამართალდარღვევის საკითხის განხილვისთვის და შესაძლებელია მათი სიღრმისეული შესწავლა დამოუკიდებელი კვლევის საგანი გახდეს.

თავი 2. საგადასახადო სამართალდარღვევებისა და პასუხისმგებლობის აღგილი სამართლებრივ სისტემაში

სადისერტაციო ნაშრომის ერთ-ერთი მიზანია დადგინდეს საგადასახადო სამართალდარღვევებისა და პასუხისმგებლობის ცნება, ასევე, სამართლებრივ სისტემაში საგადასახადო პასუხისმგებლობის მიკუთვნება იურიდიული პასუხისმგებლობის უკვე არსებული რომელიმე სახისადმი ან/და მისი როგორც დამოუკიდებელი პასუხისმგებლობის სახის განსაზღვრა. საგადასახადო სამართალდარღვევებისა და მათ გამო დაწესებული პასუხისმგებლობის ცნების ფარგლების დადგენისთვის სადისერტაციო ნაშრომში ეს საკითხები შესწავლილი იქნება სხვადასხვა სამართლებრივ პასუხისმგებლობასთან მიმართებით.

უშუალოდ საგადასახადო სამართალდარღვევების და პასუხისმგებლობის საკითხის გარკვევამდე, სადისერტაციო ნაშრომის კლევის საგნის შესწავლისთვის აუცილებელ ფარგლებში მიმოხილული იქნება ამა თუ იმ სამართლებრივი სისტემის იურიდიული პასუხისმგებლობის სახეებს შორის არსებული მიჯნები და სხვადასხვა სისტემის თავისებურებანი.

2.1. იურიდიული პასუხისმგებლობის სახეები სხვადასხვა სამართლებრივი სისტემის ჭრილში

საქართველოს სამეცნიერო ლიტერატურასა და სასამართლო პრაქტიკით განსაზღვრულია ის წინაპირობები, რომელთა არსებობა აუცილებელია საგადასახადო სამართალდარღვევების გამო პასუხისმგებლობის დაკისრებისთვის: 1. ნორმატიული საფუძვლების არსებობა, რომელიც ადგენს ვალდებულებას და კანონმდებლობით განსაზღვრული ამ ვალდებულების შეუსრულებლობისთვის შესაბამის სანქციას; 2. ფაქტობრივი საფუძველი – გადამხდელის მიერ ფაქტობრივად რაიმე მოქმედების/უმოქმედობის ჩადენა; 3. პროცესუალური საფუძველი –

⁴² ი. b. Tax policy in the European Union, European Commission <http://ec.europa.eu/publications/booklets/move/17/txt_en.pdf> [24.08.2012].

კომპეტენტური ორგანოს გადაწყვეტილება საგადასახადო სამართალდარღვევისთვის პასუხისმგებლობის კონკრეტული ზომის დაკისრების თაობაზე.⁴³ აღნიშნული საფუძვლები სამართალში დამკიდრებული სხვადასხვა სახის პასუხისმგებლობისთვის დადგენილი საფუძვლების მსგავსი და მხოლოდ ეს განმარტებები არ იძლევა საშუალებას განისაზღვროს, რა ტიპის სამართალდარღვევებსა და პასუხისმგებლობას მიეკუთვნება საგადასახადო სფეროში ჩადენილი დარღვევები და მათ გამო დაწესებული პასუხისმგებლობა. როგორც აღინიშნა, უშუალოდ საგადასახადო სამართალდარღვევის და საგადასახადო პასუხისმგებლობის ბუნების განსაზღვრამდე მიმოხილული იქნება სხვადასხვა სისტემაში იურიდიული პასუხისმგებლობის სახეები და მათი თავისებურებებისა და ურთიერთთანხვედრის საკითხი სხვადასხვა სამართლებრივ სისტემაში.

2.1.1. სისხლის სამართლებრივი და ადმინისტრაციული პასუხისმგებლების გამიჯვნის მქონე სამართლებრივი სისტემები

ქართულ სამართლებრივ ლიტერატურაში გაბატონებული ტრადიციული მოსახრების თანახმად, გამოყოფენ იურიდიული პასუხისმგებლობის ოთხ ძირითად სახეს: 1) სისხლის სამართლებრივი – როგორც წესი სისხლის სამართლის კანონმდებლობით დადგენილი; 2) ადმინისტრაციულ სამართლებრივი – სახელმწიფო მმართველობის საქმიანობასთან დაკავშირებული საზოგადოებრივი ურთიერთობების ხელყოფა; 3) სამოქალაქო სამართლებრივი – ქონებრივი ხასიათის პასუხისმგებლობა განსაზღვრული კანონით ან ხელშეკრულებით; 4) დისციპლინური – დაკავშირებული შრომითი დისციპლინის დარღვევასთან.⁴⁴

როგორც სამეცნიერო ლიტერატურაშია აღნიშნული, იურიდიული პასუხისმგებლობა ყოველთვის შემოფარგლულია სამართლის ნორმით, რომელიც ზემოქმედების ამა თუ იმ ზომას აწესებს.⁴⁵

საგადასახადო სამართლის საჯარო სამართლებრივი ბუნებიდან გამოდინარე, იურიდიული პასუხისმგებლობის ჩამოთვლილი სახეებიდან,

⁴³ იხ. ზ. როგავა საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა, ბაქმი, თბილისი, 2009 წ. გვ. 334 და საქართველოს უზენაესი სასამართლოს ადმინისტრაციულ საქმეთა პალატის 2009 წლის 11 ნოემბრის გადაწყვეტილება №ბს-231-225(2-ი-09), საქართველოს უზენაესი სასამართლოს გადაწყვეტილებანი ადმინისტრაციულ საქმეებზე, რედ. ს. ჯორბენაძე (საგადასახადო დაგები 2010 წ. №1), გვ. 191.

⁴⁴ იხ. ო. დვამიჩავა, ადმინისტრაციული პასუხისმგებლობის განსხვავება სხვა სახის იურიდიული პასუხიმგებლობისაგან, Georgian Electronic Scientific Journal: Jurisprudence 2006 No1(7) გვ. 13.

<<http://www.google.ge/url?sa=t&rct=j&q=&esrc=s&frm=1&source=web&cd=1&ved=0CB0QFjAA&url=http%3A%2F%2Fgesj.internet-academy.org.ge%2Fdownload.php%3Fid%3D1117.pdf&ei=VA9OUMzwO83DtAbHr4HoDg&usg=AFQjCNFpf007cDivOG5PpvINuTVHS7e6Vw>> [08.08.2012].

⁴⁵ იხ. მ. სალხინაშვილი, ვ. ლორია, ადმინისტრაციული სახდელები და მათი გამოყენება, თბილისი, 2000 წ. გვ. 18.

კვლევისას ყურადღება გამახვილდება სისხლისა და ადმინისტრაციული პასუხისმგებლობის სახეებზე.

ადმინისტრაციულ სამართალდარღვევებს საქართველოს ადმინისტრაციულ სამართალდარღვევათა კოდექსი განმარტავს, როგორც გადაცდომას. გადაცდომად ჩაითვლება სახელმწიფო ან საზოგადოებრივი წესრიგის, საქუთრების, მოქალაქეთა უფლებებისა და თავისუფლებების, მმართველობის დადგენილი წესის ხელმყოფი მართლსაწინააღმდეგო, ბრალეული (განზრას ან გაუფრთხილებელი) მოქმედება ან უმოქმედობა, რომლისთვისაც კანონმდებლობით გათვალისწინებულია ადმინისტრაციული პასუხისმგებლობა.⁴⁶ ლიტერატურაში დამკავიდრებული მოსაზრების თანახმად, ადმინისტრაციულ პასუხისმგებლობასთან ერთად დასაშვებია სხვა სახის პასუხისმგებლობის გამოყენებაც გარდა სისხლის სამართლებრივი პასუხისმგებლობისა, რომელიც შთანთქავს ადმინისტრაციულ პასუხისმგებლობას.⁴⁷ ადმინისტრაციული პასუხისმგებლობა, როგორც პასუხისმგებლობის უფრო მსუბუქი ფორმა, სისხლის სამართლის პასუხისმგებლობასთან შედარებით, არ იწვევს ნასამართლობას, არ არის დაკავშირებული მოქალაქის პირადი თავისუფლების მკაცრ შეზღუდვასთან, არ იწვევს სხვა მძიმე შედეგებს, როგორც ეს სისხლის სამართლის პასუხისმგებლობის გამოყენებისა და სასჯელის შეფარდების დროს ხდება.⁴⁸ საქართველოს სისხლის სამართლის კოდექსის პირველი მუხლის პირველ ნაწილში მითითებულია, რომ საქართველოს სისხლის სამართლის კოდექსი ადგენს სისხლისსამართლებრივი პასუხისმგებლობის საფუძველს; განსაზღვრავს, თუ რომელი ქმედებაა დანაშაულებრივი და აწესებს შესაბამის სასჯელს ან სხვა სახის სისხლისსამართლებრივ დონისძიებას.⁴⁹ ამავე კოდექსის მე-7 მუხლის პირველ ნაწილში მითითებულია, რომ სისხლის სამართლებრივი პასუხისმგებლობის საფუძველია დანაშაული, სისხლის სამართლის

⁴⁶ ი. საქართველოს ადმინისტრაციულ სამართალდარღვევათა კოდექსი (გამოქვეყნებული საქართველოს სერ უმაღლესი საბჭოს უწყებები, 1984წ. №12, მუხ. 421), მე-10 მუხლი, 2012 წლის 18 აგვისტოს მდგრმარეობით.

⁴⁷ ი. ღვამიჩავა, ადმინისტრაციული პასუხისმგებლობის განსხვავება სხვა სახის იურიდიული პასუხისმგებლობისაგან, Georgian Electronic Scientific Journal: Jurisprudence 2006 No1(7) გვ. 13

<<http://www.google.ge/url?sa=t&rct=j&q=&esrc=s&frm=1&source=web&cd=1&ved=0CB0QFjAA&url=http%3A%2F%2Fgesj.internet-academy.org.ge%2Fdownload.php%3Fid%3D1117.pdf&ei=VA9OUMzwO83DtAbHr4HoDg&usg=AFQjCNFpf007cDivOG5PpvINuTVHS7e6Vw>> [08.08.2012] და მ. სალხინაშვილი, პ. ლორია, ადმინისტრაციული სახელები და მათი გამოყენება, თბილისი, 2000წ. გვ. 18.

⁴⁸ ი. ღვამიჩავა, ადმინისტრაციული პასუხისმგებლობის განსხვავება სხვა სახის იურიდიული პასუხისმგებლობისაგან, Georgian Electronic Scientific Journal: Jurisprudence 2006 No1(7) გვ. 14.

<<http://www.google.ge/url?sa=t&rct=j&q=&esrc=s&frm=1&source=web&cd=1&ved=0CB0QFjAA&url=http%3A%2F%2Fgesj.internet-academy.org.ge%2Fdownload.php%3Fid%3D1117.pdf&ei=VA9OUMzwO83DtAbHr4HoDg&usg=AFQjCNFpf007cDivOG5PpvINuTVHS7e6Vw>> [08.08.2012].

⁴⁹ ი. საქართველოს სისხლის სამართლის კოდექსი (გამოქვეყნებული საქართველოს საკანონმდებლო მაცნე, №41 (48), 1999წ. მუხ. 209), 1-ლი მუხლის, 1-ლი ნაწილი, 2012 წლის 1 იანვრის მდგრმარეობით.

კოდექსით გათვალისწინებული მართლსაწინააღმდეგო და ბრალეული ქმედება.⁵⁰ ამდენად, სისხლის სამართლებრივი პასუხისმგებლობა უფრო მძიმე სახის პასუხისმგებლობაა ადმინისტრაციული პასუხისმგებლობისგან განსხვავებით. ამასთან, საქართველოს საგადასახადო კოდექსი ადგენს საგადასახადო სამართლდარღვევების ცნებას, რომელიც განსხვავდება დანაშაულის, ასევე, გადაცდომების ცნებისგან.⁵¹

იურიდიული პასუხისმგებლობის სახეები თეორიაში დაჯგუფებულია კერძო და საჯარო სამართლებრივ პასუხისმგებლობებიდ. ამასთან, სისხლისსამართლებრივი და ადმინისტრაციული პასუხისმგებლობის სახეები საჯარო-სამართლებრივი პასუხისმგებლობის სახეებს მიეკუთვნება.

დასავლურ სამართლებრივ სისტემებში, სადაც საქართველოს სისტემის მსგავსად პასუხისმგებლობა დადგენილია, როგორც გადაცდომებისთვის, ისე დანაშაულისთვის, აქტუალურია საკითხი ადმინისტრაციულ გადაცდომასა და სისხლისსამართლებრივ დანაშაულს შორის არსებულ განსხვავებებზე. ძველი კოდიფიკაციით, ისევე, როგორც თანამედროვე კანონმდებლობაში, ამა თუ იმ ქმედების საზოგადოებრივი საშიშროება მიიჩნევა დანაშაულის დამახასიათებელ ობიექტურ ზიშნად, რომლის მიხედვითაც ერთმანეთისგან იმიჯნება დანაშაული და ადმინისტრაციული გადაცდომა. იურიდიული მეცნიერება და კანონმდებლობა ერთმანეთისგან განასხვავებს საზოგადოებრივ საშიშროების ხასიათსა და ხარისხს. საზოგადოებრივი საშიშროების ხასიათი დგინდება იმ საზოგადოებრივი ურთიერთობების მნიშვნელობით, რაც ხელყოფილია სამართლდარღვევით, ანუ სამართალდარღვევის ობიექტით, ხოლო საზოგადოებრივი საშიშროების ხარისხის განსაზღვრისას კი მხედველობაში მიიღება ისეთი ფაქტორები, როგორიცაა სამართალდარღვევით გამოწვეული შედეგების სიმძიმე, შესაძლო ზიანის მოცულობა, სამართალდარღვევის ჩადენის დრო, ადგილი, ვითარება და სხვ. შესაბამისად, რაც უფრო დიდია ხელყოფის ობიექტის საზოგადოებრივი ღირებულება და შესაძლო მიყენებული ზიანის მოცულობა, უფრო მარტივია დასაბუთდეს ქმედების მომეტებული საზოგადოებრივი საშიშროება და პირიქით.⁵²

სამეცნიერო ლიტერატურაში მიაჩნიათ, რომ კანონმდებლობა დანაშაულისა და ადმინისტრაციული ქმედების გამიჯვნისთვის ობიექტურ კრიტერიუმს უნდა ადგენდეს, რაც არ უნდა იყოს დამოკიდებული ქმედების სუბიექტურ აღქმასა და შეფასებაზე.⁵³ მიჯნის გავლება ადმინისტრაციულ გადაცდომასა და სისხლის სამართლებრივ დანაშაულებს შორის, ასევე, აქტუალურია გერმანულ სამართლებრივ სისტემაში, სადაც ერთმანეთისგან მიჯნავენ ამ ორი სახის პასუხისმგებლობას და დიდ მნიშვნელობას ანიჭებენ

⁵⁰ იხ. საქართველოს სისხლის სამართლის კოდექსი (გამოქვეყნებული საქართველოს საკანონმდებლო მაცნე, №41 (48), 1999წ. მუხ. 209), მე-7 მუხლის, 1-ლი ნაწილი, 2012 წლის 1 იანვრის მდგრმარეობით.

⁵¹ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 269-ე მუხლი, 2012 წლის 23 აგვისტოს მდგრმარეობით.

⁵² იხ. ქ. ცხადაძე, ადმინისტრაციული გადაცდომა და მისი გამიჯვნა სისხლის სამართლის დანაშაულისაგან, უურნალი მართლმსაჯულება, 2008 წ. №2 გვ. 125.

⁵³ იხ. იქვე, გვ. 126.

სამართალდარღვევების ჩადენისთვის დადგენილი პასუხისმგებლობის სხვადასხვა ზომის განსაზღვრას. მაგალითად, ადმინისტრაციული სამართალდარღვევებისთვის პასუხისმგებლობა, უმეტეს შემთხვევებში, დადგენილია ძირითადად ჯარიმის სახით, განსხვავებით სისხლის სამართლებრივი პასუხისმგებლობის განსხვავებული ზომებისა.⁵⁴

ქართული სამეცნიერო ლიტერატურა აღნიშნულ საკითხებთან დაკავშირებით დუმს და არ იძლევა სისხლისსამართლებრივი და ადმინისტრაციულ სამართლებრივი პასუხისმგებლობის გამიჯვნის სამეცნიერო შეფასებებს, გარდა საშიშროების ხარისხის მიხედვით განსხვავებებისა.⁵⁵ ასევე, არ არის შესწავლილი საქართველოს სისტემა იგივე ევროპული სამართლის სტანდარტებთან მიმართებაში. ოუმცა ამ საკითხთან დაკავშირებით საინტერესოა საქართველოს უზენაესი სასამართლოს 2009 წლის 24 თებერვლის №ბს-1078-1040(კ-08) განჩინება, რომელშიც საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატამ განაცხადა: „ადმინისტრაციულ სამართალდარღვევათა კოდექსის მიხედვით გათვალისწინებული ადმინისტრაციული სამართალდარღვევა წარმოადგენს სამართალდარღვევის შედარებით მსუბუქ ფორმას და მისი ჩადენისას გათვალისწინებულია პასუხისმგებლობის აღკვატურად ნაკლებად მკაცრი ზომები. ადმინისტრაციული პასუხისმგებლობის ეს სახე არ არის დაკავშირებული ადამიანის თავისუფლების მკაცრ შეზღუდვასთან, არ იწვევს ნასამართლობას და სხვა იმგვარად მძიმე შედეგს, რომელიც დგება სისხლის სამართლის დანაშაულის ჩადენის შემთხვევაში და სასჯელის შეფარდების დროს. ადმინისტრაციული სამართალდარღვევის ბრალეული ჩადენა იწვევს კანონით გათვალისწინებულ შესაბამის სანქციას ანუ პასუხისმგებლობის ზომას, რაც საკასაციო სასამართლოს დასკვნით სამართლებრივი სახელმწიფოს პრინციპიდან ანუ კონკრეტულ შემთხვევაში, სამართლის ნორმის განსაზღვრულობის პრინციპიდან გამომდინარე, უნდა იყოს მკაფიოდ და გასაგებად ჩამოყალიბებული და არ უნდა იწვევდეს ორაზროვნებას სავარაუდო ადრესატებისთვის. წინააღმდეგ შემთხვევაში, სამართლებრივი გაგებით ბუნდოვანი ნორმის საფუძველზე, პირის მიმართ პასუხისმგებლობის გავრცელება ნიშნავს ადამიანის ძირითადი უფლებების შელახვას, რამდენადაც სახეზე იქნება კანონით პირდაპირ გაუთვალისწინებელი პასუხისმგებლობის დაკისრება. ეს კი პრინციპულად ეწინააღმდეგება სამართლებრივი სახელმწიფოს განცდის, პირის კანონიერი ნდობის ინსტიტუტის, კანონის უზენაესობის დამკვიდრების სასიცოცხლოდ აუცილებელ ამოცანას სამართლებრივი სახელმწიფოს ჩამოყალიბების პერიოდში.⁵⁶

⁵⁴ იხ. ქ. ცხადაქ, ადმინისტრაციული გადაცდომა და მისი გამიჯვნა სისხლის სამართლის დანაშაულისაგან, უურნალი მართლმსაჯულება, 2008წ. №2 გვ. 126-131.

⁵⁵ იხ. ვ. ლორია საქართველოს ადმინისტრაციული სამართალი, რედ. გ. გიორგაძე, გამომცემლობა მერიდიანი, თბილისი, 2002წ. გვ. 374-375.

⁵⁶ იხ. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2009 წლის 24 თებერვლის გადაწყვეტილება №ბს-1078-1040(კ-08), საქართველოს უზენაესი სასამართლოს გადაწყვეტილებანი ადმინისტრაციულ საქმეებზე, რედ. ს. ჯორბეგაძე (საგადასახადო დავები 2010 წ. №2), გვ. 153-154.

ამდენად, ქართულ სასამართლო პრაქტიკაში სისხლისსამართლებრივ და ადმინისტრაციულ სამართლებრივ სამართლდარღვევებსა და შესაბამის პასუხისმგებლობას შორის მიჯნა გავლებულია და განიხილება როგორც განსხვავებული სახის პასუხისმგებლობები, განსხვავებით ადამიანის უფლებათა ევროპული სასამართლოს პრეცედენტული სამართლის და ბევრი დასავლური სახელმწიფოს სისტემისგან.

2.1.2. ადმინისტრაციული პასუხისმგებლობის არმქონე სამართლებრივი სისტემები

ქართულ სამეცნიერო ლიტერატურაში იურიდიული პასუხისმგებლობის განსხვავებულ სახეებთან დაკავშირებით არსებული მიდგომებისგან განსხვავდება ცალკეულ დასავლურ სამართლებრივ სისტემებში არსებული განმარტებები.

ასეთ სისტემებში აქტიურად განიხილება სისხლისსამართლებრივი და ადმინისტრაციული პასუხისმგებლობის სახეებს შორის მიჯნის არარსებობის საკითხი: ადმინისტრაციული და სისხლის სამართლებრივი დარღვევები მიჩნეულია სისხლისსამართლებრივი სამართლდარღვევების სახეებად და ორივე შემთხვევაში იწვევს სისხლისსამართლებრივ პასუხისმგებლობას.

ზოგიერთ სამართლებრივ სისტემაში საზოგადოებრივი საშიშროების ოვალსაზრისით ნაკლებად სერიოზული ქმედებები გამიჯნულია სისხლის სამართლის სფეროსგან და ადმინისტრაციულ-სამართლებრივი ან სამოქალაქო-სამართლებრივი კანონმდებლობით წესრიგდება (გერმანია, ავსტრია, პოსტსაბჭოური ქვეყნების უმრავლესობა). მეორე მიდგომის შესაბამისად, იმავე კატეგორიის ქმედებები რჩება სისხლისსამართლებრივი კანონმდებლობის ფარგლებში, როგორც განსხვავებული სამართლებრივი ბუნების ინსტიტუტები. ესენია მისდემინორი - *misdemeanour* და ფელონი - *felony*.⁵⁷ მსგავსი მიდგომა ახასიათებს საერთო სამართლისა და ცალკეული კონტინენტური სამართლის სისტემებს (გაერთიანებული სამეფო, აშშ, საფრანგეთი, ნიდერლანდები, ესტონეთი).⁵⁸ აშშ-ში, რომელიც საერთო სამართლის სისტემას მიეკუთვნება, საქართველოს სამართლებრივი სისტემისგან განსხვავებით, არ არის გამიჯნული სისხლისსამართლებრივი და ადმინისტრაციული პასუხისმგებლობა, არამედ, დადგენილია სამოქალაქო და სისხლის სამართლებრივი პასუხისმგებლობა. იმავდროულად, მაგალითად აშშ-ში ფედერალური სისხლის სამართლის კოდექსი ერთმანეთისგან განასხვავებს ფელონის და მისდემინორის (*felony and misdemeanor*). პირველი წარმოადგენს დანაშაულის ექვივალენტს, ხოლო მეორე ადმინისტრაციული სამართლდარღვევების მსგავსად არის დადგენილი. თავისი არსით, როგორც ერთი, ისე მეორე, სამართლდამრღვევის მიმართ იწვევს სისხლისსამართლებრივ პასუხისმგებლობას განსხვავებით ქართული სამართლებრივი სისტემისგან, როცა ქმედების საშიშროების ხარისხის მიხედვით დადგენილია ორი

⁵⁷ იხ. <<http://en.wikipedia.org/wiki/Felony>> [12.09.2012].

⁵⁸ იქვე <<http://en.wikipedia.org/wiki/Felony>> [12.09.2012].

განსხვავებული სახის პასუხისმგებლობა თანმდევი განსხვავებული სამართლებრივი შედეგებით.⁵⁹ ამასთან, აშშ-ში თავად ამ ორი კატეგორიის დანაშაულს შორის კიდევ გამოიყოფა ქვეკატეგორიები, რომლებადაც ხდება ფელონიებისა და მისდემინორების დაყოფა.⁶⁰ აშშ-ში felony-ად პირობითად მიჩნეულია ისეთი სამართალდარღვევები, რომლებიც პასუხისმგებლობის სახით იწვევს პატიმრობას ერთი წლით და მეტ ხანს. ამასთან, ყოველი კონკრეტული შემთხვევა, საქმის ფაქტობრივი გარემოებებიდან გამომდინარე, შეიძლება, ჩაითვალოს უფრო მძიმე ხარისხის დანაშაულად ან შედარებით უფრო მსუბუქ სამართალდარღვევად და, შესაბამისად, პირს დაეკისროს მსუბუქი სახის პასუხისმგებლობა.⁶¹ აშშ-ში შტატებს გააჩნია განსხვავებული სისტემები, რომლითაც ხდება ქმედების მისდემინორად კლასიფიკაცია დანაშაულის სიმძიმის მიხედვით. მსგავს მიდგომას იცნობს ესტონური კანონმდებლობა. ესტონეთის სისხლის სამართლის კოდექსის შესაბამისად, თუკი დანაშაულის ჩადენისთვის არ ხდება სასჯელის გამოყენება, იგივე ქმედების ჩადენა შეიძლება გადაისინჯოს როგორც მისდემინორი. ესტონეთის სისხლის საპროცესო კოდექსის 206-ე მუხლის მე-4 პუნქტის შესაბამისად, სისხლის სამართლის საქმის შეწყვეტის თაობაზე ბრძანების ასლი გადაიგზავნება ქვემდებარობის მიხედვით შესაბამის ორგანოში მისდემინორის საქმის დასაწყებად.⁶² ესტონეთისგან განსხვავებით, სადაც მცირე მნიშვნელობის სისხლისსამართლებრივი დარღვევა ყოველგვარი დამატებითი შემადგენლობის ფორმულირების გარეშე წარმოადგენს მისდემინორს, ქართული კანონმდებლობა მკაცრად იცავს ლეგალურობის პრინციპს. კერძოდ, სისხლისსამართლებრივი პასუხისმგებლობის გამორიცხვა ავტომატურად არ იწვევს ადმინისტრაციულ პასუხისმგებლობას, თუ ის ქმედება, რის გამოც შეწყდა სისხლისსამართლებრივი დევნა, ასევე, არ შეიცავს ადმინისტრაციული სამართალდარღვევის ნიშნებს. კერძოდ: საქართველოს ადმინისტრაციულ სამართალდარღვევათა კოდექსის 38-ე მუხლის მე-3 პუნქტის შესაბამისად, „სისხლისსამართლებრივი დევნის ან გამოძიების შეწყვეტის შემთხვევაში, მაგრამ როცა დამრღვევის მოქმედებაში არის ადმინისტრაციული სამართალდარღვევის ნიშნები, ადმინისტრაციული სახდელი შეიძლება

⁵⁹ იბ. Misprision of Felony, <http://www.law.cornell.edu/uscode/718/usc_sec_18_00000004---000-.html> [01.02.2012] და Petty Offense Defined <http://www.law.cornell.edu/uscode/718/usc_sec_18_00000019---000-.html> [01.02.2012].

⁶⁰ მაგალითად, აშშ-ში, ტეხასის შტატში სისხლის სამართლის კოდექსი განასხვავებს ერთმანეთისაგან რამდენიმე ხარისხის ფელონის და ასევე რამდენიმე კლასის მისდემინორებს, როგორც შედარებით მსუბუქი სახის სამართალდარღვევებს, რომლებისთვისაც კანონმდებლობით გაცილებით ნაკლებად მკაცრი პასუხისმგებლობაა დადგენილი. იბ. <<http://www.statutes.legis.state.tx.us/docs/PE/htm/PE.12.htm>> [03.02.2012].

⁶¹ იბ. F. Arfa, Felonies and Misdemeanors, <<http://www.bestdefender.com/felonies.html>> და What is a Felony <<http://www.wisegeek.com/what-is-a-felony.htm>> [08.08.2012].

⁶² იბ. ესტონეთის რესპუბლიკის სისხლის საპროცესო კოდექსის 206-ე მუხლის მე-4 ნაწილი,

<<http://www.legislationline.org/download/action/download/id/1666/file/1f0a92298f6ba75bd07e101cdb93.htm#preview>> [09.09.2012].

დაედოს არა უგვიანეს ერთი თვისა სისხლისსამართლებრივი დევნის ან გამოძიების შეწყვეტის შესახებ გადაწყვეტილების მიღების დღიდან.”⁶³

Felony-ად და misdemeanor-ად დანაშაულების დაყოფა, როგორც უკვე აღინიშნა, დამახასიათებელია საერთო სამართლის სისტემებისთვის. თუმცა, საერთო სამართლის სხვადასხვა ქვეყანაში თანდათან ჩხდება დანაშაულების განსხვავებული გამიჯვნა, როგორიცაა გამარტივებული სამართლწარმოების სამართლდარღვევები და ბრალდების წარღვენით განხორციელებული სამართლდარღვევები. ამდენად, დანაშაულებს შორის გამიჯვნა საერთო სამართლის ზოგიერთ ქვეყანაში ხდება უკვე სამართლწარმოების მიმდინარეობის შესაბამისად.⁶⁴ აღნიშნული შესაძლოა მიჩნეულ იქნეს ქართული სისტემის მსგავსებად, როცა სისხლის და ადმინისტრაციული საქმეების განხილვა განსხვავებული პროცედურების მიხედვით წარმოებს.

მიუხედავად იმისა, რომ კონტინენტური სამართლის ქვეყნები უმეტესად მეორე მიდგომით ხასიათდებიან, სადაც ერთმანეთისგან გამიჯნულია ადმინისტრაციული და სისხლისსამართლებრივი სამართლდარღვევები და შესაბამისი პასუხისმგებლობა, თავად ამ სისტემის ქვეყნებშიც შეიმჩნევა მრავალფეროვანი მიდგომები. ზოგიერთ ქვეყანაში (იტალია, ესპანეთი) დანაშაულები მოხსენიებულია როგორც დელიქტები, მაშინ როცა საფრანგეთში, ბელგიასა და შვეიცარიაში არსებობს მიჯნა დანაშაულებსა და ნაკლებად საშიშ სამართლდარღვევებს – დელიქტებს შორის.⁶⁵ ამავე დროს, ქართულ სამართლებრივ სისტემაში დელიქტებად მიიჩნევა სამოქალაქო სამართლდარღვევები, რომელთა ჩადენა შესაბამისად იწვევს სამოქალაქო სამართლებრივ პასუხისმგებლობას, რაც, თავის მხრივ, გამიჯნულია ადმინისტრაციული და სისხლისსამართლებრივი პასუხისმგებლობებისგან. სამართლებრივი სისტემების მრავალფეროვნებიდან გამომდინარე საკმაოდ რთულია მოხდეს განზოგადება და სხვადასხვა ქვეყანაში დანაშაულის, ადმინისტრაციული სამართლდარღვევებისა და დელიქტების ერთიანი და უნივერსალური ცნებების განსაზღვრა.⁶⁶

2.1.3. ადამიანის უფლებათა ევროპული სასამართლოს სტანდარტები ადმინისტრაციულ და სისხლის სამართლის საქმეებთან მიმართებით

არა მარტო სხვადასხვა სახელმწიფოს, არამედ ადამიანის უფლებათა ევროპული სასამართლოს პრეცედენტული სამართლის მიდგომაც განსხვავებულია ადმინისტრაციული სამართლდარღვევების სამართლებრივი ბუნების საკითხთან მიმართებით. იმის მიუხედავად, რომ მცირე მნიშვნელობის დარღვევები ამა თუ იმ სამართლებრივ სისტემაში გამიჯნულია სისხლის სამართლისგან და ადმინისტრაციული სამართლის

⁶³ ი. საქართველოს ადმინისტრაციულ სამართლდარღვევათა კოდექსი (გამოქვეყნებული საქართველოს სსრ უმაღლესი საბჭოს უწყებები, 1984წ. №12, მუხ. 421), მე-10 მუხლი, 2012 წლის 18 აგვისტოს მდგრმარეობით.

⁶⁴ ი. F. Arfa, Felonies and Misdemeanors, <<http://www.bestdefender.com/felonies.html>> [08.08.2012].

⁶⁵ ი. <<http://en.wikipedia.org/wiki/Felony>> [03.02.2012].

⁶⁶ ი. <<http://en.wikipedia.org/wiki/Delicit>> [03.02.2012].

დარგის რეგულირების საგანს წარმოადგენს, თუ სისხლის სამართლის ნაწილია, ადამიანის უფლებათა ევროპული სასამართლო კველა წერტილი სახელმწიფოს მიმართ იყენებს ერთიან მიღების ადამიანის უფლებათა ევროპული კონვენციის მე-6 მუხლის (სამართლიანი სასამართლოს) მოქმედების გასავრცელებლად.

ადამიანის უფლებათა ევროპული კონვენციის მე-6 მუხლით სამართლიან სასამართლოზე უფლება შემოსაზღვრულია მხოლოდ სისხლის სამართლებრივი ბრალდებით ან სამოქალაქო სამართლებრივი უფლებით. იმისთვის, რომ განმცხადებელმა ადამიანის უფლებათა ევროპულ სასამართლოში სამართლიანი სასამართლოს მრავალასპექტიანი უფლების დარღვევაზე იდაგოს, უნდა დაამტკიცოს მე-6 მუხლით გათვალისწინებული სისხლის სამართლებრივი ბრალდების ან სამოქალაქო უფლების არსებობა.⁶⁷ ადმინისტრაციული საქმეების სტანდარტი ადამიანის უფლებათა ევროპულ სასამართლოს არ გააჩნია.

განეცუთვნება თუ არა ადმინისტრაციული სამართალდარღვევის საქმეები მე-6 მუხლით გათვალისწინებულ „სისხლის სამართლის ბრალდებას,“ თუ სამოქალაქო სამართლებრივი დაცვის ქვეშ ხვდება, ამას ადამიანის უფლებათა ევროპული სასამართლო ცალკეულ შემთხვევაში მის მიერ წლების განმავლობაში პრეცედენტული სამართლით დამკვიდრებული კრიტერიუმების საფუძველზე ადგენს. სასამართლო თავის არაერთ გადაწყვეტილებაში მიუთითებს, რომ კონვენციის მიზნებიდან გამომდინარე იმის დასადგენად, თუ რა ბუნებისაა პასუხისმგებლობა, რომელიც პირს ეკისრება, უნდა შემოწმდეს სამი ნიშნის მიხედვით:

1. ქმედება ადამიანის უფლებათა ევროპული კონვენციის ხელშემკვრელი სახელმწიფოს კანონმდებლობით უნდა მიეკუთვნებოდეს სისხლის სამართალს;
 2. ქმედება, ხელშემკვრელი სახელმწიფოს კანონმდებლობით არ მიეკუთვნება სისხლის სამართალს, მაგრამ თავისი ბუნებიდან გამომდინარე შეიძლება გააჩნდეს სისხლის სამართლებრივი ხასიათი;
 3. ამა თუ იმ ქმედების ჩადენისთვის დაკისრებული სასჯელი თავისი ბუნებით საკმარისად გაცარია და მძიმე⁶⁸ ამდენად, ქმედება, რომელიც პირდაპირ არის გათვალისწინებული ევროპის საბჭოს წევრი ქვეყნების სისხლის სამართლის კანონმდებლობით, ყოველთვის ჩაითვლება სისხლის სამართლებრივად, დანარჩენ შემთხვევებში კი სასამართლომ უნდა იმსჯელოს აღნიშნულზე.
- ადამიანის უფლებათა ევროპულმა სასამართლომ საქმეზე, ზილიბერგერი მოლდოვას⁶⁹ წინააღმდეგ, განაცხადა, რომ წლების განმავლობაში

⁶⁷ ი. მ. D. Vitkauskas, G. Dikov, Protecting The right to a fair trial under the European Convention on Human Rights, Council of Europe, Strasbourg, 2012, pp. 7–23, <http://www.coe.int/t/dghl/cooperation/capacitybuilding/Source/documentation/hb12_fairtrial_en.pdf> [11.09.2012].

⁶⁸ ი. მ. იქვე,

<http://www.coe.int/t/dghl/cooperation/capacitybuilding/Source/documentation/hb12_fairtrial_en.pdf> [11.09.2012].

⁶⁹ ი. ადამიანის უფლებათა ევროპული სასამართლოს გადაწყვეტილება Ziliberberg v. Moldava, 2005, ECHR <<http://hudoc.echr.coe.int/sites/eng/pages/search.aspx?i=001-68119>> [23.07.2012].

ადამიანის უფლებათა ევროპული სასამართლოს მიერ პრეცედენტებით დადგენილი სამი ზემოხსენებული პირობა აღტერნატიულია. მიუხედავად ამისა, ეს უკანასკნელი არ გამორიცხავს იმას, რომ მეორე და მესამე კრიტერიუმი კუმულაციურად იქნეს გამოყენებული, როდესაც ცალკე ადებული თითოეული კრიტერიუმი არ იძლევა საშუალებას, „სისხლისსამართლებრივი ბრალდების“ ცნებასთან დაკავშირებით ნათელი დასკვნები იქნას გამოტანილი. მაგალითად, ზილიბერგერის საქმეში თავდაპირველად სასამართლო შეუცადა, გაერკვია ქმედება თავისი ბუნებით რამდენად იყო სისხლისსამართლებრივი. მოლდოვა, რომლის წინააღმდეგ განაცხადი იქნა შეტანილი, არის სახელმწიფო, სადაც საქართველოს მსგავსად, ადმინისტრაციული სამართალდარღვევები და დანაშაული გამიჯნულია ერთმანეთისგან. სასამართლომ ამ საქმეზე მსჯელობისა და შეფასებების შედეგად დასკვნა, რომ ადმინისტრაციულ სამართალდარღვევათა კოდექსით დადგენილი პასუხისმგებლობა ატარებდა სისხლისსამართლებრივ ბუნებას და სახეზე იყო სისხლისსამართლებრივი ბუნების ბრალდება.⁷⁰ ადნიშნული დასკვნის შედეგად ადმინისტრაციული სამართალდარღვევები განსხვავებულ სამართლებრივ სიბრტყეში იქნა გადატანილი.

სასამართლომ საქმეში, იანოსევიჩი შვედეთის წინააღმდეგ, რომელშიც განმცხადებელი ასაჩივრებდა შვედეთის მხრიდან მისი გარანტირებული საკუთრების უფლებისა და სამართლიანი სასამართლოს უფლების დარღვევას, მიუთითა, რომ შვედეთის კანონმდებლობით გათვალისწინებული საგადასახადო ჯარიმების დაკისრება თავისი ბუნებით სისხლისსამართლებრივი ხასიათის მატარებელი იყო, ვინაიდან ჯარიმების ოდენობა და მათი დაწესების მიზანი იყო სადამსჯელო და არა საკომპენსაციო ხასიათის, რის შემთხვევაშიც მას სამოქალაქო სამართლებრივი ხასიათი ექნებოდა. ამასთან, ამ შემთხვევაში აღნიშნული ჯარიმების დაკისრებასთან მიმართებით გადაწყვეტილებების კანონიერებასთან დაკავშირებული დავები განიხილებოდა ადმინისტრაციული სასამართლების მიერ, რაც ადამიანის უფლებათა ევროპული სასამართლოს აზრით, უზრუნველყოფდა ეროვნულ დონეზე განმცხადებლის ინტერესების დაცვას და სასამართლოსადმი მის ხელმისაწვდომობას. ვინაიდან, კანონმდებლობით სასამართლოს შეეძლო

⁷⁰ ადამიანის უფლებათა ევროპული სასამართლოს გადაწყვეტილების თანახმად, მოლდოვის სასამართლოს მიერ განმცხადებელი ზილიბერგერი სამართალდამრღვევად სცნეს უკანონო დემონსტრაციაში მონაწილეობისათვის, რისთვისაც პასუხისმგებლობა იყო გათვალისწინებული მოლდოვას ადმინისტრაციულ სამართალდარღვევათა კოდექსის 174/1 მუხლის მე-4 პუნქტით. ეს დებულებები ეხება საზოგადოებრივი წესრიგის წინააღმდეგ მიმართულ სამართალდარღვევებს და დემონსტრაციების ჩატარების წესს. სასამართლო მიუთითებდა, რომ სამართლებრივი წესები, რაც განმცხადებელმა დაარღვია, მიმართულია ყველა მოქალაქისათვის და არა სპეციალიური სტატუსის მქონე ჯგუფების მიმართ. ეს გარემოებები სასამართლოს შეფასებით მიუთითებდნენ ადმინისტრაციული სამართალდარღვევის სისხლისსამართლებრივ ბუნებაზე. აქდან გამომდინარე, აღნიშნულის გათვალისწინებით, სასამართლომ მიიჩნია, რომ მოლდოვაში ადმინისტრაციული სამართალდარღვევები სისხლისსამართლებრივი ბუნებისაა. იხ. ადამიანის უფლებათა ევროპული სასამართლოს გადაწყვეტილება Ziliberberg v. Moldava, 2005, ECHR <<http://hudoc.echr.coe.int/sites/eng/pages/search.aspx?i=001-68119>> [23.07.2012].

ემსჯელა საგადასახადო ორგანოების გადაწყვეტილებების კანონიერებაზე, რომლითაც გადამხდელს დაკისრებული ჰქონდა დავალიანების გადახდევინება. ამ შემთხვევაში სასამართლომ შეაფასა რამდენად რეალური იყო შესაძლებლობა, გადამხდელს გაესაჩივრებინა ეს გადაწყვეტილება, რამდენად შეეძლო მას მეორე მხარის მიერ წარმოდგენილი არგუმენტების გაქარწყლება და იყო თუ არა უზრუნველყოფილი მხარეთა შეჯიბრებითობა. ამ პრინციპების მიხედვით სასამართლომ კონკრეტულ საქმეში მიიჩნია, რომ სახელმწიფომ ვერ უზრუნველყო ზემოაღნიშნული კრიტერიუმების საფუძველზე სამართლიანი სასამართლოსადმი ხელმისაწვდომობის უფლების დაცვა.⁷¹

ევროპულმა სასამართლომ საქმეში – გალციანი სომხეთის წინააღმდეგ – დამატებით აღნიშნა: „რაც შეეხება ქმედების შიდასამართლებრივ კლასიფიკაციას, სასამართლომ ადრე გამოიკვლია, რომ ზოგიერთ სამართლებრივ სისტემებში არსებობს „აღმინისტრაციული“ სამართლის სფერო, მასში ჩართულია ისეთი მართლსაწინააღმდეგო ქმედებები, რაც სისხლისსამართლებრივია თავისი ბუნებით, ამ ქმედებების რეგულირება არ ხდება არც მატერიალური, არც საპროცესო სისხლისსამართლებრივი კანონმდებლობით, ვინაიდან ეს ქმედებები ძალიან ტრივიალურია.“ ევროპული სასამართლოს აღნიშნულმა განმარტებამ გზა გაუხსნა იმას, რომ სისხლისსამართლებრივად მიჩნეულ იქნეს ის აღმინისტრაციული სამართალდარღვევები, რომლებიც დანაშაულებრივია (უფრო სწორად კვაზიდანაშაულებრივი).⁷²

ადამიანის უფლებათა ევროპული სასამართლო თავის გადაწყვეტილებებში მსჯელობს სასჯელის ბუნებაზე და მის სიმკაცრეზე, რომელიც შესაძლოა დაეკისროს ადამიანს ამა თუ იმ ქმედების ჩადენისთვის. გალციანის საქმეში სასჯელის სიმკაცრესთან დაკავშირებით, სასამართლო მიუთითებს, რომ კანონის დარღვევის გამო სასჯელის სახით პატიმრობის დაკისრება ზოგადად არ მიეკუთვნება სისხლისსამართლებრივ სფეროს, თუკი სასჯელი თავისი ბუნებით, ხანგრძლივობით და აღსრულების მანერით აშკარად საზიანო არ არის.⁷³ როგორც უკვე აღინიშნა, ადამიანის უფლებათა ევროპული სასამართლო არ შემოიფარგლება ცალკეულ ხელშემკვრელ სახელმწიფოებში მხოლოდ აღმინისტრაციული პატიმრობის სისხლისსამართლებრივი ბუნების შეფასებით და განსაზღვრავს იმ შემთხვევასაც, რამდენად სისხლისსამართლებრივია აღმინისტრაციული ჯარიმები. ზილიბერგერის საქმეში ადამიანის უფლებათა ევროპულმა სასამართლომ აღნიშნა, რომ სასჯელის ნაკლებად სერიოზული ხასიათი არ ართმევს სამართალდარღვევას სისხლისსამართლებრივ ბუნებას. ზილიბერგერის საქმეში განმცხადებელი უკანონო დემონსტრაციაში მონაწილეობის გამო დაჯარიმდა 36 მოლდავური ლეით (იმ დროისათვის

⁷¹ ი. ადამიანის უფლებათა ევროპული სასამართლოს გადაწყვეტილება Janosevic v. Sweden, 2003, ECHR <<http://hudoc.echr.coe.int/sites/eng/pages/search.aspx?i=001-60628>> [23.07.2012].

⁷² ი. ადამიანის უფლებათა ევროპული სასამართლოს გადაწყვეტილებები: Ziliberberg v. Moldava, 2005, ECHR <<http://hudoc.echr.coe.int/sites/eng/pages/search.aspx?i=001-68119>> [23.07.2012], Kirakosyan v. Armenia <<http://hudoc.echr.coe.int/sites/eng/pages/search.aspx?i=001-89959>> [23.07.2012].

⁷³ ი. ადამიანის უფლებათა ევროპული სასამართლოს გადაწყვეტილება Kirakosyan v. Armenia <<http://hudoc.echr.coe.int/sites/eng/pages/search.aspx?i=001-89959>> [23.07.2012].

3,17 ევრო). მაქსიმალური სასჯელი, რაც მას შეიძლება დაკისრებოდა, იყო 90 მოლდავური ლეი (იმ დროისთვის 7,94 ევრო). სასამართლომ დაადგინა, რომ აღნიშნული ჯარიმა მიზნად არ ისახავდა პირისთვის მიუქნებული ზიანის კომპენსაციას, არამედ აღნიშნულ ჯარიმას გააჩნდა სადამსჯელო და პრევენციული მიზანი და ირიცხებოდა სახელმწიფო ბიუჯეტში. სასამართლო მიუთითებს, რომ სისხლისსამართლებრივ სანქციებს ტრადიციულად განასხვავებენ მათი სადამსჯელო ბუნებით. ადმინისტრაციულ ჯარიმას, რომელსაც ამგვარი ბუნება გააჩნია, სისხლისსამართლებრივია თავისი არსით.⁷⁴ კიდევ ერთხელ უნდა აღინიშნოს, რომ მითითებული საქმეები საინტერესოა იმ მხრივ, რომ როგორც სომხეთში, ასევე, მოლდოვაში საქართველოს მსგავსად სამართლებრივი სისტემა ერთმანეთისგან მიჯნავს სისხლისსამართლებრივ და ადმინისტრაციულ სამართალდარღვევებს და ამავე დროს, საქართველოს ადმინისტრაციულ სამართალდარღვევათა და საგადასახადო კოდექსებში მითითებული ჯარიმების უმრავლესობა ატარებს ზუსტად სადამსჯელო და არა საკომპენსაციო ხასიათს.

წინამდებარე ნაშრომის ფარგლებში შეუძლებელია ვრცლად იქნეს განხილული საერთო სამართლისა და კონტინენტური სამართლის ფარგლებში დანაშაულსა და ადმინისტრაციულ სამართალდარღვევებს შორის არსებული მსგავსება/განსხვავებები, აისხნას ამგვარი განსხვავებების არსებობა და შესწავლილ იქნეს საერთო სამართლის სისტემების სამოქალაქო პასუხისმგებლობის ფარგლები; ისევე, როგორც ვრცლად მოხდეს ადამიანის უფლებათა ეპროცესი სასამართლოს სტანდარტების შესწავლა სამართალდარღვევების მხოლოდ სისხლის სამართლისა და სამოქალაქო სამართლებრივი ბუნების ჭრილში. აღნიშნული საკითხები თავისი მნიშვნელობისა და მოცულობის გამო დამოუკიდებელი კვლევის საგანს წარმოადგენს. თუმცა ამ საკითხების განხილვა წინამდებარე სადისერტაციო ნაშრომში მნიშვნელოვანია იმისთვის, რათა სწორად მოხდეს საგადასახადო სამართალდარღვევებისა და პასუხისმგებლობის საკითხის შესწავლა განსხვავებული სამართლებრივი სისტემების სხვადასხვა სახის ინსტიტუტებთან შედარებით.

2.2. საგადასახადო სამართალდარღვევებისა და პასუხისმგებლობის ცნება და მისი ადგილი სხვადასხვა სახის იურიდიულ პასუხისმგებლობებს შორის

საგადასახადო სამართალდარღვევებისა და პასუხისმგებლობის ცნების და იურიდიული პასუხისმგებლობების სხვადასხვა სახეს შორის საგადასახადო პასუხისმგებლობის ადგილის განსაზღვრის მიზნით, ასევე, მასთან დაკავშირებული სხვადასხვა საკითხის შესწავლის საჭიროებისთვის, სადისერტაციო ნაშრომის წინა ქვეთავგში, შესწავლილ იქნა სისხლის და ადმინისტრაციული პასუხისმგებლობების ურთიერთმიმართება განსხვავებული სამართლებრივი სისტემების მიხედვით. აღნიშნული კვლევა

⁷⁴ იხ. ადამიანის უფლებათა ეპროცესი სასამართლოს გადაწყვეტილება Ziliberberg v. Moldava, 2005, ECHR, <<http://hudoc.echr.coe.int/sites/eng/pages/search.aspx?i=001-68119>> [23.07.2012].

საშუალებას იძლევა სწორად წარიმართოს შედარებით-სამართლებრივი კვლევა საგადასახადო სამართალდარღვევებთან დაკავშირებით. ასევე, შესწავლილ იქნეს განსხვავებულ სისტემებში არსებული სამეცნიერო შეხედულებები და სასამართლო პრაქტიკა საგადასახადო პასუხისმგებლობის ცნებასთან მიმართებით.

როგორც უკვე აღინიშნა, საქართველოს სამართლებრივ სისტემაში ერთმანეთისგან გამიჯნულია სისხლისსამართლებრივი და ადმინისტრაციული პასუხისმგებლობა. საკანონმდებლო დონეზე არ არის პირდაპირ მითითებული თუ რომელს მიეკუთვნება საგადასახადო კოდექსით დადგენილი პასუხისმგებლობა. სისხლის სამართლის მიზნებისთვის, პასუხისმგებლობას საგადასახადო სფეროში ჩადენილი დანაშაულისთვის განსაზღვრავს და ადგენს სისხლის სამართლის კოდექსი, რომელიც პირდაპირ მიუთითებს საგადასახადო სამართლის სფეროში ჩადენილი როგორი ქმედებისთვის შეიძლება პირს დაეკისროს სისხლისსამართლებრივი პასუხისმგებლობა. აქვე აღსანიშნავია, რომ ვინაიდან წარმოდგენილი კვლევის მიზანი არ არის სისხლის სამართლებრივი პასუხისმგებლობის საკითხების კვლევა, ეს საკითხი განიხილება მხოლოდ იმდენად, რამდენადაც ეს საჭირო და აუცილებელია სადისერტაციო ნაშრომის მიზნებისთვის.

ვინაიდან კვლევის მიზანია, საგადასახადო პასუხისმგებლობის არსის დადგენა და მისი ურთიერთმიმართება ადმინისტრაციულ პასუხისმგებლობასთან, სწორედ ამ კონტექსტშია საინტერესო თუ რა მიჯნებია სხვა იურიდიულ პასუხისმგებლობებთან მიმართებით.

ადმინისტრაციული სამართალდარღვევების ცნება და ამ დარღვევებისთვის პასუხისმგებლობის დაკისრების წესი საქართველოში დადგენილია ადმინისტრაციულ სამართალდარღვევათა კოდექსით. აღნიშნული კოდექსი არ მოიცავს საგადასახადო სამართალდარღვევებს, ეს უკანასკნელი საგადასახადო კოდექსით არის განსაზღვრული. მნიშვნელოვანი საკითხია დადგინდეს, არის თუ არა რამე განსხვავება ადმინისტრაციულ სამართალდარღვევათა კოდექსით განსაზღვრულ ადმინისტრაციულ პასუხისმგებლობასა და საგადასახადო კოდექსით დადგენილ პასუხისმგებლობას; საგადასახადო სამართალდარღვევები ადმინისტრაციული პასუხისმგებლობის ნაირსახეობას მიეკუთვნება თუ პასუხისმგებლობის დამოუკიდებელ სახეს წარმოადგენს.

2.2.1. საგადასახადო სამართალდარღვევები და პასუხისმგებლობა, როგორც ადმინისტრაციული სამართალდარღვევებისა და პასუხისმგებლობის ნაირსახეობა

2.2.1.1. თეორიული შეფასებები

საგადასახადო სამართლის ადმინისტრაციული სამართლისადმი მიკუთვნების საკითხის შესწავლის შემდეგ შეფასებული უნდა იქნეს უშუალოდ საგადასახადო სამართალდარღვევებისა და პასუხისმგებლობის საკითხი.

ადსანიშნავია, რომ საგადასახადო სამართლის ცნების მსგავსად მრავალფეროვანი და არაერთგვაროვანია საგადასახადო სამართალდარღვევებისა და საგადასახადო პასუხისმგებლობის ცნების საკითხი.

გადასახადების გადახდის კონსტიტუციურ-სამართლებრივი ვალდებულების შესრულება ბევრ ქვეყანაში უზრუნველყოფილია სხვადასხვა სახის პასუხისმგებლობითა და სანქციებით. სამეცნიერო ლიტერატურაში განმარტებულია, რომ იურიდიული პასუხისმგებლობა საგადასახადო კანონმდებლობის დარღვევისთვის წარმოადგენს იძულებით ღონისძიებათა კომპლექსს, რომლებიც სასჯელის სახით გამოიყენება სამართალდამრღვევთა მიმართ კანონმდებლობით დადგენილ შემთხვევებში და წესით.⁷⁵

გავრცელებული მოსაზრების თანახმად საგადასახადო კანონმდებლობის დარღვევისთვის, ქმედების სიმბიდიდან გამომდინარე, კანონმდებლობით დადგენილი წესით შესაძლოა გამოყენებულ იქნეს ადმინისტრაციული ან სისხლისსამართლებრივი პასუხისმგებლობა.⁷⁶ როგორც უკვე აღინიშნა, კვლევის საგანს ამ შემთხვევაში წარმოადგენს არასისხლისსამართლებრივი პასუხისმგებლობა, არამედ პასუხისმგებლობა, რომელიც უშუალოდ საქართველოს საგადასახადო კოდექსით არის დადგენილი ამავე კოდექსით განსაზღვრული სამართალდარღვევებისთვის და რაც არ მიეკუთვნება სისხლისსამართლებრივ პასუხისმგებლობას საქართველოში.

საქართველოში ადმინისტრაციული სამართალდარღვევების პირველი კოდიფიკაციები გაჩნდა მე-20 საუკუნის მეორე ნახევარში. მანამდე არსებული და ადმინისტრაციული პასუხისმგებლობის დამდგენი ნორმები, როგორც რუსი მეცნიერები აღნიშნავენ, ფაქტობრივად, არსებობდა, თუმცა ისინი სხვადასხვა აქტში იყო მიმოფანტული, რაც დიდ ქაოსს იწვევდა. მიუხედავად ერთიანი კოდექსის შემუშავებისა, ყოფილ საბჭოთა კავშირში მიმდინარე პოლიტიკურმა მოვლენებმა, თავისთავად, მნიშვნელოვანი ზეგავლენა იქონია მასში შემავალი რესპუბლიკების სამართლებრივ სისტემებზეც, რაც საზოგადოებრივი ურთიერთობების ფორმაციაში გამოიხატა. შესაბამისად, გაჩნდა ისეთი სფეროები, რამაც დამატებითი

⁷⁵ იხ. ზ. როგავა, საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა, ბაკმი, თბილისი, 2009წ. გვ. 288.

⁷⁶ იხ. იქვე, გვ. 288.

საკანონმდებლო მოწესრიგება მოითხოვა და გაჩნდა ცალკეული დარღვევები, რომლებიც კოდიფიკაციებამდე არსებული ვითარების მსგავსად მიმოფანტულ იქნა სხვადასხვა საკანონმდებლო აქტში.⁷⁷

საგადასახადო სამართალდარღვევები და შესაბამისი საგადასახადო პასუხისმგებლობა დღეს მოქმედი კანონმდებლობის თანახმად, განსაზღვრულია საქართველოს საგადასახადო კოდექსით. ამ სახის პასუხისმგებლობას გააჩნია იურიდიული პასუხისმგებლობისთვის დამახასიათებელი შესაბამისი ნიშნები, თუმცა უნდა გამოიყოს თუ არა ის როგორც პასუხისმგებლობის ცალკე ფორმა, მსჯელობისა და კვლევის საგანია.

საგადასახადო სისტემა, თავისთვის, არ შეიძლება პასუხისმგებლობის ინსტიტუტის გარეშე არსებობდეს.⁷⁸ როგორც სამეცნიერო ლიტერატურაშია აღნიშნული, საგადასახადო პასუხისმგებლობა იმულებითი ხასიათის ზემოქმედების დონისძიებათა კომპლექსია და გამოიყენება სანქციის სახით კონკრეტული საგადასახადო სამართალდარღვევის მიმართ კანონმდებლობით დადგენილი საფუძვლითა და წესით.⁷⁹

სამეცნიერო ლიტერატურაში აღნიშნულია, რომ არსებობს საგადასახადო პასუხისმგებლობის ზოგადი (ფართო) გაგება, რომელიც თავის თავში მოიცავს ყველა სახის პასუხისმგებლობას საგადასახადო სამართალდარღვევებისთვის. მათ შორის სისხლის სამართლებრივ პასუხისმგებლობასაც, თუმცა საგადასახადო კანონმდებლობის დარღვევისთვის სისხლისსამართლებრივ პასუხისმგებლობაზე მხოლოდ მაშინ შეიძლება საუბარი, როცა ჩადენილია საგადასახადო დანაშაული და არა სხვა საგადასახადო სამართალდარღვევა. სამეცნიერო ლიტერატურაში არსებული მოსაზრებით, საგადასახადო სამართალდარღვევა საგადასახადო დანაშაულის თავისებური წინაკრიმინალური „ფონია“ და მთელ რიგ შემთხვევებში ისინი განსხვავდება ერთმანეთისგან მხოლოდ რაოდენობრივი მაჩვენებლებით.⁸⁰

საგადასახადო სამართალდარღვევა არ არის დაკავშირებული, ასევე, დისციპლინური პასუხისმგებლობის დაკისრებასთან, რომელიც როგორ უკვე აღინიშნა, განსხვავებული სამართლებრივი ვალდებულებებიდან გამოდინარეობს. თუმცა საგადასახადო სამართალდარღვევის ჩადენა არ გამორიცხავს, პასუხისმგებელ პირებს იგივე ქმედებისთვის დისციპლინური პასუხისმგებლობა დაეკისროთ. ამ შემთხვევაში ასეთ პასუხისმგებლობას არ გააჩნია საგადასახადო კანონმდებლობის დაცვის მიზანი, რაც დამახასიათებელია საგადასახადო პასუხისმგებლობისთვის.⁸¹

საგადასახადო პასუხისმგებლობისგან უნდა გაიმიჯნოს სამოქალაქო-სამართლებრივი პასუხისმგებლობაც, ვინაიდან, დაბეგვრა ატარებს საჯარო-სამართლებრივ და არა კერძო ხასიათს. ამ შემთხვევაში სამოქალაქო

⁷⁷ იხ. Ю. А. Дмитриев, А. А. Евтеева, С.М. Петров, Административное право, Российское юридическое образование, ред. Ю. А. Дмитриева, Москва, Издательство Эксмо, 2005, ст. 277 – 278.

⁷⁸ იხ. ზ. როგავა საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა, ბაკნი, თბილისი, 2009წ. გვ. 288.

⁷⁹ იხ. იქვე, გვ. 288.

⁸⁰ იხ. იქვე, გვ. 290.

⁸¹ იხ. იქვე, გვ. 290.

სამართლებრივი პასუხისმგებლობის მიზანი მიყენებული ზიანის ანაზღაურებაა, მაშინ როცა საგადასახადო პასუხისმგებლობას მეცნიერთა მოსაზრებით, მსგავსი ნიშანი არ გააჩნია.⁸²

სხვადასხვა მეცნიერი განსხვავებულად აფასებს საგადასახადო პასუხისმგებლობის ამა თუ იმ პასუხისმგებლობის სახისადმი მიკუთვნების საკითხს. ამასთან, მეცნიერთა ნაწილი თვლის, რომ საგადასახადო პასუხისმგებლობა ადმინისტრაციული პასუხისმგებლობის ნაირსახეობაა.⁸³

გარდა იმისა, რომ მეცნიერები აფასებენ მიეკუთვნება თუ არ საგადასახადო პასუხისმგებლობა სისხლის, ადმინისტრაციულ თუ სამოქალაქო პასუხისმგებლობის სახეს, უკანასკნელ პერიოდში სპეციალურ ლიტერატურაში სულ უფრო ხშირად განიხილავენ საკითხს პასუხისმგებლობის სპეციალური სახის არსებობის შესახებ, რომელსაც საფინანსო პასუხისმგებლობას უწოდებენ და რომელიც დგება საგადასახადო სამართლდარღვევებისთვის. თუმცა საფინანსო

პასუხისმგებლობის არსებობის შესახებ ჯერ კიდევ აზრთა სხვადასხვაობაა და ერთიანი მოსაზრება არ არის ჩამოყალიბებული. ავტორთა ნაწილი მიიჩნევს, რომ დაუშვებელია თვითონ ტერმინის „საფინანსო პასუხისმგებლობის“ არსებობა.⁸⁴ მეცნიერთა მეორე ნაწილი თვლის, რომ საფინანსო პასუხისმგებლობა, რეგულირების საგნითა და მეთოდით ადმინისტრაციული პასუხისმგებლობის ნაირსახეობაა. მისი სუბიექტები ადმინისტრაციულის მსგავსად, არა თანასწორუფლებიანობის პრინციპზე დამყარებულ ურთიერთობებში იმყოფებიან და ასევე, უშუალოდ მისთვის დამახასიათებელი ნიშნებიც გააჩნიათ.⁸⁵ მაგალითად, 1999 წლამდე რუსეთის ფედერაციაში არსებობდა ფინანსური პასუხისმგებლობის ცნება, მასში მოიაზრებდნენ საგადასახადო პასუხისმგებლობასაც, ვინაიდან ხანგრძლივი დროის განმავლობაში საგადასახადო კანონმდებლობას მიიჩნევდნენ ფინანსური კანონმდებლობის ნაწილად. რუსეთის ფედერაციის საგადასახადო კანონმდებლობა განსაზღვრავდა საგადასახადო სამართლდარღვევებს და სანქციებს ადგენდა მათვის, თუმცა იგივე გადასახადებისა და მოსაკრებების შესახებ კანონმდებლობის დარღვევისთვის პასუხისმგებლობა შეიძლება ადმინისტრაციული კანონმდებლობითაც დამდგარიყო. თუმცა დღესდღეობით მოსაზრება იმის თაობაზე, რომ არსებობს ცალკე პასუხისმგებლობა საფინანსო თუ საგადასახადო სახით, სათანადოდ დასაბუთებული და ნორმატიული საფუძვლებით გამყარებული არ არის.⁸⁶ წარმოდგენილი შეფასებების გარდა, ლიტერატურაში ცალკეული მეცნიერები საგადასახადო პასუხისმგებლობას ფინანსური პასუხისმგებლობის ნაირსახეობად მიიჩნევენ, რომლის ძირითადი თავისებურება მდგომარეობს იმაში, რომ საჯარიმო

⁸² იხ. ზ. როგავა საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა, ბაქმი, თბილისი, 2009წ. გვ. 291.

⁸³ იხ. იქვე, გვ. 292.

⁸⁴ იხ. ზ. როგავა გადასახადები, საგადასახადო სისტემა და საგადასახადო სამართალი, ბაქმი, ბონდო მაცაბერიძის გამომცემლობა, თბილისი, 2002წ. გვ. 288-298.

⁸⁵ იხ. Старилов, Нарушение налогового законодательства и юрисдикционная ответственность, Воронеж, 1995г. ст. 49-52.

⁸⁶ იხ. <<http://www.flexa.ru>> [08.09.2012].

სანქციების გარდა, იგი ითვალისწინებს უფლებააღმდეგებ სანქციებსაც, რაც უზრუნველყოფს გადასახადის გადამხდელის მიერ საგადასახადო კანონმდებლობით გათვალისწინებული ვალდებულების შესრულებას; აგრეთვე, უზრუნველყოფს მათი მართლსაწინააღმდეგო ქმედების შედეგად სახელმწიფოსთვის მიყენებული ზიანის ანაზღაურებას.⁸⁷ თუმცა, მეცნიერთა ამ მოსაზრებებს სამართლებრივი საფუძველი არ გააჩნია.

გარდა განხილულისა, მნიშვნელოვანი განსხვავება ადმინისტრაციულსა და სხვა სახის პასუხისმგებლობებს შორის არის ისიც, რომ სამოქალაქო-მატერიალური ზიანის ანაზღაურებისა და სისხლის სამართლებრივი პასუხისმგებლობის შეფარდებისგან განსხვავებით, რომელზეც გადაწყვეტილების მიღების უფლება გააჩნია მხოლოდ სასამართლოს მართლმსაჯულების განხორციელების შედეგად. ამ შემთხვევაში სუბიექტთა წრე, რომელიც უფლებამოსილია აღნიშნული განახორციელოს, საკმარის მრავალფეროვანია.⁸⁸ საგადასახადო პასუხისმგებლობის შეფარდების უფლება ადმინისტრაციული პასუხისმგებლობის მსგავსად, გააჩნია შესაბამის ადმინისტრაციულ ორგანოებს – საგადასახადო ორგანოებს.

ადმინისტრაციული და მათ შორის, საგადასახადო წარმოების სიმარტივე იძლევა საშუალებას, ადმინისტრაციული სამართალდარღვევებისთვის პასუხისმგებლობა სამართალდამრღვევა პირებს შეეფარდოს ადგილზე, რაც წარმოუდგენლად მიაჩნიათ მეცნიერებს სხვა სახის სამართალდარღვევების შემთხვევაში.⁸⁹ ადნიშნული კიდევ ერთხელ ადასტურებს საგადასახადო პასუხისმგებლობის შეფარდების მსგავსებას ადმინისტრაციულ პასუხისმგებლობასთან, ვინაიდან კანონმდებლობის ანალიზი ცხადყოფს, რომ საგადასახადო პასუხისმგებლობის დაკისრებაც, თავის მხრივ, ადმინისტრაციულის მსგავსად ხორციელდება და თავად სამართალდარღვევის ჩადენის ადგილზეც დასაშვებია.

მეცნიერების ერთი ნაწილი რესერტის საგადასახადო და ადმინისტრაციული კანონმდებლობის საფუძველზე, გამოყოფს ორ მომენტს, რითაც განასხვავებენ საგადასახადო და ადმინისტრაციულ პასუხისმგებლობას. მათი აზრით, მიუხედავად იმისა, რომ საგადასახადო სამართალურთობა თავისი ბუნებით ადმინისტრაციულია, არ არის ძალაუფლებითი ხასიათის და მასში არ არის სუბორდინაციის მომენტი, რაც ჩვეულებრივ ადმინისტრაციულ ურთიერთობებს ახასიათებს. მეორეც, საგადასახადო ურთიერთობის ხასიათიდან გამომდინარე, განსაზღვრულია პასუხისმგებლობის დაკისრების სპეციფიკური ფორმა, როცა საგადასახადო ჯარიმას აკისრებს გადამხდელს, ის ნებაყოფლობით არ ასრულებს მას და ამ შემთხვევაში საგადასახადო მიმართავს სასამართლოს, რათა მისი მეშვეობით მოხდეს დაკისრებული ჯარიმის ამოღება. პასუხისმგებლობის დაკისრებასთან დაკავშირებული წარმოება იწყება ადმინისტრაციული წარმოებით, რომელსაც იწყებს საგადასახადო ორგანო და მთავრდება

⁸⁷ იხ. ზ. როგავა საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა, ბაქმი, თბილისი, 2009წ. გვ. 295.

⁸⁸ იხ. Ю. А. Дмитриев, А.А Евтеева, С.М Петров, Административное право Российской юридическое образование, ред. Ю. А. Дмитриев, Москва, Издательство Эксмо, 2005, ст. 278.

⁸⁹ იხ. იქვე, სტ. 282.

საარბიტრაჟო სამართალწარმოებით.⁹⁰ სრულიად განსხვავებულია ამ საკითხის მიმართ საკანონმდებლო მიღების საქართველოში, ვინაიდან საგადასახადო კოდექსით, ისევე, როგორც ადმინისტრაციული კანონმდებლობით, დადგენილია ის დონისძიებები, რომელთა მეშვეობით საგადასახადო ორგანოებს გააჩნიათ უფლებამოსილება თავად გაატარონ იძულებითი დონისძიებები დაკისრებული სანქციის თანხების ამოსადებად და უზრუნველყონ მათ მიერ მიღებული გადაწყვეტილებების აღსრულება შესაბამისი იძულების დონისძიებების გამოყენებით.

საგადასახადო პასუხისმგებლობას მეცნიერთა მოსაზრებით ახასიათებს ძირითადი ნიშნები: წარმოადგენს მართლწესრიგის დაცვის საშუალებას; გულისხმობს სახელმწიფო იძულების დონისძიებების გამოყენებას; დგება სამართლებრივი ნორმების დარღვევისთვის; დგება სამართლებრივი ნორმების საფუძველზე; წარმოადგენს ბრალეული ქმედების შედეგს; ითვალისწინებს სამართლებრივი ნორმებით დადგენილი სანქციების გამოყენებას და დაკავშირებულია მატერიალური და მორალური ხასიათის უარყოფით შედეგებთან, რომელიც სამართალდამრღვევმა უნდა აიტანოს; მისი რეალიზაცია ხორციელდება შესაბამისი პროცესუალური ფორმებით, თუმცა ის ხასიათდება განსაკუთრებული ნიშნებითაც, რაც მის თავისებურებაზე მიუთითებს: მაგალითად, ხშირ შემთხვევებში სხვადასხვა სამართლებრივ სისტემაში პასუხისმგებლობა გათვალისწინებულია მხოლოდ საგადასახადო კანონმდებლობით, პასუხისმგებლობის ზომები ატარებს მხოლოდ ფინანსურ ხასიათს და ამ პასუხისმგებლობის სუბიექტი ყოველთვის არის სპეციალური.⁹¹

ამავე დროს, მეცნიერთა ნაწილი საგადასახადო პასუხისმგებლობის ნიშნებს ახასიათებს ადმინისტრაციული პასუხისმგებლობისთვის დამახასიათებელი შემდეგი ნიშნების მიხედვით:

- დადგენილია კანონით, ასევე, კანონქვემდებარე აქტებით;
- მისი საფუძველია სამართალდარღვევა;
- მისი სუბიექტი შეიძლება იყოს, როგორც ფიზიკური, ისე იურიდიული პირი;
- მას იყენებს თანამდებობის პირთა ფართო წრე;
- ის არ იწვევს პირის არც თანამდებობიდან გადაყენებას, არც სისხლისსამართლებრივ დასჯას.

თანაც, სახეზეა ერთი შერივ, სახელმწიფო შესაბამისი ორგანოების სახით, მეორე მხრივ კი გადამხდელი, როგორც სუბორდინაციული ურთიერთობის ტიპური მონაწილე, რომელიც სახელმწიფოს ექვემდებარება. ამდენად ეს პასუხისმგებლობა ჩვეულებრივ მიეკუთვნება ადმინისტრაციულს.⁹²

⁹⁰ იხ. С.Г. Пепеляев, А.П. Алёхин, Ответственность за нарушение налогового законодательства, Москва, 1992г. ст. 45.

⁹¹ იხ. ზ. როგავა საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა, ბაქმი, თბილისი, 2009წ. გვ. 296.

⁹² იხ. С.Г. Пепеляев, А.П. Алёхин, Ответственность за нарушение налогового законодательства, Москва, 1992г. ст. 50.

2.2.12. სასამართლო პრაქტიკა

საქართველოს უზენაესმა სასამართლომ ერთ-ერთ საქმეზე №ბს-1133-1095(კ-08) 2009 წლის 27 იანვრის გადაწყვეტილებაში განმარტა, რომ ადმინისტრაციულ სამართალდარღვევათა კოდექსის მე-2 მუხლის მიხედვით, ადმინისტრაციულ სამართალდარღვევათა შესახებ საქართველოს კანონმდებლობა შედგება ამ კონკრეტული კოდექსისა და საქართველოს სხვა საკანონმდებლო აქტებისგან. ეს იმას ნიშნავს, რომ საგადასახადო კოდექსით (ისე, როგორც სხვა ნორმატიული აქტებით) გათვალისწინებული საგადასახადო/ადმინისტრაციული სამართალდარღვევების, როგორც მმართველობით სფეროში წარმოშობილი სამართალუროების მომწერიგებელი ნორმები, იმავდროულად, ადმინისტრაციულ სამართალდარღვევათა კანონმდებლობის ნაწილს წარმოადგენს.⁹³ ამდენად, ცხადია, რომ ადმინისტრაციული სამართალდარღვევები, ისევე, როგორც ამ დარღვევებისთვის დადგენილი პასუხისმგებლობა, მიეკუთვნება ადმინისტრაციული სამართლის ნაწილს, რასაც ამ ურთიერთობისთვის დამახასიათებელი გარკვეული თავისებურებები ახასიათებს. აღნიშნული გადაწყვეტილება კიდევ ერთხელ მიუთითებს საგადასახადო სამართალდარღვევების ადმინისტრაციული სამართალდარღვევებისადმი მიკუთვნებაზე.

2.2.13. საზღვარგარეთის ქვეყნების გამოცდილება

საინტერესო უცხო ქვეყნების გამოცდილება იურიდიული პასუხისმგებლობების სხვადასხვა სახის ურთიერთმიმართებისა და საგადასახადო სამართალდარღვევებისთვის დადგენილი პასუხისმგებლობის მათი რომელიმე სახისთვის მიკუთვნებასთან დაკავშირებით.

ისტორიულად საგადასახადო სამართალდარღვევები როგორც ადმინისტრაციული სამართალდარღვევების ნაწილი, ისევე, როგორც სისხლის სამართლებრივი პასუხისმგებლობისგან გამიჯნული ადმინისტრაციული პასუხისმგებლობა, მთელ რიგ ევროპულ სახელმწიფოებში არ არსებობდა. მაგალითად, შუა საუკუნეებში ნიდერლანდების სამეფოში მოქმედი კ.წ. რომაულ-ჰოლანდიური სამართალი, რომელიც ქველი რომაული სამართლისა და ადგილობრივი სამართლის ნაზავს წარმოადგენდა, საერთოდ არ ყოფდა საგადასახადო დარღვევებს სისხლისსამართლებრივ დანაშაულად და სამართალდარღვევებად (ინგლისურ ვარიანტში felony და misdemeanour). ზოგადად, ყოველი დარღვევა ისტორიულად წარმოადგენდა დანაშაულს, თუმცა დანაშაულებს ყოფდნენ

⁹³ ი.e. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2009 წლის 27 იანვრის გადაწყვეტილება №ბს-1133-1095(კ-08); საქართველოს უზენაესი სასამართლოს გადაწყვეტილებანი ადმინისტრაციულ საქმეებზე, რედ. ს. ჯორბეგნაძე (საგადასახადო დავები 2009 წ. №12) გვ. 240-244.

ორ ძირითად ჯგუფად, საჯარო (პოპულარული, გავრცელებული) და კერძო (არაჩვეულებრივი, არაორდინალური) დანაშაულებად.⁹⁴

როგორც უკვე აღინიშნა, ქართული სამართლებრივი სისტემისგან განსხვავებით, საერთო სამართლის ქვეყნებში დიფერენციაცია ადმინისტრაციულ და სისხლის სამართლის საქმეებზე არ არსებობს. აშშ-ში საერთო სამართლის სისტემისთვის დამახასიათებელი თავისებურების გათვალისწინებით საგადასახადო სამართლდარღვევები მიჩნეულია სისხლისსამართლებრივ დარღვევად, რომლის დადგომის შემთხვევაში პირს შესაბამისად სისხლისსამართლებრივი პასუხისმგებლობა დაეკისრება.⁹⁵ ამასთან აღსანიშნავია, რომ ცალკეულ შემთხვევებში ეს არის პასუხისმგებლობა ფელონისთვის და ცალკეულ შემთხვევებში პირს შესაძლოა დაეკისროს უფრო მსუბუქი სახის პასუხისმგებლობა. მაგალითად, გადასახადების შემცირება და დაფარვა არის ფელონი, მაშინ როცა დეკლარაციის წარუდგენლობა განიხილება, როგორც უფრო მსუბუქი სახის სამართლდარღვევა და მიჩნეულია მისდემინორად.⁹⁶ ამასთანავე, თუ დეკლარაციის წარუდგენლობა გრძელდება გარკვეული პერიოდი, შესაძლებელია, ის მიჩნეულ იქნეს, როგორც გადასახადების არიდების შემადგენელი ნაწილი და დაკვალიფიცირდეს, როგორც დანაშაული.⁹⁷ საინტერესოა გერმანიის ფისკალური კოდექსი (რომლითაც მოწესრიგებულია დაბეგვრის საკითხები გერმანიაში). აღნიშნული კოდექსი საქართველოს საგადასახადო კანონმდებლობისგან განსხვავებული მიღვომით ხასიათდება. ჩვენი სისტემისგან განსხვავებით, ფისკალური კოდექსი განსაზღვრავს სისხლის სამართლის დანაშაულებს და მსგავსად საქართველოს სისხლის სამართლის კანონმდებლობისა, სხვადასხვა სახის საგადასახადო დანაშაულებისთვის აღგენს პასუხისმგებლობას თავისუფლების აღკვეთის სახით ან/და ფულადი ჯარიმის ოდენობით. ამასთან, საინტერესოა, რომ პატიმრობის ვადა საგადასახადო დანაშაულისთვის დადგენილია მაქსიმუმ 10 წლის ვადით.⁹⁸ რაც შეეხება საგადასახადო სამართლდარღვევების ეკვივალენტ დარღვევებს, გერმანიის ფისკალურ კოდექსში მითითებულია, რომ საგადასახადო სამართლდარღვევებად მიიჩნევა ის დარღვევები, რომელთა ჩადენისთვის პირს დაეკისრება ფულადი ჯარიმები, ამასთან, ამ დარღვევებისთვის პასუხისმგებლობა მიჩნეულია ადმინისტრაციულ პასუხისმგებლობად და ადმინისტრაციული სამართლდარღვევების აქტის დებულებები მხოლოდ იმ ნაწილში გამოიყენება გადამხდელთა მიმართ თუ საგადასახადო კანონმდებლობა არ ადგენს განსხვავებულ წესს.

⁹⁴ ob. J. Henning, Perspectives on financial crimes in Roman-Dutch Law, Bribery, fraud and the general crime of falsity (falsiteyt). Journal of Financial Crime, Vol 16, No. 4, 2009, pp. 295-304 <www.emeraldinsight.com/1359-0790.htm> [11.09.2012].

⁹⁵ ob. <http://en.wikipedia.org/wiki/Tax_evasion> [03.02.2012].

⁹⁶ ob. <<http://ezinearticles.com/?Tax-Evasion-Penalties&id=179227>> [03.02.2012].

⁹⁷ ob. <<http://ezinearticles.com/?Tax-Evasion-Penalties&id=179227>> [03.02.2012].

⁹⁸ ob. გერმანიის ფედერაციული რესპუბლიკის ფისკალური კოდექსის მე-8 თავი <http://www.gesetze-im-internet.de/englisch_ao/englisch_ao.html> [15.03.2012].

2.2.14. საგადასახადო სამართალდარღვევები და პასუხისმგებლობა ადამიანის უფლებათა ევროპული სასამართლოს პრეცედენტებში

საგადასახადო პასუხისმგებლობის შესახებ სამეცნიერო ლიტერატურაში არსებული მოსაზრებების შესწავლის გარდა, მნიშვნელოვანია ადამიანის უფლებათა ევროპული სასამართლოს მიღები საგადასახადო სამართალდარღვევების საქმეებთან დაკავშირებით. ერთ-ერთ საქმეში, შჩიკინი უკანინის წინააღმდეგ,⁹⁹ ადამიანის უფლებათა ევროპულმა სასამართლომ განმარტა, რომ საგადასახადო სფეროში სახელმწიფო სარგებლობს სუვერენული უფლებით, დააწესოს გადასახადები და უზრუნველყოს მისი გადახდევინებისთვის შესაბამისი მექანიზმების შემუშავება, რითაც შესაძლოა შეზღუდოს გადამხდელის საკუთრების უფლება, თუმცა აღნიშნული შეზღუდვა, უპირველეს ყოვლისა, დადგენილი უნდა იყოს შესაბამისი კანონმდებლობით.¹⁰⁰ ეს კი საგადასახადო სამართალდარღვევებისა და შესაბამისი პასუხისმგებლობის ზომების კანონმდებლობით დადგენის აუცილებლობაზე მიუთითებს.

ერთ-ერთ საქმეში – ჯუსილა ფინეთის წინააღმდეგ,¹⁰¹ ადამიანის უფლებათა ევროპულმა სასამართლომ აღნიშნა, რომ საგადასახადო სამართალდარღვევებთან დაკავშირებული საქმის განხილვა შედიოდა ადამიანის უფლებათა ევროპული კონვენციის მე-6 მუხლით დაცულ სფეროში. კერძოდ, დღგ-ის გადამხდელს დაეკისრა ჯარიმა მის მიერ

⁹⁹ იხ. ადამიანის უფლებათა ევროპული სასამართლოს გადაწყვეტილება Shchokin v. Ukraine 2011, ECHR, <<http://hudoc.echr.coe.int/sites/eng/pages/search.aspx?i=001-100944>> [11.09.2012]. სასამართლომ ამ საქმეში შეამოწმა საკუთრების უფლების შეზღუდვასთან მიმართებით საგადასახადო ორგანოების მიერ გადამხდელის მიმართ მიღებული გადაწყვეტილების კანონიერება. კერძოდ, საგადასახადო ორგანოებმა საგადასახადო შემოწმებისას გამოავლინეს გადასახადის გადამხდელი ფიზიკური პირის მიერ სამართალდარღვევის ჩადენა, რაც გამოიხატებოდა მათი აზრით გადასახადების არასწორად გამოაწერიშებაში. გადასახადის გადამხდელი დაეყრდნო რა საგადასახადო კანონმდებლობას მის შესაბამისად გამოიანგარიშა საგადასახადო ვალდებულება, თუმცა საგადასახადო ორგანოებმა, კანონის ნაცვლად უპირატესობა მიანიჭება საგადასახადო საკითხებთან დაკავშირებით გამოცემულ კანონქვემდებარე აქტებს და ეს უკანასკნელი იქნა ასევე გათვალისწინებული უკრაინული სასამართლოების მიერ. საგადასახადო ორგანოს მიერ მიღებული გადაწყვეტილების ამ საქმეში სასამართლომ უკანონოდ მიიჩნია სასამართლოსა და საგადასახადო ორგანოების მიერ კანონქვემდებრე ნორმატიული აქტისათვის უპირატესი ძალის მინიჭების საკითხი განსაკუთრებით კი იმ ფონზე, როცა ეროვნულ დონეზე სასამართლოებმა აღნიშნული საკითხი არც კი შეაფასეს. ევროპულმა სასამართლომ ამ შემთხვევაში მიუთითა, რომ საკუთრების უფლების შეზღუდვა არ იყო კანონის საფუძველზე განხორციელებული ვინაიდან უკრაინის კანონმდებლობით დადგენილი წესი განსხვავდებოდა საგადასახადო ორგანოების მიერ ინსტრუქციების საფუძველზე განხორციელებული ქმედებებისაგან. ამდენად, ამ საქმეში სასამართლომ პირდაპირ მიუთითა, რომ საკუთრების უფლების შეზღუდვა, რაც მისაღებია სახელმწიფოს მიერ გადასახადების დაწესებისას, კანონით უნდა იყოს დადგენილი და ამასთან ნებისმიერი კანონქვემდებარე აქტი უნდა შეესაბამებოდეს აღნიშნულ კანონს, წინააღმდეგ შემთხვევაში მათ საფუძველზე განხორციელებული უფლების შეზღუდვა იქნება უკანონო.

¹⁰⁰ იხ. ადამიანის უფლებათა ევროპული სასამართლოს გადაწყვეტილება Shchokin v. Ukraine 2011, ECHR, <<http://hudoc.echr.coe.int/sites/eng/pages/search.aspx?i=001-100944>> [11.09.2012].

¹⁰¹ იხ. ადამიანის უფლებათა ევროპული სასამართლოს გადაწყვეტილება Jussila v. Finland 2006, ECHR, <<http://hudoc.echr.coe.int/sites/eng/pages/search.aspx?i=001-78135>> [11.09.2012].

დეკლარაციაში მონაცემების არასწორად მითითებისთვის. საგადასახადო ორგანოების აღნიშნული გადაწყვეტილება გადამხდელმა გაასაჩივრა სასამართლოში, სადაც საქმის განხილვისას სასამართლომ არ ჩათვალა საჭიროდ ზეპირი მოსმენის გამართვა და საქმეზე ისე მიიღო გადაწყვეტილება. განმცხადებლის აზრით, ამით დაირღვა სამართლიანი სასამართლოს უფლება, რაც კონვენციის თანახმად, სისხლის სამართლის საქმეებზე ზეპირი მოსმენის გამართვას ნიშნავს. ადამიანის უფლებათა ევროპული სასამართლო დაეყრდნო რა თავის პრაქტიკას, დაადგინა, რომ ამ შემთხვევაში სახეზე იყო სისხლისსამართლებრივი ბუნების დავა. სასამართლომ ჩათვალა რა, რომ სახეზე იყო სისხლის სამართლებრივი დავა, ამ შემთხვევაში შეამოწმა რამდენად იყო დაცული კონვენციით გარანტირებული საქვეყნობის პრინციპი და ზეპირ სხდომაზე განხილვის უფლება. სასამართლომ თავის გადაწყვეტილებაში მიუთითა, რომ კონვენციის მიზნებიდან გამომდინარე, ფულადი ჯარიმების დაკისრება, რომლებსაც გააჩნია სადამსჯელო და პრევენციული და არა საკომპენსაციო სასიათი, მიეკუთვნება სისხლისსამართლებრივ კატეგორიას. გარკვეული კატეგორიის საქმეების, როგორიცაა ადმინისტრაციული სახდელები, დისციპლინური პასუხისმგებლობა პენიტენციურ სისტემასა და ფინანსურ სფეროში, დანიშნული სასჯელები არ მიეკუთვნება ტრადიციული გაგებით მკაცრი სისხლისსამართლებრივი კატეგორიის დარღვევებს. მათ შორის, საგადასახადო პასუხისმგებლობის საკითხები არ მიეკუთვნება ტრადიციულ სისხლისსამართლებრივ დავებს თავისი სიმძაფრით.¹⁰²

2.2.1.5. Ne bis in idem-ის პრინციპის დარღვევა საგადასახადო პასუხისმგებლობის ადმინისტრაციულისადმი საკანონმდებლო მიკუთვნების არარსებობის გამო

საგადასახადო სამართალდარღვევების და პასუხისმგებლობის ადგილისა და ადმინისტრაციული პასუხისმგებლობისადმი მისი მიკუთვნების საკითხის გარკვევას დიდი თეორიული მნიშვნელობის გარდა, კონსტიტუციური და პრაქტიკული მნიშვნელობაც გააჩნია, რაც პირდაპირ უკავშირდება კონსტიტუციით გარანტირებული უფლებების დაცვის რეალიზაციას.

სხვადასხვა საკანონმდებლო აქტით მსგავსი სამართალდარღვევების ჩადენისთვის პასუხისმგებლობის საკითხის გათვალისწინება ხშირად იწვევს ერთი და იმავე ქმედებისთვის პირების მიმართ რამდენჯერმე პასუხისმგებლობის დაკისრებას. საქართველოს კონსტიტუციით განმტკიცებულია¹⁰³ საერთაშორისო სამართლით აღიარებული პრინციპი - *ne bis in idem*,¹⁰⁴ რომლის დაცვა, თავისთავად, მნიშვნელოვანია საგადასახადო

¹⁰² ი. ადამიანის უფლებათა ევროპული სასამართლოს გადაწყვეტილება Jussila v. Finland 2006, ECHR, <<http://hudoc.echr.coe.int/sites/eng/pages/search.aspx?i=001-78135>> [11.09.2012].

¹⁰³ ი. საქართველოს კონსტიტუცია (გამოქვეყნებული საქართველოს პარლამენტის უწყებები, 1995 წ. №№31-33, მუხ. 668) 42-ე მუხლის მე4 ნაწილი, 2012 წლის 14 დეკემბრის მდგომარეობით.

¹⁰⁴ აღნიშნული პრინციპი სამართლის ზოგადი პრინციპია, რომელიც ცალკეულ სამართლებრივ სისტემებში კონსტიტუციურ პრინციპადაცაა მიჩნეული. ამავე დროს ეს უკანასკნელი წარმოადგენს ადამიანის უფლებათა საერთაშორისო სამართლის

სამართალდარღვევებთან მიმართებითაც. საქართველოს უზენაესი სასამართლოს საკასაციო პალატას ამ საკითხთან დაკავშირებით ერთ-ერთ საქმეში განმარტებული აქვს, რომ იმ პირობებში თუ ადგილი აქვს გადაცდომის ერთსა და იმავე ფაქტს, მაშინ თავისთავად გამორიცხულია პასუხისმგებლობის ორი ღონისძიების დადგენა, ხოლო თუ სახეზეა სხვადასხვა სახის გადაცდომა, ამ შემთხვევაში არ გამოირიცხება ორი სხვადასხვა ნორმის ერთობლიობაში გამოყენების შესაძლებლობა.¹⁰⁵

2006 წლის 17 ივნისიდან ადმინისტრაციულ სამართალდარღვევათა კოდექსის 164-ე მუხლით დადგენილი იყო პასუხისმგებლობა სუბიექტის მიერ სახელმწიფო რეგისტრაციის გარეშე სამეწარმეო საქმიანობის განხორციელებისთვის. 2011 წლის 8 ნოემბერს ადმინისტრაციულ სამართალდარღვევათა კოდექსში შეტანილი ცვლილებების საფუძველზე აღნიშნული ნორმა გაუქმდა.¹⁰⁶ ამავე დროს, 2004 წლის 1 იანვრიდან საგადასახადო კოდექსის 130-ე მუხლით განსაზღვრული იყო პასუხისმგებლობა სახელმწიფო რეგისტრაციისა და გადამხდელად აღრიცხვის გარეშე სუბიექტის მიერ განხორციელებული საქმიანობისთვის. აღნიშნული შინაარსის ნორმა მოქმედებდა 2009 წლის 1 იანვრამდე, ხოლო 2009 წლის 1 იანვრიდან ძველი და ახალი საგადასახადო კოდექსებით, შესაბამისად, დადგენილია საგადასახადო პასუხისმგებლობა პირის მიერ გადასახადის გადამხდელად აღრიცხვის საქართველოს კანონმდებლობით დადგენილი წესის დარღვევისთვის¹⁰⁷. ამდენად, ამ ნორმებიდან ჩანს, რომ 2006 წლიდან 2009 წლის 1 იანვრამდე სახელმწიფო რეგისტრაციის გარეშე საქმიანობისთვის პასუხისმგებლობა საწარმოების მიმართ დადგენილი იყო ერთდროულად საგადასახადო და ადმინისტრაციული სამართალდარღვევების კოდექსებით, ხოლო 2009 წლის 1 იანვრიდან 2011 წლის 11 ნოემბრამდე სახელმწიფო რეგისტრაციის გარეშე საქმიანობისთვის პასუხისმგებლობა დადგენილი იყო ადმინისტრაციულ სამართალდარღვევათა კოდექსით, ხოლო გადამხდელად აღრიცხვაზე წესის დარღვევისთვის კი საგადასახადო კოდექსით. ამ საკითხთან მიმართებით ყველაზე მნიშვნელოვანია ის, რომ საწარმოების საგადასახადო და სახელმწიფო რეგისტრაცია 2006 წლიდან დღემდე, კერძოდ 2006 წლის 17 ივნისის მდგომარეობით, მეწარმეთა შესახებ საქართველოს კანონის მე-4 მუხლის შესაბამისად, ხორციელდებოდა ერთდროულად ერთი უწყების მიერ.

ინსტრუმენტს. თავის თავში ეს პრინციპი მოიაზრებს პირის მიმართ ერთდაიგივე ქმედებისათვის პასუხისმგებლობის ორჯერ დაკისრების დაუშვებლობას. იხ. John A.E. Vervaele, The transnational ne bis in idem principle in the EU Mutual recognition and equivalent protection of human rights, <http://www.utrechtlawreview.org/> Volume 1, Issue 2 (December) 2005. pp. 100 <<http://www.utrechtlawreview.org/index.php/ulr/article/download/10/10>> [14.11.2012].

¹⁰⁵ იხ. საქართველოს უზენაესი სასამართლოს ადმინისტრაციულ საქმეთა პალატის 2011 წლის 20 აპრილის №ბს-1542-1503 (კ-10) გადაწყვეტილება, საქართველოს უზენაესი სასამართლოს გადაწყვეტილები <www.supremecourt.ge> [09.09.2012].

¹⁰⁶ იხ. საქართველოს ადმინისტრაციულ სამართალდარღვევათა კოდექსი (გამოქვეყნებული საქართველოს სსრ უმაღლესი საბჭოს უწყებები, 1984წ. №12, მუხ. 421), მე-164 მუხლი, 2011 წლის 11 ნოემბერის მდგომარეობით.

¹⁰⁷ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 273-ე მუხლი, 2011 წლის 8 ნოემბრის მდგომარეობით.

თუ სუბიექტი დაარღვევდა სახელმწიფო ოეგისტრაციის წესს, ეს ავტომატურად ნიშავდა საგადასახადო აღრიცხვის წესის დარღვევას და პირიქით. ამდენად, ერთი კონკრეტული ქმედებისთვის პასუხისმგებლობას აწესებდა ორი სხვადასხვა საკანონმდებლო აქტი და იდნიშნული ნორმები ერთდროულად მოქმედებდა წლების განმავლობაში.¹⁰⁸ იმ შემთხვევაში, თუ მიიჩნევა, რომ საგადასახადო პასუხისმგებლობა არის ადმინისტრაციული პასუხისმგებლობის ნაირსახეობა, აღნიშნული ნორმები საერთაშორისო სამართლით აღიარებული პრინციპის - *ne bis in idem* დარღვევად შეფასდება. უშუალოდ ამ ნორმასთან დაკავშირებით საქართველოს სასამართლოებს ნამსჯელი არ აქვს, თუმცა ამ საკითხის შესწავლისას მნიშვნელოვანია ადამიანის უფლებათა ევროპული სასამართლოს პრეცედენტული სამართალი. ევროპულ სასამართლოს მსგავსი საკითხი აქვს განხილული საქმეში – რუსტალაინენი ფინეთის წინააღმდეგ. გადასახადის გადამხდელი დააჯარიმეს მცირე მნიშვნელობის დარღვევისთვის სისხლის სამართლის კანონმდებლობით დადგენილი წესით და ამავე დროს, ადმინისტრაციული წესით დააკისრეს ჯარიმა კონკრეტული სახის საწვავის გამოყენების შესახებ წინასწარ სათანადო ორგანოებისთვის შეუტყობინებლობისა და გადასახადის გადაუხდელობის გამო. გადამხდელმა გაასაჩივრა აღნიშნული პროცედურები ადამიანის უფლებათა ევროპულ სასამართლოში და მიუთითა, რომ მის მიმართ სახელმწიფომ გამოიყენა ორმაგი პასუხისმგებლობა. სასამართლომ მიიჩნია, რომ ფულადი ჯარიმის სახით დაკისრებული ორივე სახის ჯარიმა, რომელსაც საკომპენსაციო ხასიათთან შედარებით სადამსჯელო ხასიათი ჰქონდა, წარმოადგენდა სისხლის სამართლებრივი ბუნების მატარებელს და ამდენად, ამ მიღეობის გათვალისწინებით და კონკრეტული საქმის ფაქტობრივი გარემოებების შეფასების გზით მივიდა დასკვნამდე, რომ სახელმწიფოს მიერ დარღვეულ იქნა უმნიშვნელოვანესი პრინციპი, რაც გამოიხატებოდა პირისთვის ერთი და იმავე ქმედებისთვის ორჯერ სისხლისსამართლებრივი წესით პასუხისმგებლობის დაკისრების აკრძალვაში.¹⁰⁹ მართალია, ეს საკითხი სისხლის სამართლის დაცვის სფეროს ქვეშ იქნა განხილული, თუმცა ქართული სისტემის თავისებურებიდან გამომდინარე, ვინაიდან ადმინისტრაციული და საგადასახადო პასუხისმგებლობები მსგავსი ბუნების მატარებელია, ზემოთ განხილული ორი შემთხვევა არის ერთი და იმავე ბუნების და ამ შემთხვევებში დაუშვებელია პასუხისმგებლობის დაკისრება განხორციელდეს ერთდროულად.

ამდენად, აღნიშნული მსჯელობა კიდევ ერთხელ ადასტურებს საჭიროებას საკანონმდებლო დონეზე განისაზღვროს საგადასახადო სამართალდარღვევებისადმი მიკუთვნებისა და საგადასახადო პასუხისმგებლობის ადმინისტრაციული პასუხისმგებლობის ნაირსახეობად მიჩნევასთან დაკავშირებით, რაც, თავის

¹⁰⁸ იხ. მეწარმეთა შესახებ საქართველოს კანონი (გამოქვეყნებული საქართველოს პარლამენტის უწყებები, 1994წ. №№21-22, მუხ. 455) მე-4 მუხლი, 2006 წლის 17 ივნისის მდგრმარეობით.

¹⁰⁹ იხ. ადამიანის უფლებათა ევროპული სასამართლოს გადაწყვეტილება Ruotsalainen v. Finland, 2009, ECHR <<http://hudoc.echr.coe.int/sites/eng/pages/search.aspx?i=001-92961>> [11.09.2012].

მხრივ, გამორიცხავს ერთსა და იმავე ქმედებისთვის ორმაგი პასუხისმგებლობის დაკისრებას მომავალში.

თავი 3. საგადასახადო პასუხისმგებლობის პრინციპები

საგადასახადო სამართალდარღვევების ჩადენისთვის დადგენილი პასუხისმგებლობის შეფარდებისას, ისევე, როგორც ნებისმიერი იურიდიული პასუხისმგებლობის დაკისრების დროს, მნიშვნელოვანია ის პრინციპები, რომელთა შესაბამისად უნდა დაეკისროს სამართალდამრღვევს პასუხისმგებლობა. აღნიშნული საკითხი წარმოადგენს საკანონმდებლო რეგულირების საგანს და ასევე, სამეცნიერო ლიტერატურაშიც განიხილება. გარდა ამისა, საგადასახადო სამართალდარღვევებისთვის დადგენილი პასუხისმგებლობის შეფარდების პრინციპების შესწავლა, მნიშვნელოვანია აღმინისტრაციულ პასუხისმგებლობასთან მიჯნის გავლების თვალსაზრისითაც.

საგადასახადო სისტემაში პასუხისმგებლობის პრინციპებთან ერთად დადგენილია დაბეგვრის პრინციპები, რომლებიც წარმოადგენს ძირითად საბაზრო იდეებსა და დებულებებს, დაბეგვრის რეგულაციების დასადგენად.¹¹⁰ საგადასახადო პასუხისმგებლობის პრინციპები გათვალისწინებულ უნდა იქნეს უშუალოდ გადამხდელების მიმართ საგადასახადო პასუხისმგებლობის დაკისრების პროცესში. ამასთან, მათი განხილვა მიზანშეწონილია განხორციელდეს დაბეგვრის ზოგად პრინციპებთან ერთობლიობაში.

დაბეგვრის სფეროში შესაძლებელია გამოიყოს ეკონომიკური, სამართლებრივი და ორგანიზაციული პრინციპები. ეკონომიკური პრინციპები ეს ის პრინციპებია, რომლებიც მეტწილად განსაზღვრავს დაბეგვრის ეკონომიკურ მხარეებს და ფისკალურ ეფექტს გადამხდელების მიმართ. დაბეგვრის ეკონომიკური პრინციპები მოიცავს ისეთ პრინციპებს, როგორიცაა სამუშაო დამოუკიდებლობისა და თავისუფლების პრინციპი, რომელიც გადამხდელის კერძო საკუთრების დაცვას ემსახურება; სამართლიანობის პრინციპი, რომელიც ადგენს გადამხდელთა შესაძლებლობების ფარგლებში სახელმწიფო ბიუჯეტის ფორმირებაში მათი თანაბარი მონაწილეობის მიღებას; განსაზღვრულობის პრინციპი, რაც გადასახდელი თანხის მეტ-ნაკლებად წინასწარ განსაზღვრულობის საკითხს ეხება; მოხერხებულობის პრინციპი განსაზღვრავს გადამხდელებისთვის სასურველი ფორმებით გადახდის განხორციელების შესაძლებლობას; ეკონომიკის (იგივე ეფექტურობისა და ეკონომიკურობის პრინციპები) პრინციპის შესაბამისად გადასახდების აღმინისტრირებაზე გაწეული ხარჯები გაცილებით ნაკლები უნდა იყოს თავად აკრეფილ გადასახადებზე; შესაბამისობის პრინციპი მიმართულია

¹¹⁰ იხ. ზ. როგავა, გადასახადები, საგადასახადო სისტემა და საგადასახადო სამართალი, ბაკალავრის გამოცემლობა, თბილისი, 2002წ. გვ. 37.

გადასახადის გადამხდელებისა და სახელმწიფოს საბიუჯეტო ინტერესების დაბალანსებისკენ.¹¹¹

დაბეგვრის სამართლებრივ პრინციპებში იგულისხმება ის მთავარი სამართლებრივი მიღომები, რომლებიც დამახასიათებელია საგადასახადო სამართლის, როგორც სამართლის დარგისთვის და განსაზღვრავს მის მთავარ სამართლებრივ მიღომებს. სამართლებრივი პრინციპებია: თანასწორი საგადასახადო ტიკირთის პრინციპი, ე.წ. ნეიტრალობის პრინციპი, რომელიც გამორიცხავს ინდივიდუალური ხასიათის გადასახადების დაწესებას და მათ საყოველთაო ხასიათს უსვამს ხაზს; გადასახადების დაწესებისა და შემოღების კანონიერების პრინციპში მოიაზრება გადასახადების დაწესება მხოლოდ საკანონმდებლო აქტების საფუძველზე; საგადასახადო კანონმდებლობის უკუქმედების ძალა. აღნიშნული პრინციპი, ასევე, ძალიან მნიშვნელოვანია, ვინაიდან გამორიცხავს საგადასახადო ვალდებულებების უკუთარილით წარმოშობის შესაძლებლობას; საგადასახადო კანონის პრიორიტეტულობის პრინციპი მიიჩნევა საგადასახადო სამართლის განსაკუთრებულ პრინციპად, რომლითაც უპირატესობა დაბეგვრასთან დაკავშირებულ საკითხებთან მიმართებით ყოველთვის საგადასახადო კანონმდებლობას ენიჭება; და ბოლოს, საგადასახადო კანონმდებლობით გადასახადის ყველა ელემენტის არსებობის პრინციპი გამორიცხავს საგადასახადო ვალდებულებების შესრულებას თუ დაბეგვრასთან დაკავშირებული ყველა საკითხი არ იქნება დადგენილი და განსაზღვრული კანონმდებლობით.¹¹²

დაბეგვრის სისტემის ფარგლებში მოქმედი მესამე ტიპის პრინციპებს მიეკუთვნება ორგანიზაციული პრინციპები, რომლებიც საგადასახადო სისტემის მართვისა და განვითარების ძირითად მიმართულებებს განსაზღვრავს. კერძოდ, საგადასახადო სისტემას განსაზღვრავს ერთიანობის პრინციპი, რაც ნიშნავს საგადასახადო საკითხების ერთგვაროვან მოწესრიგებას მთელი ქვეყნის ტერიტორიაზე. აღნიშნული პრინციპი გამოხატულებას პოულობს საქართველოს კონსტიტუციაში; ელასტიურობის პრინციპი, რომელიც უშვებს შესაძლებლობას, რომ საგადასახადო სისტემა ოპერატორებით შეიცვალოს საგადასახადო ტიკირთის შემცირების ან გაზრდის მიმართულებით სახელმწიფოს ობიექტური საჭიროებების და შესაძლებლობების შესაბამისად. სახელმწიფოს, პოლიტიკური და ეკონომიკური ცვალებადობის შესაბამისად, უნდა გააჩნდეს ადაპტირების და ადეკვატური რეაგირების შესაძლებლობა; ელასტიურობის პრინციპის საპირისპირო პრინციპია სტაბილურობის პრინციპი, რომელიც საგადასახადო კანონმდებლობაში ცვლილებების შეტანას მხოლოდ საჭიროების შემთხვევებს უკავშირებს.¹¹³ შესაძლებელია ითქვას, რომ საქართველოში ელასტიურობისა და სტაბილურობის პრინციპის ურთიერთშეთავსებადობა და წონასწორობა დარღვეულია. საგადასახადო კოდექსი არის ერთ-ერთი ყველაზე ცვალებადი კანონი, მასში ყველაზე

¹¹¹ იხ. ზ. როგავა გადასახადები, საგადასახადო სისტემა და საგადასახადო სამართალი, ბაქმი, ბონდო მაცაბერიძის გამომცემლობა, თბილისი, 2002წ. გვ. 37-42.

¹¹² იხ. იქვე, გვ. 55-57.

¹¹³ იხ. იქვე, გვ. 85-88.

უფრო ხშირად შედის ცვლილებები სხვა საკანონმდებლო აქტებთან შედარებით.¹¹⁴ გადასახადების დაწესება, შემოღება და გაუქმება ქვეყნის სახელმწიფოებრივი სუვერენიტეტის ერთ-ერთ ძირითად გამოვლინებას წარმოადგენს. ამასთან, გადასახადების დაწესება ხორციელდება ცალმხრივად სახელმწიფოს მიერ მიღებული გადაწყვეტილებების საფუძველზე და ამ გადაწყვეტილებების მიღებაში გამოიხატება სახელმწიფოს სუვერენიტეტისა და დამოუკიდებლობის ხარისხი,¹¹⁵ ხშირი საკანონმდებლო ცვლილებები მოითხოვს საოთანადო დასაბუთებას. მაგალითად, 2004 წელს მიღებულ საგადასახადო კოდექსში 2010 წლის სექტემბრამდე (სანამ ახალ საგადასახადო კოდექსს მიიღებდა საქართველოს პარლამენტი) 68-ჯერ იქნა შეტანილი ცვლილებები და დამატებები.¹¹⁶ 2011 წლის 1 იანვრიდან ძალაში შესულ საგადასახადო კოდექსში კი 2012 წლის 28 სექტემბრის მდგომარეობით უკვე შეტანილია 52-ჯერ ცვლილება და დამატებები.¹¹⁷

განხილული დაბეგვრის პრინციპები ზოგადად ვრცელდება დაბეგვრის ყველა საკითხის და მათ შორის, საგადასახადო პასუხისმგებლობის შეფარდების მიმართაც, ოუმცა, როგორც უკვე აღინიშნა, საგადასახადო პასუხისმგებლობის შეფარდებისას საგადასახადო კანონმდებლობა ცალკე გამოყოფს იმ ძირითად დებულებებსა და პრინციპებს, რომლებიც უშუალოდ პასუხისმგებლობის დაკისრების მიმართ ვრცელდება.

ლიტერატურაში გამოთქმულია მოსაზრებები, რომ საგადასახადო პასუხისმგებლობა, როგორც იურიდიული პასუხისმგებლობა, ეფუძნება სამართლიანობის, კანონიერების, გარდაუვალობის და სხვა პრინციპებს.¹¹⁸ სამართლიანობის პრინციპი გულისხმობს სანქციების გამოყენებას საგადასახადო სამართლდარღვევის მართლსაწინააღმდეგო ხასიათისა და ხარისხის გათვალისწინებით. საგადასახადო სამართლდარღვევის უმეტესი ნაწილი დაკავშირებულია გადასახადების გადაუხდელობასთან ან არადროულ გადახდასთან. ამ სახის დარღვევები შეიძლება გამოიწვიოს გადასახადის ობიექტის დამალვამ, აღრიცხვისა და ანგარიშგების მონაცემების განზრას დამახინჯებამ. გადასახადის გადაუხდელობა შეიძლება გამოიწვიოს, ასევე, საგადასახადო ბაზის შემცირებამ გამოანგარიშების დროს დაშვებული შეცდომების შედეგად. სამართლიანობის პრინციპის შესაბამისად მეცნიერები მიიჩნევენ, რომ

¹¹⁴ საქართველოს საგადასახადო კოდექსში 2012 წლის 28 სექტემბრის მდგომარეობით 52-ე ჯერ იქნა შეტანილი ცვლილებები და დამატებები, იხ. საქართველოს პარლამენტის ოფიციალური http://www.parliament.ge/index.php?option=com_content&view=article&id=2&Itemid=34&lang=ge

[27.09.2012].

¹¹⁵ იხ. ზ. როგავა, გადასახადები, საგადასახადო სისტემა და საგადასახადო სამართალი, ბაკმი, ბონდო მაცაბერიძის გამომცემლობა, თბილისი, 2002წ. გვ. 88-91.

¹¹⁶ იხ. <http://www.parliament.ge/index.php?lang_id=GEO&sec_id=69&kan_det=det&kan_id=352>

[27.09.2012].

¹¹⁷ იხ. <http://www.parliament.ge/index.php?lang_id=GEO&sec_id=69&kan_det=det&kan_id=4396>

[27.09.2012].

¹¹⁸ იხ. ზ. როგავა, გადასახადები, საგადასახადო სისტემა და საგადასახადო სამართალი, ბაკმი, ბონდო მაცაბერიძის გამომცემლობა, თბილისი, 2002წ. გვ. 298-302

ქმედების ხასიათიდან გამომდინარე სამართალდამრღვევთა მიმართ გამოყენებულ უნდა იქნეს სხვადასხვა სახის ზემოქმედების ღონისძიებები. მაგალითად, გადასახადით დასაბეგრი ობიექტის დამალვისთვის გათვალისწინებულ უნდა იქნეს არა მხოლოდ ადმინისტრაციული, არამედ სისხლის სამართლებრივი პასუხისმგებლობაც. საგადასახადო ბაზის შემცირებისთვის კი, რომელიც გაუფრთხილებლობით არის ჩადენილი, შეიძლება გათვალისწინებული იყოს მხოლოდ საგადასახადო პასუხისმგებლობა¹¹⁹ და შესაბამისად, მხოლოდ ადმინისტრაციული ზემოქმედების ღონისძიებები.

შესაბამისობის პრინციპის მიხედვით, პასუხისმგებლობის ზომა საგადასახადო სამართალდარღვევისთვის უნდა შეესაბამებოდეს ქმედებას, ე.ო. უნდა იყოს საგადასახადო კანონმდებლობის შეუსრულებლობის შედეგად სახელმწიფოსთვის მიყენებულ ზიანის აღეკვატური. ამავე დროს, აუცილებელია, მხედველობაში იქნეს მიღებული ზიანის ფორმა და მისი მოცულობა.

განსაზღვრულობის პრინციპის მიხედვით, ზუსტად უნდა განისაზღვროს იმ ქმედებათა კონკრეტული ნიშნები, რომლებიც სამართალდარღვევებიდაა მიჩნეული. ყოველი სამართალდარღვევა მკაფიოდ უნდა იყოს ჩამოყალიბებული და განსაზღვრული.¹²⁰ მეცნიერები ლიტერატურაში პირდაპირ მიუთიობენ საკანონმდებლო აქტების საფუძველზე სამართალდარღვევის ნიშნების მკაფიო განსაზღვრის, დასჯად და არა დასჯად ქმედებებს შორის საზღვრების მკაფიოდ გამიჯვნის აუცილებლობაზე.¹²¹ ევროპავშირის სტანდარტით, კანონმდებლობით ნათლად უნდა იქნეს დადგენილი და განსაზღვრული გადამხედველთა ვალდებულებები. აღნიშნული მოთხოვნა უფრო მკაცრია იმ შემთხვევაში, თუ ნორმები ისეთი გარკვეული ფინანსური შედეგების დადგომას უკავშირდება,¹²² როგორიცაა, მაგალითად, ფინანსური პასუხისმგებლობის დადგენა.

სამართლის ნორმის განსაზღვრულობა გამომდინარეობს კანონის წინაშე პირთა თანასწორუფლებიანობის კონსტიტუციური პრინციპიდან, რაც შეიძლება უზრუნველყოფილ იქნეს მხოლოდ ნორმის ერთგვაროვანი გაგებითა და განმარტებით. სამართლებრივი ნორმის განუსაზღვრელი შინაარსი კი პირიქით, თანასწორუფლებიანობის და კანონის უზენაესობის პრინციპის დარღვევას იწვევს.¹²³

ერთჯერადობის პრინციპი გამომდინარეობს ზოგად სამართლებრივი პრინციპიდან, რომ არ შეიძლება ვინმე ერთსა და იმავე სამართალდარღვევისთვის ორჯერ დაისაჯოს.¹²⁴ აღნიშნული პრინციპის

¹¹⁹ იხ. ზ. როგავა, საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა, ბაქმი, თბილისი, 2009 წ. გვ. 299.

¹²⁰ იხ. იქვე, გვ. 300.

¹²¹ იხ. იქვე, გვ. 300.

¹²² იხ. Traditional and Alternative Routes to European Tax Integration: Primary Law, Secondary Law, Soft Law, Coordination, Comitology and their Relationship, Edited by D. Weber, IBFR, 2010, pp. 258.

¹²³ იხ. ზ. როგავა საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა, ბაქმი, თბილისი, 2009 წ. გვ. 300.

¹²⁴ იხ. იქვე, გვ. 300-301.

თაობაზე მსჯელობა იყო წინამდებარე სადისერტაციო ნაშრომის 2.2.15. ქვეთავში საგადასახადო პასუხისმგებლობის ადმინისტრაციული პასუხისმგებლობისადმი მიკუთვნებადობის შესწავლისას, თუმცა აქ განიხილება როგორც საგადასახადო პასუხისმგებლობის დაკისრების მნიშვნელოვანი სამართლებრივი პრინციპი.

ეს პრინციპი - *ne bis in idem* ადმინისტრაციულ კანონმდებლობაშიც არის განმტკიცებული და საგადასახადო კოდექსიც მიუთითებს, რომ ერთი და იმავე საგადასახადო სამართალდარღვევისთვის გადამხდელებს არ შეიძლება დაეკისროთ სხვადასხვა პასუხისმგებლობა ან განმეორებით დაეკისროთ პასუხისმგებლობა.¹²⁵ ამასთან, ეს პრინციპი ძალიან მნიშვნელოვანია და არა ერთხელ გამხდარა დასავლურ და ამერიკულ სამეცნიერო ლიტერატურაში კვლევისა და განხილვის საგანი.

ინდივიდუალიზაციის პრინციპის თანახმად, პასუხისმგებლობის ზომები უნდა იქნეს გამოყენებული სამართალდარღვევის, ბრალის ხასიათისა და იმ გარემოებების გათვალისწინებით, რომლებიც ამსუბუქებენ ან ამბიმებენ პასუხისმგებლობას.¹²⁶ თუმცა ქართული კანონმდებლობით სამართალდარღვევების ჩადენის შემთხვევაში ბრალის არსებობა პასუხისმგებლობის დაკისრების წინაპირობა არ არის¹²⁷.

დასაბუთებულობის პრინციპის თანახმად, საგადასახადო კანონმდებლობის დარღვევისთვის შეფარდებული პასუხისმგებლობის ზომა უნდა იქნეს დასაბუთებული აღნიშნულ სამართალდარღვევასთან მიმართებაში.¹²⁸

არარეპრესულობის პრინციპის თანახმად, სამართლებრივ სახელმწიფოში სამართალი არის არა იძულებისა და რეპრესიის გზით პიროვნების დათრგუნვის საშუალება, არამედ სხვადასხვა საზოგადოებრივი ინტერესების კოორდინაციის მექანიზმი. ყოველ შემთხვევაში, გადასახადის გადაუხდელობამ გარდაუვლად უნდა გამოიწვიოს სამართალდარღვევის მიმართ პასუხისმგებლობის ღონისძიებების გამოყენება, რომლებიც არ უნდა ატარებდეს რეპრესიულ ხასიათს. ლიტერატურაში აღნიშნულია, რომ საქართველოში 1992-1997 წლების ანალიზი აჩვენებს, რომ საჯარიმო თანხები ერთობლიობაში რამდენჯერმე აღემატებოდა საგადასახადო ვალდებულებების ოდენობას და მთელ რიგ შემთხვევებში საფრთხის წინაშე დგებოდა მეწარმის შემდგომი საქმიანობა. სანქციები ამცირებს პირის შემოსავლებს, მაგრამ არ შეიძლება მთლიანად მოუსპოს საგადასახადო კანონმდებლობის დამრღვევს შემოსავლის წყარო. საგადასახადო

¹²⁵ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 270-ე მუხლის მე-3 ნაწილი, 2012 წლის 25 ივნისის მდგრმარეობით.

¹²⁶ იხ. ზ. როგორა, საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა, ბაკმი, თბილისი, 2009წ. გვ. 300-301.

¹²⁷ საქართველოს საგადასახადო კოდექსის 269-ე მუხლის პირველი ნაწილი ბრალს, როგორც პასუხისმგებლობის დაკისრების წინაპირობას არ ითვალისწინებს. იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 269-ე მუხლის 1-ლი ნაწილი, 2012 წლის 25 ივნისის მდგრმარეობით.

¹²⁸ იხ. ზ. როგორა, საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა, ბაკმი, თბილისი, 2009წ. გვ. 300-301.

სამართალდარღვევისთვის სანქციის გამოყენებისას მხედველობაში უნდა იქნეს მიღებული სუბიექტის მატერიალური მდგომარეობა.¹²⁹ კანონისა და სასამართლოს წინაშე მოქალაქეთა თანასწორობის კონსტიტუციური პრინციპიდან გამომდინარე, სამართლის ნორმა უნდა იყოს მკაფიოდ განსაზღვრული, ნათელი და არაორაზროვანი. სამართალგამოყენებით პროცესში მოქალაქეთა თანასწორობა შესაძლებელია, უზრუნველყოფილი იყოს მხოლოდ ნორმების ერთგვაროვანი გაგებისა და ასენა-განმარტების პირობით.¹³⁰ როგორც სამეცნიერო ლიტერატურაში, ასევე, სასამართლო გადაწყვეტილებებში აღნიშნულთან დაკავშირებით მითითებულია, რომ სამართლის ნორმის ბუნდოვანი შინაარსი შესაბამის სუბიექტებს სამართალგამოყენებით პროცესში აძლევს თვითნებობის შესაძლებლობის განხორციელების უფლებას, რაც, თავის მხრივ, იწვევს კანონის უზენაესობის პრინციპის დარღვევას.¹³¹

საგადასახადო სამართალდარღვევებისა და საგადასახადო
პასუხისმგებლობის ზოგადი პრინციპები განმტკიცებულია მოქმედ
საგადასახადო კოდექსშიც. საგადასახადო კოდექსის მე-5 მუხლში
კანონმდებლის მიერ განსაზღვრულია საგადასახადო კანონმდებლობის
პრინციპები, ხოლო საგადასახადო კოდექსის 269-ე მუხლით საგადასახადო
სამართალდარღვევებისა და საგადასახადო პასუხისმგებლობის ზოგადი
პრინციპებია დადგენილი. ამდენად, საგადასახადო პასუხისმგებლობის
პრინციპები განიხილება არა მხოლოდ სამეცნიერო ლიტერატურაში, არამედ
მოწერილებულია საკანონმდებლო წესითაც. კერძოდ, კანონმდებლობის
უკუკალის საკანონმდებლო პრინციპი ზოგადი პრინციპია, რომელიც
გამორიცხავს წარსულ პერიოდზე ახლად მიღებული ნორმების
გავრცელებას, გარდა გამონაკლისებისა. კერძოდ, 269-ე მუხლის მე-2
ნაწილში მითითებულია, რომ საგადასახადო სამართალდარღვევისთვის
სანქციის შეფარდების დროს, თუ კანონით გაუქმებულია ან
შემსუბუქებულია პასუხისმგებლობა, ასეთი ქმედების ჩადენისთვის
მოქმედებს ახალი კანონით დადგენილი ნორმა, ხოლო თუ შემოღებულია ან
დამძიმებულია პასუხისმგებლობა, გამოიყენება ქმედების ჩადენის
მომენტისთვის არსებული ნორმა.¹³² საქართველოს უზენაესი სასამართლოც
თავის ერთ-ერთ გადაწყვეტილებაში მიუთითებს და აღნიშნავს, რომ ტერმინი
„პასუხისმგებლობა“ უნდა განიმარტოს ფართოდ და მასში იგულისხმება
ნებისმიერი სახის იურიდიული პასუხისმგებლობა.¹³³ აღნიშნული მოთხოვნა
ასახულია, როგორც დღეს მოქმედ საგადასახადო კოდექსში, ასევე,

¹²⁹ იხ. ზ. როგავა გადასახადები, საგადასახადო სისტემა და საგადასახადო სამართალი, ბაკმი, ბონდო მაცაბერიძის გამომცემლობა, თბილისი, 2002წ. გვ. 318-321.

¹³⁰ იხ. ზ. როგავა, საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა, ბაკმი, თბილისი, 2009წ. გვ. 300.

¹³¹ იხ. იქკე, ზ. როგავა, გვ. 300.

¹³² იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 269-ე მუხლის მე-2 ნაწილი, 2012 წლის 25 ივნისის მდგომარეობით.

¹³³ იხ. აღმინისტრაციულ საქმეთა პალატის 2011 წლის 29 ივნისის გადაწყვეტილება №ბს-1750-1706(კ-10), საქართველოს უზენაესი სასამართლოს გადაწყვეტილებები, <<http://prg.supremecourt.ge/DetailViewAdmin.aspx>> [24.08.2012].

განმტკიცებული იქთ 2011 წლის 1 იანვრამდე მოქმედ საგადასახადო კოდექსის 125-ე მუხლის მე-5 ნაწილშიც, რომლის თანახმად, საგადასახადო სამართალდარღვევისთვის სანქციის შეფარდების დროს, თუ კანონით გაუქმებული ან შემსუბუქებულია პასუხისმგებლობა ასეთი სამართალდარღვევის ჩადენისთვის, მოქმედებს ახალი კანონით დადგენილი ნორმა, ხოლო თუ შემოღებული ან დამძიმებულია პასუხისმგებლობა, გამოიყენება სამართალდარღვევის ჩადენის მომენტისთვის არსებული ნორმა. საქართველოს უზენაესი სასამართლო თვლის, რომ უკუმაღის აკრძალვით კანონმდებელი იძლევა იმის გარანტიას, რომ სამართლის სუბიექტი დაცულ იქნება კანონთა მოქმედების (ცვლილების) შედეგად გამოწვეული უარყოფითი შედეგებისგან. კანონის მოქმედება, როგორც წესი, ვრცელდება ურთიერთობაზე, რომელიც წარმოიშვა კანონის ძალაში შესვლის მომენტიდან. აქ საგულისხმოა ის გარემოება, რომ აღნიშნული პრინციპი მოქმედებს მაშინ, როცა გადასახადის გადამხდელის მიმართ ხდება პასუხისმგებლობის ზომის შეფარდების საკითხის გადაწყვეტა. რაც შეეხება ამ პრინციპის შემდგომ გამოიყენებას, დაკისრებული პასუხისმგებლობის კანონიერებასთან დაკავშირებით დავის დაწყების შემდეგ, საგადასახადო კოდექსში 2011 წლის დეკემბერში შეტანილი ცვლილებების საფუძველზე, დავის განმხილველ ორგანოს ენიჭება უფლებამოსილება გამოიყენოს ახალი კანონმდებლობით დადგენილი რეგულაციები პასუხისმგებლობის გაუქმების ან შემსუბუქების მიზნით.¹³⁴ ამ საკითხთან დაკავშირებით საგულისხმოა ის, რომ საგადასახადო კოდექსი დავების განმხილველ ორგანოს ანიჭებს უფლებამოსილებას, გამოიყენოს ის კანონი, რომლითაც სამართალდამრღვევის პასუხისმგებლობა შეიძლება შემსუბუქდეს. თუმცა დავების განმხილველ ორგანოებად კოდექსი მოიხსენიებს მხოლოდ საქართველოს ფინანსთა სამინისტროს სისტემაში საგადასახადო დავების განმხილველ ორგანოებს მაშინ, როცა საერთო სასამართლოები ამ განმარტების მიღმა რჩება და ამ დროს, მათ აქვთ სრული იურისდიქცია განისილონ საგადასახადო დავები. ამასთან დაკავშირებით არაფერი არ არის განსაზღვრული არც საგადასახადო და არც ადმინისტრაციული საპროცესო კოდექსისა და სამოქალაქო საპროცესო კოდექსის ნორმებით, რომლებიც გამოიყენება ადმინისტრაციული დავების სასამართლოში განხილვის დროს.

სადისერტაციო ნაშრომში ადმინისტრაციულ სამართალდარღვევებისადმი საგადასახადო სამართალდარღვევების მიკუთვნების საკითხთან დაკავშირებით მსჯელობისას აღნიშნულ იქნა, რომ საგადასახადო სამართალდარღვევები წარმოადგენს ადმინისტრაციული სამართალდარღვების სპეციალურ სახეს. შესაბამისად, ამ შემთხვევაში საგადასახადო სამართალდარღვევების საქმეების სასამართლოში განხილვისას მოსამართლებმა უნდა იხელმძღვანელონ ადმინისტრაციულ სამართალდარღვევათა კოდექსის მე-9 მუხლის შესაბამისად. აღნიშნული მუხლით დადგენილია, რომ ადმინისტრაციული სამართალდარღვევებისთვის

¹³⁴ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 269-ე მუხლის მე-2¹ ნაწილი, 2012 წლის 25 ივნისის მდგრმარებით.

პასუხისმგებლობის შემამსუბუქებელ ან გამაუქმებელ აქტებს აქვთ უპუქცევითი ძალა, ესე იგი ვრცელდება ამ აქტების გამოცემამდე ჩადენილ სამართალდარღვევებზეც. ამდენად, საგადასახადო სამართალდარღვევების განხილვის დროსაც შესაძლებელია ამ ნორმის გამოყენება სასამართლოების მხრიდან, რათა საგადასახადო კოდექსით განსაზღვრული დავების განმხილველი ორგანოების განმარტებისადმი წმინდა ფორმალური მიღების გამო, საგადასახადო პასუხისმგებლობის შეფარდებისას გადაწყვეტილებების მიღების დროს არ შეიზღუდოს სასამართლოს უფლებამოსილება.¹³⁵

საგადასახადო კოდექსით განმტკიცებულია, ასევე, ე.წ. სანქციათა შეკრების პრინციპი, რაც გამოიხატება იმაში, რომ რამდენიმე საგადასახადო სამართალდარღვევის გამოვლენისას საგადასახადო სანქცია გამოიყენება თითოეული სამართალდარღვევისთვის ცალ-ცალკე. ამასთანავე, უფრო მკაცრი სანქცია არ შთანთქავს ნაკლებად მკაცრ სანქციას.¹³⁶ ამდენად, რამდენიმე სამართალდარღვევის გამოვლენისას, გადასახადის გადამხდელებს შეეფარდებათ რამდენიმე სახის სახდელი.

პასუხისმგებლობის პრინციპების განხილვის შედეგად შესაძლოა გაკეთდეს დასკვნა: მიუხედავად იმისა, რომ საგადასახადო პასუხისმგებლობის პრინციპები ცალკეა გამოყოფილი კანონმდებლობით დაბეგვრის ზოგადი პრინციპების და ადმინისტრაციული პასუხისმგებლობის პრინციპებისგან, ისინი არ უნდა განიხილებოდეს განყენებულად, არამედ ერთად უნდა ქმნიდეს პრინციპების ერთობლიობას, რომლებიც გათვალისწინებული იქნება საგადასახადო სამართალდარღვევათა საკითხების გადაწყვეტისას. მნიშვნელოვანია პრინციპების ერთობლიობაში გამოყენება, განსაკუთრებით პრაქტიკაში, საგადასახადო ორგანოების მიერ გადაწყვეტილების მიღებისას, რათა მაქსიმალურად იყოს დაცული გადამხდელთა უფლებები სახელმწიფოს საგადასახადო ინტერესების გათვალისწინებით. ასევე, მეცნიერთა მიერ საგადასახადო პასუხისმგებლობის პრინციპების შესწავლისა და შეფასებისას გათვალისწინებული უნდა იყოს ადმინისტრაციული პასუხისმგებლობისა და დაბეგვრის ზოგადი პრინციპების საგადასახადო პასუხისმგებლობის პრინციპებთან ურთიერთმიმართება.

¹³⁵ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 269-ე მუხლის მე-2¹ ნაწილი, 297-ე მუხლი, 2012 წლის 25 ივნისის მდგრმარეობით.

¹³⁶ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 270-ე მუხლის მე-4 ნაწილი, 297-ე მუხლი, 2012 წლის 25 ივნისის მდგრმარეობით.

თავი 4. საგადასახადო გალდებულებების შესრულება და შეუსრულებლობა

4.1. გადასახადების გადაუხდელობა

მიუხედავად იმისა, რომ თითქმის ყველა ქვეყანაში საგადასახადო იძულების ღონისძიებები, სამართლის სხვა სფეროებთან შედარებით უფრო მეტი სიმკაცრით გამოირჩევა და მთელ რიგ დასავლურ სახელმწიფოებში საზოგადოების მიერ გადასახადების გადახდის მაღალი კულტურა არსებობს, თითქმის ყველგან თითოეული გადამხდელი ცდილობს, რაც შეიძლება ნაკლები გადასახადები გადაიხდოს. გადასახადების გადახდის თავიდან აცილების მიზნით ყოველწლიურად ათასობით გადამხდელი მიმართავს სხვადასხვა გზას, მათ შორის: ოფშორულ ზონებში დარეგისტრირებას, თაღლითური გარიგებების დადგებას, სამეწარმეო საქმიანობის ფარული განხორციელებით ან/და საკანონმდებლო რეგულაციების გამოყენებას. ასეთი გადამხდელების განწყობა გამომდინარეობს იმ გარემოებებიდან, რომ მათ საგადასახადო სისტემა მიაჩნიათ არასამართლიანად, არ სურთ გადაიხდონ გადასახადები ან/და თვლიან, რომ საგადასახადო კანონმდებლობით დადგენილი კონკრეტული გალდებულება მათ არ ეკისრებათ. თუმცა გარკვეული კატეგორიის გადამხდელთა ამგვარი დამოკიდებულების მიუხედავად, არის სახელმწიფოები, სადაც მოსახლეობის დიდი ნაწილი იხდის გადასახადებს. ასეთი სახელმწიფოს საუკათხეო მაგალითია აშშ, სადაც მოსახლეობის უდიდესი ნაწილი დროულად ასრულებს მასზე დაკისრებულ საგადასახადო გალდებულებებს პატრიოტული სულისკვეთებით.¹³⁷ ამ გარემოების გათვალისწინებით ამერიკულ სამცნიერო ლიტერატურაში განსაკუთრებული დაინტერესებით სწავლობენ, როგორც გადამხდელთა მიერ გადასახადების გადაუხდელობის მიზეზებს, ასევე, მათ მიერ საგადასახადო გალდებულებათა შესრულებას.¹³⁸

4.1.1. გადასახადების გადაუხდელობის სხვადასხვა საშუალება

საგადასახადო გალდებულებების შეუსრულებლობა შესაძლებელია სხვადასხვა გარემოებით იყოს გამოწვეული. ასევე, გადასახადების გადაუხდელობა შესაძლებელია სხვადასხვა საშუალებით, თუმცა მათი თეორიული გააზრება, შესწავლა და სხვადასხვა ნიშნით კლასიფიკაცია მე-20 საუკუნემდე არ განხორციელებულა.

მე-20 საუკუნეში ევროპელი და ამერიკელი მეცნიერები, სულ უფრო აქტიურად ინტერესდებოდნენ ამ საკითხების შესწავლით და ცდილობდნენ დაედგინათ ის მიზეზები, თუ რატომ არ იხდიდნენ გადამხდელები გადასახადებს. ასევე, მათ უნდა მოეხდინათ გადასახადების გადაუხდელობის საშუალებების კლასიფიკაცია სხვადასხვა ნიშნის

¹³⁷ იხ. M. Hatfieldki, Tax Lawyers, Tax Defiance, and the Ethics of Casual Conversation Florida Tax Review Journal, Volume 10, Number 10, 2011, pp. 845 <<http://heinonline.org/HOL/Welcome>> [20.08.2012].

¹³⁸ იხ. Tax Reform in the 21st Century, A volume in Memory of Richard Musgrave 43. Edited by John G. Head and R. Krever. ``Kluwer Law International BV,`` The Netherlands, 2009, pp. 525.

მიხედვით. დღესდღეობით მეცნიერთა შორის განიხილება ასეთი სახის სხვადასხვა კლასიფიკაცია. ერთ-ერთი ასეთი დაყოფის თანახმად, გადასახადების გადაუხდელობა შესაძლებელია: а) სამართალდარღვევების ჩადენით, რაც კანონის დარღვევა და ხშირ შემთხვევაში კრიმინალია; ბ) კანონიერი მეთოდების გამოყენებით, თუმცა კანონის მიზნების საწინააღმდეგოდ და გ) საგადასახადო დაგეგმარება/შეთანხმებით, რომელიც, მეცნიერთა შეფასებით, მორალურადაც მისაღებია, ვინაიდან სახელმწიფოს მიერ კანონებში გამოვლენილ მიზანს შეესაბამება და კანონიერიცა.¹³⁹

გარდა ამ კლასიფიკაციისა, დიდ ბრიტანეთში, სხვა ევროპული სახელმწიფოების მსგავსად, გადასახადების გადაუხდელობისა და ბიუჯეტში შესატანი თანხების შემცირების ორ გზას გამოყოფება:¹⁴⁰ а) გადასახადების გადაუხდელობას საგადასახადო სამართალდარღვევების ჩადენით; ბ) საგადასახადო კანონმდებლობით დაწესებული შეღავათებით სარგებლობა და კანონმდებლობის თეორი ლაქების, იგივე საკანონმდებლო ხვრელების, გამოყენებით საგადასახადო ტვირთის შემცირება.

მეცნიერები თვლიან, რომ ამ ორ გზას შორის განსხვავება მხოლოდ ფორმალურ ხასიათს ატარებს და პირობითად კანონიერი და უკანონო გზებით გადასახადების გადაუხდელობას შორის განსხვავება მხოლოდ ციხის კედელია.¹⁴¹ ამერიკელ მეცნიერებსაც მიაჩნიათ, რომ თეორიული მიჯნა საგადასახადო ვალდებულებების კანონის დარღვევით შეუსრულებლობასა და ე.წ. საგადასახადო თავშესაფრებში საგადასახადო ტვირთის არარსებობით სარგებლობას შორის მხოლოდ პირობითია.¹⁴²

მეორე გზის გამოყენებით გადასახადების გადაუხდელობა არ წარმოადგენს სამართალდარღვევას, განსხვავებით სისხლისსამართლებრივი, ადმინისტრაციული ან სამოქალაქო სამართლებრივი დარღვევების ჩადენისა საგადასახადო სფეროში, რომელიც იწვევს შესაბამისი პასუხისმგებლობის დაკისრებას.¹⁴³

კანონიერი გზების გამოყენებით გადასახადების გადაუხდელობა განსაკუთრებით დამახასიათებელია ისეთი სამართლებრივი სისტემებისთვის, სადაც სამართლებრივ ნორმებში არსებობს ხარვეზები და ე.წ. შავი ხვრელები.¹⁴⁴

გარდა საკანონმდებლო სივრცეში არსებული შავი ხვრელებისა, არსებობს ვალდებულებების შესრულებისგან თავის არიდების სხვა კანონიერი

¹³⁹ ob. Tax Reform in the 21st Century, A volume in Memory of Richard Musgrave 43. Edited by John G. Head and R. Krever. ``Kluwer Law International BV,`` The Netherlands, 2009, pp. 529-531.

¹⁴⁰ ob. C. Whitehouse, E. Stuart-Buttle, Revenue Law – principles and practice, Eleventh edition, Butterworth London, Dublin, Edinburg 1993, pp. 623.

¹⁴¹ ob. Tax Reform in the 21st Century, A volume in Memory of Richard Musgrave, Edited by John G. Head and R. Krever. Kluwer Law International BV, The Netherlands, 2009, pp. 531.

¹⁴² ob. J. G. Gravelle, Tax Havens: International Tax Avoidance and Evasion, National Tax Journal Journal, Volume LXII, No 4, December 2009, pp. 727-728.

¹⁴³ ob. J. S. Shlomoitzhaki, Tax Avoidance, Evasion and Administration, 2002. <<http://elsa.berkeley.edu/~saez/course/Slemrod,Yitzhaki%20PE%20Handbook%20chapter.pdf>> [24.08.2012].

¹⁴⁴ об. В.В. Мудрых, Ответственность за нарушения налогового законодательства, Под Ред. Ериашвили, Н. Д. Издательство Юнити, Москва, 2001, ст. 110-113.

გზებიც, რაც გამოიხატება დაბუგვრის ისეთი სისტემების არსებობაში, სადაც გადამხდელების მიმართ საგადასახადო ტვირთი უმნიშვნელოა. ამის გამო, დასავლურ სამეცნიერო ლიტერატურაში ცდილობენ შეაფასონ არა მხოლოდ ე.წ. საგადასახადო თავშესაფრებით სარგებლობისას დაზოგილი გადასახადების ოდენობა, არამედ ახდენენ კანონმდებლობის ანალიზს მასში შესაბამისი თეორი ლაქების დასადგენად და ამ მიმართულებით საგადასახადო შემოწმების დროს ამ მიზეზით შესაძლო დანაკარგების დათვლას.¹⁴⁵ ადსანიშნავია, რომ საქართველოში საგადასახადო კანონმდებლობის მეცნიერული შესწავლა ამ მიმართულებით არ ხდება.

4.1.2. საგადასახადო ვალდებულებათა შეუსრულებლობის მიზეზები და მათი კლასიფიკაცია

საგადასახადო ვალდებულებების შეუსრულებლობის საშუალებების განხილვასთან ერთად მნიშვნელოვანია თავად ის მიზეზები, რაც აიძულებს გადასახადის გადამხდელებს არ გადაიხადონ გადასახადები. აღნიშნული მიზეზები განსხვავებული და მრავალფეროვანი შეიძლება იყოს. ამასთან, ლიტერატურაში ეს საკითხები სხვადასხვა მიმართულებით განიხილება. წლების განმავლობაში მოაზროვნე თეორეტიკოსები, რეალისტი პრაქტიკოსები და შედეგზე ორიენტირებული სახელმწიფო მოხელეები თანხმდებიან იმაზე, რომ საგადასახადო სისტემების ეტაპობრივ გართულებასთან ერთად იზრდება გადასახადების გადაუხდელობის მაჩვენებელიც. ისინი საგადასახადო კანონმდებლობის გართულებას გადასახადების გადაუხდელობის გამომწვევ ერთ-ერთ მიზეზად მიიჩნევენ. ამასთან, არ არსებობს ერთნაირი მიდგომა, თუ როგორ უნდა მოხდეს ამ პრობლემის მოგვარება.¹⁴⁶

როგორც სამეცნიერო ლიტერატურაშია აღნიშნული, კანონმდებლობის გართულება საშუალებას აძლევს გადამხდელებს სხვადასხვა საკანონმდებლო რეგულაციის გამოყენებით შეამცირონ გადასახდელი გადასახადების რაოდენობა. ამის საწინააღმდეგოდ შემდგომ უკვე ხორციელდება საკანონმდებლო ცვლილებები, თუმცა, ცვლილებებს წინ უძღვის ცალკეული შემთხვევების შესწავლა და გადამხდელთა მიერ გადასახადების გადაუხდელობის გზების განზოგადება¹⁴⁷, რაც შესაძლებელია დროში მოქმედების მიხედვით არ იყოს ეფუძნებული.

მსგავსად ამერიკელი და ევროპელი მკლევარების მიდგომებისა, თავის სახელმძღვანელოში - „საგადასახადო სამართალი, საგადასახადო კონტროლი და საგადასახადო პასუხისმგებლობა“ ზ. როგავა იზიარებს მოსაზრებას გადასახადებისგან თავის არიდებისა და საგადასახადო სამართალდარღვევების ჩადენის სხვადასხვა მიზეზის შემდეგ კატეგორიებად

¹⁴⁵ ob. J.G. Gravelle, Tax Havens: International Tax Avoidance and Evasion, National Tax Journal, Volume LXII, No 4. December, 2009, pp. 737.

¹⁴⁶ ob. A. Raskolnikov, Crime and Punishment in Taxation: Deceit, Deterrence and the self-adjusting Penalty, Columbia Law Review Journal, April 2006, Columbia University - Law School, <http://papers.ssrn.com/sol3/papers.cfm?abstract_id=823468> [23.08.2012].

¹⁴⁷ ob. Tax Reform in the 21st Century, A volume in Memory of Richard Musgrave, Edited by G. Head John and R. Krever, Kluwer Law International BV, The Netherlands, 2009, pp. 546-549.

დაყოფასთან დაკავშირებით: მორალური, პოლიტიკური, ეკონომიკური და ტექნიკური.¹⁴⁸

მითოთებულ სამართლებრივ ლიტერატურაში აღნიშნული მიზეზები შემდეგნაირად არის დახასიათებული: მორალური მიდგომის გამო გადასახადების გადახდევინების შესუსტებას ხშირად თვითონ კანონმდებელი უწყობს ხელს. საგადასახადო კანონმდებლობის ნორმები ყოველთვის არ არის საყოველთაო და მიუკერძოებელი ხასიათის, რაც ამცირებს მათ პრესტიუსა და ავტორიტეტს. საგადასახადო კანონმდებლობის ნორმები არ ატარებს საყოველთაო ხასიათს, ვინაიდან ცალკეული კატეგორიის გადასახადის გადამხდელებისთვის გათვალისწინებულია საგადასახადო შედავათები. საგადასახადო შედავათებით მოსარგებლე გადასახადის გადამხდელები სხვებთან შედარებით პრივილეგირებულ მდგომარეობაში დგებიან. აღნიშნული გარემოება გადასახადის გადამხდელს ხშირად საგადასახადო შედავათებით მოსარგებლე პირებთან გათანაბრების სურვილს აღუძრავს, რაც უმეტესწილად, გადასახადისგან თავის არიდების გზით ხორციელდება. მეცნიერთა აზრით, საგადასახადო კანონმდებლობის ხშირი ცვლილება დაუსაბუთებლად ამცირებს კანონის ავტორიტეტს და მოქალაქეებში იწვევს უპატივცემულობის შეგრძნებას. ხშირად ეს უკანასკნელი ხდება გადასახადისგან თავის არიდების საბაბი. თუმცა ეს არ არის მხოლოდ ერთადერთი პირობა მორალური მიზეზის არსებობისა. მაღალი საგადასახადო ტვირთის პირობებში გადამხდელები მორალურად გამართლებულად მიიჩნევენ, წინააღმდეგობა გაუწიონ სახელმწიფოს.¹⁴⁹

გადასახადებისგან თავის არიდების პოლიტიკური მიზეზები დაკავშირებულია გადასახადების მარეგულირებელ ფუნქციასთან: მათი მეშვეობით სახელმწიფო ახორციელებს სოციალურ და ეკონომიკურ პოლიტიკას. პირები, რომელთა მიმართ მიმართულია ასეთი პოლიტიკა, გადასახადისგან თავის არიდების გზით, განსაზღვრულ წინააღმდეგობას უწევენ სახელმწიფო პოლიტიკის განხორციელებას.

გადასახადებისგან თავის არიდების ეკონომიკური მიზეზები, როგორც წესი, საკმაოდ ხშირად უბიძგებენ გადასახადის გადამხდელს, თავი აარიდოს საგადასახადო ვალდებულების შესრულებას. ეკონომიკური მიზეზები შესაძლოა, თავის მხრივ, ორ ჯგუფად დაიყოს: გადამხდელების ფინანსურ მდგომარეობასთან დაკავშირებული მიზეზები და საერთო ეკონომიკური მდგომარეობით გამოწვეული მიზეზები. გადასახადის გადამხდელის ფინანსური მდგომარეობა ზოგჯერ გადასახადისგან თავის არიდების განმსაზღვრელი ფაქტორია. გადასახადის გადამხდელი აფასებს გადასახადისგან თავის არიდების შედეგად მიღებული სარგებლობის შესაბამისობას შესაძლო უარყოფით შედეგებთან. თუ გადასახადისგან თავის არიდება მატერიალური თვალსაზრისით გამართლებულია, გადასახადის გადამხდელი უმეტეს შემთხვევაში არ იხდის გადასახადს. ამ შემთხვევაში, რაც უფრო დაბალია პასუხისმგებლობის ზომა გადასახადის თანხასთან შედარებით, მით უფრო მაღალია გადასახადის გადახდისგან

¹⁴⁸ იხ. ზ. როგავა, საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა, ბაკმი, თბილისი 2009 წ. გვ. 362.

¹⁴⁹ იხ. იქვე, გვ. 361.

თავის არიდების ეკონომიკური ეფექტი. ამასთან, თავად გადამხდელების მატერიალურ მდგომარეობასაც აქვს დიდი მნიშვნელობა. რაც უფრო მძიმე მატერიალურ მდგომარეობაში იმყოფება პირი, მით უფრო მაღალია გადასახადების გადახდისგან თავის არიდების მამოძრავებელი ძალა. გადასახადების გადახდისგან თავის არიდების მაჩვენებელი სხვადასხვა ქვეყანაში განსაკუთრებით მაღალია ეკონომიკური კრიზისის პერიოდში, რაც, ერთი მხრივ, გადამხდელების და მეორე მხრივ, მომხმარებელთა მატერიალური მდგომარეობის გაუარესების შედეგია.¹⁵⁰

რაც შეეხება ტექნიკურ მიზეზებს, უპირველეს ყოვლისა, ეს მიზეზები დაკავშირებულია საგადასახადო სისტემის სირთულესთან, რაც ხელს უშლის საგადასახადო კონტროლის ეფექტურობას. საგადასახადო ორგანოებისთვის რთულია ყველა სამეურნეო ოპერაციის გაკონტროლება და თითოეული ფინანსური დოკუმენტის შემოწმება, რაც, თავის მხრივ, გადასახადის გადამხდელებს სურვილისა და მონიტორინგის შემთხვევაში უმარტივებს გადასახადების დამალვის შესაძლებლობას.¹⁵¹

აღნიშნული განმარტებების მსგავს განსაზღვრებას იცნობს, ასევე, დასავლური სამეცნიერო ლიტერატურა. ევროპულ სამეცნიერო ლიტერატურაში ეს მიდგომები შემდეგნაირად განიმარტება: პოლიტიკური, ვინაიდან სახელმწიფო ხშირად იყენებს გადასახადებს, არა მხოლოდ როგორც ბიუჯეტის შევსების წესს, არამედ, როგორც ამა თუ იმ საზოგადოებრივი ურთიერთობის მარეგულირებელს. გადასახადი ატარებს რა პოლიტიკურ ხასიათსაც, გადამხდელები, რომლებიც არ იხდიან გადასახადს, გამოხატავენ თავიანთ უარყოფით დამოკიდებულებას სახელმწიფო პოლიტიკის მიმართ და არ იზიარებენ სახელმწიფოს მმართველი რგოლის შეხედულებებს. ეკონომიკური მიდგომა კი გამოიხატება იმაში, რომ თუ გადასახადის გადამხდელის მოსალოდნელი ქონებრივი სანქცია არის უფრო მცირე, ვიდრე თვით დამალული გადასახადი, გადამხდელი ამ შემთხვევაში დაინტერესებულია, არ გადაიხადოს გადასახადები. მორალური მიზეზები განპირობებულია იმით, რომ საგადასახადო სამართალი ხშირ შემთხვევებში არ შეესაბამება საერთო სამართლის პრინციპებს: თანასწორობა, მუდმივობა და სხვ. ტექნიკური მიზეზები კონტროლის არასრულყოფილი ფორმებისა და მეთოდების არარსებობას უკავშირდება. ხშირ შემთხვევაში, საგადასახადო ორგანოებს არ შეუძლიათ გააკონტროლონ ყველა სამეურნეო ოპერაცია ან შეამოწმონ ყველა დოკუმენტის ნამდვილობა.¹⁵²

რუსი მეცნიერები საგადასახადო სამართალდარღვევათა წინაპირობებს სამ კატეგორიად ჰყოფენ: 1. სამართლებრივი (ნორმების დიდი თდენობა და მათში გადამხდელთა გაურკვევლობა); 2. ეკონომიკური (საწარმოთა

¹⁵⁰ იბ. ზ. როგავა, საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა, ბაქმი, თბილისი, 2009 წ. გვ. 361-362.

¹⁵¹ იბ. იქვე, გვ. 362.

¹⁵² იბ. Problems of Tax Administration in Latin America, Joint Tax program Organization of American States inter-American Development Bank, Editor J. Hopkins, Economic Commission for Latin America, Johns Hopkins Univ. Press, 1965, pp. 298-299.

ეკონომიკური განუვითარებლობა და მაღალი საგადასახადო ტკირთი); 3. მორალური (გადამხდელთა დაბალი საგადასახადო კულტურა).¹⁵³

ლათინური ამერიკის ქვეყნებში, განსხვავებით განვითარებული კაპიტალისტური სახელმწიფოებისგან, გადასახადების გადაუხდელობის მთავარ მიზეზად მიმინდევა გადასახადების ადმინისტრირების საკითხები. შესაბამისად, ამ საკითხების შესწავლისა და ნებისმიერ ქვეყანაში ევაქტური ადმინისტრირების შესაბამისი სტრატეგიისა და მისი განხორციელების სამოქმედო გეგმის არსებობის აუცილებლობაზე მიუთითებენ მეცნიერები ლიტერატურაში და გადასახადების გადაუხდელობის შემცირებას ადმინისტრირების გაუმჯობესებას უკავშირებენ.¹⁵⁴ ისინი აღნიშნავენ, რომ საგადასახადო სამართალდარღვევების ჩადენის შემცირება, ისევე, როგორც კანონმდებლობაში არსებული ხერელების, იგივე თეორი ლაქების, არსებობა, შესაძლოა შემცირდეს საგადასახადო ადმინისტრირების გაუმჯობესებისა და საგადასახადო პასუხისმგებლობის გამკაცრებით.¹⁵⁵ აღნიშნული მოსაზრების შესაბამისად, მაგალითად, ესპანეთში, სხვა ქვეყნებისგან განსხვავებული მიღომით ცდილობენ საგადასახადო ვალდებულებების შესრულების ხარისხის გაზრდას და ამ მიზნით ფიზიკური და იურიდიული პირების მიერ დადებული გარიგებების მაქსიმალურ გამჭვირვალობაზე ამახვილებენ ყურადღებას.¹⁵⁶ ამერიკულ სამეცნიერო ლიტერატურაში მეცნიერები იზიარებენ მოსაზრებას, რომ რაც უფრო სუსტია ადმინისტრირებისა და კონტროლის მექანიზმები, მით უფრო ადგილია საგადასახადო კანონმდებლობის თეორი ლაქებით სარგებლობა და გადასახადის გადაუხდელობა. შესაბამისად, მხოლოდ პასუხისმგებლობის სათანადო ზომების არსებობა ვერ უზრუნველყოფს სამართალდარღვევათა რიცხოვნობის შემცირებას და ამიტომ მიმინდევნ, რომ საჭიროა მკაცრი ადმინისტრირების განხორციელება.¹⁵⁷

მკაცრი ადმინისტრირების განხორციელება და წინასწარ ყველა იმ შემთხვევის გათვალისწინება კანონმდებლობით, რათა გადამხდელების მხრიდან გამოირიცხოს სხვადასხვა საშუალებით გადასახადების თავიდან აცილება, როგორც უკვე აღნიშნა, საკმაოდ რთულია და წინ უძღვის წლების განმავლობაში საკითხის შესწავლა. მაგალითად, აშშ-ში წლების განმავლობაში საკანონმდებლო რეგულაციებიდან გამომდინარე, გადასახადის გადამხდელებს – დამსაქმებლებს – გააჩნდათ უფლებამოსილება მათთან დასაქმებულები მინეულები ყოფილიყვნენ, როგორც ინდივიდუალური კონტრაქტორები - მომსახურების გამწევი პირები, რაც, თავის მხრივ, იწვევდა იმას, რომ დამსაქმებლებს ეძლეოდათ შესაძლებლობა, გაეზარდათ გამოსაქვითი ხარჯები, ხოლო თავად

¹⁵³ ი. ს. პეპელაევ, Основы налогового права: Учебно-методическое пособие/Под ред. С.Г. Пепеляева, М.: Инвест Фонд, 2000. ст. 184.

¹⁵⁴ ი. ს. Problems of Tax Administration in Latin America, Joint Tax program Organization of American States inter-American Development Bank, Editor J. Hopkins, Economic Commission for Latin America, Johns Hopkins Univ. Press, 1965, pp. 298-299.

¹⁵⁵ ი. იქვე, pp. 748.


¹⁵⁶ ი. ს. Corporate taxes, Country Commerce 2010, Spain, 46, <www.eiu.com> [04.052012].

¹⁵⁷ ი. ს. Tax Law Design and Drafting, Editor V Thuronyi, International Monetary Fund, 1996, pp. 121.

დასაქმებულ გადამხდელებს შეეძლოთ, შეემცირებინათ ბიუჯეტში შესატანი თანხები. წლების განმავლობაში საგადასახადო ორგანოების მიერ აღნიშნული საკითხის შესწავლისა და ბიუჯეტში შესატანი თანხების გააზრდარიშების საფუძველზე შემუშავებულ იქნა საკანონმდებლო ცვლილებები. დამსაქმებელთა შესაძლებლობა, დასაქმებულები განემარტათ, როგორც დამოუკიდებელი კონტრაქტორები, მინიმუმამდე იქნა დაყვანილი.¹⁵⁸

საქართველოში გადასახადების გადაუხდელობის მიზეზები სამეცნიერო ლიტერატურაში შესწავლილი არ არის. აუცილებელია ემპირიული დაკვირვებებისა და შემდგომი კვლევების ჩატარება, რაც თავის თავში მოიაზრებს საქმაოდ დიდი მოცულობის ინფორმაციის მოპოვებას, მის დამუშავებას და წარმოადგენს დამოუკიდებელი და დიდი კვლევის საგანს. მართალია, კონკრეტულად გადასახადების გადაუხდელობის მიზეზებზე არ მიუთითებს, მაგრამ საგადასახადო სამართალდარღვევების და სასამართლოში განხილული საგადასახადო დავების სტატისტიკური მაჩვენებლები მეტ-ნაკლებად განსაზღვრავს საქართველოში საგადასახადო სამართალდარღვევების ჩადენის მაჩვენებლს და კიდევ ერთხელ მიანიშნებს მონაცემების შესწავლის აუცილებლობაზე.

2010, 2011 წლებისა და 2012 წლის პირველი 6 თვის სტატისტიკური მონაცემები საქართველოს საერთო სასამართლოების პირველი ინსტანციის სასამართლოებში საგადასახადო დავების განხილვის შესახებ შემდეგნაირად გამოიყურება:¹⁵⁹




ამასთან, 2004-2011 წლების ცალკე სტატისტიკაც ხელმისაწვდომია იმ პირთა რაოდენობის შესახებ, რომლებსაც პასუხისმგებლობა დაეკისრა

¹⁵⁸ ob. New Bill Cracks Down in Misclassifying Employees, Managing Accounts Payable, October, 2009, www.AccountsPayable360.com; <<http://ebscohost.com/academic>> [25.10.2010].

¹⁵⁹ საგადასახადო კანონმდებლობის თანახმად, საგადასახადო დავები მოიცავს საგადასახადო მოთხოვნის კანონიერების დავებს, რომლითაც ერიცხება გადამხდელებს საგადასახადო დაგადამზადება გადასახდევინებლად, შესაბამისად ეს სტატისტიკა მოიცავს გადასახადების გადაუხდელობის გამო დაკისრებული დაგადამზადების გასაჩივრების დავებსაც. იხ. <<http://www.supremecourt.ge/files/upload-file/pdf/administraciuli2011.pdf>> [15.07.2012] და <<http://statistic.supremecourt.ge/module/>> [18.11.2012].

საგადასახადო სამართალდარღვევებთან დაკავშირებით ადმინისტრაციულ სამართალდარღვევათა კოდექსის საფუძველზე¹⁶⁰



ეს უკანასკნელი მაჩვენებელი წლების განმავლობაში მცირდება, ვინაიდან საგადასახადო სამართალდარღვევების საკითხი ადმინისტრაციული სამართალდარღვევების კოდექსიდან მთლიანად საგადასახადო კოდექსში იქნა გადატანილი.

მიუხედავად ზემოაღნიშნულ ცხრილებში ასახული სტატისტიკური მონაცემებისა, რომელიც საქართველოს უზენაესი სასამართლოს ოფიციალურ ვებ-გვერდზე განთავსებული და რომლის თანახმად, წლების მიხედვით საქართველოს საერთო სასამართლოებში განხილული საგადასახადო დავების რაოდენობა მცირდება და ასევე, იკლებს სამართალდამრღვევთა ოდენობა, ეს მაჩვენებლები მხოლოდ რაოდენობრივ მახასიათებელს წარმოადგენს და არ ხსნის საგადასახადო სამართალდარღვევების ჩადენის მიზეზებსა და წინაპირობებს. საქართველოში რაოდენობრივი მაჩვენებლების ამდაგვარი ცვლილების გამომწვევი მიზეზების დადგენა ემპირიული კვლევის გარეშე საკმაოდ რთულია, თუმცა ზოგადი შეფასებების გაკეთება მაინც შესაძლებელია დაბეგერის სფეროში გატარებული რეფორმებისა და დიდ წილად გაუმჯობესებული ადმინისტრირების მექანიზმების, ასევე, ელექტრონული დეკლარირების სისტემის შექმნის გამო.¹⁶¹

განსახილველ საკითხთან მიმართებით საინტერესოა ეწ. „საგადასახადო პროტესტანტების“ ფენომენი. ამ კატეგორიის პირები უკვე რამდენიმე საუკუნეა აშშ-ში არსებობენ. ესენი არიან პირები, რომლებიც არ იხდიან გადასახადებს, თუმცა მათ არაფერი არ აქვთ საერთო საგადასახადო სამართალდამრღვევებთან, რომლებიც წინასწარ განზრას ან განზრავის გარეშე ჩადიან ცალკეულ საგადასახადო სამართალდარღვევებს. „საგადასახადო პროტესტანტები“, როგორც წესი, არათუ მალავენ, არამედ პირიქით, მაქსიმალურად ცდილობენ გაავრცელონ თავიანთი პოზიციები

¹⁶⁰ ი. ბ. <<http://www.supremecourt.ge/files/upload-file/pdf/administraciuli2010.pdf>> [03.07.2012] და <<http://www.supremecourt.ge/files/upload-file/pdf/administraciuli2011.pdf>> [03.07.2012].

¹⁶¹ ი. ბ. საქართველოს ფინანსთა სამინისტროს ოფიციალური საიტი <<http://www.mof.ge/RsReforms>> [12.07.2012].

საგადასახადო ვალდებულებების შეუსრულებლობასთან დაკავშირებით და სურთ, თავიანთ პროტესტს დასაბუთებული ახესნა მოუძებნონ. ისინი საერთოდ არ აღიარებენ გადასახადების არსებობას, მათი გადახდის აუცილებლობას და სახელმწიფოს მხრიდან გადასახადების ამოღებისას იძულებითი მექანიზმების გამოყენებას მიიჩნევენ მათი კონსტიტუციური უფლებების პირდაპირ შეზღუდვად.¹⁶²

როგორც „საგადასახადო პროტესტანტების“, ასევე, გადასახადების გადაუხდელობის სხვა მიზეზების შესახებ წარმოდგენილი მსჯელობა გამომდინარეობს სამართლის მეცნიერთა შეფასებებისგან, თუმცა საინტერესოა სოციალურ მეცნიერებაში არსებული შეფასებები. განსხვავებით სამართლებრივი მიღვომისა, სოციალური მეცნიერებები საგადასახადო ვალდებულებათა შეუსრულებლობის მიზეზებს ორი მიმართულებით აჯგუფებენ: გამიზნული და დაუგეგმავი. გამიზნული სამართალდარღვევა გადამხდელის მიერ კონკრეტული განზრახვით სამართალდარღვევის ჩადენას ნიშნავს. დაუგეგმავის შემთხვევაში კი გადამხდელები არ ასრულებენ ვალდებულებებს, პირველ რიგში იმიტომ, რომ არ იციან როგორ უნდა შეასრულონ ისინი, ან მათი მხრიდან

¹⁶² პროტესტანტები აშშ-ში რამდენიმე საუკუნეა არსებობენ, მაგალითისათვის შესაძლოა დასახელებული იქნეს ბოსტონის ჩაის საკითხი, ვისკის პირველი და მეორე აჯგუფები, ასევე ამერიკის სამოქალაქო ომი. გადასახადის გადამხდელთა მიერ ვალდებულებების შეუსრულებლობის შემთხვევებისაგან განსხვავებით, როცა გადამხდელები მაღავენ სამართალდარღვევის ჩადენას, პროტესტანტები პირიქით საჯაროდ ავრცელებენ არგუმენტებს, თუ რის გამო არ უნდა გადაისხადონ მათ გადასახადები. საინტერესოა ასევე სასამართლოების მიღვომა მათი საქმეების განხილვის მიმართ. აშშ-ის საგადასახადო საქმეთა სასამართლო საგადასახადო პროტესტანტების დაჯარიმებისა და პასუხისმგებლობის საკითხის განხილვისას როგორც წესი ძალიან მოკლედ, მოცულობითი და მნიშვნელოვანი არგუმენტაციის გარეშე უარყოფს მათ პოზიციებს, რამეთუ თანამედროვე ამერიკულ მართლმსაჯულებაში მათი პოზიციები სრულიად უსაფუძვლოდ არის მიჩნეული. მაგალითისათვის საგადასახადო პროტესტანტები თავიანთ სასარგებლო არგუმენტებად მიიჩნევენ: აშშ-ის კონსტიტუციის მე-5 შესწორებას, რომ გადასახადები არის საკუთრების უფლების შეზღუდვა შესაბამისი პროცედურებისა და საფუძვლის გარეშე; კონსტიტუციის მე-13 შესწორებას, რომელიც კრძალავს მონობასა და იძულებით შრომას. ასევე ის არგუმენტი, რომ საშემოსახლო გადასახადის გადამხდელი არის შტატის მოქალაქე და არა ფედერაციის მოქალაქე, რომ გადასახადის გალდებულება ფედერაციის მოქალაქეებზე ვრცელდება, თუმცა როგორც უკვე აღინიშნა აღნიშნული არგუმენტების გაზიარება არ ხდება საგადასახადო საქმეთა სასამართლოში და მათ სრულიად უსაფუძვლოდ და დაუსაბუთებად მიიჩნევენ. ამერიკელი მკველვარებიც მიიჩნევენ, რომ საგადასახადო პროტესტანტების მიერ საგადასახადო ორგანოთა გადაწყვეტილებების გასაჩინოება ხშირ შემთხვევაში უმარება მხოლოდ მათ უსაფუძვლო იდეოლოგიას და არ გამომდინარეობს დასაბუთებული სამართლებრივი არგუმენტებიდან, ამასთან მათი აზრით, მიუხედავად იმისა, რომ ასეთი საჩივრების განხილვაზე სრულიად დაუსაბუთებლად იხარჯება როგორც ადამიანური, ასევე ფინანსური რესურსები, ცალკეულ შემთხვევებში მათი მოთხოვნა შესაძლოა იყოს დასაბუთებული და კანონიერი. ამის გამო მათ არ შეუძლიათ ზოგადად უარი განაცხადონ პროტესტანტების სარჩელებთან დაკავშირებით მართლმსაჯულების განხორციელებაზე, ან/და საჩივრების განხილვაზე. ამავე დროს ამერიკელ მკვლევარებს მიაჩნიათ, რომ თანხები, რომელსაც სახელმწიფო გაიღებს ასეთი „საგადასახადო პროტესტანტების“ მიერ ჩადენილი სამართალდარღვევების გამოსავლენად, პროტესტანტების ხარჯზე უნდა იქნეს გაწეული. იხ. D. Cords, Tax Protestors and Penalties: Ensuring Perceived Fairness and Mitigating Systemic Costs, Brigham Young University Law Review Journal, pp. 1565-1571 <<http://lawreview.byu.edu/archives/2005/6/2CORDS.FIN.pdf>> [23.08.2012].

გალდებულებათა შესრულება ძალიან დიდ ძალისხმევას მოითხოვს, ან მათი შესრულება საკმაოდ ძვირია. სოციოლოგები თვლიან, რომ ყველაზე მეტად წარმატებული კანონმდებლობაა ის, რომლის მიხედვითაც გადასახადების გადახდა საკმაოდ მარტივია, ხოლო მათი თავიდან აცილება კი ძალიან რომელი.¹⁶³

4.2. საგადასახადო გალდებულებათა შესრულების წინაპირობები და თეორიები

საგადასახადო კანონმდებლობის მოთხოვნათა შესრულება და გადასახადების გადახდა ისევე იწვევს ინტერესს მეცნიერთა შორის, როგორც ამ გადასახადების გადაუხდელობის გამომწვევი მიზეზები. არსებობს ქვეყნები, რომელშიც გადასახადის გადახდა განპირობებულია მაღალი საზოგადოებრივი მართლშეგნებით და სამოქალაქო პასუხისმგებლობით, როცა მოსახლეობის უმრავლესობას გათვითცნობიერებული აქვს გადასახადების გადახდისა და მათი გადაუხდელობის შედეგები. საზოგადოების მხოლოდ მცირე ნაწილი კი დაწესებულ გადასახადებს უსამართლოდ მიიჩნევს და შესაბამისად, გადასახადებსაც არ იხდის.¹⁶⁴

საგადასახადო გალდებულებათა შესრულების მიზეზებით დაინტერესებულნი არიან არა მხოლოდ საგადასახადო სამართლის მკვლევარები, არამედ ამ საკითხს ხშირად განიხილავენ სოციალურ მეცნიერებათა სფეროში ცალკეული სახის გადასახადების მიხედვით. ამ საკითხზე ემპირიული კვლევების უმრავლესობა ჩატარებულია აშშ-ში და ვინაიდან, აშშ-ში კველაზე დიდი წილი საშემოსავლო გადასახადზე მოდის, ამ გადასახადის გადახდის გამომწვევი მიზეზების დადგენა ყველაზე უფრო ხშირად ხდება მსჯელობის საგანი.¹⁶⁵

ამ მხრივ ძალიან საინტერესოა აშშ-ში საგადასახადო ვალდებულებათა შესრულების მაჩვენებელი, რომელიც წლიურად 80-85%-ს შეადგენს. აღნიშნული მაჩვენებელი საკმაოდ მაღალია, თუმცა გასათვალისწინებელია აშშ-თვის დამახასიათებელი გარემოება იმის თაობაზე, რომ ამერიკელთა უმრავლესობას გათვითცნობიერებული აქვს გადასახადების გადახდის მნიშვნელობა და ნებაყოფლობით იხდის გადასახადებს.¹⁶⁶

ჯერ კიდევ XX საუკუნის 20-იან წლებში მეცნიერები აღნიშნავდნენ, როცა გადამხდელები პოლიტიკურ ნებას გამოხატავენ და არჩევნებში

¹⁶³ ob. Tax Law Design and Drafting, Editor V. Thuronyi, International Monetary Fund, 1996, pp. 115-116.

¹⁶⁴ ob. A. Raskolnikov, Crime and Punishment in Taxation: Deceit, Deterrence and the self-adjusting Penalty, Columbia Law Review Journal, April 2006, Columbia University - Law School, <http://papers.ssrn.com/sol3/papers.cfm?abstract_id=823468>, [23.08.2012].

¹⁶⁵ ob. Tax Law Design and Drafting, Editor V. Thuronyi, International Monetary Fund, Volume 1, Washington D.C. 1996, 114.

¹⁶⁶ ob. D. Cords, Tax Protestors and Penalties: Ensuring Perceived Fairness and Mitigating Systemic Costs, Brigham Young University, Law Review Journal, pp. 1565-1571, <<http://lawreview.byu.edu/archives/2005/6/2CORDS.FIN.pdf>> [23.08.2012].

მონაწილეობენ, ამით ირიბად განსაზღვრავენ საგადასახადო პოლიტიკას, შესაბამისად, გადასახადების გადახდის მაჩვენებელიც მაღალია.¹⁶⁷

გადასახადების გადაუხდელობის წინაპირობების მსგავსად დასავლურ ლიტერატურაში განხილულია განსხვავებული მიღებობები და კლასიფიკაციები საგადასახადო გალდებულებათა შესრულების წინაპირობებთან დაკავშირებით.

თეორიაში არსებული მოსაზრებების თანახმად, ეკონომიკური ფაქტორები, სამართლებრივი შედეგები, სოციალური ნორმები და პიროვნული რწმენა არის მნიშვნელოვანი ფაქტორები, რომლებიც საგადასახადო გალდებულებების შესრულებას განაპირობებენ. ისიც უნდა აღინიშნოს, რომ არ არსებობს კვლევა, რომელიც ზუსტად განსაზღვრავს კონკრეტული გადამხდელის მიერ საგადასახადო გალდებულების შესრულების წინაპირობებს.¹⁶⁸

ჩამოთვლილი ფაქტორებიდან ძალიან საინტერესო ეკონომიკური ფაქტორები, ვინაიდან ზოგ შემთხვევაში ვალდებულების შეუსრულებლობის შემთხვევაში მოსალოდნელი ჯარიმის ოდენობა გადახდილ გადასახადებთან შედარებით მცირეა. ამ შემთხვევაში მკვლევარებს უჭირთ ახსნან საგადასახადო გალდებულებათა შესრულების საკითხი.¹⁶⁹

სამართლებრივი ფაქტორების შემთხვევებში მოსალოდნელი იურიდიული პასუხისმგებლობის სახე და მესამე პირებთან ურთიერთობა, როგორც წესი, საგადასახადო ვალდებულების შესრულების გამომწვევი მიზეზი ხდება.¹⁷⁰

საგადასახადო შემოწმებას და აუდიტს ხშირად გადამხდელების მიმართ აქვს, როგორც პირდაპირი, ასევე, ირიბი ზეგავლენა, რაც საგადასახადო ვალდებულებათა შესრულების წინაპირობა ხდება. ამასთან, მოსალოდნელი პასუხისმგებლობის სიმძიმე, ცალკეულ შემთხვევებში, განსხვავებულ შედეგებს იწვევს საგადასახადო კანონმდებლობის შესრულების კუთხით.¹⁷¹

როგორც ზემოთ აღინიშნა, ისეთ სახელმწიფოებში, სადაც მოქალაქეები მაღალი საგადასახადო სამართლებრივი კულტურით გამოირჩევიან, აქტუალურია არა მხოლოდ საგადასახადო სამართალდარღვევის გამომწვევი მიზეზების შესწავლა, არამედ საგადასახადო კანონმდებლობის და საგადასახადო ვალდებულების შესრულების მიზეზებიც, რაც მარტოდენ მოქალაქეთა მაღალი სამართლებრივი შეგნებით არ არის გამოწვეული. არასამართლებრივ და სამართლებრივ ფაქტორებთან ერთად, როგორიცაა რეგულაციების მიმართ სოციალური და მორალური დამოკიდებულება, თანასწორობის აღქმა და სხვ. მნიშვნელოვანია, ასევე, საგადასახადო სამართალდარღვევების გამოვლენისთვის საგადასახადო ორგანოების აღმინისტრირების მაღალი ხარისხი და მოსალოდნელი პასუხისმგებლობის

¹⁶⁷ ი. E. Svoboda, The German Federal Audit Court's Observations and comments on tax administration and tax compliance, Financial Sociology Public Auditing, Editors Jurgen G. Backhaus, Peter Lang, Frankfurt am Main, 2007, pp. 16.

¹⁶⁸ ი. D. Cords, Tax Protestors and Penalties: Ensuring Perceived Fairness and Mitigating Systemic Costs, Brigham Young University Law Review Journal, pp. 1565-1571, <<http://lawreview.byu.edu/archives/2005/6/2CORDS.FIN.pdf>> [23.08.2012].

¹⁶⁹ ი. იქვე, <<http://lawreview.byu.edu/archives/2005/6/2CORDS.FIN.pdf>> [23.08.2012].

¹⁷⁰ ი. იქვე, <<http://lawreview.byu.edu/archives/2005/6/2CORDS.FIN.pdf>> [23.08.2012].

¹⁷¹ ი. იქვე, <<http://lawreview.byu.edu/archives/2005/6/2CORDS.FIN.pdf>> [23.08.2012].

მოცულობა.¹⁷² აღნიშნული ფაქტორებიდან, რომლებიც არის შესწავლისა და შეფასების საგანი ამერიკელ მკვლევარებს შორის, განსაკუთრებით მნიშვნელოვნად მიაჩნიათ ზუსტად იურიდიული ფაქტორები, რომელთა დაბალი ხარისხი, რიგ შემთხვევებში, ასევე, შესაძლოა მიჩნეულ იქნეს საქართველოში საგადასახადო სამართალდარღვევების ჩადენის გამომწვევ მიზეზებად. თუმცა, როგორც უკვე აღინიშნა, მსგავსი შეფასება საქართველოს შემთხვევაში ზედაპირული ხასიათის მატარებელი იქნება.

ჯერ კიდევ გასული საუკუნის 70-იან წლებში, საგადასახადო კანონმდებლობის ოქალიზაციის და აღსრულების მთავარ ქვაკუთხედად, ევაქტური საგადასახადო ადმინისტრირება მიიჩნეოდა. მის წარმატებულ განხორციელებას მოსახლეობაში მოტივაცია უნდა აემაღლებინა, ხოლო სუსტი ადმინისტრირების შემთხვევებში მიიჩნევდნენ, რომ საზოგადოება ყოველთვის იქნებოდა მიდრეკილი არ გადაეხადა გადასახადები.¹⁷³

საგადასახადო ვალდებულებათა შესრულების მიზეზების განხილული დაჯგუფების გარდა, ამერიკულ სამეცნიერო ლიტერატურაში გადასახადების გადახდის შემდეგ საფუძვლებს გამოყოფენ: 1. გადამხდელთა მხრიდან გადასახადების მიმართ პატრიოტული მიდგომის არსებობა; 2. ეფექტური ადმინისტრირება; 3. ურჩი გადამხდელების სის გამოქვეყნება; 4. ფინანსური სანქციების დაწესება; 5. სისხლისსამართლებრივი პასუხისმგებლობის დაწესება.

ამ დაყოფის მომხრე მეცნიერთა მოსაზრებით, გადასახადის გადამხდელები თავს ვალდებულად ჩათვლიან გადაიხადონ გადასახადები იმ შემთხვევაში, თუ ისინი ეთანხმებიან სახელმწიფოს საგადასახადო პოლიტიკას, საგადასახადო ტვირთის განაწილების და ადმინისტრირების წესებს. საინტერესოა მეცნიერთა მოსაზრება კანონმორჩილ მოქალაქესთან დაკავშირებითაც, რომელსაც შესაძლოა საერთოდ არ მოსწონდეს და არ ეთანხმებოდეს კანონმდებლის მოთხოვნას, მაგრამ მისი აღზრდის, სოციალურომიკური, რელიგიური თუ ოჯახური გარემოებები უზრუნველყოფდეს მისი მხრიდან გადასახადების გადახდას. გადამხდელების ქცევას და გადასახადების მიმართ მათ დამოკიდებულებას განსაზღვრავს ასევე საგადასახადო ორგანოების მოქმედებები და მათი ეფექტური მუშაობა.¹⁷⁴

ეფექტურობის ამაღლებას კანონმდებელი უნდა ცდილობდეს შემდეგი პრინციპების შესაბამისად: საჯაროობა - ნებისმიერი გადაწყვეტილების მიღება უნდა ხდებოდეს საჯაროდ და გადამხდელებისთვის ნებისმიერი ინფორმაცია უნდა იყოს ხელმისაწვდომი. დოკუმენტები, რომლებსაც გადამხდელები ავსებენ, უნდა იყოს მარტივად შედგენილი და მარტივად შესავსები; გადამხდელებს საგადასახადო ადმინისტრაციები უნდა უწევდნენ პროაქტიურ დახმარებას და ა.შ.¹⁷⁵

¹⁷² ი. H. Efebera, D.C. Hayes, J. E. Hunton, and Ch.O'Neil, Tax compliance intentions of low-income individual taxpayers. Advances in Accounting Behavioral Research, Volume 7, Emerald Group Publishing Limited, 2004.

¹⁷³ ი. Problems of Tax Administration in Latin America, Editor J. Hopkins, Joint Tax program Organization of American States inter-American Development Bank, Economic Commission for Latin America, Johns Hopkins Univ. Press, 1965, pp. 9.

¹⁷⁴ ი. იქვე, pp. 300-301.

¹⁷⁵ ი. იქვე, pp. 301-305.

განსხვავებული საფუძველია საგადასახადო ვალდებულებების შესრულების თვალსაზრისით გადამხდელთა სპეციალური სიების გამოქვეყნება. ზოგიერთ ქვეყანაში, მაგალითად შევძეთში, სანქციის ერთ-ერთ სახედ მიჩნეულია შემოწმებული გადასახადის გადამხდელებისა და მათ მიმართ გამოქვენებული სანქციების გასაჯაროება.¹⁷⁶ აღნიშნულ მოქმედებას აქვს პრევენციის საქმაოდ მაღალი ეფექტი, ვინაიდან აღნიშნული ზეგავლენას ახდენს სამეწარმეო ურთიერთობებსა და სამოქალაქო ბრუნვაში მონაწილე სუბიექტების სანდოობაზე. თუმცა, იგივე იაპონიაში, სადაც გადამხდელთა სიების გამოქვეყნება ხდება, ინფორმაციას მხოლოდ მსხვილი გადამხდელების შესახებ აქვეყნებენ და ამ შემთხვევაში მას ნაკლებად აქვს პრევენციის მიზანი. საფრანგეთშიც გამოიყენება გადამხდელების სის გამოქვეყნების პრაქტიკა დაკისრებული თანხების ოდენობების მითითებით, რაც მხოლოდ ინფორმაციულ ხასიათს ატარებს.¹⁷⁷ ამერიკელი მკვლევარების აღნიშნით, აშშ-ში საგადასახადო სამსახური ასეთ გამოქვეყნებას, როგორც წესი, მიმართავს საგადასახადო დეკლარაციების წარდგენის პერიოდში, რათა ზეგავლენა მოახდინოს გადამხდელების განწყობაზე საგადასახადო ვალდებულებების შესრულების უზრუნველსაყოფად.¹⁷⁸

აღნიშნული დონისძიება, საქართველოს კანონმდებლობის თანახმად, ასევე, მიეკუთვნება საჯარო ინფორმაციას და ექვემდებარება საჯაროდ გამოქვეყნებას, თუმცა ვინაიდან ეს რეგულაცია საგადასახადო სფეროში საკანონმდებლო ნოვაციას¹⁷⁹ წარმოადგენს, ჯერ-ჯერობით რთულია იმის

¹⁷⁶ აღნიშნული გამოწვევები იყო სიტყვისა და პრესის თავისუფლების მაღალი ხარისხით დიდი ხნის განმავლობაში. იხ. Editor J. Hopkins, Problems of Tax Administration in Latin America, Joint Tax program Organization of American States inter-American Development Bank, Economic Commission for Latin America, Johns Hopkins Univ. Press, 1965, pp. 311.

¹⁷⁷ იხ. იქვე, pp. 311-312.

¹⁷⁸ იხ. Joshua D. Blank, Z. Daniel Levin, When is tax Enforcement publicized? Virginia Tax Review, vol 30:1, 2010-2011, pp.2 <<http://heinonline.org>> [23.08.2012].

¹⁷⁹ საქართველოს მოქმედი კანონმდებლობა 2008 წლის 28 დეკემბრიდან ითვალისწინებს მოვალეთა რეესტრის წარმოების წესს, რაც დამტკიცებული იქნა საქართველოს იუსტიციის მინისტრის 2008 წლის 28 დეკემბრის №234 ბრძანებით. აღნიშნული რეესტრის წარმოება, რომელსაც აღსრულების ეროვნული ბიურო ახორციელებს, არის ფულადი მოთხოვნის აღსრულების უზრუნველყოფამდე წარმოებული საშუალება – ფიზიკური და იურიდიული პირების შესახებ სისტემაზე წირებული ელექტრონული მონაცემების ერთობლიობა, რომელთა მიმართაც დაწყებულია იძულებითი აღსრულება. ამ რეესტრის წარმოება მიზნად ისახავს, იძულებითი აღსრულების დონისძიებების უფასებულების ხარისხის გაზრდას, კანონით დადგენილ ფარგლებში აღსრულების პროცესის საჯარობას და კერძო სამართლებრივი ურთიერთობისას შესაძლო რისკების შემცირების ხელშეწყობასა და გარანტიების შექმნას. აღნიშნული ბრძანების საფუძველზე მოვალეთა რეესტრში აღინიშნება მოვალის დასახელება და რეკვიზიტები, სააღსრულებო წარმოების დაწყების დრო და სხვა მონაცემები, თუმცა თანხის ოდენობა რაც მოვალეს აქვს გადასახდელი ან/და სააღსრულებო წარმოების კონკრეტული საფუძვლები ამ რეესტრში არ აღინიშნება. საგადასახადო დავალიანების შესახებ ინფორმაციის მიმართ ეს ინსტიტუტი არ ვრცელდება, ვინაიდან ეს უკანასკნელი ნაშრომში აღნიშნულ თარიღამდე წარმოადგენდა საგადასახადო საიდუმლოებას და გამონაკლისი იყო მხოლოდ საჯარო განცხადების გავრცელება საგადასახადო დავალიანების შესახებ. კანონქვემდებარე ნორმაზეულ აქტებში არ არის დაკონკრეტული საგადასახადო საიდუმლოების გასაჯაროების პროცედურები და არც ის თუ რა ტიპის ინფორმაცია დაექვემდებარება გასაჯაროებას, მხოლოდ

შეფასება, თუ რა გავლენას მოახდენს ეს უკანასკნელი საქართველოში საგადასახადო ვალდებულებათა შესრულების ხარისხზე.¹⁸⁰

სანქციები ლიტერატურაში მიჩნეულია ერთ-ერთ ყველაზე საიმედო და ამავე დროს, ნაკლებად შესწავლილ მიზეზად საგადასახადო ვალდებულებების შესრულებასთან დაკავშირებით. სანქციას შეუძლია, პირველ რიგში, აღკვეთოს დარღვევა და გაზარდოს შესრულების ოდენობა. სანქციის მიზანი თვისთავად არის პრევენციაც, რამეთუ მისი გამოყენების საშიშროება აიძულებს გადამხდელებს, არ ჩაიდინონ რაიმე სახის გადაცდომა. თუმცა სამართალდარღვევის არჩადენა სანქციის ნაწილში მოითხოვს ორი მნიშვნელოვანი გარემოების გათვალისწინებას: სწორად განისაზღვროს და შეირჩეს სანქციის ზომა და მეორე, კანონმდებლობა იყოს რაციონალური და გასაგები. გადამხდელს უნდა შეეძლოს ლოგიკურად განსაზღვროს რა არჩევანის წინაშე დგას. ამ შემთხვევაში ეკონომისტთა მოსაზრებით, გადამხდელი სამართალდარღვევას ჩაიდენს იმ შემთხვევაში, თუ მისი ჩადენა უფრო მეტ სარგებელს მოუტანს, ვიდრე მოსალოდნელი ჯარიმის ოდენობაა. თუმცა ეს საკითხი ძალიან ინდივიდუალურია და სხვადასხვა გადამხდელის მიმართ განსხვავებულ ხასიათს ატარებს, ვინაიდან დამოკიდებულია გადამხდელების მატერიალურ მდგომარეობასა და სხვა გარემოებებზე.¹⁸¹

ცალკეული მეცნიერები თვლიან, რომ საგადასახადო სამართალდარღვევები მიეკუთვნება რა ეკონომიკური ხასიათის დარღვევებს, არ იწვევს საზოგადოებაში სირცხვილის განცდას, თუმცა ეს განცდა მაინც დამოკიდებულია იმაზე, თუ ვინ არის გადამხდელი.¹⁸²

მკვლევართა აზრით, სამართლიანი საგადასახადო სისტემის შექმნა, ასევე, მიიჩნევა ერთ-ერთ მნიშვნელოვან წინაპირობად გადამხდელების მიერ საგადასახადო ვალდებულებების შესასრულებლად.¹⁸³

გარდა აღნიშნულისა, მეცნიერთა ნაწილი საგადასახადო სამართალდარღვევათა შემცირების ერთ-ერთ გზად მიიჩნევს გადამხდელთა

გადამხდელთა დასახელება და დავალიანების არსებობაზე მითითება თუ დავალიანების ოდენობა და მისი დაკისრების საფუძვლები. ამდენად, ამ საკითხების შედარება და ურთიერთმიმართების კვლევა ამ ეტაპზე შეუძლებელია. შეადარე „მოვალეთა რეესტრის წარმოების წესის დამტკიცების შესახებ“ საქართველოს იუსტიციის მინისტრის 2008 წლის 28 დეკემბრის №234 ბრძანება. ასევე „გადასახადების ადმინისტრირების შესახებ“ საქართველოს ფინანსთა მინისტრის 2010 წლის 28 დეკემბრის №996 ბრძანება, 2012 წლის 12 დეკემბრის მდგომარეობით.

¹⁸⁰ ი. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 39-ე მუხლის 1-ლი ნაწილი, 2012 წლის 25 ივნისის მდგომარეობით.

¹⁸¹ ი. ს. Tax Law Design and Drafting, Editor V. Thuronyi, International Monetary Fund, Volume 1, Washington D.C. 1996, pp. 118-120.

¹⁸² ი. იქვე, pp. 126.

¹⁸³ ი. D.Cords, Tax Protestors and Penalties: Ensuring Perceived Fairness and Mitigating Systemic Costs, Brigham Young University Law Review Journal, pp. 1565-1571, <<http://lawreview.bry.edu/archives/2005/6/2CORDS.FIN.pdf>>, [23.08.2012].

ცნობიერების ამაღლებაზე ზრუნვას, საგადასახადო კანონმდებლობის განსაკუთრებული მნიშვნელობის ხაზგასმის გზით.¹⁸⁴

გერმანულ სამეცნიერო ლიტერატურაში საგადასახადო ვალდებულებათა შესრულების ე.წ. წინაპირობებისა და მიზეზების განხილვასთან ერთად, განხილულია სამი თეორია საგადასახადო ვალდებულებათა შესრულებასთან დაკავშირებით. პირველი - ესაა საგადასახადო სამართალდარღვევათა აღმოჩენისა და გამოვლენის ეფექტური მექანიზმების არსებობა; მეორე - საგადასახადო აღმინისტრაციების გამართულობა, ასევე, საჯარო სახსრების აუდიტი და მესამე, რომელიც ეხება გადასახადების გადახდის სურვილის სუბიექტურად არსებობას თითოეული გადამხდელის ცნობიერებაში. სხვაგვარად გადამხდელთა სუბიექტურ დამოკიდებულებას საგადასახადო მორალსაც უწოდებენ. თუმცა როგორც მეცნიერები აღნიშნავენ, ფისკალურ სოციოლოგიაზე ორიენტირებული თეორეტიკოსები გადამხდელთა სუბიექტურ დამოკიდებულებასა და საგადასახადო მორალს შორის მკაფიო ზღვარს ავლებენ. მეცნიერთა მიერ განხილული ეს სამი თეორია მნიშვნელოვნად არ განსხვავდება ზემოთ განხილული სხვა მოსაზრებებისგან საგადასახადო ვალდებულებათა შესრულების წინაპირობებთან დაკავშირებით. ამასთან, ისინი ნაწილობრივ ფარავს ერთმანეთს და მათი განყენებულად განხილვა არ შეიძლება.¹⁸⁵

საქართველოში საგადასახადო ვალდებულებათა შესრულების წინაპირობები შესწავლილი არ არის ემპირიული კვლევების საფუძველზე, როგორც ეს ხორციელდება მაგალითად აშშ-ში, თუმცა 2002 წლიდან დღემდე ბიუჯეტში გადახდილი გადასახადების ოდენობის მზარდი სტატისტიკა სახეზე.¹⁸⁶ აღნიშნული ზრდის ასენა მარტივად არის შესაძლებელი ზოგადად დაბეგვრის სფეროში გატარებული რეფორმებისა და დიდ წილად გაუმჯობესებული აღმინისტრირების მექანიზმების, ასევე, ელექტრონული დეკლარირების სისტემის შექმნის გამო,¹⁸⁷ მაგრამ აღნიშნული მიმართულებაც საჭიროებს ემპირიული კვლევების ჩატარებას.

წარმოდგენილი განხილვა კიდევ ერთხელ ადასტურებს, რომ საგადასახადო სამართალდარღვევების ჩადენის და საგადასახადო ვალდებულებათა შესრულების საკითხები ძალიან მნიშვნელოვანია და მიუთითებს იმაზე, რომ როგორც საგადასახადო კანონმდებლობის შესრულების ხარისხის ზრდა, ასევე, კანონმდებლობის დარღვევების მინიმუმადე შემცირება საჭიროებს ამ ორი შედეგის გამომწვევი მიზეზების საფუძვლიან შესწავლას. საქართველოში ამ მიმართულებით კვლევა და კვლევაზე დაფუძნებული გადაწყვეტილებების მიღების პრაქტიკა არ არის დამკვიდრებული. უფრო მეტიც, სამეცნიერო ხედვის არარსებობა და საგადასახადო პრაქტიკის

¹⁸⁴ ob. H. A. Burton, S. S. Karlinsky and C. Blanthorne, Perception of a White-Collar Crime: Tax Evasion, Journal of legal Tax Research, Volume three, 2005, pp 44.

¹⁸⁵ ob. E. Svhobel, The German Federal Audit Court's Observations and comments on tax administration and tax compliance, Financial Sociology Public Auditing, Editor G. Jurgen, Backhaus Peter Lang Frankfurt am Main, 2007, pp. 18-20.

¹⁸⁶ ob. საქართველოს ოფიციალური საიტი <http://geostat.ge/?action=page&p_id=313&lang=geo>

[10.07.2012].

¹⁸⁷ ob. საქართველოს ფინანსთა სამინისტროს ოფიციალური საიტი <<http://www.mof.ge/RsReforms>> [12.07.2012].

თეორიული შესწავლისგან დამოუკიდებლად განვითარება, ქართული საგადასახადო სამართლის განვითარების ხელშემშლელი ფაქტორია. სამეცნიერო საზოგადოებაც, განსხვავებით განვითარებული დასავლური სახელმწიფოებისგან, არ არის დაინტერესებული ამ საკითხების კვლევით, მაშინ როცა განხილული საკითხების შესწავლა ევროპულ და ამერიკულ სამეცნიერო ლიტერატურაში ყველაზე აქტუალური თემაა და ამასთან, კვლევები უმეტესწილად ემპირიულ და ობიექტურ მონაცემებზე დაყრდნობით ტარდება ინტერდისციპლინური მიდგომების გამოყენებით.

თავი 5. საგადასახადო სამართალდარღვევის ცნება და მისი ელემენტები

საგადასახადო სამართალდარღვევის, როგორც საგადასახადო პასუხისმგებლობის საფუძვლის, ცნებისა და მისი ელემენტების შესწავლა წინამდებარე სადისერტაციო ნაშრომის ერთ-ერთი ყველაზე მთავარი საკითხია. ქართულ სამეცნიერო ლიტერატურაში საგადასახადო სამართალდარღვევების ცნება და მისი შემადგენელი ელემენტები სხვადასხვა კრიტერიუმისა და შედარებითი კვლევის ფარგლებში შესწავლილი არ არის.

სადისერტაციო ნაშრომის წინა თავებში იურიდიული პასუხისმგებლობის სხვადასხვა სახეზე მსჯელობისას უკვე აღინიშნა, რომ მეცნიერთა მოსაზრებით¹⁸⁸ სისხლისა და ადმინისტრაციულ სამართალდარღვევებს შორის განსხვავების ერთ-ერთი კრიტერიუმია საზოგადოებრივი საშიშროების ხარისხი. აღნიშნული არგუმენტის გათვალისწინებით, საგადასახადო სამართალდარღვევის ელემენტების განსაზღვრის მიზნით, შესაძლოა გამოყენებულ იქნეს სისხლის სამართლის თეორიაში დანაშაულის ცნებისა და მისი ელემენტების განსაზღვრის მეთოდოლოგია.

თავად სისხლის სამართლის თეორიაში განსხვავებული მიდგომებია დანაშაულის შემადგენელი ელემენტების შესახებ, რაც საგადასახადო სამართალდარღვევების ელემენტების კვლევისას აუცილებლად უნდა იქნეს გათვალისწინებული. კერძოდ, როგორც სისხლის სამართლის თეორიაში აღნიშნავენ, გერმანული სისხლის სამართლის ტრადიციის მიხედვით, დანაშაულის ცნება მოიცავს სამ ელემენტს: ქმედების შემადგენლობა, მართლწინააღმდეგობა და სუბიექტის ბრალი.¹⁸⁹ თუმცა აღნიშნული ელემენტების შინაარსთან მიმართებით მიდგომა არაერთგვაროვანია, ვინაიდან მეცნიერთა ნაწილი მას მიაკუთვნებს სუბიექტს, სუბიექტურ მხარეს, ობიექტს და ასევე, ობიექტურ მხარეს, ხოლო მეცნიერთა ნაწილი ქმედების შემადგენლობაში გამოყოფს მხოლოდ ქმედების ობიექტურ და სუბიექტურ მხარეებს.¹⁹⁰ ლიტერატურაში ვხვდებით, ასევე, მოსაზრებებს,

¹⁸⁸ იხ. ვ. ლორია, საქართველოს ადმინისტრაციული სამართალი, რედ. გ. გიორგაძე, გამომცემლობა მერიდიანი, ობილისი, 2002წ. გვ. 374-377.

¹⁸⁹ იხ. გ. ნაჭეულია, სისხლის სამართალი, ზოგადი ნაწილი, სახელმძღვანელო, საგამომცემლო სახლი ინოვაცია, ობილისი, 2011წ. გვ. 224.

¹⁹⁰ იხ. იქვე, გვ. 249.

რომლის თანახმად, დანაშაულის ცნება გაიგივებულია დანაშაულის შემადგენლობისა და ქმედების შემადგენლობების ცნებებთან და მოიცავს დანაშაულის ობიექტს, ობიექტურ მხარეს, სუბიექტს და სუბიექტურ მხარეს.¹⁹¹

განსხვავებული მოსაზრებების მიუხედავად, დანაშაულის ელემენტების შესახებ გერმანული მიდგომის გაზიარება, რომელიც დანაშაულის საკანონმდებლო განმარტებასა და ცნებიდან გამომდინარეობს, საგადასახადო სამართალდარღვევის ცნებისა და მისი ელემენტების შესწავლისთვის შეიძლება ყველაზე უფრო მიზანშეწონილად იქნას მიჩნეული.

სადისერტაციო ნაშრომში არ არის განხილული დასავლურ სამეცნიერო ლიტერატურაში ადმინისტრაციული სამართალდარღვევის ცნების ელემენტები, ვინაიდან ამ კუთხით აღნიშნული საკითხები შესწავლილი არ არის.

საგადასახადო სამართალდარღვევის ცნების ელემენტების შესწავლამდე უნდა განისაზღვროს მათი ნორმატიული განმარტებები სხვადასხვა სამართლებრივი სისტემის ჭრილში და ასევე, მათი ადგილი აღნიშნულ სამართლებრივ სისტემებში.

ყოფილი საბჭოთა კავშირის სახელმწიფოების უმრავლესობაში (რუსეთის ფედერაცია, აზერბაიჯანი და სომხეთი და სხვ), სადაც ერთმანეთისგან გამიჯნულია ადმინისტრაციული სამართალდარღვევები და სისხლის სამართლის დანაშაულები, კანონმდებლობა და სამეცნიერო ლიტერატურა საგადასახადო სამართალდარღვევებს მიაკუთვნებს ადმინისტრაციული სამართალდარღვევების ერთ-ერთ სახეს.¹⁹²

საგადასახადო სამართალდარღვევები უმრავლეს შემთხვევაში განმარტებულია, როგორც საგადასახადო გადამხდელის, საგადასახადო აგენტის ან სხვა პირის ბრალეული, მართლსაწინააღმდეგო ქმედება (გამოხატული მოქმედებასა ან უმოქმედობაში), რომლისთვისაც დადგენილია შესაბამისი პასუხისმგებლობა. ამასთან, მსგავსი განმარტება შეიძლება მოვიძიოთ, როგორც იმ სამართლებრივ სისტემებში, სადაც საგადასახადო სამართალდარღვევები ადმინისტრაციული სამართალდარღვევების ნაწილია და მოქცეულია ადმინისტრაციული სამართლის სფეროში,¹⁹³ ასევე, იმ სახელმწიფოებში, სადაც საგადასახადო სამართალდარღვევები ადმინისტრაციული სამართლის სფეროში შემავალ დარღვევებს კი არ წარმოადგენს, არამედ არის სისხლის სამართლის მსუბუქი დარღვევა. მიუხედავად სამართლებრივი სისტემების განსხვავებებისა, სამართალდარღვევის არსი და განმარტება ძირითადად მსგავსია. ამ მხრივ, საინტერესოა საქართველოს საკანონმდებლო მიდგომა. საგადასახადო კოდექსი, მართალია, არ განმარტავს საგადასახადო

¹⁹¹ იხ. ა. გაბიანი, ხ. გვერტაძე, ი. დვალიძე, ხ. თოდუა, მ. ივანიძე, გ. მამულაშვილი, გ. ნაჯუებია, გ. ტყეშელიაძე, გ. ხუროშვილი, სისხლის სამართლის ზოგადი ნაწილი, სახელმძღვანელო, გამომცემლობა მერიდიანი, თბილისი, 2007წ. გვ. 102.

¹⁹² იხ. აზერბაიჯანის რესპუბლიკის ადმინისტრაციული სამართალდარღვევების კოდექსის მე-20 თავი, <<http://www.lexadin.nl/wlg/legis/nofr/oeur/lxweaze.htm>> [14.02.2012].

¹⁹³ იხ. А.С. Шаров, Налоговые правонарушения, Дело и Сервис, Москва, 2002 г. ст.6.

პასუხისმგებლობის ცნებას, თუმცა განსაზღვრავს საგადასახადო სამართალდარღვევას, რომლის თანახმად, საგადასახადო სამართალდარღვევად ითვლება პირის მართლსაწინააღმდეგო ქმედება (მოქმედება ან უმოქმედობა), რომლისთვისაც საგადასახადო კოდექსით გათვალისწინებულია პასუხისმგებლობა.¹⁹⁴ უცხოეთის ქვეყნებისა და საქართველოს მოქმედი კანონმდებლობით დადგენილი ტრადიციული ადმინისტრაციული სამართალდარღვევის განმარტებისგან¹⁹⁵ განსხვავებით, საგადასახადო სამართალდარღვევის ცნება არ მოიცავს ისეთ მნიშვნელოვან ნიშანს, როგორიცაა ბრალი (განზრახ ან გაუფრთხილებლობით ქმედების ჩადენა). ამასთან, საგულისხმოა, რომ საგადასახადო სამართალდარღვევებს მიეკუთვნება მხოლოდ ის დარღვევები, რომლებიც საგადასახადო კოდექსით არის გათვალისწინებული და არა სხვა რომელიმე აქტით.

საგადასახადო სამართალდარღვევის საკანონმდებლო განმარტების შესაბამისად, შესაძლებელია მისი ორი ძირითადი ელემენტის გამოყოფა: ქმედების შემადგენლობა და მართლსაწინააღმდეგობა. აღნიშნული ელემენტების მიხედვით მოხდება წინამდებარე ნაშრომში საგადასახადო სამართალდარღვევების ელემენტების შესწავლა.

ამავე დროს, ცალკეული მეცნიერები საგადასახადო სამართალდარღვევის ცნებაში გამოყოფენ ორ ელემენტს: მართლსაწინააღმდეგობა და ქმედების დასჯადობა და ამ უკანასკნელს მიაკუთვნებენ საგადასახადო სამართალდარღვევის ფორმალურ ნიშანს.¹⁹⁶ აღნიშნული განმარტების თანახმად დასჯადობა, საქართველოს საგადასახადო სისტემის თავისებურებიდან გამომდინარე, საგადასახადო სამართალდარღვევის პირველი ნიშანია, ვინაიდან საგადასახადო სამართალდარღვევად ითვლება პირის მართლსაწინააღმდეგო ქმედება, რომლისთვისაც საგადასახადო კოდექსით გათვალისწინებულია პასუხისმგებლობა. დასჯადობა გულისხმობს სანქციის გამოყენების გარდაუგალობას საქართველოს საგადასახადო კოდექსით გათვალისწინებული ქმედების ჩადენის შემთხვევაში.¹⁹⁷

მეცნიერთა აზრით, საგადასახადო კანონმდებლობის დარღვევამ შესაბამისი პასუხისმგებლობა რომ გამოიწვიოს, აუცილებელია, ქმედებას ახასიათებდეს დასჯადი ქმედების კანონით გათვალისწინებული უკელა ნიშანი და

¹⁹⁴ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 269-ე მუხლის 1-ლი ნაწილი, 2012 წლის 20 სექტემბრის მდგომარეობით.

¹⁹⁵ საქართველოს ადმინისტრაციულ სამართალდარღვევათა კოდექსის მე-10 მუხლის თანახმად, ადმინისტრაციულ სამართალდარღვევად (გადაცდომად) ჩაითვლება სახელმწიფო ან საზოგადოებრივი წესრიგის, საკუთრების, მოქალაქეთა უფლებებისა და თავისუფლებების, მმართველობის დადგენილი წესის ხელმყოფი მართლსაწინააღმდეგო, ბრალეული (განზრახ ან გაუფრთხილებელი) მოქმედება ან უმოქმედობა, რომლისთვისაც კანონმდებლობით გათვალისწინებულია ადმინისტრაციული პასუხისმგებლობა. იხ. საქართველოს ადმინისტრაციულ სამართალდარღვევათა კოდექსი (გამოქვეყნებული საქართველოს სსრ უმაღლესი საბჭოს უწყებები, 1984წ. №12, მუხ. 421), მე-10 მუხლი, 2012 წლის 20 სექტემბრის მდგომარეობით.

¹⁹⁶ იხ. ზ. როგორა, საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა ბაქმი, თბილისი, 2009წ. გვ. 306.

¹⁹⁷ იხ. იქვე, გვ. 306-307.

იმავდროულად, გააჩნდეს სამართალდარღვევის შემადგენლობის კანონით გათვალისწინებული ყველა ელემენტი.¹⁹⁸

გარდა ამ განმარტებებისა, სამეცნიერო ლიტერატურაში მითითებულია, რომ საგადასახადო სამართალდარღვევის შემადგენლობად ითვლება საგადასახადო კანონმდებლობით დადგენილი ობიექტური და სუბიექტური ელემენტების (ნიშნების) ერთობლიობა, რომლებიც ახასიათებენ ქმედებას, როგორც კონკრეტულ სამართალდარღვევას. ლიტერატურაში გამოყოფენ საგადასახადო შემადგენლობის შემდეგ ელემენტებს: სამართალდარღვევის ობიექტი; სამართალდარღვევის ობიექტური მხარე; სამართალდარღვევის სუბიექტი; სამართალდარღვევის სუბიექტური მხარე.¹⁹⁹

მიუხედავად განსხვავებული სამეცნიერო მოსაზრებებისა, საქართველოს საკანონმდებლო განმარტებიდან გამომდინარე, საგადასახადო სამართალდარღვევები წინამდებარე თავის ქვეთავებში შესწავლილი იქნება სამი ელემენტის მიხედვით: ქმედების შემადგენლობა, მართლსაწინააღმდეგობა და ბრალი. აქვე აღსანიშნავია, რომ მართალია, ბრალი როგორც ნიშანი, დამახასიათებელი არ არის ქართული საგადასახადო კანონმდებლობით განსაზღვრული სამართალდარღვევებისთვის, მაგრამ მისი შესწავლა მნიშვნელოვანია ცნების სრულყოფილად გააზრებისა და ასევე, მისი როგორც ნიშნის, დადგენის აუცილებლობის განსაზღვრისთვის.

5.1. ქმედების შემადგენლობა, როგორც საგადასახადო სამართალდარღვევის ცნების ელემენტი²⁰⁰

ქმედების შემადგენლობა, საგადასახადო სამართალდარღვევის საკანონმდებლო განმარტების შესაბამისად, სამართალდარღვევის ცნების ერთ-ერთ ელემენტს წარმოადგენს. როგორც ზემოთ აღინიშნა, ეს ელემენტი შესაძლოა კიდევ მოიცავდეს რამდენიმე ქვეელემენტს, როგორიცაა ქმედების შემადგენლობის ობიექტური და სუბიექტური მხარეები.

5.1.1. ქმედების შემადგენლობის ობიექტური მხარე

საგადასახადო სამართალდარღვევის ელემენტი – ქმედების შემადგენლობის ობიექტური მხარე მოიცავს სხვადასხვა ნიშნებს, რომლებსაც ორ ჯგუფად ჰყოფენ სამეცნიერო ლიტერატურაში: სავალდებულო და ფაქულტატიური ნიშნები. სამართალდარღვევის ობიექტური მხარის შემადგენლობის

¹⁹⁸ იხ. ზ. როგავა, საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა ბაქმი, ობილისი, 2009წ. გვ. 303.

¹⁹⁹ იხ. იქმა, გვ. 308.

²⁰⁰ წინამდებარე ქვეთავში საკითხები განხილულია მხოლოდ სამეცნიერო ლიტერატურაში არსებული თეორიული მიდგომების ჭრილში, რამეთუ საქართველოში საგადასახადო პასუხისმგებლობის დამდგენი ნორმების მუდმივი ცვალებადობის გამო, რთულია ამ საკითხების განზოგადება. ამავე დროს საერთო სამართლისა და განვითარებულ დასავლეთის ქვეყნებში მსგავსი მიმართულებით ამ საკითხების შესწავლის არ არსებობის გამო, მსჯელობა წარმოდგენილია მხოლოდ ერთი ხელმისაწვდომი ქართული სამეცნიერო წყაროს საფუძველზე.

სავალდებულო ნიშნებია: ნორმა, ქმედება, შედეგი, მიზეზობრივი კავშირი ქმედებასა და დამდგარ შედეგს შორის.²⁰¹ სამართალდარღვევის ობიექტური მხარის შემადგენლობის ფაკულტატიურ ნიშნებს მიაკუთვნებენ დამატებით კრიტიკულებს, რომლებიც ასახავენ ჩადენილი სამართალდარღვევის პირობებსა და გარემოებებს. ისინი, როგორც წესი, ყველა სამართალდარღვევის შემადგენლობაში არ გვხვდება. ამასთან, თუ რომელიმე მათგანი გათვალისწინებულია კონკრეტულ შემადგენლობაში, მაშინ ეს ნიშანი ამ სამართალდარღვევის ობიექტური მხარის შემადგენლობის სავალდებულო ნიშნად გვევლინება.²⁰²

სისხლის სამართლის დანაშაულის ცნების ელემენტებისა და წინა თავში მიმოხილული მიღებისგან განსხვავებით, საგადასახადო სამართალდარღვევათა თავისებურების გათვალისწინებით, ქმედების შემადგენლობის ობიექტურ მხარეში ცალკე უნდა იქნას გამოყოფილი, ასევე, სამართალდარღვევის ხელყოფის ობიექტი. მისი კვლევა მნიშვნელოვანია იმ სამართლებრივი სიკეთის შესწავლის მიზნით, რომელსაც ზიანი ადგება საგადასახადო სამართალდარღვევების ჩადენის შედეგად.

5.1.1. ხელყოფის ობიექტი

საგადასახადო სამართალდარღვევის ობიექტი განიმარტება, როგორც კანონით დაცული საზოგადოებრივი სიკეთე, ის საფინანსო ინტერესები, რომელსაც ხელყოფს სამართალდარღვევა. კონკრეტული სამართალდარღვევების ანალიზით დასტურდება, რომ სხვადასხვა სამართალდარღვევას შესაძლოა გააჩნდეს მსგავსი ნიშნები, მაგრამ დაკალიფირდეს განსხვავებულად სამართალდარღვევის ობიექტიდან გამომდინარე. თუმცა, სამართალდარღვევის სხვადასხვა შემადგენლობაში შეიძლება იყოს, ასევე, ერთი ობიექტი. ამ დროს აღნიშნული სამართალდარღვევების გამიჯვნის მიზნით არ არის საკმარისი მხოლოდ ხელყოფის ობიექტის ნიშნების დადგენა, საჭიროა სხვა ელემენტების შინაარსის განსაზღვრაც.²⁰³

სამეცნიერო ლიტერატურაში აღნიშნულია, რომ კანონმდებლობით დადგენილი საგადასახადო სამართალდარღვევის სახით გათვალისწინებული ნებისმიერი მართლსაწინააღმდეგო ქმედება ხელყოფს განსაზღვრულ ობიექტს, აყენებს მას არსებით ზიანს ან უქმნის ზიანის მიერნების რეალურ საფრთხეს. როგორც წესი, საგადასახადო სამართალდარღვევის ობიექტს სახელმწიფოს საფინანსო ინტერესებთან დაკავშირებულ საზოგადოებრივ ურთიერთობებს უკავშირებენ. საგადასახადო სამართალდარღვევის

²⁰¹ იხ. ზ. როგავა, საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა ბაქმი, თბილისი 2009წ. გვ. 313.

²⁰² იხ. იქვე, გვ. 314.

²⁰³ იხ. И.И. Кучеров, Налоговые преступления, Москва, 1997 г. ст. 26.

ობიექტები ლიტერატურაში პირობითად დაყოფილია სამ სახედ: ზოგადი, გვარეობითი და უშუალო ობიექტები.²⁰⁴

ზოგადი ობიექტი წარმოადგენს ქვეყნის საგადასახადო სისტემას. ნებისმიერი საგადასახადო სამართალდარღვევა სწორედ მას აყენებს ზიანს. საგადასახადო ურთიერთობების განსაზღვრული ნაწილი თავისი შინაარსით არის ერთმანეთთან დაკავშირებული, ადნიშნული ურთიერთდაკავშირებული ურთიერთობები კი საგადასახადო სამართალდარღვევის გვარეობით სპეციალურ ობიექტს შეადგენს. გვარეობითი ობიექტი, თავის მხრივ, საგადასახადო სამართალდარღვევების სამეცნიერო და საკანონმდებლო საფუძვლად არის მიჩნეული.²⁰⁵ როგორც სამეცნიერო ლიტერატურაში აღნიშნავენ, უნდა გამოიყოს საზოგადოებრივი ურთიერთობის ჯგუფები, განისაზღვროს თითოეული ამ ჯგუფის ნიშნები და სოციალური ფასეულობა. ასევე, უნდა დადგინდეს რომელი ქმედებისგან უნდა იქნეს დაცული თითოეული ჯგუფი. წინააღმდეგ შემთხვევაში საკანონმდებლო აქტი დაკარგავს სისტემატიზაციას, მისი გამოყენება გართულდება და შეიძლება, მთელი რიგი ურთიერთობები სამართლებრივი დაცვის გარეშეც დარჩეს.²⁰⁶

სამართალდარღვევის გვარეობითი ობიექტიდან გამოყოფენ სამართალდარღვევების უშუალო ობიექტს, იმ კონკრეტულ საზოგადოებრივ ურთიერთობებს, რომელსაც პირდაპირ და უშუალოდ ხელყოფს სამართალდამრღვევის ქმედება. უშუალო ობიექტის მეშვეობით შესაძლებელია გადაცდომის მართლსაწინააღმდეგო ხასიათსა და ხარისხზე მსჯელობა. აღნიშნული ელემენტით განისაზღვრება მთელი შემადგენლობის კონსტრუქცია, რომელიც განსაზღვრავს სანქციის ზომას.²⁰⁷ საგადასახადო სამართალდარღვევის ობიექტის სწორად განსაზღვრას ლიტერატურაში დიდ მნიშვნელობას ანიჭებენ, ვინაიდან მისი მეშვეობით მსგავსი ნიშნების მქონე სამართალდარღვევებიც კი შესაძლოა განსხვავებულად დაკვალიფიცირდეს. თუმცა ზუსტი კვალიფიკაციისთვის მხოლოდ სამართალდარღვევის ობიექტით მსჯელობა საკმარისი არ არის და აუცილებელია სამართალდარღვევათა სხვა ნიშნების იდენტიფიცირებაც.²⁰⁸

აქვე უნდა აღინიშნოს, რომ სამართალდარღვევები, რომლებსაც არაპირდაპირი ზეგავლენა გააჩნია საგადასახადო ურთიერთობებზე და მოიცავს შედარებით ფართო შემადგენლობებს, ზოგადად ეხება საგადასახადო სისტემას და საგადასახადო სამართალდარღვევებს არ მიეკუთვნება. მაგალითად, შემოსავლების სამსახურის უფლებამოსილი წარმომადგენელი, რომელიც თავისი უფლებამოსილების გამოყენებით გადამხდელს უკანონოდ მისცემს საშუალებას ისარგებლოს საგადასახადო შედავათით, მის მიერ ჩადენილი ქმედება არ განიხილება როგორც საგადასახადო სამართალდარღვევა, არამედ უნდა მიეკუთვნოს სამოხელეო

²⁰⁴ იხ. ზ. როგავა საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა ბაქმი, თბილისი, 2009წ. გვ. 309.

²⁰⁵ იხ. იქვე, გვ. 309.

²⁰⁶ იხ. იქვე, გვ. 310.

²⁰⁷ იხ. იქვე, გვ. 310.

²⁰⁸ იხ. იქვე, გვ. 311.

გადაცდომას/დანაშაულს. გადამხდელის მიერ გადასახადის გადაუხდელობა კი განხილულ უნდა იქნეს შესაბამის სისხლისსამართლებრივ ან საგადასახადო კოდექსით გათვალისწინებულ საგადასახადო სამართლდარღვევად.²⁰⁹

5.1.1.2. ქმედება

ქმედების (ხშირად მოიხსენიება, როგორც ქმედობა – ავტორის შენიშვნა) არსებობა, რომელიც თავის თავში მოიცავს, როგორც აქტიურ მოქმედებას სამართლდარღვევის სუბიექტის მხრიდან, ასევე, უმოქმედობას, მიეკუთვნება სამართლდარღვევის ობიექტურ მხარეს. გარკვეული სახის სამართლდარღვევების შემთხვევაში შესაძლოა ის ატარებდეს შერეულ ხასიათსაც, როცა ერთდროულად საგადასახადო სამართლდარღვევის ჩამდენის მხრიდან ადგილი აქს საგადასახადო ნორმების დარღვევას, როგორც ქმედებით, ასევე, უმოქმედობით.²¹⁰ ამრიგად, საგადასახადო სამართლდარღვევა შესაძლოა ჩადენილ იქნეს სხვადასხვაგვარი საშუალებებით, როგორც მოქმედებით, ისე უმოქმედობით. მოქმედება განიმარტება როგორც სუბიექტის აქტიური, გაცნობიერებული და ნებელობითი ქცევის ფორმა. უმოქმედობა კი განსაზღვრულია, როგორც სუბიექტის პასიური, გაცნობიერებული და ნებელობით ქცევის ფორმა და მდგომარეობს იმ მოქმედების შეუსრულებლობაში, რომელიც მას უნდა შეესრულებინა და შეეძლო შეესრულებინა.²¹¹

5.1.1.3. მიზეზობრივი კავშირი და შედეგი

მნიშვნელოვანია, ასევე, მართლსაწინააღმდეგო ქმედებასა და შედეგს შორის მიზეზობრივი კავშირის არსებობა. საგადასახადო სამართლდარღვევის ობიექტური მხარე მოიცავს, როგორც ქმედებას, ასევე, მართლსაწინააღმდეგო შედეგს, რომელიც დადგა ან შეიძლება დამდგარიყო ქმედების ჩადენის შედეგად და მიზეზობრივ კავშირს ქმედებასა და დამდგარ შედეგს შორის.²¹² ასეთი კავშირის არ არსებობა გამორიცხავს შესაბამისი პასუხისმგებლობის ღონისძიებების გამოყენებას. მაგალითად, გადასახადის შემცირებისთვის სანქციის გამოყენების პირობას გადასახადის შემცირება წარმოადგენს. იმისთვის, რომ აღნიშნული სანქცია გამოყენებულ იქნეს, უნდა დადგინდეს არა მხოლოდ ვადაგადაცილებული საგადასახადო დავალიანების ფაქტი, არამედ ისიც, რომ იგი წარმოიშვა სწორედ საგადასახადო ბაზის შემცირების შედეგად.²¹³ თუმცა ცალკეულ

²⁰⁹ იხ. ზ. როგავა საგადასახადო სამართლი, საგადასახადო კონტროლი და საგადასახადო პასუხისმგებლობა, პირველი გამოცემა ბაკმი, თბილისი, 2009წ. გვ. 303.

²¹⁰ იხ. А.С. Шаров, Налоговые правонарушения, Дело и Сервис, Москва, 2002 г. ст.7.

²¹¹ იხ. იქვე, სტ. 7.

²¹² იხ. ზ. როგავა საგადასახადო სამართლი, საგადასახადო კონტროლი და საგადასახადო პასუხისმგებლობა, პირველი გამოცემა ბაკმი, თბილისი, 2009წ. გვ. 312.

²¹³ იხ. А.С. Шаров, Налоговые правонарушения, Дело и Сервис, Москва, 2002 г. ст.7.

²¹³ იხ. ზ. როგავა საგადასახადო სამართლი, საგადასახადო კონტროლი და საგადასახადო პასუხისმგებლობა, პირველი გამოცემა ბაკმი, თბილისი, 2009წ. გვ. 305.

შემთხვევებში შედეგის დადგომა არ არის სამართალდარღვევის აუცილებელი ელემენტი და მხოლოდ ქმედების განხორციელება არის საკმარისი პასუხისმგებლობის დაკისრებისთვის. სამართლებრივ ლიტერატურაში შედეგის, როგორც კლასიფიკატორის, მიხედვით საგადასახადო სამართალდარღვევის შემადგენლობის სხვადასხვა სახეს გამოყოფენ, კერძოდ, მატერიალურ და ფორმალურ შემადგენლობებს. მატერიალურ საგადასახადო სამართალდარღვევებად მიჩნეულია ის დარღვევები, რომელთა ჩადენამ გამოიწვია გარკვეული სამართლებრივი შედეგები, კერძოდ, უარყოფითი სამართლებრივი შედეგები ამ შემთხვევაში შედეგი არის შემადგენლობის სავალდებულო ელემენტი და მისი დადგომა აუცილებელი წინაპირობაა პასუხისმგებლობის დასაკისრებლად. რაც შეეხება მეორე სახის სამართალდარღვევებს, ფორმალური სახის სამართალდარღვევების ჩადენის შემთხვევაში პასუხისმგებლობის დაკისრებისთვის არ არის აუცილებელი უარყოფითი სამართლებრივი შედეგების დადგომა. მხოლოდ ქმედების ჩადენა არის საკმარისი პასუხისმგებლობის დასაკისრებლად და არ არის სავალდებულო შესაბამისი შედეგების დადგომა.²¹⁴

5.1.14. პასუხისმგებლობის დამდგენი ნორმა

საგადასახადო სამართალდარღვევების ობიექტურ მხარეს სამართლებრივ ლიტერატურაში, ასევე, მიაკუთვნებენ საგადასახადო სამართალდარღვევის დამდგენ სამართლებრივ ნორმას. მეცნიერთა აზრით, ნორმის დისპოზიცია საკმაოდ ნათელი და განჭვრებადი, ჯეროვანი სიზუსტით ფორმულირებული უნდა იყოს; არ უნდა შეიცავდეს ორაზროვან და ბუნდოვან დებულებებს და პირს, საკმაო სიცხადით აძლევდეს იმის საშუალებას, რომ წარმართოს თავისი საქმიანობა და წინასწარ განსაზღვროს მისი სამართლებრივი შედეგი. სანქციის გამოყენების დროს მაქსიმალურად უნდა შეიზღუდოს ადმინისტრაციული ორგანოების თვითხებობა, ხოლო მეორე მხრივ, უნდა გამოირიცხოს პასუხისმგებლობისგან თავის არიდების შესაძლებლობები.²¹⁵ მართალია, ქართული სამართლებრივი სისტემის შესაბამისად, საგადასახადო სამართალდარღვევები არ მიეკუთვნება სისხლის სამართლის სფეროს, თუმცა პასუხისმგებლობის დამდგენი ნორმის არსებობასთან დაკავშირებით მაინც საინტერესოა საქართველოს საკონსტიტუციო სასამართლოს ერთ-ერთი გადაწყვეტილება. მასში სასამართლო მიუთითებს, რომ ქმედების არსებითად აღწერის გარეშე შეუძლებელია ქმედების მართლწინააღმდეგობისა და ბრალის დადგენა, რომელთა გარეშე, თავის მხრივ, შეუძლებელია ქმედების დანაშაულად კვალიფიკაცია და პირისთვის სისხლის სამართლის პასუხისმგებლობის დაკისრება.²¹⁶ საქართველოს

²¹⁴ იბ. А.С. Шаров, Налоговые правонарушения, Дело и Сервис, Москва, 2002 г. ст.12.

²¹⁵ იბ. ზ. როგავა საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა ბაქმი, თბილისი, 2009წ. გვ. 311.

²¹⁶ იბ. საქართველოს საკონსტიტუციო სასამართლოს პლენურის 2011 წლის 11 ივლისის №3/2/416 გადაწყვეტილება, გვ. 21

<http://www.constcourt.ge/index.php?lang_id=GEO&sec_id=22&id=644&action=show> [11.10.2012].

საკონსტიტუციო სასამართლოს აღნიშნული განმარტება, თავისი მნიშვნელობის გამო, კანონმდებლის მიერ სავალდებულო წესით უნდა იქნეს გათვალისწინებული საგადასახადო სამართალდარღვევების დადგენის დროს.

პასუხისმგებლობის დამდგენ ნორმათა სიცხადისა და მნიშვნელობის გათვალისწინებით, საგადასახადო სამართალდარღვევებს შორის აღსანიშნავია და სათანადო კვლევას საჭიროებს შემდეგი საკითხი: საქართველოს საგადასახადო კოდექსი ითვალისწინებს ცალკეული სახის სამართალდარღვევებს.²¹⁷ მათ უმრავლესობაში კანონმდებლის მიერ განსაზღვრულია კონკრეტული სამართალდარღვევის ჩადენით ხელყოფილი ობიექტი, მათი ჩადენის ფორმა (მოქმედებით თუ უმოქმედობით), ხერხი და ცალკეულ შემთხვევაში განსაზღვრულია, ასევე, შედეგის დადგომა. თუმცა, კანონმდებლობა ითვალისწინებს პასუხისმგებლობას ისეთი სამართალდარღვევისთვისაც, რომლის დროსაც უშუალო ობიექტი, ასევე, ობიექტური მხარის ნიშნები განსაზღვრული არ არის. კერძოდ, მოქმედი საგადასახადო კოდექსის 291-ე მუხლი ადგენს: „პირის მიერ ამ კოდექსით გათვალისწინებული ვალდებულების შეუსრულებლობა, რისთვისაც ამავე კოდექსით გათვალისწინებულია პასუხისმგებლობა, მაგრამ არ არის განსაზღვრული ჯარიმის ოდენობა – იწვევს დაჯარიმებას 100 ლარის ოდენობით.“ სსიპ – შემოსავლების სამსახურის ოფიციალური მონაცემების თანახმად, 2011 წლის 1 იანვრიდან 2012 წლის 20 სექტემბრამდე საგადასახადო კოდექსის 291-ე მუხლის საფუძველზე გადამხდელთა დაჯარიმება განხორციელდა 25,789-ჯერ, რაც ამ პერიოდში ჯარიმის სახით გამოყენებული სანქციის შემთხვევების დაახლოებით 33 პროცენტს შეადგენს.²¹⁸ აღნიშნული ციფრი მიუთითებს მხოლოდ იმაზე, თუ რამდენჯერ დაჯარიმდნენ გადამხდელები ამ ნორმის საფუძველზე, თუმცა არ მიუთითებს იმაზე, თუ კონკრეტულად რომელი სახის ვალდებულების შეუსრულებლობისთვის იქნა ეს ნორმა გამოყენებული. შემოსავლების სამსახურს არ გააჩნია სტატისტიკური ინფორმაცია ამის შესახებ, თუმცა ამ საკითხის შესწავლა და დადგენა შესაძლებელია გადამხდელთა დაჯარიმების დროს შედგენილი სამართალდარღვევის ოქმებისა და შემოწმების აქტების შესწავლით, რომელთა წარმოუდგენლად დიდი რაოდენობის გამო ამ ნაშრომის ფარგლებში ეს ვერ მოხერხდება. თუმცა, პრაქტიკაში ცნობილი შემთხვევების გათვალისწინებით, მაგალითისთვის შეიძლება დასახელებულ იქნეს, გადასახადის გადამხდელის მიერ საგადასახადოსთვის ფიზიკურ პირებზე დაკავებული საშემოსავლო გადასახადის შესახებ თვიური ინფორმაციის წარუდგენლობა,²¹⁹ რის გამოც

²¹⁷ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 273-292 მუხლები, 2012 წლის 20 სექტემბრის მდგომარეობით.

²¹⁸ აღნიშნული ინფორმაცია გამოოხვილი იქნა სსიპ - შემოსავლების სამსახურიდან, რომელშიც მითითებულია, რომ 2011 წლის 1 იანვრიდან 2012 წლის 20 სექტემბრამდე, ჯარიმა, სანქციის სახით გამოყენებული იქნა 76 792-ჯერ, აქედან საგადასახადო კოდექსის 291-ე მუხლისთვის ჯარიმა გამოყენებული იქნა 25 789-ჯერ.

²¹⁹ იხ. გადასახადების აღმინისტრირების შესახებ საქართველოს ფინანსთა მინისტრის 2010 წლის 28 დეკემბრის №996 ბრძანება, 39-ე მუხლი, 13.12.2012 წლის მდგომარეობით.

საგადასახადო კოდექსი კონკრეტული მუხლით არ ადგენს პასუხისმგებლობას და რომლისთვისაც შეიძლება გადამხდელს ჯარიმა დაეკისროს 291-ე მუხლის საფუძველზე. აღნიშნული ნორმა არაერთხელ გამხდარა საგადასახადო ექსპერტთა მკაცრი კრიტიკის ობიექტი. ის მსგავსი ფორმულირებით პირველად შემოღებულ იქნა 2004 წლის საგადასახადო კოდექსით და მისი არსებობა ექსპერტების მიერ თავიდანვე უარყოფითად იქნა შეფასებული. ისინი თვლიდნენ, რომ საკითხის ამგვარად მოწესრიგება და ნორმის ასეთი ფორმულირება დაუშვებელი იყო, ვინაიდან მიიჩნევდნენ, რომ კანონის გარეშე პასუხისმგებლობა არ არსებობს. ამ ფორმულირებით ნორმის არსებობა, ექსპერტთა აზრით, გამოიწვევდა იმას, რომ ნებისმიერი მცირედი სახის გადაცდომის შემთხვევაშიც კი პირი გახდებოდა სამართალდამრღვევი ანუ კანონით დაცული ინტერესის ან სამართლებრივი სიკეთის დამრღვევი და მის მიმართ გამოყენებული იქნებოდა ჯარიმა 100 ლარის ოდენობით.²²⁰

აღნიშნული ნორმის არსებობით კანონმდებლობა არღვევს ზემოთ განხილულ არაერთ სამართლებრივ პრინციპს და ეჭვებებს აყენებს სამართალდარღვევის რიგი ელემენტების არსებობის აუცილებლობას. კერძოდ, არ არის განსაზღვრული, თუ კონკრეტულად რა სახის ნორმა ან გალდებულება ირღვევა გადამხდელის მიერ, როგორ ხდება სამართალდარღვევის ჩადენა მოქმედებით თუ უმოქმედობით და ნორმა მხოლოდ ზოგადად მიუთითებს ვალდებულებების შეუსრულებლობისთვის პასუხისმგებლობაზე. საგადასახადო კოდექსის სისტემური ანალიზი ცხადყოფს, რომ სამართალდარღვევები განსაზღვრულია კოდექსის კონკრეტულ თავში, რომელშიც კანონმდებელი აკეთებს ჩამონათვალს კონკრეტული სამართალდარღვევების თაობაზე და აღგენს მათთვის პასუხისმგებლობის შესაბამის ზომებს²²¹ მაშინ, როცა საგადასახადო კოდექსის აღნიშნული ნორმა იძლევა საშუალებას, საგადასახადო ორგანო გასცდეს ამ ნორმების ჩამონათვალს და თუ რაიმე ნორმით დადგენილია საგადასახადო ვალდებულება, გადამხდელის მიერ მისი შეუსრულებლობისთვის პირს ამ მუხლის საფუძველზე დააკისროს პასუხისმგებლობა. აღნიშნული ნორმა კონკრეტული ობიექტის, მოქმედების ან უმოქმედობის და შემადგენლობის სხვა ელემენტების განსაზღვრის გარეშე აკისრებს პირს პასუხისმგებლობას, რაც ეწინააღმდეგება პასუხისმგებლობის დამდგენი ნორმების ცხადად დადგენის, წინასწარი განკვრეტადობისა და აღქმადობის პრინციპს. ბუნდოვანი ნორმის არსებობა საშუალებას აძლევს საგადასახადო ორგანოებს, ასეთი ნორმის საფუძველზე ფართო დისკრეციული უფლებამოსილების ფარგლებში პროპორციულობის პრინციპის დაუცველად პირს დააკისროს შესაბამისი პასუხისმგებლობა. გარდა ამისა, მეცნიერები აღნიშნავენ, რომ საგადასახადო კანონმდებლობის ყოველი ნორმის დარღვევა არ

²²⁰ იხ. ვ. ხმალაძე, გ. გვენეტაძე, დ. ნარმანია „მოსაზრებანი საქართველოს საგადასახადო კოდექსის პროექტის შესახებ.“ საქართველოს სტრატეგიული კვლევებისა და განვითარების ცენტრი, ბიულეტენი №87, 2004 წლის ხოქმები, გვ. 11, 12, 36.

²²¹ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 273-292 მუხლები, 2012 წლის 20 სექტემბრის მდგრმარეობით.

წარმოადგენს საგადასახადო სამართალდარღვევებს, ვინაიდან ზოგიერთი მათგანი არ ითვალისწინებს საგადასახადო სანქციის გამოყენებას.²²² აღნიშნულ შემთხვევაში კი კანონმდებლობა ამ მსჯელობას არ ითვალისწინებს.

5.1.2. ქმედების შემადგენლობის სუბიექტური მხარე

საგადასახადო სამართალდარღვევების შემთხვევაში ქმედების სუბიექტურ მხარეში მოიაზრება საგადასახადო სამართალდარღვევების ჩადენის მოტივი და მიზანი. აღნიშნული ნიშნები საერთოდ არ არის გათვალისწინებული ცალკეული სახის საგადასახადო სამართალდარღვევების შესახებ დაწესებული ნორმებით. აღნიშნული საკითხები არ არის შესწავლილი არც თეორიული თვალსაზრისით და მხოლოდ მითითებულია, რომ ეს ნიშნები საგადასახადო სამართალდარღვევის სუბიექტური შემადგენლობის ფაკულტატურულ ნიშნებს მიეკუთვნება.²²³

მოტივისა და მიზნის საკითხები უკავშირდება დაბეგვრის სფეროში საგადასახადო სამართალდარღვევების ჩადენის გამომწვევ მიზეზებსა და ამ დარღვევების ჩადენის მიზნებს. ამიტომ ეს საკითხები დეტალურადაა შესწავლილი და განხილული სადისერტაციო ნაშრომის მე-4 თავში, რომელიც ეხება საგადასახადო ვალდებულებების შესრულებისა და შეუსრულებლობის გამომწვევ მიზეზებს.

5.2. ქმედების მართლწინააღმდეგობა, როგორც საგადასახადო სამართალდარღვევის ცნების ელემენტი

ცალკეული მეცნიერები საგადასახადო სამართალდარღვევების მართლწინააღმდეგობას განიხილავენ საგადასახადო სამართალდარღვევის ობიექტურ მხარეში.²²⁴

თუმცა, საგადასახადო სამართალდარღვევების ცნების საკანონმდებლო განმარტებიდან გამომდინარე, მართლწინააღმდეგობა, როგორც ცნების სამი ელემენტიდან ერთ-ერთი ელემენტი, ისე იქნება შესწავლილი.

მეცნიერთა მოსაზრებით, მართლწინააღმდეგობა გამოიხატება მოქმედების ან უმოქმედობის გზით სამართლის ნორმების დარღვევაში, რაც ზიანს აუქნებს სამართლის ნორმებით დაცულ სამართლებრივ სიკეთეს. თუ მოქმედებით ან უმოქმედობით არ ხდება კანონმდებლობის დარღვევა, ის არ წარმოადგენს სამართალდარღვევას და, შესაბამისად, არც მართლწინააღმდეგობა არ გვაქვს სახეზე. მართლწინააღმდეგობა საგადასახადო სამართალდარღვევის საზოგადოებრივი თვისების მატერიალური დახასიათების იურიდიული გამოხატულებაა. საგადასახადო სამართალდარღვევად არ ჩაითვლება

²²² ი. წ. როგავა საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა ბაქმი, თბილისი, 2009წ. გვ. 305.

²²³ ი. იქვე, გვ. 326.

²²⁴ ი. იქვე, გვ. 307.

ქმედება, თუ იგი არ არის გათვალისწინებული საგადასახადო კანონმდებლობით.²²⁵

ცალკეულ შემთხვევებში მართლწინააღმდეგობა ლიტერატურაში განმარტებულია, როგორც ქმედება, რომელიც ეწინააღმდეგება ზოგადად საგადასახადო და მოსაკრებლების შესახებ კანონმდებლობას. აღნიშნული მოსაზრება გამომდინარეობს იქიდან, რომ მართლწინააღმდეგობაში რუსული კანონმდებლობით მოიაზრება არა მხოლოდ ერთი საკანონმდებლო აქტის მოთხოვნების დარღვევა, არამედ ზოგადად ამ სფეროში არსებული, როგორც ფედერალურ დონეზე მოქმედი, ასევე, რესპუბლიკებისა და ადგილობრივი ოკურონების მიერ მიღებული აქტების მოთხოვნათა დარღვევა.²²⁶

რაც შეეხება საგადასახადო სამართალდარღვევების ჩადენის დროს, ადგილს და გარემოებებს, საქართველოს საგადასახადო კოდექსით აღნიშნული ნიშნები პირდაპირ არ არის გათვალისწინებული როგორც საგადასახადო სამართალდარღვევის ნიშანი, თუმცა ლიტერატურაში მითითებული მოსაზრების თანახმად, ეს ნიშნები მხედველობაში უნდა იქნეს მიღებული პასუხისმგებლობის ინდივიდუალიზაციისას ბრალის დამამძიმებელი ან შემამსუბუქებელი გარემოებების სახით.

5.3. ბრალი – როგორც საგადასახადო სამართალდარღვევის ცნების შემადგენელი ნიშანი

როგორც სადისერტაციო ნაშრომში აღინიშნა, საქართველოს საგადასახადო კანონმდებლობის თანახმად, ბრალი, როგორც საგადასახადო პასუხისმგებლობის დაკისრების წინაპირობა, არ არის დადგენილი. თუმცა, ბრალის კატეგორია აუცილებლად მოითხოვს სათანადო შესწავლას და სადისერტაციო თემის მიზნებისთვის კვლევას, რათა დადგენილი და განსაზღვრული იქნება აღნიშნული ელემენტის არსი და შეფასდეს რამდენად აუცილებელია საქართველოს კანონმდებლობით მისი, როგორც საგადასახადო პასუხისმგებლობის წინაპირობის განსაზღვრა.

5.3.1. ბრალის შინაარსი

სხვადასხვა სამართლებრივ სისტემაში, მიუხედავად იმისა, საგადასახადო სამართალდარღვევები აღმინისტრაციულ სამართალდარღვევებს მიეკუთვნება თუ სისხლის სამართლის დანაშაულს, ბრალი და არა მარტო ის, არამედ ქმედების სუბიექტური მხარის ქვეულემენტები, ასახავს ქმედების სუბიექტის შინაგან სამყაროს, იმ ფსიქიკურ პროცესებს, რომლებიც მიმდინარეობს სამართალდამრღვევის ცნობიერებაში. საგადასახადო სამართალდარღვევის სუბიექტური მხარე, რომელშიც ზოგიერთი მეცნიერი ბრალსაც მოიაზრებს, განისაზღვრება როგორც ნიშნების ერთობლიობა, რომლებიც ახასიათებენ პირის ფსიქიკურ დამოკიდებულებას მის მიერ

²²⁵ იხ. ზ. როგავა საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა ბაქმი, თბილისი, 2009წ. გვ. 307.

²²⁶ იხ. А.С. Шаров, Налоговые правонарушения, Дело и Сервис, Москва, 2002 г. ст.6.

ჩადენილ საგადასახადო სამართალდარღვევის მიმართ.²²⁷ ტრადიციულად, თეორიაში დამკვიდრებული მოსაზრების თანახმად, საგადასახადო სამართალდარღვევა შესაძლოა ჩადენილ იქნეს განზრას ან გაუფრთხილებლობით, რაც, თავის მხრივ, ბრალის ფორმებს წარმოადგენს.²²⁸

სამეცნიერო ლიტერატურაში მითითებულია, რომ ბრალი ხასიათდება ორი ასპექტით: ინტელექტუალური და ნებელობითი. განზრასი ბრალის შემთხვევაში ინტელექტუალური ასპექტი გულისხმობს, რომ ქმედების ჩამდენ პირს გაცნობიერებული პქონდა თავისი ქმედების მართლსაწინააღმდეგო ხასიათი. ნებელობითი ასპექტი ამ შემთხვევაში ნიშნავს იმას, რომ პირს სურდა მართლსაწინააღმდეგო შედეგის დადგომა ან შეგნებულად უშვებდა მის დადგომას.²²⁹ გაუფრთხილებლობის შემთხვევაში გამოყოფენ ტრადიციულად მის ორ ფორმას: თვითიმედოვნება და დაუდევრობა.²³⁰

საქართველოს კანონმდებლობისგან განსხვავებით, რუსული კანონმდებლობა ითვალისწინებს ბრალს, როგორც საგადასახადო სამართალდარღვევების დადგენისოვანის აუცილებელ ნიშანს. რუსულ ლიტერატურაში განმარტებულია, რომ ბრალის, როგორც ნიშნის, განსაზღვრა ემყარება საერთო სამართლებრივ პრინციპს, რომლის თანახმად ნებისმიერი იურიდიული პასუხისმგებლობის დაკისრების წინაპირობაა პირის ბრალეულობა.²³¹ რუსული კანონმდებლობა ბრალს განმარტავს ტრადიციულად, როგორც პირის ფსიქოლოგიურ დამოკიდებულებას ჩადენილი ქმედების მიმართ. როგორც აღინიშნა, განასხვავებენ ბრალის ორ სახეს: განზრას და გაუფრთხილებლობის ფორმით სამართალდარღვევის ჩადენას. ხოლო ბრალის ამა თუ იმ ფორმის არარსებობა, რუსული კანონმდებლობის თანახმად, გამორიცხავს პირის მიმართ საგადასახადო პასუხისმგებლობის დაკისრებას.²³² თუმცა, იურიდიულ პირებთან მიმართებით ბრალი რუსულ სამეცნიერო ლიტერატურაში განსხვავებულადაა განმარტებული, რომლის თანახმადაც, თუ იურიდიულ პირს გააჩნდა საშუალება დაეცვა კანონმდებლობის მოთხოვნები კონკრეტულ საკითხთან დაკავშირებით და მისი მხრიდან არ იქნა გატარებული სათანადო ღონისძიებები ამ მოთხოვნათა შესასრულებლად, ამ შემთხვევაში მას ამ დარღვევის მიმართ მიუძღვის ბრალი.²³³

ზემოაღნიშნული განმარტებების გათვალისწინებით, ბრალი საგადასახადო სამართალდარღვევების მნიშვნელოვან ელემენტს წარმოადგენს. თეორიაში აღინიშნება, რომ იურიდიული პასუხისმგებლობის ერთ-ერთ მთავარ

²²⁷ იხ. ზ. როგავა საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა, ბაქმი, თბილისი, 2009წ. გვ. 316.

²²⁸ იხ. იქვე, გვ. 304.

²²⁹ იხ. იქვე, გვ. 323.

²³⁰ იხ. გ. ნაჭელია, სისხლის სამართალი, ზოგადი ნაწილი, სახელმძღვანელო, საგამომცემლო სახლი ინვაცია, თბილისი, 2011წ. გვ. 393.

²³¹ იხ. А.С. Шаров, Налоговые правонарушения, Дело и Сервис, Москва, 2002 г. ст.7.

²³² იხ. იქვე, სტ.7.

²³³ იხ. Ю. А. Дмитриев, А.А. Евтеева, С.М. Петров, Административное право, Российское юридическое образование, ред. Ю. А. Дмитриева, Издательство Эксмо, Москва 2005 г. ст. 292.

დებულებას ზოგადად მიეკუთვნება ბრალეული ქმედებისთვის პასუხისმგებლობის პრინციპი. აღნიშნული პრინციპის გათვალისწინებით ქართველ მეცნიერებს მიაჩნიათ, რომ საგადასახადო სამართალდარღვევების შემთხვევაში პირს პასუხისმგებლობა შესაძლოა დაეკისროს მხოლოდ ბრალეულად ქმედების ჩადენისას და აღნიშნული საკითხი საგადასახადო პასუხისმგებლობის გამოყენებისას ეჭვქვეშ არ უნდა დგებოდეს. მეცნიერთა შეფასებით, ბრალეულობის საკითხის განხილვის გარეშე საგადასახადო სამართალდარღვევის საქმეზე სამართლიანი გადაწყვეტილების მიღება შეუძლებელია,²³⁴ მაგრამ ვინაიდან საქართველოს კანონმდებლობა ბრალს, როგორც საგადასახადო სამართალდარღვევის ჩადენისთვის პასუხისმგებლობის დაკისრების წინაპირობას, არ ითვალისწინებს, შესაბამისად, სამართალდარღვევის საქმის გამოკვლევისას უფლებამოსილი ორგანოები ადგენერ მხოლოდ სამართალდარღვევის ჩადენის ფაქტს და არა სამართალდამრღვევის ბრალეულობას.²³⁵

მიუხედავად იმისა, რომ საქართველოში საგადასახადო კანონმდებლობა არ ითვალისწინებს ბრალეულობის საკითხს, მასთან დაკავშირებული მთელი რიგი საკითხების შესწავლა ძალიან აქტუალურია. კვლევის მიზანია, ამ შემთხვევაში განისაზღვროს თავად ბრალის მნიშვნელობა და მისი დადგენის აუცილებლობასთან დაკავშირებით განხილულ იქნეს სხვადასხვა მიღგომა.

მეცნიერთა მოსაზრებით, საგადასახადო სამართალდარღვევის ჩადენისთვის პირის მიმართ პასუხისმგებლობის დაკისრების დროს ბრალის საკითხის გაუთვალისწინებლობა პრაქტიკულად თანაბარ მდგომარეობაში აყენებს დაბნეულ გადამხდელებს და კრიმინალურ ელემენტებს.²³⁶

ვინაიდან, კვლევაში განვითარებული მსჯელობით დასტურდება, რომ საგადასახადო სამართალდარღვევები ადმინისტრაციული სამართალდარღვევების ნაწილია, მნიშვნელოვანია ადმინისტრაციული სამართალდარღვევების ბრალის საკითხის შესწავლაც. ამ მიმართულებით შესაძლოა გამოიყოს შემდეგი საკითხები: ბრალის ფორმები; ბრალის ფორმების ზეგავლენა პასუხისმგებლობის სახესა და ზომაზე; ბრალის გამორიცხავი გარემოებები; ასევე, ბრალის დადგენის წესი. აღნიშნული საკითხები გათვალისწინებულია საქართველოს ადმინისტრაციული კანონმდებლობით.²³⁷

ამასთან, ადმინისტრაციული სამართალდარღვევებისთვის დადგენილი ბრალის საკითხის მისადაგება და მიმართება საგადასახადო სამართალდარღვევების საკითხებისადმი თეორიაში შესწავლილი არ არის. ხოლო პრაქტიკაში ეს საკითხი არ წამოჭრილა, ვინაიდან საქართველოს საგადასახადო კანონმდებლობა საერთოდ არ ცნობს ბრალს, როგორც პასუხისმგებლობის დაკისრების აუცილებელ წინაპირობას.

²³⁴ იხ. ზ. როგავა საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა, ბაკმი, თბილისი, 2009წ. გვ. 317.

²³⁵ იხ. იქვე, გვ. 317.

²³⁶ იხ. იქვე, გვ. 317.

²³⁷ იხ. საქართველოს ადმინისტრაციულ სამართალდარღვევათა კოდექსი (გამოქვეყნებული საქართველოს სსრ უმაღლესი საბჭოს უწყებები, 1984წ. №12, მუხ. 421), მე-10, 33-ე, 34-ე, 236-ე, და 264-ე მუხლები, 2012 წლის 20 სექტემბრის მდგომარეობით.

ბრალთან დაკავშირებით არაერთგვაროვანია სხვა ქვეყნების გამოცდილებაც. მაგალითად, რუმინეთში საგადასახადო სამართალდარღვევებისთვის ადმინისტრაციული პასუხისმგებლობა დგება ბიუჯეტში გადაუხდელი თანხების რაოდენობის შესაბამისად, ანუ მხოლოდ ჩადენილი სამართალდარღვევის სიმძიმის მიხედვით მიჯნავენ ადმინისტრაციულ და სისხლისსამართლებრივ პასუხისმგებლობას. ბრალისა და სხვა ნიშნების არსებობა კი აუცილებელია, როგორც სისხლისსამართლებრივი, ასევე, ადმინისტრაციული პასუხისმგებლობის დასაკისრებლად.²³⁸

საინტერესოა, ასევე, შვედეთის მაგალითიც. 1972 წელს შვედეთში გატარებულ იქნა საგადასახადო რეფორმა, რომლის შედეგად დადგინდა, რომ ცალკეული სახის დარღვევებს, რომლებიც ძირითადად გადამხდელების მხრიდან შეცდომით იყო გამოწვეული, არ უნდა მოჰყოლოდა სისხლის სამართლებრივი პასუხისმგებლობა, არამედ ამ შემთხვევაში გადამხდელებს დაეკისრებოდათ საგადასახადო ჯარიმები, რომლებსაც მიაკუთვნებდნენ ადმინისტრაციულ პასუხისმგებლობის სახეს. ასეთ სიტუაციაში ამგარი პასუხისმგებლობის დაკისრების წინაპირობად კანონმდებლობა სავალდებულოდ არ მიიჩნევდა ბრალის, როგორც სავალდებულო ნიშნის დადგენას და აღნიშნული განისაზღვრებოდა მხოლოდ სისხლისსამართლებრივი პასუხისმგებლობის დაკისრების შემთხვევაში.²³⁹

როგორც უკვე აღინიშნა, საქართველოს საგადასახადო სამართალდარღვევის საკანონმდებლო დეფინიცია აწესებს საგადასახადო პასუხისმგებლობის ობიექტური შერაცხვის პრინციპს, ე.ი. გადასახადის გადამხდელის ბრალეულობის ხარისხი პასუხისმგებლობის საკითხის გადაწყვეტისას მხედველობაში არ მიიღება.

სამეცნიერო ლიტერატურაში მითითებულია, რომ საგადასახადო პასუხისმგებლობა გამოიყენება გადასახადის გადამხდელის ბრალეულობის გათვალისწინების გარეშე.²⁴⁰ თუმცა, საგადასახადო სამართალდარღვევის ჩადენისას გადამხდელის მხრიდან, როგორც წესი, ადგილი აქვს ბრალეული ქმედების ჩადენას და მათთვის პასუხისმგებლობის დაკისრება სრულიად მისაღებია. ამავე დროს, იმის გამო, რომ ბრალს, როგორც პასუხისმგებლობის დაკისრების წინაპირობას, საქართველოს კანონმდებლობა არ აღგენს, შესაძლებელია, არაბრალეულად მოქმედ გადამხდელებსაც დაეკისროს პასუხისმგებლობა.

აღნიშნულზე მითითებულია, ასევე, სასამართლო გადაწყვეტილებებში. კერძოდ, საქართველოს უზენაესი სასამართლოს დიდი პალატა თავის ერთ-ერთ განჩინებაში, სისხლის სამართლის საქმეზე მიღებული განჩინების პრეიუდიციულობის საკითხის განხილვის გარდა, ეხება სისხლის სამართლის კოდექსის 218-ე მუხლით გათვალისწინებული დანაშაულის

²³⁸ ob. Mihăiț Elena-Ana, Certain Considerations Regarding the Methodology of the Investigation of the Tax Evasion Criminal Offences, Annals of the University of Oradea, Economic Studies Section, 2008, <http://www.cncsis.ro/evaluare_rev_ed.php> [20.03.2009].

²³⁹ ob. ადამიანის უფლებათა ეფროპული სასამართლოს გადაწყვეტილება Janosevic v. Sweden, 2003, ECHR <<http://hudoc.echr.coe.int/sites/eng/pages/search.aspx?i=001-60628>> [23.07.2012].

²⁴⁰ ზ. როგავა, საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა, ბაკმი, თბილისი, 2009წ. გვ. 307.

შემადგენლობის (გადასახადისთვის თავის არიდების) ერთ-ერთ აუცილებელ ელემენტს - განზრავის არსებობას. სასამართლო მიუთითებს, რომ ბრალეულობის გამო გადასახადისთვის თავის არიდება ყოველთვის არ იძლევა აღნიშნული დანაშაულის შემადგენლობას - ეს მხოლოდ იმ შემთხვევაშია, როცა გადასახადისთვის თავის არიდება განზრას განხორციელდა, მაშინ, როდესაც საგადასახადო პასუხისმგებლობის დაკისრება სასამართლოს მითითებით შესაძლებელია, როგორც განზრას, ისე გაუფრთხილებლობით გადასახადის გადაუხდელობის შემთხვევებში, ვინაიდან საგადასახადო კანონმდებლობა საერთოდ არ ადგენს ბრალის არსებობის საჭიროებას.²⁴¹

მართალია, საქართველოს საგადასახადო კოდექსი, როგორც 2011 წლამდე მოქმედი, ასევე, დღეს მოქმედი კანონმდებლობა, საგადასახადო პასუხისმგებლობის დაკისრებისთვის ბრალის არსებობას საერთოდ არ ითვალისწინებს, მაგრამ ადგენს ე.წ. კეთილსინდისიერი გადამხდელის ცნებას და მისი პასუხისმგებლობისგან გათავისუფლების შესაძლებლობასაც ითვალისწინებს. ამდენად, ბრალის საკითხი ქართველ მეცნიერთა შორის განსაკუთრებულ ინტერესს უნდა იწვევდეს.

საინტერესოა, ასევე, თეორიაში არსებული განსხვავებული მიდგომები ბრალის, როგორც აუცილებელი ნიშნის არსებობასთან დაკავშირებით. ანგლო-ამერიკული და კერძოდ, ამერიკული მიდგომების თანახმად, გადასახადების დამალვისა და გადაუხდელობისთვის პასუხისმგებლობის დასაკისრებლად აუცილებელია გადამხდელის ბრალეულობა და მის მიერ სამართალდარღვევის თვითნებობით (willfulness) ჩადენა. როგორც სამეცნიერო სტატიებშია აღნიშნული, ბრალის ამ ფორმის დადგენისთვის არაერთგვაროვანია ამერიკული სასამართლოების განმარტებები.²⁴²

ერთ-ერთ საქმეში, აშშ პენსილის წინააღმდეგ, გადამხდელი ცდილობდა, მის მიერ სამართალდარღვევის ჩადენა აეხსნა ე.წ. კეთილსინდისიერი გადამხდელის პრინციპით. ის მიუთითებდა, რომ საგადასახადო კანონმდებლობის გაცნობის მიუხედავად, მან არ იცოდა, რომ უნდა გადაეხადა გადასახადი. ამდენად, ის იყო კეთილსინდისიერი გადამხდელი, რაც გამორიცხავდა მისი მხრიდან ბრალეულად სამართალდარღვევის ჩადენას. სასამართლოში საქმის განხილვისას მსჯელობის საგანს წარმოადგენდა ის, თუ როგორ უნდა დაედგინათ ბრალეულად მოქმედებდა თუ არა გადამხდელი, თუ ის კეთილსინდისიერ გადამხდელს წარმოადგენდა. პასუხისმგებლობის დაკისრებისთვის ამერიკული კანონმდებლობით დადგენილია შემდეგი სამი წინაპირობის არსებობის სავალდებულობა: 1. გადასახადების შემცირება; 2. დადასტურებული მტკიცებულებები, რითაც დასტურდება გადასახადების გადაუხდელობა ან აღნიშნულის მცდელობა; 3. ბრალეულობა (თვითნებობით). ამ შემთხვევაში ბრალის არსებობისთვის აუცილებელია გადამხდელმა თავისი ნებით, შეგნებულად დაარღვიოს

²⁴¹ ი. საქართველოს უზენაესი სასამართლოს დიდი პალატის 2007 წლის 24 სექტემბრის №ბ-335-317(ქ-07) დიდი პალატის გადაწყვეტილება,

<<http://prg.supremecourt.ge/DetailViewAdmin.aspx>> [20.09.2012].

²⁴² ი. Donald E. Field, An analysis and criticism of United States v. Pennsylvania . Tax Lawyer, Fall 2005, Vol. 59, Issue 1, pp. 283-295.

მისთვის ცნობილი და კანონით მასზე დაკისრებული ვალდებულებები. კეთილსინდისიერი გადამხდელის პრინციპი კი გამორიცხავს ბრალეულად გადამხდელის მიერ ქმედების ჩადენას. აშშ-ის მექქსე სააპელაციო სასამართლომ ამ საქმეზე განმარტა, რომ გადამხდელის პატიოსანი, მაგრამ უსაფუძვლო რწმენა არ გამორიცხავს მის ბრალეულობას.²⁴³

განსხვავებულია აღნიშნულ საკითხზე აშშ-ის უზენაესი სასამართლოს განმარტება. იგივე საკითხზე ეს უკანასკნელი მიუთითებს, რომ კანონმდებლობის მოთხოვნის კეთილსინდისიერად გაურკვევლობა, ან კეთილსინდისიერი რწმენა, რომ კანონის მოთხოვნა არ ირდვევა, გამორიცხავს პირის ბრალეულობას, მიუხედავად იმისა, აღნიშნული რწმენა თუ გაურკვევლობა ობიექტურად არის თუ არა დასაბუთებული.²⁴⁴

კეთილსინდისიერი გადამხდელის პასუხისმგებლობისგან გათავისუფლებას საქართველოს კანონმდებლობაც²⁴⁵ ითვალისწინებს, თუმცა არა როგორც ბრალის გამომრიცხავ გარემოებას. შესაბამისად, აღნიშნული საკითხი სადისერტაციო ნაშრომის სხვა თავში განიხილება, საგადასახადო პასუხისმგებლობისგან გათავისუფლების საფუძვლებთან ერთად.

საინტერესოა, ასევე, ისიც, რომ კანონის არცოდნა, მისი გაუთვალისწინებლობა ან შეცდომა არ არის ბრალის გამომრიცხავი, მსგავსად სისხლის ან ადმინისტრაციული სამართლის სფეროში მოქმედი პრინციპისა – კანონის არცოდნა არ ათავისუფლებს პასუხისმგებლობისგან. თუმცა პრეცედენტულ სამართალში საგადასახადო დავებობა დაკავშირებული გამონაკლისი არსებობს, რაც საგადასახადო კანონმდებლობის მრავალფეროვნებითა და სირთულით აიხსნება. კერძოდ, აშშ-ის უზენაესმა სასამართლომ პრეცედენტულ გადაწყვეტილებებში, აშშ მერდოკის წინააღმდეგ, ასევე, აშშ ბიშოპის წინააღმდეგ და სხვა საქმეებში განმარტა, რომ ბრალეული და კერძოდ, თვითნებობით ჩადენილია ქმედება, როცა გადამხდელი მოქმედებს ბოროტი განზრახვით და აქვს უარყოფითი შედეგების დადგომის მოლოდინი.²⁴⁶ მეცხრე სააპელაციო სასამართლომ თავის გადაწყვეტილებაში, აშშ პოუველის წინააღმდეგ საქმეში, მიუთითა, რომ თუ პირს კეთილსინდისიერად სწამს, რომ მან მაქსიმალურად შეასრულა კანონმდებლობის მოთხოვნა, ამ შემთხვევაში ეს პირი არ შეიძლება ჩაითვალოს ბრალეულად, მაგრამ თუ პირი უსაფუძვლოდ იმედოვნებს, რომ მისი ქმედება კანონიერია, ამ შემთხვევაში შეფასების საგანი უნდა იყოს მისი კეთილსინდისიერება.²⁴⁷

²⁴³ ი. ი. Donald E. Field, An analysis and criticism of United States v. Pennsylvania, Tax Lawyer, Fall 2005, Vol. 59, Issue 1, pp. 283-295.

²⁴⁴ ი. ი. Donald E. Field, An analysis and criticism of United States v. Pennsylvania, Tax Lawyer, Fall 2005, Vol. 59, Issue 1, pp. 283-295.

²⁴⁵ ი. ი. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 269-ე მუხლის მე-7 ნაწილი, 2012 წლის 20 სექტემბრის მდგრმარეობით.

²⁴⁶ ი. ი. Donald E. Field, An analysis and criticism of United States v. Pennsylvania, Tax Lawyer, Fall 2005, Vol. 59, Issue 1, pp. 283-295.

²⁴⁷ ამ შემთხვევაში შეფასებას ახდენენ ნაფიცი მსაჯულები, რომლებიც განსაზღვრავენ პირის მიერ დანაშაულის ჩადენას ანგლო-ამერიკულ სისტემაში. ი. ი. Donald E. Field, An analysis and criticism of United States v. Pennsylvania, Tax Lawyer, Fall 2005, Vol. 59, Issue 1, pp. 283-295.

მეცნიერები სადაცოდ ხდიან ბრალის ხარისხის დადგენის აუცილებლობის საკითხს საგადასახადო სამართალდარღვევების ჩადენის დროს. ზოგიერთი მეცნიერი მიიჩნევს, რომ ბრალის არსებობა, როგორც პასუხისმგებლობის დაკისრების ერთ-ერთი აუცილებელი წინაპირობა, საკმაოდ გაართულებს საქმეზე სწორი გადაწყვეტილების მიღებას, მით უმეტეს, თუ გავითვალისწინებო ამ დავებში მტკიცების ტვირთის საკითხს. მეცნიერთა ნაწილი მიიჩნევს, რომ თუ საგადასახადო ორგანოებს დაეკისრებათ მტკიცების ტვირთი, ასეთი დავების განხილვისას მათ გაუჭირდებათ დაადგინონ გადამხდელი მიზანმიმართულად იქცეოდა, რათა შეემცირებინა ბიუჯეტში შესაგანი თანხები თუ უბრალოდ ასე ეგონა. ამავე დროს, თავად გადამხდელებსაც გაუჭირდებათ იმის დამტკიცება, თუ რა განზრახვით მოქმედებდნენ ისინი.²⁴⁸

საგადასახადო სამართალდარღვევებისა და გადასახდელი გადასახადების შემცირების საკითხთან დაკავშირებით ბრალეულობის საკითხის დადგენისთვის საინტერესოა ადამიანის უფლებათა ევროპული სასამართლოს გადაწყვეტილება, ჰენრიხი საფრანგეთის წინააღმდეგ,²⁴⁹ საქმეში. ამ საქმის განხილვის დროისთვის საფრანგეთის მოქმედი საგადასახადო კანონმდებლობის თანახმად, იმ შემთხვევაში თუ გადამხდელის მიერ დადგებული ნასყიდობის ხელშეკრულების ფასს საგადასახადო საბაზრო ფასზე ნაკლებ ფასად მიიჩნევდა, მას გააჩნდა ე.წ. სავალდებულო გამოსყიდვის უფლება, რითაც გადამხდელს უხდიდა მის მიერ გარიგებაში დაფიქსირებულ ფასს, ამ ფასის 10%-ს და ხელშეკრულების გაფორმებისთვის გადახდილ თანხას. ერთ-ერთი ასეთი გადაწყვეტილება განმცხადებელმა გაასაჩივრა ადამიანის უფლებათა ევროპულ სასამართლოში, სადაც განმცხადებელი შეეცადა სასამართლოს წინაშე დაემტკიცებინა, რომ საფრანგეთის საგადასახადო სამსახურების ეს გადაწყვეტილება და საფრანგეთის კანონმდებლობა არღვევდა ადამიანის უფლებათა ევროპული კონვენციით გარანტირებულ საკუთრების უფლებას და სამართლიანი სასამართლოს უფლებას. განმცხადებელი თვლიდა, რომ ამ შემთხვევაში ე.წ. გამოსყიდვის უფლების განხორციელებით მას ედებოდა სისხლის სამართლებრივი პასუხისმგებლობა გადასახადების შემცირებისთვის, ხოლო სახელმწიფო არ უზრუნველყოფდა მას სამართლიანი სასამართლოს უფლებით, რომელიც ითვალისწინებდა ბრალდების მხარის მიერ ბრალის დადასტურებას და უდინაშაულობის პრეზუმეციის დაცვას.²⁵⁰ ამ საქმეში საინტერესოა, ის, რომ პირველ რიგში, სასამართლომ ჩათვალა, რომ სახეზე იყო ფრანგი გადამხდელის საკუთრების უფლებაში ჩარევა, ვინაიდან ამ რეგულაციის დაწესებით კანონმდებლობამ გადამხდელს დააკისრა უფლების შეზღუდვის გადაჭარბებული ინდივიდუალური ტვირთი, რაც არ იყო თანაზომიერი და

²⁴⁸ ი. ა. Raskolnikov, Crime and Punishment in Taxation: Deceit, Deterrence and the self-adjusting Penalty, Columbia Law Review, April 2006, Columbia University - Law School, <http://papers.ssrn.com/sol3/papers.cfm?abstract_id=823468>, [23.08.2012].

²⁴⁹ ი. ადამიანის უფლებათა ევროპული სასამართლოს გადაწყვეტილება Henrich v. France 1994, ECHR <<http://hudoc.echr.coe.int/sites/eng/pages/search.aspx?i=001-57903>> [27.09.2012].

²⁵⁰ ი. ა. რასკოლნიკოვი, <<http://hudoc.echr.coe.int/sites/eng/pages/search.aspx?i=001-57903>> [27.09.2012].

პროპორციული საჯარო ინტერესთან მიმართებაში. მიუხედავად იმისა, რომ საკუთრების უფლების შეზღუდვა დადგენილია კონვენციით და ემსახურება ისეთ საჯარო ინტერესს, როგორიცაა ქვეყნის ფისკალური უსაფრთხოება, ამ შემთხვევაში ფრანგული კანონმდებლობით განსაზღვრული საგადასახადო ორგანოს საკმაოდ ფართო უფლებამოსილება, დისკრეციის ფარგლებში მიედო ამ უფლებით სარგებლობის გადაწყვეტილება იმ დროს, როცა არ იყო გარანტირებული გადამხდელის მთელი რიგი პროცესუალური გარანტიები, სასამართლომ საკუთრების უფლების დარღვევად ჩათვალა. აქვე საინტერესოა ისიც, რომ სასამართლომ გ.წ. გამოსყიდვის უფლება არ ჩათვალა საგადასახადო სამართლდარღვევისთვის გათვალისწინებული პასუხისმგებლობის რომელიმე სახედ, რაზეც განმცხადებელი თავის განცხადებაში მიუთითებდა. სასამართლომ, ასევე, დაადგინა სამართლიანი სასამართლოს დარღვევა ამ საქმეზე (მე-6 მუხლის პირველი ნაწილი), ვინაიდან საფრანგეთის კანონმდებლობა არ აძლევდა განმცხადებელს საშუალებას სამართალწარმოების მნიშვნელოვანი პრინციპის – მხარეთა შეჯიბრებითობის დაცვით წარედგინა მტკიცებულებები, რომლებიც ადასტურებდნენ მის მიერ გარიგებაში დაფიქსირებული ფასის საბაზრო ფასთან შესაბამისობას. ამასთან, სასამართლომ კიდევ ერთხელ აღნიშნა, რომ ამ სახით ქონების ჩამორთმება არ წარმოადგენდა საგადასახადო სამართალდარღვევისთვის პასუხისმგებლობის ზომას და უფრო მეტიც, ის არ იყო გადამხდელის მიმართ სისხლის სამართლებრივი გზით ბრალდების წარდგენის პროცედურა, რაც სასამართლოს არ აძლევდა საშუალებას საგადასახადო ორგანოების მიერ მიღებული გადაწყვეტილება შეემოწმებინა კონვენციის მე-6 მუხლის მე-2 ნაწილთან მიმართებით. საინტერესოა ის, რომ ეს გადაწყვეტილება ადამიანის უფლებათა ევროპულ სასამართლოში მიღებულ იქნა ხუთი ხმით ოთხის წინააღმდეგ. მოსამართლეთა ნაწილი, რომლებიც არ დაეთანხმნენ მიღებულ გადაწყვეტილებას, მიუთითებდნენ, რომ ამ რეგულაციის არსებობა, უპირველეს ყოვლისა, ემსახურებოდა ქვეყანაში გადასახადების შემცირებისა და გადასახადების გადახდისგან თავის არიდების პრევენციას. შესაბამისად, ამ საკითხების მიმართ არსებული განსაკუთრებით მაღალი საზოგადოებრივი ინტერესი გადაწონიდა კონკრეტული ინდივიდის საკუთრების უფლებას და მის უფლებაში ჩარევა იქნებოდა პროპორციული და დასაბუთებულიც. გარდა ამ მოსაზრებისა, დარჩენილმა ორმა მოსამართლემაც გამოთქვა განსხვავებული აზრი იმ ნაწილში, რომ ე.წ. გამოსყიდვის უფლება იყო წინასწარგანჭვრეტადი და რომ საგადასახადო სფეროში ძალზე მნიშვნელოვანია ის, თუ რამდენად გასაგებია და განჭვრეტადია ნორმა, რომლითაც შესაძლოა გადამხდელმა იხელმძღვანელოს. სასამართლომ არ დაადგინა რა ამ საქმეზე სისხლისსამართლებრივი პასუხისმგებლობის არსებობა, გადაწყვიტა, რომ არ ჰქონდა ადგილი უდანაშაულობის პრეზუმეციის დარღვევას.²⁵¹

²⁵¹ ი. ადამიანის უფლებათა ევროპული სასამართლოს გადაწყვეტილება Henrich v. France 1994, ECHR <<http://hudoc.echr.coe.int/sites/eng/pages/search.aspx?i=001-57903>> [27.09.2012].

ბრალის საკითხთან დაკავშირებით საქმაოდ საინტერესოა შვეიცარიის წინააღმდეგ დავა,²⁵² რომელშიც ადამიანის უფლებათა ევროპულმა სასამართლომ წინა შემთხვევისგან განსხვავებული მიღებობა გამოიჩინა. შვეიცარიის კანონმდებლობის თანახმად, რომელიც მოქმედებდა 1995 წლამდე, თუ გადასახადების დამალვა გამოვლინდებოდა ფიზიკური პირის გარდაცვალების შემდეგ, შესაბამისი პროცედურები გატარებული იქნებოდა მათი მემკვიდრეების წინააღმდეგ. ბრალეულობის მიუხედავად, მემკვიდრეები სოლიდარულად იყვნენ პასუხისმგებელნი მემკვიდრეობაში მათი წილის შესაბამისად გადაეხადათ მამკვიდრებლის საგადასახადო დავალიანება. აპლიკანტები მიუთითებდნენ, რომ მათ მამკვიდრებლის მიერ ვალდებულებათა შეუსრულებლობის გამო დაეკისრათ შესაბამისი პასუხისმგებლობა, მიუხედავად იმისა, რომ მათი მხრიდან ადგილი არ ჰქონია ბრალეულად სამართალდარღვევის ჩადენას და აპელირებდნენ რა სამართლიანი სასამართლოს უფლებაზე, მიუთითებდნენ, რომ არავის არ შეიძლებოდა დაკისრებოდა პასუხისმგებლობა, სანამ საწინააღმდეგო არ დამტკიცდებოდა. ადამიანის უფლებათა ევროპულმა სასამართლომ აღნიშნულ საქმეში იმსჯელა, რამდენად იყო ეს საქმე სისხლის სამართლებრივი თავისი ბუნებით. სასამართლომ უკვე ჩამოყალიბებული პრეცედენტული სამართლის თანახმად, მე-6 მუხლით გარანტირებული პრინციპების დადგენის მიზნით, შეაფასა რამდენად ითვალისწინებდა ქვეყნის შიდა კანონმდებლობა ამ ქმედებას შესაბამისი ეროვნული კანონმდებლობით, როგორი იყო სამართალდარღვევის ბუნება და ამ დარღვევისთვის დადგენილი პასუხისმგებლობის შინაარსი და მისი სიმკაცრის ხარისხი. კონკრეტულ შემთხვევაში სასამართლომ შეაფასა მემკვიდრეებზე დაკისრებული პასუხისმგებლობის სიმძიმე, რომელიც რამდენჯერმე აღემატებოდა გადამხდელის მიერ გადაუხდელი გადასახადის ოდენობას. ამასთან, ეს სასჯელი არ იყო ფულადი კომპენსაციის ბუნების მატარებელი, არამედ იყო სადამსჯელო და რეპრესიულ ხასიათს ატარებდა. აპლიკანტები ამტკიცებდნენ, რომ მათ დაეკისრათ სისხლის სამართლებრივი პასუხისმგებლობა სხვა პირის მიერ ჩადენილი სამართალდარღვევისთვის ისე, რომ მათი ბრალეულობა ამ ქმედების მიმართ არ დადგა. ამით კი დაირღვა უმნიშვნელოვანესი პრინციპი, რომლის თანახმად ბრალის გარეშე პასუხისმგებლობის დაკისრება დაუშვებელია. სასამართლომ განმარტა, რომ პირის მიერ ბრალეულად რაიმე სამართალდარღვევის ჩადენისას მისი გარდაცვალების შემთხვევაში ბრალეულობა არ განაგრძობს არსებობას. უდანაშაულობის პრეზუმეცია სასამართლოს აზრით, გამორიცხავს ბრალეულობის მემკვიდრეობას, რაც არავითარ შემთხვევაში არ ჯდება სამართლის სტანდარტებში, რომლითაც სულდგმულობს სამართლიანი სახელმწიფოს პრინციპი. აღნიშნული, რა თქმა უნდა, ეწინააღმდეგება ადამიანის უფლებათა ევროპული კონვენციის მე-6 მუხლს.²⁵³ ამიტომაც

²⁵² ი. ადამიანის უფლებათა ევროპულ სასამართლოს გადაწყვეტილება R.L. et J.O. – L. v. Switzerland, 1997, ECHR, <<http://hudoc.echr.coe.int/sites/eng/pages/search.aspx?i=001-58179>> [20.09.2012].

²⁵³ ი. ადამიანის უფლებათა ევროპული სასამართლოს გადაწყვეტილება R.L. et J.O. – L. v. Switzerland, 1997, ECHR,

<<http://hudoc.echr.coe.int/sites/eng/pages/search.aspx?i=001-58179>> [20.09.2012].

სასამართლომ ამ შემთხვევაში მიუთითა, რომ აღნიშნული ეწინააღმდეგება ადამიანის უფლებათა ევროპული კონვენციით დაცულ უფლებებს და დაადგინა დარღვევა ამ საქმეში. ადამიანის უფლებათა ევროპულმა სასამართლომ ანალოგიური გადაწყვეტილება მიიღო ერთ-ერთ საქმეზე შვეიცარიის წინააღმდეგ.²⁵⁴

საქართველოს საგადასახადო კანონმდებლობა ითვალისწინებს შესაძლებლობას გარდაცვლილი პირის საგადასახადო დავალიანება გადახდილ იქნეს მისი მემკვიდრეების მიერ, მიღებული სამკვიდროს ფარგლებში.²⁵⁵ ოუმცა ამ საკითხის მიმართ გასათვალისწინებელია საგადასახადო სამართალდარღვევებში ბრალის ქართული კანონმდებლობით გაუთვალისწინებლობის საკითხი, რაც შინაარსს უცვლის ამ საკითხს. ამ არგუმენტს ამყარებს, ასევე, საქართველოს უზენაესი სასამართლოს ადმინისტრაციულ საქმეთა პალატის 2011 წლის 13 აპრილის გადაწყვეტილება, რომელშიც მითითებულია, რომ საგადასახადო კანონმდებლობისგან განსხვავებით, სამშენებლო სამართალდარღვევებისთვის პასუხისმგებლობის დაკისრებისას ჯარიმის გადახდას მემკვიდრეების მიმართ ქართული კანონმდებლობა არ ითვალისწინებს.²⁵⁶

საქართველოს კანონმდებლობის ამ თავისებურების გათვალისწინებით, მემკვიდრეთა პასუხისმგებლობის საკითხი განხილული იქნება სუბიექტების საკითხთან ერთად წინამდებარე სადისერტაციო ნაშრომის მე-6 თავში.

5.3.2. ბრალის გამომრიცხავი გარემოებები

სამართლებრივ სისტემებში, სადაც ბრალი წარმოადგენს საგადასახადო ან/და ადმინისტრაციული პასუხისმგებლობის დაკისრების სავალდებულო წინაპირობას, შესწავლისა და კვლევის საგანს წარმოადგენს, ასევე, ბრალის გამომრიცხავ გარემოებებთან დაკავშირებული საკითხები. მაგალითად, რუსულ სამეცნიერო ლიტერატურაში აქტიურად განიხილება ბრალის გამომრიცხავ გარემოებებთან დაკავშირებული საკითხები. კანონმდებლობა არ განსაზღვრავს ბრალის გამომრიცხავი გარემოებების ამომწურავ ჩამონათვალს, ოუმცა მითითებულია, რომ პასუხისმგებლობიდან გათავისუფლებისთვის გარემოებები უნდა იყოს ერთდროულად საგანგებო და ასევე, დაუძლეველი. იქვე საგადასახადო კანონმდებლობა ამომწურავად ჩამოთვლის იმ შემთხვევებს, როცა გამორიცხულია პირის მხრიდან ბრალეული ქმედების ჩადენა. მაგალითად, სამართალდარღვევების ჩადენა სტიქური უბედურებების და დაუძლეველი ძალის გამო იმ პირის მიერ,

²⁵⁴ იხ. ადამიანის უფლებათა ევროპული სასამართლოს გადაწყვეტილება A.P., M.P. and T.P. v. Switzerland, Switzerland, 1997, ECHR, <<http://hudoc.echr.coe.int/sites/eng/pages/search.aspx?i=001-58178>> [20.09.2012].

²⁵⁵ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 57-ე მუხლი, 2012 წლის 20 სექტემბრის მდგომარეობით.

²⁵⁶ იხ. საქართველოს უზენაესი სასამართლოს ადმინისტრაციულ საქმეთა პალატის 2011 წლის 13 აპრილის №ბს-787-761(კ-10) გადაწყვეტილება, <<http://prg.supremecourt.ge/DetailViewAdmin.aspx>> [22.09.2012].

რომელსაც არ შეეძლო გაეკონტროლებინა თავისი მოქმედებები ფსიქიკური მდგომარეობის გამო. საინტერესოა ისიც, რომ ბრალის და შესაბამისად, პასუხისმგებლობის გამომრიცხავ გარემოებად, რუსული კანონმდებლობით გათვალისწინებულია, ასევე, გადამხდელების მიერ საგადასახადო ორგანოების მითითებების ან განმარტებების შესრულება, რომლებიც სამართალდარღვევის ჩადენას გამოიწვევს.²⁵⁷

როგორც ცნობილია, საქართველოს კანონმდებლობა საგადასახადო ორგანოს მიერ გაცემული განმარტების საფუძველზე შესრულებული მოქმედების შედეგად სამართალდარღვევის ჩადენისას პირს პასუხისმგებლობისგან არ ათავისუფლებს, ვინაიდან საქართველოს საგადასახადო კანონმდებლობის თანახმად, საგადასახადო ორგანოს მიერ გაცემული განმარტება, გადამხდელის მიერ შესრულებული ან შესასრულებელი სამეურნეო ოპერაციისას საგადასახადო კანონმდებლობის გამოყენების შესახებ, არის მხოლოდ რეკომენდაცია.²⁵⁸ კანონმდებლის აღნიშნული მიღებოდა ეჭვქვეშ აყენებს საგადასახადო ორგანოების, როგორც აღმინისტრაციული ორგანოების საქმიანობის მიმართ გონივრული მოლოდინის ფარგლებში, კანონიერი ნდობის არსებობის შესაძლებლობას და ამასთან, სახელმწიფოს ეძლევა შესაძლებლობა, პირს დააკისროს პასუხისმგებლობა საგადასახადო ორგანოების მიერ გაწეული რეკომენდაციის საფუძველზე მოქმედების შემთხვევაშიც.

განსხვავებით საქართველოში მოქმედი კანონმდებლობისგან, საზღვარგარეთის ქვეყნებში საგადასახადო ორგანოების რეკომენდაციის საფუძველზე განხორციელებული ქმედებებისთვის პასუხისმგებლობის დაკისრებისას, ეს გარემოება ბრალის გამომრიცხავ სპეციფიკურ გარემოებას წარმოადგენს.²⁵⁹

ქართულ სამეცნიერო ლიტერატურაში აღნიშნულია, რომ საგადასახადო ორგანო ვალდებულია, გადასახადის გადამხდელს ან საგადასახადო აგენტს უსასყიდლოდ მიაწოდოს ინფორმაცია მოქმედი გადასახადების, მათი გამოანგარიშებისა და გადახდის წესის შესახებ, აგრეთვე, გადასახადის გადამხდელის უფლებებისა და ვალდებულებების თაობაზე. თუ სამართალდამრღვევი მოქმედებდა საგადასახადო ორგანოების განმარტებებისა და მითითებების შესაბამისად, ზ. როგავა თვლის, რომ სახეზეა იურიდიული შეცდომა. ეს ნიშნავს იმას, რომ პირმა ჩაიდინა მართლსაწინააღმდეგო ქმედება, თუმცა მას არ გააჩნდა მართლწინააღმდეგობის შეგნება. ამ შემთხვევაში იურიდიული შეცდომა არ უნდა იყოს გაიგივებული კანონის არცოდნასთან. ამ უკანასკნელს ადგილი აქვს მაშინ, როცა პირმა საერთოდ არ იცოდა დადგენილი წესით მიღებული და გამოქვეყნებული კანონის არსებობის შესახებ, მაშინ როცა ინფორმირებული უნდა ყოფილიყო ამის შესახებ. კანონის არცოდნა,

²⁵⁷ იხ. А.С. Шаров, Налоговые правонарушения Дело и Сервис, Москва, 2002 г. ст.8.

²⁵⁸ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 46-ე მუხლის 1-ლი ნაწილი, 2012 წლის 20 სექტემბრის მდგომარეობით.

²⁵⁹ იხ. ზ. როგავა, საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა, ბაკმი, თბილისი, 2009წ. გვ. 320.

როგორც წესი, არ ათავისუფლებს პირს პასუხისმგებლობისგან. ამ შემთხვევაში მეცნიერი მიუთითებს კანონმდებლობის ხარვეზზე, რომლითაც დადგენილია ბუნდოვანი, ორაზროვანი კანონი, რაც არაერთგვაროვანი განმარტების საშუალებას იძლევა.²⁶⁰ საგადასახადო კანონმდებლობის ნორმების ორაზროვანი ჩამოყალიბება ხელყოფს კანონის წინაშე ადამიანთა თანასწორობის უფლებას და ეწინააღმდეგება სამართლებრივი სახელმწიფოს პრინციპებს.²⁶¹

ზ. როგავა ავითარებს საკმაოდ საინტერესო მოსაზრებას, საგადასახადო ორგანოების მიერ წერილობითი განმარტებების გაცემაზე უარის თქმასთან დაკავშირებით. იმ შემთხვევაში, თუ საგადასახადო ორგანო გადამხდელის მიმართვისას არ ახდენს წერილობითი განმარტების გაცემას და გადამხდელი მიმართავს შესაბამისი კონსულტაციის მისადებად საგადასახადო კონსულტანტებს ან იურისტებს, ზ. როგავას მოსაზრებით, მათი მხრიდან არასწორი კონსულტაციის გაწევის შემთხვევაში გამორიცხულ უნდა იქნეს გადასახადის გადამხდელის ბრალი და შესაბამისად, მისი პასუხისმგებლობა. ამასთან, ავტორი ხაზს უსვამს საგადასახადო ორგანოს მიერ წერილობითი განმარტებების გაცემის ვალდებულების შეუსრულებლობას, როგორც გადამხდელის პასუხისმგებლობის დაკისრებისგან გათავისუფლების ერთ-ერთ მნიშვნელოვან წინაპირობას.²⁶²

5.3.3. ბრალის დადგენა

საინტერესო თავად ბრალის დადგენის წესი. სამართალდამრდევევის მიერ ქმედების განზრას ან გაუფრთხილებლობით ჩადენის დადგენა საკმაოდ როულია, ამიტომ საზღვარგარეთის ქვეყნების უმრავლესობაში კანონმდებლობით მოქმედებს გადასახადის გადამხდელის ბრალეულობის პრეზუმაციის პრინციპი.²⁶³ თუმცა საქართველოს კანონმდებლობა საერთოდ არ განსაზღვრავს ამ საკითხს. ბრალეულობის დადგენის საკითხები უშუალოდ არის დაკავშირებული უდანაშაულობის პრეზუმაციასთან. ადამიანის უფლებათა ევროპული სასამართლო აღნიშნულ პრინციპს განმარტავს ერთ-ერთ საქმეში, იანოსევიჩი შეედეთის წინააღმდეგ²⁶⁴ და მიუთითებს, რომ აღნიშნული უფლება უზრუნველყოფს, პირის მიმართ არ არსებობდეს წინასწარი განზრახვა მის მიერ დანაშაულებრივი ქმედების ჩადენასთან დაკავშირებით. ასევე, ყოველი ეჭვი, რაც ბრალდებულის მიმართ წარმოიშობა, უნდა გადაწყდეს მის სასარგებლოდ, ხოლო ბრალდების მხარეს ევალება დაამტკიცოს მის მიერ დანაშაულებრივი ქმედების ჩადენა. შეედეთში მოქმედი საგადასახადო

²⁶⁰ იხ. ზ. როგავა, საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა, ბაქმი, ობილისი, 2009წ. გვ. 320-321.

²⁶¹ იხ. იქვე, გვ. 322.

²⁶² იხ. იქვე, გვ. 322.

²⁶³ იხ. იქვე, გვ. 326.

²⁶⁴ იხ. ადამიანის უფლებათა ევროპული სასამართლოს გადაწყვეტილება, Janosevic v. Sweden, 2003, ECHR, <<http://hudoc.echr.coe.int/sites/eng/pages/search.aspx?i=001-60628>> [23.07.2012].

სამართალდარღვევებისთვის დადგენილი პასუხისმგებლობის შემთხვევაში ადამიანის უფლებათა ევროპული სასამართლო მიუთითებს, რომ ამ შემთხვევაში ადმინისტრაციული სამართლის ფორმით განხილვისას სასამართლო საქმეს არ განიხილავს წინასწარ შექმნილი აზრით, რომ პირმა აუცილებლად დაარღვია საგადასახადო კანონმდებლობა. სასამართლო, ასევე, მიუთითებს, რომ მიუხედავად ბრალის საკითხის მნიშვნელობისა, ამ დარღვევებისთვის (იგულისხმება საგადასახადო) პასუხისმგებლობის დაკისრებისას სასამართლო არ გამორიცხავს ხელშეკრულების მონაწილე სახელმწიფოს უფლებას, დაადგინოს სისხლის სამართლებრივი პასუხისმგებლობა ცალკეულ შემთხვევებში მხოლოდ ობიექტური შემადგენლობის საფუძველზე სუბიექტური ნიშნების დადგენის გარეშე. რაც შეეხბა სასამართლოს მიერ საბოლოო გადაწყვეტილების მიღებამდე საგადასახადო ორგანოების მიერ თანხების იძულების დონისძიებების გამოყენებით ამოღებას, ამ შემთხვევაში სასამართლო თვლის, რომ სამართლიანი სასამართლოს უფლება, ისევე, როგორც ევროპული კონვენციით გარანტირებული სხვა უფლებები, არ გამორიცხავს საგადასახადო დარღვევებისთვის დაკისრებული თანხების ამოღებას სასამართლოს განხილვების დასრულებამდე. ამ შემთხვევაში უმნიშვნელოვანესია სახელმწიფოს მიერ ისეთი მექანიზმების შერჩევა და შექმნა, რომლითაც ბალანსი იმგვარად იქნება დაცული, რომ ამ დონისძიებების გამოყენება არაპროპორციულად არ შეზღუდავს განმცხადებლის უფლებებს. ვინაიდან შვედური კანონმდებლობა ითვალისწინებდა სასამართლოს მიერ გადამხდელის სასარგებლოდ გადაწყვეტილების მიღების შემთხვევაში ამოღებული თანხების სრულად დაბრუნების შესაძლებლობას, ისევე, როგორც შესაბამისი ოდენობით პროცენტების გადახდას, სასამართლომ ამ შემთხვევაში არ ჩათვალა, რომ გადამხდელის უდანაშაულობის პრეზუმუცია იყო დარღვეული.²⁶⁵ ამ გადაწყვეტილებიდან საგულისხმოა, რომ ცალკეულ შემთხვევებში ადამიანის უფლებათა ევროპული სასამართლო უშევს შესაძლებლობას, პირს პასუხისმგებლობა დაეკისროს მისი ბრალეულობის დადგენის გარეშე და საბოლოო გადაწყვეტილების კანონიერ ძალაში შესვლამდე იმ შემთხვევაში, თუ არსებობს სხვა ეფექტური საშუალებები გადასახადის გადამხდელთა უფლებების დასაცავად.

აქვე უნდა აღინიშნოს, რომ საქართველოს მოქმედი კანონმდებლობის თანახმად, გადამხდელის ბრალეულობის დადგენა არ არის აუცილებელი პასუხისმგებლობის დაკისრებისთვის. სამართლებრივ უმართლობას ან უსწორობას არ ქმნის, ასევე, გადამხდელთა მიმართ საგადასახადო ორგანოების მიერ გადახდევინების უზრუნველყოფის დონისძიებების გატარება მხოლოდ პირველი ინსტანციის სასამართლო გადაწყვეტილების საფუძველზე, რომელიც არ არის შესული კანონიერ ძალაში. ამასთანავე, სახელმწიფოს მხრიდან ამ უფლების ბოროტად გამოყენების თვითან ასაცილებლად, მნიშვნელოვანია ისეთი მექანიზმების შექმნა, რაც ეფექტურად უზრუნველყოფს ამ შემთხვევებში გადამხდელთა უფლებების

²⁶⁵ ი. ადამიანის უფლებათა ევროპული სასამართლოს გადაწყვეტილება Janosevic v. Sweden, 2003, ECHR, <<http://hudoc.echr.coe.int/sites/eng/pages/search.aspx?i=001-60628>> [23.07.2012].

დაცვას. კერძოდ, სასამართლო გადაწყვეტილების კანონიერ ძალაში შესვლამდე აღსრულების შემთხვევაში, მოგვიანებით მისი გაუქმებისას უნდა არსებობდეს მარტივი და მოქნილი მექანიზმი, რაც დაიცავს გადამხდელებს სახელმწიფოს მხრიდან დაუსაბუთებელი ზიანის მიუწერებისგან.

განსხვავებით ქართული კანონმდებლობისგან, რომლის თანახმად საგადასახადო ორგანოებს არ ევალებათ დაამტკიცონ, რომ გადამხდელი სამართალდარღვევის ჩადენისას მოქმედებდა ბრალეულად, ცალკეული ქვეყნის კანონმდებლობით დადგენილია არაბრალეულობის პრეზუმუცია. არაბრალეულობის პრეზუმუციის საფუძველზე მტკიცების ტვირთი,²⁶⁶ საგადასახადო სამართალდარღვევებთან დაკავშირებულ დაგებში დაადასტურონ გადამხდელების ბრალეული მოქმედება საგადასახადო კანონმდებლობის მოთხოვნათა დარღვევის დროს, მთლიანად საგადასახადო ორგანოზე გადადის.²⁶⁷

აღნიშნულ თავში საგადასახადო სამართალდარღვევების ცნების ელემენტების კვლევის შედეგად, დასკვნის სახით უნდა აღინიშნოს შემდეგი: საგადასახადო სამართალდარღვევების ცნების ელემენტების შესწავლა და დახასიათება თეორიაში უნდა ხდებოდეს ამ ცნების საკანონმდებლო განმარტების შესაბამისად.

საგადასახადო პასუხისმგებლობის დამდგენი ნორმები უნდა იყოს ჩამოყალიბებული ცხადად და ზუსტად იძლეოდეს საშუალებას, რომ გადამხდელებისთვის წინასწარ იყოს განჭვრეტადი პასუხისმგებლობის დაკისრების შემთხვევები. ამ მიზნით მიზანშეწონილია კანონმდებელმა დაიწყოს მსჯელობა ე.წ. სხვა სახის ჯარიმების დამდგენი ნორმის (საქართველოს საგადასახადო კოდექსის 291-ე მუხლი) გაუქმებასა ან სხვაგვარად ჩამოყალიბებაზე.

კიდევ ერთხელ ხაზგასმით უნდა აღინიშნოს, რომ ბრალის საგადასახადო სამართალდარღვევებში განუსაზღვრელობის მიუხედავად, შესწავლილი და გაანალიზებული უნდა იქნეს ემპირიული კვლევის მეთოდით საგადასახადო სამართალდარღვევების შემადგენლობის სუბიექტური მხარის ისეთი ელემენტები, როგორიცაა მოტივი და მიზანი, რაც, თავის მხრივ, საგადასახადო სამართალდარღვევების ჩადენის ან ვალდებულებათა შესრულების წინაპირობებს წარმოშობს.

რაც შეეხება ბრალის საკითხს, მხედველობაში უნდა იქნეს მიღებული საგადასახადო დარღვევების ხასიათი, რომელიც ყოველთვის ფინანსურ ხასიათს ატარებს და ხელყოფს ქვეყნის ფინანსურ ინტერესებსა და საჯარო

²⁶⁶ საქართველოს კანონმდებლობის თანახმად, მტკიცების ტვრთი საგადასახადო ორგანოებს შესაძლოა დაეკისროთ აქტების კანონიერებასთან დაკავშირებული დავების დროს, საქართველოს ადმინისტრაციული საპროცესო კოდექსის მე-17 მუხლის მე-2 ნაწილის საფუძველზე, როცა სასამართლო იხილავს საგადასახადო მოთხოვნის ბათილობის საკითხს. იმ შემთხვევაში როცა ეს მოთხოვნა ეხება სამართალდარღვევისათვის სანქციის დაკისრებას, სასამართლო არ ადგენს სამართალდარღვევის ჩადენის დროს გადამხდელი მოქმედებდა თუ არა ბრალეულად, რასაც მოჰყვა შედეგად საგადასახადოს მიერ გადამხდელის მიმართ სანქციის გამოყენება და მხოლოდ აქტის კანონიერების შესწავლით შემოიფარგლება.

²⁶⁷ ი. Финансовое право, вопросы и ответы. Издание 4 -ое исправленное и дополненное, Москва, Юриспруденция, 2003г. ст. 107.

სტაბილურობას. ამავე დროს, მნიშვნელოვანია კეთილსინდისიერი გადამხდელების არსებობის ფაქტორიც, რის გამოც ბრალეულობის დადგენა ყოველთვის აუცილებელი ხდება. ამდენად, გარემოებათა გამოკვლევისას ბრალის განსაზღვრის საჭიროება მიუთითებს იმაზე, რომ მიზანშეწონილია ბრალი განისაზღვროს, როგორც სამართალდარღვევის ცნების ერთ-ერთი ელემენტი კანონმდებლობის საფუძველზე. ამავე დროს, უნდა დადგინდეს საგადასახადო პასუხისმგებლობა, როგორც განზრახ, ასევე, გაუფრთხილებლობით ჩადენილი სამართალდარღვევებისთვის.

თავი 6. საგადასახადო სამართალდარღვევის სუბიექტი

საგადასახადო სამართალდარღვევების ცნებისა და მისი ელემენტების განხილვისას აღინიშნა, რომ ცალკეულ მეცნიერთა მოსაზრებით, სამართალდარღვევის ცნება მოიცავს ოთხ ელემენტს და მათ შორისაა საგადასახადო სამართალდარღვევის სუბიექტი. თუმცა, იმის გათვალისწინებით, რომ საგადასახადო სამართალდარღვევის ცნება სამი ელემენტის მიხედვით იქნა განხილული, ამ საკითხებთან ერთად არ მომხდარა სამართალდარღვევის სუბიექტის შესწავლა.

სამართალდარღვევის სუბიექტებთან დაკავშირებით, მსგავსად სხვა საკვლევი საკითხებისა, მეცნიერული მსჯელობა მწირია. ამავე დროს, სუბიექტებთან მიმართებით კანონმდებლობა დიად ტოვებს მთელ რიგ საკითხებს, რაც აუცილებლად მოითხოვს სათანადო შესწავლას.

იმ გარემოების გათვალისწინებით, რომ საგადასახადო სამართალურთიერთობებში მონაწილეობა წრე დადგენილია საგადასახადო კანონმდებლობით, ცხადია, რომ საგადასახადო სამართალდარღვევათა ჩადენა და მათ გამო პასუხისმგებლობაც დაეკისრებათ იგივე სუბიექტებს. ცალკეულ შემთხვევებში კანონმდებლობით შესაძლებელია, ასევე, განსაზღვრული იყოს სპეციალური სუბიექტებისთვის პასუხისმგებლობის დაკისრება. თუმცა სამართალდარღვევების უმრავლესობა შესაძლოა ჩადენილ იქნეს ნებისმიერი გადამხდელის მიერ.

საგადასახადო სამართალდარღვევების სუბიექტებისადმი პირების მიკუთვნების საკითხი განსხვავებულად არის მოწესრიგებული სხვადასხვა ქვეყანაში. საქართველოს კანონმდებლობა საგადასახადო სამართალურთიერთობათა სუბიექტებს მიაკუთვნებს გადასახადის გადამხდელებს და საგადასახადო აგენტებს.²⁶⁸ იმის გათვალისწინებით, რომ ეს საკითხები ძალიან ფართოა და დაკავშირებულია სამართლის სხვა დარგებთან, სადისერტაციო ნაშრომის ფარგლებში გადასახადის გადამხდელებთან დაკავშირებული მხოლოდ ისეთი საკითხების შესწავლა მოხდება, რომლებიც უშუალოდ საგადასახადო სამართალდარღვევების კუთხით ქმნის სამართლებრივ პროცედურას. გადასახადის გადამხდელისა და

²⁶⁸ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 20-ე მუხლი, 2012 წლის 25 ივნისის მდგომარეობით.

საგადასახადო აგენტების გარდა, მოქმედი კანონმდებლობის გათვალისწინებით, შესწავლილი იქნება, ასევე, საგადასახადო სამართალდარღვევის სუბიექტის ცალკეულ პირთა მიჩნევის საკითხი.

6.1. გადასახადის გადამხდელი ფიზიკური პირები, როგორც საგადასახადო სამართალდამრღვევები და მათი პასუხისმგებლობის ასაკი

საგადასახადო კანონმდებლობა ადგენს გადასახადის გადამხდელის, საგადასახადო აგენტის ცნებას და მიუთითებს, რომ ისინი შესაძლოა იყვნენ ფიზიკური და იურიდიული პირები.²⁶⁹ იურიდიული და ფიზიკური პირების განმარტებისთვის გამოიყენება სამოქალაქო კოდექსი, თუმცა საგადასახადო სამართალდარღვევების ნაწილში პრობლემას ქმნის ფიზიკური პირის განმარტება. კერძოდ, საგადასახადო კანონმდებლობა, ადმინისტრაციულ სამართალდარღვევათა კოდექსის და სისხლის სამართლის კოდექსისგან განსხვავებით, საგადასახადო პასუხისმგებლობის გამოყენებისას საერთოდ არ ითვალისწინებს ფიზიკური პირის ასაკისა და შერაცხადობის საკითხებს. საქართველოს საგადასახადო კანონმდებლობის ნორმებიდან გამომდინარე დასაშვებია ვარაუდი, რომ საგადასახადო სამართალდარღვევების სუბიექტი, შესაძლებელია, იყოს ნებისმიერი ფიზიკური პირი, მიუხედავად მისი ასაკისა და შერაცხადობისა. ამავე დროს, საკითხის მიმართ კანონმდებლობის ამდაგვარმა მიღვომამ შესაძლოა გამოიწვიოს ყოველ კონკრეტულ შემთხვევაში სამართლის ანალოგიების გამოყენების საჭიროება.

საგადასახადო სამართალდარღვევის სუბიექტებს, ქართული სისტემისგან განსხვავებით, სხვა ქვეყნის მეცნიერები ახასიათებენ ორი ნიშნით: დელიქტურიანობის ასაკი და შერაცხადობა. პირის საგადასახადო სამართალდამრღვევად მიჩნევისთვის ისინი აუცილებლად მიიჩნევენ ამ ორი ნიშნის არსებობას.²⁷⁰

შერაცხადობა არის პირის გონებითი და ნებელობითი ელემენტების ერთობლიობა. შესაბამისად, შეურაცხადი პირი არ შეიძლება პასუხისმგებაში მიეცეს, ვინაიდან მის მიერ ქმედებათა განხორციელებისას გონებითი და ნებელობითი ელემენტები გამორიცხულია. უნდა აღინიშნოს, რომ შერაცხადობა ადამიანის გონებრივი შესაძლებლობების აღმნიშვნელია და არა მისი დამოკიდებულება ქმედების მიმართ, რასაც ბრალში მოიაზრებენ.²⁷¹ ისევე როგორ ასაკის, შერაცხადობის საკითხებაც საერთოდ არ განსაზღვრავს საქართველოს კანონმდებლობა.

დასაბეგრი შემოსავლის არსებობისას საგადასახადო ვალდებულებების შესრულება ეგალება ყველა ფიზიკურ პირს და ვინაიდან, საქართველოს კანონმდებლობა არ ადგენს რაიმე სახის შეზღუდვებს, იგულისხმება, რომ არასრულწლოვანის მიმართაც შეიძლება განისაზღვროს საგადასახადო

²⁶⁹ ი. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), მე-3 თავი, 2012 წლის 25 ივნისის მდგომარეობით.

²⁷⁰ ი. Ю. А. Дмитриев, А.А. Евтеева, С.М. Петров, Административное право, Российской юридическое образование, ред. Ю. А. Дмитриева, Издательство Эксмо, Москва, 2005, ст. 288-289.

²⁷¹ იქვე, ст. 288-289.

ვალდებულება. შესაბამისად, ამ ვალდებულების შეუსრულებლობისთვის, მოქმედი კანონმდებლობიდან გამომდინარე, შესაძლებელია, არასრულწლოვანსაც დაეკისროს პასუხისმგებლობა.

მთელ რიგ ქვეყნებში ფიზიკურ პირს საგადასახადო პასუხისმგებლობა შეიძლება დაეკისროს 16 წლის ასაკიდან, ცალკეულ ქვეყნებში – 14 წლის ასაკიდან.²⁷² აღნიშნულ ასაკობრივ ზღვართან მიმართებით მეცნიერთა შეფასებები განსხვავებულია. ზვიად როგავას აზრით, პასუხისმგებლობა არ შეიძლება დაეკისროს ფიზიკურ პირს 14 წლის ასაკიდან, ვინაიდან საგადასახადო კანონმდებლობა საკმაოდ რთულია და პირს 14 წლის ასაკში არ შესწევს უნარი გააცნობიეროს თავისი ქმედების მართლწინააღმდეგობა.²⁷³ ცალკეულ მეცნიერებს 14 წლის ასაკიდან პასუხისმგებლობის დაკისრება უსამართლოდ მიაჩნიათ, საგადასახადო კანონმდებლობის სირთულისა და მისი მნიშვნელობიდან გამომდინარე.²⁷⁴ ამ საკითხთან მიმართებით საინტერესოა, ასევე, ადმინისტრაციული კანონმდებლობის რეგულირება, რაც მოგვიანებით იქნება განხილული ნაშრომის წინამდებარე თავში.

ამ შემთხვევაში არსებითია მკაფიოდ განისაზღვროს არასრულწლოვანთა მიერ საგადასახადო ვალდებულებების შეუსრულებაზე ვინ არის პასუხისმგებელი და ვალდებულებათა შეუსრულებლობის გამო ვის დაეკისრება პასუხისმგებლობა.

მაგალითად, რუსული და აზერბაიჯანული საგადასახადო კანონმდებლობის თანახმად, სამართალდარღვევის სუბიექტად მიიჩნევა ქმედუნარიანი ფიზიკური პირი 16 წლის ასაკიდან.²⁷⁵ საქართველოს საგადასახადო კოდექსით არ არის დადგენილი ფიზიკური პირის ასაკი, რომლიდანაც პირი შეიძლება ჩაითვალოს გადასახადის გადამხდელად. შესაბამისად, პირი გადასახადის გადამხდელი ხდება იმ დღიდან, როცა მას გაუჩნდება საგადასახადო ობიექტი. კანონმდებლობით განსაზღვრული არ არის, ასევე, პასუხისმგებლობის დაკისრების ასაკიც საგადასახადო სამართალდარღვევების ჩადენის შემთხვევაში.

ცალკეულ ქვეყნებში საგადასახადო სამართალდარღვევებისთვის, ადმინისტრაციული სამართალდარღვევის სხვა სახეების მსგავსად პასუხისმგებლობა დადგენილია 16 წლიდან. თუმცა როგორც რუსეთის საგადასახადო კოდექსის კომენტარის ავტორები აღნიშნავენ, ამ ასაკიდან პასუხისმგებლობის დაკისრება მაინც პრობლემურია, ვინაიდან თუ 16 წლამდე გადამხდელი ჩაიდენს საგადასახადო სამართალდარღვევას, ამ შემთხვევაში არ არის განსაზღვრული დადგება თუ არა მათი მშობლების ან კანონიერი წარმომადგენებლების პასუხისმგებლობა. 1999 წლამდე ეს საკითხი გადაწყვეტილი იყო რუსეთის საგადასახადო კოდექსით, რადგან მშობლები მიჩნეულები იყვნენ ე.წ. სხვა ვალდებულ პირებად. თუმცა,

²⁷² იბ. ზ. როგავა საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა, ბაკმი, თბილისი, 2009წ. გვ. 329.

²⁷³ იბ. იქვე, გვ. 329.

²⁷⁴ იბ. В.В. Витрянский, С.А. Герасименко, Налоговые органы, налогоплательщик и гражданский кодекс, Москва, 1995г. ст. 45-66.

²⁷⁵ იბ. ზ. როგავა საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა, ბაკმი, თბილისი, 2009წ. გვ. 330.

როგორც კომენტარის ავტორები აღნიშნავენ, 1999 წლის საკანონმდებლო ცვლილებების შემდეგ რუსეთის ფედერაციის კანონმდებლობამ, მშობლები სხვა პირების ცნებას ადარ მიაკუთვნა.²⁷⁶

რუსეთის საგადასახადო კოდექსის კომენტარების ავტორები გვთავაზობენ საკმაოდ საინტერესო მიღომას პასუხისმგებლობის ასაკის დადგომისა და სამოქალაქო ქმედუნარიანობის შეთავსებასთან დაკავშირებით. ისინი თვლიან, რომ ვინაიდან პირს სამოქალაქო კოდექსით სრული ქმედუნარიანობა ენიჭება 18 წლის ასაკიდან და მხოლოდ ამის შემდეგ შეუძლია განკარგოს თავისი ქონება და მიიღოს შესაბამისი გადაწყვეტილებები, საგადასახადო პასუხისმგებლობაც ამ ასაკიდან უნდა დადგეს. თუ 16 წლის პირი ჩაიდენს საგადასახადო სამართალდარღვევას, საგადასახადო პასუხისმგებლობა დაეკისრება იმ შემთხვევაში, თუ სამოქალაქო კანონმდებლობით მინიჭებული ექნება სრული ქმედუნარიანობა. კომენტარის ავტორები თვლიან, რომ ასეთი მიღომის შემთხვევაში შესაძლებელია დადგეს არასრულწლოვანი პირის საგადასახადო სამართალდარღვევებისთვის პასუხისმგებლობის საკითხი.²⁷⁷

საქართველოს ადმინისტრაციულ სამართალდარღვევათა კოდექსის თანახმად, პირის პასუხისმგებლობა დგება 16 წლის ასაკიდან.²⁷⁸ მსჯელობის საგანია ის, თუ რამდენად არის შესაძლებელი საგადასახადო სამართალდარღვევების შემთხვევებში ადმინისტრაციული სამართალდარღვევებისთვის განსაზღვრული რეგულაციები გამოყენებულ იქნეს საგადასახადო სფეროში და საგადასახადო პასუხისმგებლობა პირებს დაეკისროთ 16 წლის ასაკიდან. ამ კუთხით ქართულ სამეცნიერო ლიტერატურაში მსჯელობა არ ყოფილა, თუმცა ამ საკითხს ეხება საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2008 წლის 20 მაისის №ბს-1104-1056(კ-07) განჩინება.²⁷⁹ აღნიშნული განჩინებით საკასაციო სასამართლომ შეაფასა საბაჟო სამართლის რიგი აქტუალური საკითხები, რომლებიც უშალოდ დაკავშირებულია საგადასახადო სამართალდარღვევის სუბიექტებთან. საქმე ეხებოდა 2007 წლის მარტის თვეში მოქმედი საბაჟო კოდექსის საფუძველზე 14 წლის არასრულწლოვანის დაჯარიმების თაობაზე მიღებული გადაწყვეტილების კანონიერებას. აღნიშნულ საქმეში ერთ-ერთი უმნიშვნელოვანესი საკითხი, რაც სასამართლომ სხვა საკითხებთან ერთად შეაფასა, იყო საბაჟო სამართალდამრღვევი სუბიექტის ქმედუნარიანობის

²⁷⁶ იბ. В. Р. Панков, О нерешенных проблемах части первой Налогового кодекса, Журнал Налоговый вестник, 1998г. №12.

²⁷⁷ იბ. Комментарий к налоговому кодексу РФ части 1. 664-667с.

²⁷⁸ იბ. საქართველოს ადმინისტრაციულ სამართალდარღვევათა კოდექსი (გამოქვეყნებული საქართველოს სსრ უმაღლესი საბჭოს უწყებები, 1984წ. №12, მუხ. 421), მე-13 მუხლი, 2012 წლის 18 აგვისტოს მდგომარეობით.

²⁷⁹ იბ. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2008 წლის 20 მაისის გადაწყვეტილება №1104-1056(კ-07), <<http://prg.supremecourt.ge/DetailViewAdmin.aspx>> [20.09.2012].

საკითხი და იურიდიული პასუხისმგებლობის გავრცელების შესაძლებლობა არასრულწლოვანის მიერ ჩადენილ საბაჟო სამართალდარღვევაზე.²⁸⁰

აღნიშნული გადაწყვეტილება ძალიან მნიშვნელოვანია საკვლევ საკითხთან მიმართებით, ვინაიდან მასში 2007 წელს მოქმედ საბაჟო კანონმდებლობასთან ერთად საგადასახადო სამართალდარღვევებისთვის პასუხისმგებელი ფიზიკური პირების ასაკობრივი ზღვარის პრობლემაც არის განხილული.

სასამართლო მიუთითებს: მიუხედავად იმისა, რომ ადმინისტრაციულ სამართალდარღვევათა კოდექსი ადმინისტრაციულ სამართალდარღვევათა კოდიფიცირებულ ნორმატიულ აქტს წარმოადგენს, იგი არ არის ამომწურავი ხასიათის, რადგან სხვადასხვა ნორმატიულ აქტში არცთუ იშვიათად გვხდება ადმინისტრაციული სამართალდარღვევის სახეები, მათი კვალიფიკაცია, სანქცია. ამასთან, საბაჟო სამართალდარღვევა წარმოადგენს სწორედ საბაჟო საქმიანობის სფეროში ადმინისტრაციული სამართალდარღვევის ნაირსახეობას, ვინაიდან გააჩნია საერთო ნიშნები – საჯაროსამართლებრივი ბუნება, პასუხისმგებლობაში მიცემის პროცედურები და სხვ. სასამართლოს ეს გადაწყვეტილება ორმაგად მნიშვნელოვანია სუბიექტებთან მიმართებით. ამ საკითხზე სასამართლო მაშინდელ საბაჟო კოდექსთან მიმართებით აღნიშნავს, რომ საბაჟო კოდექსით დადგენილი არ არის საბაჟო პასუხისმგებლობის სუბიექტის – ფიზიკური პირის ასაკი. სასამართლო მიუთითებს: მიუხედავად იმისა, რომ საბაჟო კოდექსი ზოგადი ხასიათის დათქმას აკეთებს საგადასახადო კოდექსის გამოყენების თაობაზე, თავად საგადასახადო კოდექსი ადმინისტრაციული სამართლისა და სისხლის სამართლისგან განსხვავებით, საგადასახადო პასუხისმგებლობის გამოყენებისას საერთოდ არ ითვალისწინებს ფიზიკური პირის ასაკსა და შერაცხადობის ფაქტს, ხოლო ტერმინთა დეფინიციის განმსაზღვრელი ნორმით „პირი“ განმარტებულია, როგორც ფიზიკური ან იურიდიული პირი სამოქალაქო კოდექსის მიხედვით, რომლის მე-14 მუხლის პირველი ნაწილის თანახმად, 7-დან 18 წლამდე არასრულწლოვანი შეზღუდულ ქმედუნარიანად მიიჩნევა.²⁸¹

მნიშვნელოვანია ის, რომ საკასაციო სასამართლო როგორც საბაჟო, ასევე, საგადასახადო კანონმდებლობის საერთო ხარვეზად მიიჩნევს საბაჟო და საგადასახადო პასუხისმგებლობის სუბიექტის – ფიზიკური პირის ასაკის განუსაზღვრელობას. როგორც საბაჟო, ასევე, საგადასახადო პასუხისმგებლობა არის საბაჟო თუ საგადასახადო სამართალდარღვევის ჩამდენი პირის ვალდებულება, კანონმდებლობით დადგენილი საფუძვლითა და წესით აგოს პასუხი მის მიერ ჩადენილ გართლსაწინააღმდეგო ქმედებაზე.²⁸²

აღნიშნულის გათვალისწინებით, საკასაციო სასამართლო განმარტავს, რომ საბაჟო სამართალდარღვევისთვის პასუხისმგებლობა პირს უნდა დაეკისროს

²⁸⁰ იხ. საქართველოს უზენაეს სასამართლოს ადმინისტრაციულ და სხვა კატეგორიის საქმეთა პალატის 2008 წლის 20 მაისის გადაწყვეტილება №1104-1056(კ-07), <<http://prg.supremecourt.ge/DetailViewAdmin.aspx>> [20.09.2012].

²⁸¹ იხ. იქვე, <<http://prg.supremecourt.ge/DetailViewAdmin.aspx>> [20.09.2012].

²⁸² იხ. იქვე, <<http://prg.supremecourt.ge/DetailViewAdmin.aspx>> [20.09.2012].

16 წლის ასაკიდან, გარდა იმ შემთხვევებისა, სადაც კანონმდებელი შესაბამის ნორმატულ აქტებში სპეციალურად, კონკრეტულად აღგენს პასუხისმგებელი პირის ასაკს.²⁸³

6.2. კანონიერი წარმომადგენლების პასუხისმგებლობის საკითხი
არასრულწლოვანთა მიერ ჩადენილ საგადასახადო
სამართალდარღვევათა გამო

ზემოთ განვითარებული მსჯელობის თანახმად, იკვეთება ქართული სასამართლოს მიღვომა საგადასახადო პასუხისმგებლობის დაკისრებისთვის ადმინისტრაციული სამართალდარღვევების მსგავსი ინსტიტუტისა და ასაკობრივი ზღვარის დადგენასთან დაკავშირებით. ამავე დროს, სამეცნიერო ლიტერატურაში ამ საკითხებთან დაკავშირებით განიხილება განსხვავებული მიღვომები.

ცალკეულ შემთხვევებში მეცნიერები აღნიშნავენ, რომ ადმინისტრაციული კანონმდებლობა არ ცნობს ობიექტურ შერაცხვას, ესე იგი პირის პასუხისმგებლობას სხვისი ბრალისთვის. შესაბამისად, ისინი არ ეთანხმებიან და მიუღებლად მიაჩნიათ მშობლის მიმართ შვილის სამართალდარღვევის ჩადენის გამო პასუხისმგებლობის ზომის გამოყენება.²⁸⁴ მაგალითად, როგორც ეს არის დადგენილი საქართველოს ადმინისტრაციულ სამართალდარღვევათა კოდექსის 172-ე მუხლით, რომელიც აღგენს მშობლების პასუხისმგებლობას მათი არასრულწლოვანი შვილის მიერ საზოგადოებრივი თავშეყრის ადგილებში ნასვამ მდგომარეობაში ყოფნისთვის.²⁸⁵

ვ. ლორიას ამ საკითხზე განსხვავებული მოსაზრება აქვს გამოთქმული. მისი აზრით, ადმინისტრაციული პასუხისმგებლობა ქართული კანონმდებლობის თანახმად, შესაძლოა პირს დაეკისროს 16 წლის ასაკიდან. თუმცა 16 წლამდე არასრულწლოვანი პირის მიერ გადაცდომის ჩადენისას პასუხს აგებს მისი მშობელი. ამავე დროს, ცალკეულ შემთხვევებში კანონმდებლობის თანახმად, 16 წლიდან 18 წლამდე ასაკის პირთა ნაცვლად პასუხისმგებლობა შესაძლოა დაეკისროს მის მშობლებს. ვ. ლორიას აზრით, ეს მშობლის არაბრალებული ადმინისტრაციული პასუხისმგებლობაა, ვინაიდან, იმავე არასრულწლოვნის მიერ დანაშაულის ჩადენის შემთხვევაში მშობლის სისხლის სამართლის პასუხისმგებლობა სავსებით გამორიცხულია. ვ. ლორიას მოსაზრებით, ადმინისტრაციული გადაცდომის ჩადენის დროსაც გამორიცხული უნდა იყოს მშობლის პასუხისმგებლობა თავისი არასრულწლოვანი შვილის ბრალისთვის, მაგრამ მეცნიერის შეფასებით, კანონმდებელი ფრთხილობს, რომ ასეთი არასრულწლოვანი

²⁸³ იხ. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2008 წლის 20 მაისის გადაწყვეტილება №1104-1056(კ-07), <<http://prg.supremecourt.ge/DetailViewAdmin.aspx>> [20.09.2012].

²⁸⁴ იხ. მ. სალხინაშვილი, ვ. ლორია, ადმინისტრაციული სახდელები და მათი გამოყენება, თბილისი, 2000წ. გვ. 164.

²⁸⁵ იხ. საქართველოს ადმინისტრაციულ სამართალდარღვევათა კოდექსი (გამოქვეყნებული საქართველოს სსრ უმაღლესი საბჭოს უწყებები, 1984წ. №12, მუხ. 421), 172-ე მუხლი, 2012 წლის 18 აგვისტოს მდგომარეობით.

მომავალში უფრო მძიმე დანაშაულს ჩაიდენს და ამიტომ იყენებს ჯარიმას შვილის მიერ ჩადენილი სამართალდარღვევის გამო. თუმცა ვ. ლორია შვილის მიერ სამართალდარღვევის ჩადენის გამო მშობლისთვის პასუხისმგებლობის დაკისრებას არასწორად მიიჩნევს.²⁸⁶

ამ შემთხვევაში მეცნიერთა შეფასება სხვა მიმართულებით ვითარდება. ერთი მხრივ, მსჯელობის საგანი შეიძლება იყოს საგადასახადო სამართალდარღვევებისთვის პასუხისმგებელი პირების ასაკის დასადგენად ადმინისტრაციული კანონმდებლობის გამოყენება და მეორე მხრივ, არასრულწლოვანთა კანონიერი წარმომადგენლების მიერ საგადასახადო ვალდებულებათა შესრულებისა და მათი შეუსრულებლობის გამო პასუხისმგებლობის დაკისრება, როგორც კანონიერი წარმომადგენლების პასუხისმგებლობა მათი შვილების 18 წლის ასაკის მიღწევამდე.

საგადასახადო სამართალდარღვევათა მიმართებით, კანონიერი წარმომადგენლების პასუხისმგებლობის საკითხის განხილვამდე, არსებითია საგადასახადო ვალდებულებების შესრულებაზე პასუხისმგებელი პირების განსაზღვრა იმ შემთხვევაში, თუ ეს ვალდებულება არასრულწლოვანი პირის მიმართ წარმოიშვა. მაგალითად, ისეთ შემთხვევაში, როცა არასრულწლოვანი მემკვიდრეობით იღებს ქონებას (შემოსავალს) და ეს უკანასკნელი არ არის გათავისუფლებული საშემოსავლო გადასახადის გადახდის ვალდებულებისგან, ვინ უნდა გადაიხადოს ამ დროს გადასახადი და რა ხდება მისი გადაუხდელობის შემთხვევაში; ან იმ შემთხვევაში, თუ არასრულწლოვანის საკუთრებაში არსებული უძრავი ქონების რეალიზაციას მისი კანონიერი წარმომადგენელი ახდენს და განხორციელებული ოპერაცია წარმოადგენს დღგ-თი დასაბეგრ ოპერაციას, ვის ეკისრება საგადასახადო ვალდებულების შესრულება და ვის დაეკისრება მისი შეუსრულებლობისთვის პასუხისმგებლობა.

ეს შემთხვევები განსხვავებულია ადმინისტრაციული სამართალდარღვევების, სამოქალაქო სამართლებრივი დელიქტებისა და სისხლის სამართლებრივი პასუხისმგებლობის საკითხებისგან. სხვა შემთხვევებში კანონმდებლობა ადგენს პასუხისმგებლობის დაკისრებისთვის შესაბამის ასაკსა და პირის შერაცხადობას, როგორც პასუხისმგებლობის დაკისრების აუცილებელ წინაპირობას. ამასთან, ითვალისწინებს დარღვევების ჩადენისას პასუხისმგებლობის დაკისრებისთვის პირების ბრალეულობასაც, მაშინ როცა საგადასახადო კანონმდებლობით აღნიშნული ელემენტები საერთოდ არ არის განსაზღვრული.

მშობლების, როგორც არასრულწლოვანთა კანონიერი წარმომადგენლის, საგადასახადო ვალდებულებებზე თეორიაში ყურადღება გამახვილებული არ არის. საგადასახადო სამართლებრივ ურთიერთობებში მონაწილე სუბიექტებიდან, მართალია, კანონი პირდაპირ არ გამოყოფს გადამხდელების კანონიერ წარმომადგენლებს, თუმცა განსაზღვრავს ქმედუუნარო პირთა

²⁸⁶ იხ. ვ. ლორია, საქართველოს ადმინისტრაციული სამართალი, რედ. გ. გიორგაძე, გამომცემლობა მერიდიანი, თბილისი, 2002წ. გვ. 376-377.

ვალდებულებების შესრულებას მათი მეურვეების მიერ²⁸⁷ და ასევე, ადგენს კანონიერი წარმომადგენლების მიერ საგადასახადო ვალდებულებათა შესრულების შესაძლებლობას.²⁸⁸ ამ შემთხვევაში კანონმდებლობაში პირდაპირ არ არის დათქმა, რომ მშობლები ვალდებულები არიან შეასრულონ მათი არასრულწლოვანი შვილების საგადასახადო ვალდებულებები, თუმცა სამართლის ანალოგიისა და სამოქალაქო სამართლებრივი ინსტიტუტებიდან გამომდინარე, ზუსტად მშობელთა მიერ უნდა მოხდეს არასრულწლოვანი შვილების საგადასახადო ვალდებულებათა შესრულება. ამ არგუმენტის დასაბუთებისთვის მნიშვნელოვანია საქართველოს საკონსტიტუციო სასამართლოს 2011 წლის 11 ივნისის №3/2/416 გადაწყვეტილება, რომელშიც სასამართლომ განმარტა, რომ ადამიანის ზოგიერთი უფლების წარმოშობა მყარადაა დაკავშირებული შესაბამისი ვალდებულების წარმოშობასთან. მშობლის (მეურვის, მზრუნველის) უფლება იმთავითვე გულისხმობს შესაბამისი სამართლებრივი ვალდებულებების წარმოშობას. ამ შემთხვევაში სახეზეა მშობლის (მეურვის, მზრუნველის) უფლების თავისივე მზრუნველობის ვალდებულებით ბოჭვა.²⁸⁹ საკონსტიტუციო სასამართლო ამ გადაწყვეტილებაში მიუთითებს: „გადახდისუუნარო არასრულწლოვან მსჯავრდებულზე დაკისრებული ჯარიმის მშობლის (მეურვის, მზრუნველის) მიერ გადახდის დაკისრების ვალდებულება არ შეიძლება გაგებულ იქნეს ჯარიმის დაკისრებად, ამისათვის აუცილებელია, სახელმწიფოს ქმედება შეიცავდეს პირზე სისხლისსამართლებრივი პასუხისმგებლობის დაკისრების ელემენტებსა და მიზნებს. აღსანიშნავია, რომ გადახდისუუნარო არასრულწლოვან მსჯავრდებულზე დაკისრებული ჯარიმის მშობელზე (მეურვეზე, მზრუნველზე) გადახდის დაკისრებისას სახელმწიფოს ქმედებაში არ იკვეთება მშობლის (მეურვის, მზრუნველის) მიმართ სისხლისსამართლებრივი პასუხისმგებლობის - სასჯელის დაკისრების მიზნები: სამართლიანობის აღდგენა, ახალი დანაშაულის თავიდან აცილება (პრევენცია), დამხაშავის რესოციალიზაციის ელემენტები, მას არ უკავშირდება ზემოთ აღნიშნული დამატებითი სამართლებრივი შედეგები.“²⁹⁰ სასამართლოს მსჯელობა ცხადყოფს, რომ სისხლის სამართლებრივი პასუხისმგებლობის შემთხვევაშიც კი, სადაც პირის მიმართ ბრალის შერაცხვას აქვს გადამწყვეტი მნიშვნელობა და განსაზღვრავს პასუხისმგებლობის ინდივიდუალიზაციას, შესაძლებელია ცალკეული სახის სასჯელების (ფულადი ჯარიმა)²⁹¹ შემთხვევაში მშობლებს (არაბრალეულ

²⁸⁷ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 58-ე მუხლი, 2012 წლის 25 ივნისის მდგომარეობით.

²⁸⁸ იხ. იქნა, 37-ე მუხლი, 2012 წლის 25 ივნისის მდგომარეობით.

²⁸⁹ იხ. საქართველოს საკონსტიტუციო სასამართლოს პლენურის 2011 წლის 11 ივნისის №3/2/416 გადაწყვეტილება, გვ. 28

<http://www.constcourt.ge/index.php?lang_id=GEO&sec_id=22&id=644&action=show> [11.10.2012].

²⁹⁰ იხ. იქნა, გვ. 25-26

<http://www.constcourt.ge/index.php?lang_id=GEO&sec_id=22&id=644&action=show> [11.10.2012].

²⁹¹ იხ. იქნა, გვ. 25-26

<http://www.constcourt.ge/index.php?lang_id=GEO&sec_id=22&id=644&action=show> [11.10.2012].

პირს) დაეკისროს ბრალეული პირის (შვილის) მიმართ დაკისრებული ჯარიმის გადახდის ვალდებულება, რაც არ ჩაითვლება მათ მიმართ სასჯელის (სანქციის) დაკისრებად.²⁹²

საკონსტიტუციო სასამართლოს ეს გადაწყვეტილება მნიშვნელოვანია საგადასახადო მიზნებისთვის, ვინაიდან სასამართლო მსჯელობს ისეთი სახის სანქციასთან დაკავშირებით, როგორიცაა – ჯარიმა და რომელიც საგადასახადო სანქციათა ერთ-ერთ კლასიკურ ფორმას წარმოადგენს. საქართველოს საკონსტიტუციო სასამართლოს ზემოაღნიშნული გადაწყვეტილება ორმაგად მნიშვნელოვანია, რადგან სასამართლო ამ გადაწყვეტილებაში ხაზს უსვამს ფულის, მისი ისტორიულად ჩამოყალიბებული ბუნებიდან გამომდინარე, განსაკუთრებულ თავისებურებაზე. სასამართლო გადაწყვეტილებაში აღნიშნულია, რომ ის, პირის თავისუფლებისგან განსხვავებით, არ არის ისეთი შეუცვლელი სიკეთე, რომელიც ერთი პირიდან მეორეზე გადასვლისას კარგავს თავის მნიშვნელობას. ჯარიმის სხვა სისხლისსამართლებრივი სანქციებისგან გამორჩეული ხასიათი ვლინდება სწორედ იმაში, რომ შესაძლებელია, მისი გადახდა განახორციელოს დამნაშავის ნაცვლად სხვა პირმა ისე, რომ მიღწეულად ჩაითვალოს სისხლისსამართლებრივი პასუხისმგებლობის დაკისრების მიზნები და ამასთან, ეს უკანასკნელი არ იქნეს განხილული პასუხისმგებლობის მატარებელ პირად. ჯარიმას, სასამართლოს აღნიშვნით, აქვს უნიკალური ხასიათი, რაც მას იმგვარ სისხლისსამართლებრივ სანქციად ხდის, რომლის სამართლებრივი გზით შესრულება დამნაშავის მაგივრად სხვა პირსაც შეუძლია. გადახდისუუნარო არასრულწლოვან მსჯავრდებულზე დაკისრებული ჯარიმის მშობლის (მეურვის, მზრუნველის) მიერ გადახდის დაკისრების ვალდებულება არ შეიძლება გაგებულ იქნეს ჯარიმის დაკისრებად. ამისთვის აუცილებელია, სახელმწიფოს ქმედება შეიცავდეს პირზე სისხლისსამართლებრივი პასუხისმგებლობის დაკისრების ელემენტებსა და მიზნებს. სასამართლოს აზრით, გადახდისუუნარო არასრულწლოვან მსჯავრდებულზე დაკისრებული ჯარიმის გადახდის მშობელზე (მეურვეზე, მზრუნველზე) დაკისრებისას, სახელმწიფოს ქმედებაში არ იკვეთება მშობლის (მეურვის, მზრუნველის) მიმართ სისხლისსამართლებრივი პასუხისმგებლობის - სასჯელის დაკისრების მიზნები: სამართლიანობის ადდგენა, ახალი დანაშაულის თავიდან აცილება (პრევენცია), დამნაშავის რესოციალიზაციის ელემენტები. მას არ უკავშირდება არც ზემოთ აღნიშნული დამატებითი სამართლებრივი შედეგები.²⁹³

დასკვნის სახით შესაძლოა აღინიშნოს, რომ საქართველოს საკონსტიტუციო სასამართლოს გადაწყვეტილების გათვალისწინებით, რომელშიც ხაზგასმულია არასრულწლოვნებს, ქმედუუნარო პირებსა და მათ კანონიერ

²⁹² იხ. საქართველოს საკონსტიტუციო სასამართლოს პლენურის 2011 წლის 11 ივლისის №3/2/416 გადაწყვეტილება, გვ. 21

<http://www.constcourt.ge/index.php?lang_id=GEO&sec_id=22&id=644&action=show> [11.10.2012].

²⁹³ იხ. საქართველოს საკონსტიტუციო სასამართლოს პლენურის 2011 წლის 11 ივლისის №3/2/416 გადაწყვეტილება, გვ. 28

<http://www.constcourt.ge/index.php?lang_id=GEO&sec_id=22&id=644&action=show> [11.10.2012].

წარმომადგენლებს – მშობლებს ან მეურვეებსა და მზრუნველებს შორის არსებული განსაკუთრებული ვალდებულებით სამართლებრივი ურთიერთობების არსებობა, არასრულწლოვანის ან ქმედუუნარო პირის მიმართ საგადასახადო ვალდებულებათა წარმოშობისას, ამ ვალდებულებათა შესრულება უნდა დაეკისროს მათ კანონიერ წარმომადგენლებს, მეურვეებს ან მზრუნველებს. მათ მიერ ამ ვალდებულებათა შეუსრულებლობის შემთხვევაში კი, მიუხედავად იმისა, რომ ისინი თავად არ არიან გადასახადის გადამხდელები, ამ სუბიექტებს უნდა დაეკისროს საგადასახადო პასუხისმგებლობა გადასახადის გადამხდელების ქონების ხარჯზე.

ასეთ შემთხვევებში, ქმედუუნარო პირთა ქონებრივი ინტერესების დაცვის მიზნით, შეიძლება მსჯელობა იმის შესახებ, რომ გადამხდელების მიერ ქმედუნარიანობის მოპოვების შემდეგ მათ მიეცეთ საშუალება, კერძოსამართლებრივი დავების ჩარჩოებში მოითხოვონ მათი წარმომადგენლების მხრიდან მიყენებული მატერიალური ზიანის ანაზღაურება.

6.3. მემკვიდრეებისთვის საგადასახადო პასუხისმგებლობის დაკისრება

სამართლებრივად უნდა შეფასდეს, ასევე, გარდაცვლილი ფიზიკური პირების მემკვიდრეთა მიერ მამკვიდრებლების ნაცვლად საგადასახადო ვალდებულების შესრულება, რაც თავის თავში დაკისრებული პასუხისმგებლობის ზომების ჯარიმებისა და საურავების გადახდასაც გულისხმობს. აღნიშნულ საკითხთან დაკავშირებით მსჯელობა ქართულ სამეცნიერო ლიტერატურაში არ ყოფილა. მემკვიდრეების მიერ ვალდებულებათა შესრულების საკითხში კანონმდებელი პირდაპირ უთითებს, რომ ამ შემთხვევაში გარდაცვლილი პირის ვალდებულებები და მათ შორის, დაკისრებული სანქციები მემკვიდრეობის ფარგლებში მემკვიდრეებს უნდა დაეკისროს და ამასთან, ეს დაგალიანება დაითვლება და დადგინდება პირის გარდაცვალების თარიღისთვის. ამდენად, მემკვიდრეები, მხოლოდ მიღებული სამკვიდრო ქონების ხარჯზე და იმ ოდენობით, რაც მამკვიდრებლის გარდაცვალების მომენტისთვის დგინდება, პასუხისმგებელი არიან შეასრულონ საგადასახადო ვალდებულება.²⁹⁴ მემკვიდრეების საგადასახადო ვალდებულებებთან მიმართებით მსჯელობა წარმოდგენილი იყო წინამდებარე სადისერტაციო ნაშრომში ბრალის საკითხის განხილვისას (იხ. ნაშრომის 5.3. ქვეთავი) და აღინიშნა, რომ საგადასახადო სამართლდარღვევების სფეროში ბრალეულობის საკითხის არარსებობის გამო, მემკვიდრეების მიერ ვალდებულებათა შესრულებისას არ დგება სხვისი ბრალეული ქმედების გამო პასუხისმგებლობის საკითხი და ეს საკითხი სამართლებრივ უმართლობას არ წარმოშობს.

²⁹⁴ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 57-ე მუხლი, მე-3 ნაწილი, 2012 წლის 25 ივნისის მდგრამარეობით.

6.4. საგადასახადო სამართალდარღვევათა სუბიექტების სხვა კატეგორიები

სხვადასხვა საერთაშორისო ხასიათის სამართლებრივ ჟურნალსა და გამოქვეყნებულ სტატიებში დასმულია სუბიექტებთან დაკავშირებული ისეთი პრობლემა, რაც სამოქალაქო ურთიერთობებში გამოყენებულ თავდებისა და სოლიდარული მოვალეების ცნებებს უკავშირდება. ასევე, აქტიურად განიხილება ამ სუბიექტების დაბეგვრის საკითხები. აღნიშნული და გამოკვეთილია არაერთი პრობლემური საკითხი იმასთან დაკავშირებით, უნდა მოხდეს თუ არა ამ პირთა დაბეგვრა ძირითადი გადამხდელების მსგავსად და იმ გარიგებების მიმართ, რომელშიც ისინი იღებენ მონაწილეობას და როგორ განხორციელდება დაბეგვრასთან დაკავშირებული საკითხების განსაზღვრა. ასევე, მეტად აქტუალურია როგორ მოხდება ამ კატეგორიის სუბიექტების მიმართ საგადასახადო მოთხოვნების დარღვევის შემთხვევაში პასუხისმგებლობის დაკისრება. მეცნიერებს აუცილებლად მიაჩნიათ ამ საკითხების განსაზღვრა ზემოაღნიშნული სუბიექტების სამოქალაქო სამართლებრივ ურთიერთობებში მონაწილეობის ხასიათის გათვალისწინებით.²⁹⁵ სამწუხაოდ, ქართულ სამეცნიერო ლიტერატურაში აღნიშნული საკითხები არ დასმულა, მიუხედავად იმისა, რომ მოქმედი საგადასახადო კოდექსით განსაზღვრულია პირადი თავდებობა და საბანკო გარანტია, როგორც გადასახადის გადამხდელის მიერ საგადასახადო დავალიანების შესრულების უზრუნველყოფის ღონისძიებები და ამ შემთხვევებში საგადასახადო ვალდებულებათა შესრულების ვალდებულებას კისრულობენ თავდები ფიზიკური თუ იურიდიული პირები და ასევე, საბანკო დაწესებულებები, რომლებიც გასცემენ საბანკო გარანტიას. მნიშვნელოვანია განისაზღვროს მიეკუთვნებიან თუ არა ისინი საგადასახადო სამართალდარღვევის სუბიექტების თუ მათი პასუხისმგებლობის საკითხი ცდება საგადასახადო კანონმდებლობის რეგულირების სფეროს. აღნიშნული საკითხი საკმაოდ მნიშვნელოვანია და შესაძლებელია, ცალკე კვლევის საგანი გახდეს, მით უმეტეს, იმის გათვალისწინებით, რომ საგადასახადო კოდექსის თანახმად, მათ მიერ საგადასახადო ორგანოს მოთხოვნათა შეუსრულებლობა იწვევს საგადასახადო ორგანოს მხრიდან საგადასახადო დავალიანების გადახდევინების უზრუნველყოფის ღონისძიებათა გატარებას.²⁹⁶ ამასთან, თუ საგადასახადო სამართალდარღვევათა ცალკეულ სახეებს გავაძნალიზებთ, რამე სპეციალური მუხლი, რომელიც ამ სუბიექტთა პასუხისმგებლობას ადგენს, არ არსებობს, თუმცა არაპირდაპირ იგივე საგადასახადო ორგანოთა მიერ საგადასახადო დავალიანების გადახდევინების უზრუნველყოფის ღონისძიებების გამოყენებისას, მაგალითად, ყადაღადადებული ქონების განკარგვის წესების დარღვევისთვის, შესაძლებელია, ამ პირების მიმართაც დადგეს საგადასახადო კოდექსით განსაზღვრული პასუხისმგებლობის

²⁹⁵ იხ. J. Lee-Lim and O. C. Morgenstern, Guarantors and Co-Obligors in the tax world, International Tax Journal, May-June, 2010, pp. 45-68.

²⁹⁶ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 249-ე მუხლი, 2012 წლის 25 ივნისის მდგომარეობით.

საკითხი. ამდენად, ვინაიდან ეს პირები არ წარმოადგენენ უშუალოდ არც გადასახადის გადამხდელებს და არც საგადასახადო აგენტებს და მხოლოდ სახელშეკრულებო ურთიერთობიდან გამომდინარე დგება საგადასახადო ორგანოების წინაშე მათი პასუხისმგებლობის საკითხი, ისინი შესაძლებელია

ცალკეულ შემთხვევებში საგადასახადო

სამართალდარღვევის სუბიექტებსაც მიეკუთვნოს. აღნიშნული ინსტიტუტები ერთგვარი სიახლეა საგადასახადო კანონმდებლობისთვის. მათი თეორიული გააზრებისა და შესწავლისთვის მნიშვნელოვანი იქნება პრაქტიკის განვითარება და ამ ინსტიტუტების პრაქტიკაში გამოყენების შესწავლა. ამის გამო სადისერტაციო ნაშრომი მხოლოდ ზედაპირულად ეხება ამ საკითხს.

რუსულ სამეცნიერო ლიტერატურაში გამოთქმულია მოსაზრება, რომ საგადასახადო სამართალდარღვევებისთვის პასუხისმგებლობა უნდა ეკისრებოდეს არა მხოლოდ დაწესებულებათა ხელმძღვანელ პირებს, არამედ სპეციალურ სუბიექტებს - დაწესებულებების ბუღალტრებს. მართალია, ბუღალტრები ქვემდებარობის წესით დაწესებულებებსა თუ საწარმოებში ხელმძღვანელ პირებს ემორჩილებიან, მაგრამ თავის მხრივ, წარმოადგენენ სპეციალურ სუბიექტებს, რომლებიც თავიანთი საქმიანობიდან გამომდინარე, უშუალოდ არიან დაკავშირებულნი საგადასახადო სამართლებრივი ვალდებულებების შესრულებასთან.²⁹⁷ მაგ: გადასახადების გადახდისგან თავის არიდების შემთხვევაში, როგორც რუსეთის უზენაესმა სასამართლო თავის ერთ-ერთ გადაწყვეტილებაში აღნიშნა, გარდა ორგანიზაციის პასუხისმგებლობისა, უნდა დამდგარიყო დირექტორისა და მთავარი ბუღალტრის სისხლისსამართლებრივი პასუხისმგებლობაც, ვინაიდან ისინი მიეკუთვნებიან საგადასახადო სამართალურთიერთობებში მონაწილე სპეციალურ სუბიექტებს.²⁹⁸

საგადასახადო სამართალდარღვევების სუბიექტებთან არსებულ საკანონმდებლო რეგულაციებთან დაკავშირებით განსხვავებული მოსაზრებები გააჩნდათ 2004 წელს საქართველოში საგადასახადო კოდექსის ახალ პროექტზე მომუშავე ექსპერტებს. კერძოდ, მათი ნაწილი მიიჩნევდა, რომ საგადასახადო კოდექსში საგადასახადო სამართალდარღვევების განსაზღვრის შემთხვევაში, ასევე, აუცილებელი იყო განსაზღვრულიყო საგადასახადო ადმინისტრაციების თანამშრომელთა პასუხისმგებლობის დადგენის საკითხი, მათ მიერ კანონით ნაკისრი ვალდებულებების შეუსრულებლობის შემთხვევაში.²⁹⁹ აღნიშნული მოსაზრება კანონმდებლობაში არ ასახულა, თუმცა ამ პირთა პასუხისმგებლობის საკითხი შესაძლოა მხოლოდ დისციპლინური და სისხლის სამართლებრივი პასუხისმგებლობის კუთხით დაისვას.

თავისებურ სუბიექტებს საგადასახადო სამართალურთიერთობებში წარმოადგენენ საბანკო დაწესებულებები. აღნიშნული ტიპის სუბიექტები

²⁹⁷ ი. ვ. В. Мудрых, Ответственность за нарушения налогового законодательства, Под Ред. Н. Д. Ериашвили, Издательство Юнити, Москва, 2001г. ст. 165-167.

²⁹⁸ ი. გ. Г.В. Петрова, Ответственность за нарушение налогового законодательства, Москва, 1995 г. ст. 116-128.

²⁹⁹ ი. ვ. ხმალაძე, გ. გვერდიაძე, დ. ნარმანია, მოსაზრებანი საქართველოს საგადასახადო კოდექსის პროექტის შესახებ, საქართველოს სტრატეგიული კვლევებისა და განვითარების ცენტრი, 2004 წლის ნოემბერი, ბიულეტენი №87, გვ. 11, 12, 36.

შესაძლოა ერთდროულად მიჩნეულ იქნებ გადასახადის გადამხდელებად, საგადასახადო აგენტებად და ამავე დროს, ისეთ სუბიექტებად, რომლებიც კონკრეტულ შემთხვევებში ასრულებენ საგადასახადო კოდექსით გათვალისწინებულ გარკვეული ხასიათის ვალდებულებებს, თუმცა არ წარმოადგენენ არც გადამხდელებს და არც საგადასახადო აგენტებს (მაგალითად საინკასო დავალების შესრულება). ბანკებთან მიმართებით თავის ერთ-ერთ გადაწყვეტილებაში ნამსჯელი აქვს საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატას. 2009 წლის №ბს-906-870(კ-08) განჩინებაში სასამართლო აღნიშნავს, რომ სს „პროკრედიტ ბანკი“ სადაოდ ხდიდა საგადასახადო ორგანოს მიერ მისთვის გაგზავნილი საინკასო დავალების შეუსრულებლობისთვის დაკისრებული ჯარიმის თანხის თდენობას და ასევე, მხარეთა შორის სადაცო იყო კონკრეტული სამართლებრივი საკითხი - 2004 წლის საქართველოს საგადასახადო კოდექსის 141-ე მუხლის (2007 წლის 11 ივნისამდე მოქმედი რედაქცია) განმარტება და ნორმის ნამდვილი შინაარსი. ამ საქმეში სასამართლო მსჯელობს საბანკო დაწესებულების, არა როგორც გადასახადის გადამხდელის ან საგადასახადო აგენტის, არამედ როგორც სხვა პირის მიერ საგადასახადო ვალდებულების შესრულების სისწორეზე და მიუთითებს, რომ საბანკო დაწესებულება არის სხვა პირი.³⁰⁰

გერმანიის კანონმდებლობით, გარდა გადამხდელებისა, განსაზღვრულია სპეციალური სუბიექტების: საგადასახადო კონსულტანტების, საგადასახადო წარმომადგენლების, აუდიტორების, სერტიფიცირებული ბუღალტრებისა და ადვოკატების პასუხისმგებლობის საკითხი. განსხვავებით სხვა სუბიექტებისგან, მათ მიმართ ადმინისტრაციული პასუხისმგებლობის დაკისრებამდე ამ სუბიექტთა პროფესიულ გაერთიანებებს საგადასახადო კოდექსი აძლევს უფლებას, წარმოადგინონ მოსაზრებები განსახილველ საკითხებთან მიმართებით.³⁰¹

მეცნიერები დაინტერესებულნი არიან საგადასახადო სამართალდარღვევების გამო სპეციალური სუბიექტებისთვის პასუხისმგებლობის დაკისრების საკითხებით. ისინი სწავლობენ საწარმოებში საგადასახადო ვალდებულებათა შესრულებაზე პასუხისმგებელი პირებისთვის (ბუღალტერი, ფინანსური მენეჯერი) პროფესიული პასუხისმგებლობის დაკისრების საკითხებს, მათ მიერ სამსახურებრივი მოვალეობების შესრულებისას საწარმოებისთვის საგადასახადო პასუხისმგებლობის დაკისრებით მიყენებული ზიანის შემთხვევებში. ამერიკულ სამეცნიერო ლიტერატურაში ცალკე შესწავლის საგანს წარმოადგენს, ასევე, აუდიტების, როგორც საგადასახადო სამართლებრივ ურთიერთობებში მონაწილე სპეციალური სუბიექტების საგადასახადო პასუხისმგებლობა. აუდიტების საკითხისგან განსხვავებით, სამართლებრივ ლიტერატურაში ფინანსური მენეჯერებისა და ბუღალტრების პასუხისმგებლობის საკითხთან

³⁰⁰ იხ. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2009 წლის 22 იანვრის №ბს-906-870(კ-08) გადაწყვეტილება, <<http://prg.supremecourt.ge/DetailViewAdmin.aspx>> [29.09.2012].

³⁰¹ იხ. გერმანიის ფედერაციული რესპუბლიკის ფინანსური კოდექსის 441-ე მუხლი <http://www.gesetze-im-internet.de/englisch_ao/englisch_ao.html> [15.03.2012].

დაკავშირებით არსებობს განსხვავებული მოსაზრებები. ერთ-ერთი მიღებომის თანახმად, ფინანსურ საკითხებზე მომუშავე პირების პასუხისმგებლობის საკითხი საერთოდ არ უნდა განიხილებოდეს, ვინაიდან მათი საქმიანობა დამქირავებული საწარმოებისთვის ჩვეულებრივი სამოქალაქო ბრუნვის რისკის მატარებელია და შესაბამისად, პასუხისმგებლობის სიმძიმე მოღიანად საწარმოებზეა გადატანილი.³⁰²

თავი 7. სანქციები საგადასახადო სამართალდარღვევებისთვის

7.1. საგადასახადო სამართალდარღვევათა ჩადენის გამო დაწესებული სანქციები და მათი სახეები

კაცობრიობას თავისი არსებობის პერიოდში, სხვადასხვა სახის სამართალდარღვევების გამო, სხვადასხვა სახის სასჯელები (პასუხისმგებლობის სხვადასხვა სახეები) აქვს დაწესებული. მათ შორის: სიკვდილით დასჯა, პატიმრობა, გარკვეულ უფლებებში შეზღუდვა, ჯარიმები და სხვა. ჩამოთვლილი სასჯელები, იმავდროულად, თანამედროვების ყველაზე უფრო მეტად გავრცელებული ხასიათის სანქციებს წარმოადგენს. სხვადასხვა სამართლებრივ სისტემაში, სხვადასხვა სიმძიმის სამართალდარღვევებისთვის დაწესებული პასუხისმგებლობის განსხვავებული ზომების გამოყენების მიმართ მიღებობი ერთმანეთისგან განსხვავდება. მაგალითად, აშშ-ში ნაკლებად სერიოზული დანაშაულების (რომლებიც ქართულ სამართლებრივ სისტემაში აღმინისტრაციული სამართალდარღვევების ექვივალენტს წარმოადგენს) ჩადენისთვის თავდაპირველად ჯარიმებს უფარდებენ სიმძიმის მიხედვით, ჯარიმების შემდეგ დადგენილია პრობაციის სასჯელი, შემდეგ გარკვეულ უფლებებში შეზღუდვა და ბოლოს, პატიმრობა. როგორც მეცნიერები მიუთითებენ, სერიოზული დარღვევების (დანაშაულების) შემთხვევაში, შესაძლებელია კომბინირებულად სანქციის რამდენიმე სახის გამოყენება დამრღვევების მიმართ.³⁰³

საგადასახადო კანონმდებლობის დარღვევისთვის, როგორც კონტინენტური, ასევე, ანგლო-ამერიკული სამართლებრივი სისტემების უმრავლესობაში, ძირითადად დაწესებულია ფულადი ჯარიმები.³⁰⁴ თუმცა ჯარიმებთან ერთად დადგენილია სხვა სახის სანქციებიც. ამასთან, წინამდებარე სადისერტაციო ნაშრომის კვლევის საგანი არის საგადასახადო სანქციები, რომლებიც მხოლოდ კლასიკური ხასიათის საგადასახადო სამართალდარღვევებისთვის

³⁰² ი. D. D. Bobek, R. C. Hatfield and S. S. Kramer, Professional liability suits against tax accountants: Some empirical evidence regarding case merit. (Journal) "Advances in Taxation", Emerald Group Publishing Limited. Volume 16, pp. 3-23.

³⁰³ ი. G.S. Becker, W. M. Landes, Crime and Punishment, An Economic Approach, 1964 <<http://www.nber.org/chapters/c3625.pdf>> [20.03.2012].

³⁰⁴ ი. A. Basila, R. Katz, N. D. Katz, H. Finkelstein, New Preparer Penalties; (Journal) CPA Journal Federal Taxation, July, 2008, 40-45. და Merrill P. Prior A. Tax Law Changes in the Wind, (Journal) Financial Executive, September, 2004, pp. 54-57.

არის დაწესებული და არ უკავშირდება სახელმწიფო საზღვარზე საბაჟო წესების დარღვევებისთვის დაწესებულ პასუხისმგებლობის ზომებს, რომლებიც საქართველოს შემთხვევაში საგადასახადო კანონმდებლობით არის განსაზღვრული.

სხვადასხვა სამართლებრივ სისტემაში განსხვავებული მიდგომებია საგადასახადო სანქციებთან დაკავშირებით. მაგალითად, გერმანიის ფედერაციულ ოესპუბლიკაში საგადასახადო სამართლდარღვევებისთვის სისხლის სამართლებრივი პასუხისმგებლობის ზომებად განსაზღვრულია თავისუფლების აღკვეთა და ჯარიმა, ხოლო ადმინისტრაციული პასუხისმგებლობის ზომის სახით კი - მხოლოდ ჯარიმები.³⁰⁵

დიდი ბრიტანეთის, როგორც საერთო სამართლის ქვეყნისთვის, დამახასიათებელი არ არის ადმინისტრაციული პასუხისმგებლობის დადგენა საგადასახადო სამართლდარღვევებისთვის და ითვალისწინებს მხოლოდ სისხლის სამართლებრივ და სამოქალაქო პასუხისმგებლობას. ამასთან, სანქციის სახეს წარმოადგენს ჯარიმა, რომლის დარიცხვას გარკვეული თანხების ფარგლებში თავად საგადასახადო ორგანოები ახდენენ სასამართლო გადაწყვეტილებების გარეშე.³⁰⁶

იმის გათვალისწინებით, რომ საქართველოში მოქმედი საგადასახადო კოდექსი კლასიკური საგადასახადო სამართლდარღვევების გარდა ასევე, ითვალისწინებს, სამართლდარღვევებს საბაჟო წესების დარღვევებისთვის, საგადასახადო კანონმდებლობით გათვალისწინებული

სამართლდარღვევებისთვის დადგენილია შემდეგი სახის სანქციები: გაფრთხილება, საურავი, ფულადი ჯარიმა, საქართველოს საბაჟო საზღვრის გადაკვეთის უფლების შეზღუდვა, სამართლდარღვევის საქონლის ან/და სატრანსპორტო საშუალების უსასეყიდლოდ ჩამორთმევა.³⁰⁷ სახეზეა საქართველოს კანონმდებლობის სრულებით ახლებური მიდგომა, საგადასახადო სამართლდარღვევებისთვის დაწესებული პასუხისმგებლობის ზომებთან მიმართებით, რომლებიც ერთმნიშვნელოვნად მხოლოდ ფინანსურ ხასიათს აღარ ატარებს. აღნიშნული გამოწვეულია იმით, რომ ჩამოთვლილი სანქციების ნაწილი, ჯარიმისა და გაფრთხილების გარდა, დაწესებულია საბაჟო ხასიათის სამართლდარღვევებისთვის და არ წარმოადგენს პასუხისმგებლობის ზომებს კლასიკური საგადასახადო სამართლდარღვევებისთვის. ზემოდასახელებული სანქციები, როგორც აღინიშნა, სადისერტაციო ნაშრომში შესწავლილი არ იქნება. საგადასახადო სამართლდარღვევებისთვის დაწესებული სანქციების კლასიფიკაცია შესაძლებელია სხვადასხვა ნიშნის მიხედვით. მაგალითად, საკანონმდებლო ნორმათა ანალიზის შესაბამისად სანქციები შეიძლება დაიყოს ორ ძირითად ჯგუფად: ფინანსურ (ფულადი) და არაფინანსურ ხასიათის სანქციებად.

³⁰⁵ იხ. გერმანიის ფედერაციული ოესპუბლიკის ფინანსური კოდექსის მე-8 თავი <http://www.gesetze-im-internet.de/englisch_ao/englisch_ao.html> [15.03.2012].

³⁰⁶ იხ. Ch. Whitehouse, E.Stuart-Buttle, Revenue Law – principles and practice, Eleventh edition, Butterworths London, Dublin, Edinburg, 1993, pp. 20-2.

³⁰⁷ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 270-ე მუხლის მე-2 ნაწილი, 2012 წლის 23 აგვისტოს მდგრმარეობით.

გარდა ზემოაღნიშნული დაყოფისა, დასავლურ სამეცნიერო ლიტერატურაში განიხილება სხვა სახის კლასიფიკაციებიც. ამ კლასიფიკაციების თანახმად, საგადასახადო სანქციები პირდაპირ და ირიბ სანქციებად იყოფა. პირველი ისეთი სანქციებია, რომლებიც პირდაპირ საგადასახადო რეგულაციის დარღვევისთვის ეკისრება პირს და შესაბამისი სამართლებრივი სისტემის საგადასახადო კანონმდებლობით არის დაწესებული. აღნიშნული სანქციები ხშირ შემთხვევაში ატარებს ფინანსურ (ფულადი) ხასიათს. თუმცა არის შემთხვევები, როცა სანქციები დადგენილია არასაგადასახადო სამართლის ნორმებით. მაგალითად, ცალკეულ ქვეყნებში მეწარმეს, რომლის საქმიანობა ექვემდებარება ლიცენზირებას, ლიცენზიის ყოველწლიურად განახლებისთვის ესაჭიროება შესაბამისი დოკუმენტის წარდგენა, რომლითაც დასტურდება გადასახადის გადახდა. თუ გადამხდელს არ გადაუხდია გადასახადი, მას ლიცენზიას არ განუახლებენ, რომლის გარეშე საქმიანობისთვის პირს შესაბამისი პასუხისმგებლობა დაეკისრება. ამავე დროს, გადასახადების გადახდის დადასტურებას, შესაძლებელია არ ჰქონდეს პირდაპირ სანქციის სახე. მაგალითად, ცალკეულ შემთხვევებში საბანკო დაწესებულებიდან კრედიტის გამოსატანად საჭიროა გადამხდელის მხრიდან საგადასახადო ვალდებულების შესრულების დადასტურება.³⁰⁸ თავისი არსით, აღნიშნული სანქციები ორივე ეკონომიკურ ხასიათს ატარებს, თუმცა პირველ შემთხვევაში პირის მიერ შემოსავლის მიღებაზე მოქმედებს, ვინაიდან ზღუდავს საქმიანობას ან აკისრებს დამატებით ჯარიმას; მაშინ როცა მეორე - პირის სამოქალაქო ბრუნვაში მონაწილეობას აბრკოლებს.³⁰⁹

მსგავსი სახის ირიბ საგადასახადო სანქციებს საქართველოს საგადასახადო კანონმდებლობა არ ითვალისწინებს. რაც შეეხება სხვა საკანონმდებლო აქტებს, მსგავსი სახის შეზღუდვები საქართველოს საკანონმდებლო აქტებით გათვალისწინებული არ არის, თუმცა ეს არ გამორიცხავს ცალკეულ საბანკო თუ ფულად-საკრედიტო დაწესებულებებში შიდა რეგულაციების არსებობას, რომელთა მიხედვით საგადასახადო დავალიანების არსებობა შესაძლოა, მიჩნეულ იქნეს კრედიტების გაცემაზე უარის თქმის საფუძვლად. ამასთან, მათი განზოგადება და სანქციის სახედ მიჩნევა ვერ მოხდება.

ანგლო-ამერიკული სამართლებრივი ლიტერატურა თეორიაში ერთმანეთისგან განასხვავებს გადასახადებზე დანამატებს და სანქციებს, თუმცა ორივესთან მიმართებით შესაძლებელია გამოყენებულ იქნეს ტერმინი - სანქციები, ვინაიდან მათ აქვთ მსგავსი სამართლებრივი ბუნება.³¹⁰ ანგლო-ამერიკული სამართლებრივი სისტემისთვის დამახასიათებელი თავისებურებაა ის, რომ ადმინისტრაციული პასუხისმგებლობა დამოუკიდებლად კი არ არსებობს, როგორც ადმინისტრაციული

³⁰⁸ ob. Problems of Tax Administration in Latin America, Joint Tax program, Editor J. Hopkins, Organization of American States inter-American Development Bank, Economic Commission for Latin America, Johns Hopkins Univ. Press, 1965, pp. 313-314.

³⁰⁹ ob. იქნება, pp. 316.

³¹⁰ ob. D. Cords, Tax Protestors and Penalties: Ensuring Perceived Fairness and Mitigating Systemic Costs, (Journal) Brigham Young University Law Review, pp. 1565-1571 <<http://lawreview.byu.edu/archives/2005/6/2CORDS.FIN.pdf>> [23.08.2012].

სამართალდარღვევებისთვის დადგენილი პასუხისმგებლობა, არამედ არსებობს სამოქალაქო და სისხლის სამართლებრივი პასუხისმგებლობა. საგადასახადო სამართალდარღვევებისთვის დადგენილია, შესაბამისად, როგორც სამოქალაქო, ასევე, სისხლის სამართლებრივი პასუხისმგებლობის ზომები, რომლებიც შესაძლოა გამოყენებულ იქნეს, როგორც ცალ-ცალკე, ასევე, ერთობლივად.³¹¹ ხშირად ამერიკელი მეცნიერები ზუსტად ამ სახეებად ჰყოფენ საგადასახადო სანქციებს. მნიშვნელოვანი განსხვავება, რაც გამომდინარეობს ამ ორი სახის სანქციების დაკისრების დროს არის ის, რომ სამოქალაქო წესით პირის დაჯარიმების შემთხვევებში მტკიცების ტკირთი აწევს გადასახადის გადამხდელებს; მაშინ, როცა სისხლის სამართლებრივ საქმეებზე ეს ვალდებულება მთლიანად ბრალდების მხარეზეა გადასული. სანქციების დაკისრება, ასევე, განსხვავდება თანხების ამოღების მეთოდების მიხედვით. თუ ჯარიმის დაკისრება ისეთივე გზით და მეთოდოლოგით ხორციელდება, როგორც საგადასახადო ვალდებულების ძირითადი თანხების ამოღება, ამ შემთხვევაში ეს არის სამოქალაქო სახის სანქციები; თუმცა, თუ გადაწყვეტილებას სასამართლო იღებს, ამ შემთხვევაში სახეზეა სისხლისსამართლებრივი სანქცია.³¹²

სამოქალაქო და სისხლის სამართლებრივ სანქციებად საგადასახადო პასუხისმგებლობის ზომების კლასიფიკაცია, დამასხასიათებელია არა მხოლოდ ანგლო-ამერიკული სამართლებრივი სისტემისთვის, არამედ, ადამიანის უფლებათა ევროპული სასამართლოს პრეცედენტული სამართლისთვისაც. ადამიანის უფლებათა ევროპული კონვენციის მე-6 მუხლით სამართლიან სასამართლოზე უფლება შემოსაზღვრულია მხოლოდ სისხლის სამართლებრივი ბრალდებით ან სამოქალაქო სამართლებრივი უფლებით. იმისთვის, რომ განმცხადებელმა ადამიანის უფლებათა ევროპულ სასამართლოში სამართლიანი სასამართლოს მრავალასპექტიანი უფლების დარღვევაზე იდავოს, უნდა დაამტკიცოს მე-6 მუხლით გათვალისწინებული სისხლისსამართლებრივი ბრალდების, ან სამოქალაქო უფლების არსებობა.³¹³ განკეთვნება თუ არა ადმინისტრაციული სამართალდარღვევის და შესაბამისად, საგადასახადო სამართალდარღვევების საქმეები მე-6 მუხლით გათვალისწინებულ „სისხლის სამართლის ბრალდებას,“ თუ ეს საქმეები ხვდება სამოქალაქო სამართლებრივი დაცვის ქვეშ, ადამიანის უფლებათა ევროპული სასამართლო ცალკეულ შემთხვევაში მის მიერ წლების განმავლობაში პრეცედენტული სამართლით დამკვიდრებული კრიტერიუმების საფუძველზე ადგენს. სასამართლო თავის არაერთ გადაწყვეტილებაში მიუთითებს, რომ კონვენციის მიზნებიდან გამომდინარე იმის დასადგენად თუ რა ბუნებისაა პასუხისმგებლობა, რომელიც პირს ეკისრება, არ არის საკმარისი მხოლოდ იმის გარკვევა, სამართლის რომელ

³¹¹ ob. D. Cords, Tax Protestors and Penalties: Ensuring Perceived Fairness and Mitigating Systemic Costs, (Journal) Brigham Young University Law Review, pp. 1565-1571 <<http://lawreview.byu.edu/archives/2005/6/2CORDS.FIN.pdf>> [23.08.2012].

³¹² ob. Problems of Tax Administration in Latin America, Joint Tax program, Editor J. Hopkins, Organization of American States inter-American Development Bank, Economic Commission for Latin America, Johns Hopkins Univ. Press, 1965, pp. 319.

³¹³ ob. XI 1950 Rome, 4. Convention for the Protection of Human Rights and Fundamental Freedoms, <<http://conventions.coe.int/treaty/en/treaties/html/005.htm>> [23.08.2012].

სფეროს მიეკუთვნება ეს პასუხისმგებლობა ქვეყნის ეროვნულ კანონმდებლობაში. ეს საკითხი უნდა შემოწმდეს სამი ნიშნის მიხედვით, რომლიდანაც ერთ-ერთი არის ამა თუ იმ ქმედების ჩადენისთვის დაკისრებული სასჯელის სიმძიმე.³¹⁴ თავის არაერთ გადაწყვეტილებაში სასამართლომ მიუთითა, რომ თუ სანქცია თავისი არსით გაცილებით მდიმეა, ვიდრე ამ დარღვევის ჩადენით მიყენებული ზიანი, ეს უკანასკნელი სისხლის სამართლებრივი სანქცია, რომლის მიზანია დასჯა და შესაბამისად, არა სამოქალაქო სამართლებრივი სანქცია, რომლის მიზანია შესაბამისი კომპენსაციის მიღება. ასეთი მიღგომა სასამართლოს არაერთ გადაწყვეტილებაში იქნა აღნიშნული და დღესდღეობით პრეცედენტული სამართლის ნაწილი³¹⁵. სასამართლო მიუთითებს, რომ სისხლის სამართლებრივ სანქციებს, ტრადიციულად, განასხვავებენ მათი სადამსჯელო ბუნებით. შესაბამისად, ადმინისტრაციულ ჯარიმას და მათ შორის საგადასახადო ჯარიმებს, რომელსაც ამგვარი ბუნება გააჩნია, სისხლის სამართლებრივ სანქციას მიაკუთვნებს.³¹⁶ ამდენად, სასამართლომ სანქციის საგადასახადო კანონმდებლობით გათვალისწინების მიუხედავად, ამ სანქციის ზომის, მისი სიმძიმისა და სიმკაცრის მიხედვით, შეიძლება ეს უკანასკნელი სისხლის სამართლებრივი პასუხისმგებლობის ზომას მიაკუთვნოს.

7.1.1. ფინანსური ხასიათის სანქციები და მათი დაწესების საფუძვლები

სხვადასხვა ნიშნით საგადასახადო სანქციების კლასიფიკაციის განხილვისას, თავიდანვე აღინიშნა, რომ საგადასახადო სანქციები შეიძლება იქნა ფინანსური და არა ფინანსური ხასიათის. სამეცნიერო ლიტერატურაში გამოყოფილია საგადასახადო სამართალდარღვევების ჩადენისთვის დაწესებული ფინანსური (ფულადი) სანქციის ტრადიციული მხოლოდ ორი სახე: ჯარიმა და საურავი. საურავი, როგორც სანქციის სახე ჯარიმისგან განსხვავებით ცალკეული თავისებურებებით ხასიათდება და ამიტომ შემდგომში ცალკე იქნება განხილული.

რაც შეეხება ფულად ჯარიმებს, მათი დაწესების განსხვავებული კრიტერიუმები და საფუძვლები არსებობს. შესაბამისად, მათი სხვადასხვა სახე გამოიყოფა.

მთელ რიგ შემთხვევებში ჯარიმის ოდენობა დამოკიდებულია კონკრეტული საგადასახადო სამართალდარღვევის სახეზე, ხოლო სამართალდარღვევის

³¹⁴ მაგალითისთვის იხ. ადამიანის უფლებათა ევროპული სასამართლოს გადაწყვეტილებები: Janosevic v. Sweden, 2003, ECHR <<http://hudoc.echr.coe.int/sites/eng/pages/search.aspx?i=001-60628>> [23.07.2012],

Ziliberberg v. Moldava, 2005, ECHR <<http://hudoc.echr.coe.int/sites/eng/pages/search.aspx?i=001-68119>> [23.07.2012], Kirakosyan v. Armenia <<http://hudoc.echr.coe.int/sites/eng/pages/search.aspx?i=001-89959>> [23.07.2012].

³¹⁵ იხ. Fair Trial in Criminal Cases, Published by Council of Europe 10-13, Course Outline Fair Trial in Civil and Administrative Law/Public Law, Published by Council of Europe, pp. 7-11 <<http://www.coehelp.org/course/view.php?id=30>> [23.07.2012].

³¹⁶ იხ. ადამიანის უფლებათა ევროპული სასამართლოს გადაწყვეტილება Ziliberberg v. Moldava, 2005, ECHR, <<http://hudoc.echr.coe.int/sites/eng/pages/search.aspx?i=001-68119>> [23.07.2012].

სახიდან გამომდინარე – პირის მიერ ჩადენილი მართლსაწინააღმდეგო ქმედების შედეგად ბიუჯეტისთვის მიყენებული ზიანის მოცულობაზე.³¹⁷

საგადასახადო სამართალდარღვევისთვის ქართული კანონმდებლობიდან გამომდინარე ჯარიმა ინიშნება, როგორც ფიქსირებული თანხის სახით, ასევე, განსაზღვრული ფულადი თანხიდან გამომდინარე, პროცენტული გადასახდელის სახით. ჯარიმა, ასევე, შესაძლებელია დაინიშნოს ორივე საწყისის შერწყმით. შესაბამისად, ჯარიმები იყოფა ფიქსირებულ და არაფიქსირებულ ჯარიმის სახეებად. როგორც სამეცნიერო ლიტერატურაშია აღნიშნული, მთელ რიგ შემთხვევებში, საქართველოს საგადასახადო კოდექსი ითვალისწინებს ჯარიმის გამოანგარიშებას პროცენტებში გადასახდის გადამხდელის მიერ მიღებული შემოსავლიდან, დამატებით გადასახდელი თანხიდან, შემცირებული გადასახდის თანხიდან, დაუკავებელი (გადასარიცხი) გადასახდის თანხიდან, ჩასათვლელი ან დასაბრუნებელი გადასახდის თანხიდან, გადაუხდელი გადასახდის თანხიდან და ა.შ.³¹⁸

ცალკეულ შემთხვევებში საქართველოს კანონმდებლობა ითვალისწინებს ჯარიმის გამოანგარიშებას უდიდესი თანხის მიხედვით ან ფიქსირებული ფულადი გადასახდელის სახით. რამდენიმე საგადასახადო სამართალდარღვევის გამოვლენის შემთხვევაში (ე.წ. საგადასახადო სამართალდარღვევათა ერთობლიობა) გამოიყენება ე.წ. შეკრების პრინციპი. საგადასახადო სამართალდარღვევათა ერთობლიობისას საგადასახადო სანქცია გამოიყენება თოთოვეული სამართალდარღვევისთვის ცალ-ცალკეუფრო მკაცრი სანქცია – დიდი ოდენობის ჯარიმა არ შთანთქავს ნაკლებად მკაცრ სანქციას და საგადასახადო სანქციის გამოყენება, იმავდროულად, არ ათავისუფლებს გადამხდელს საგადასახადო ვალდებულების შესრულებისგან, რის შეუსრულებლობის გამოც დაეკისრა მას პასუხისმგებლობა.³¹⁹ აქვე უნდა აღინიშნოს, რომ თავად ამა თუ იმ სახის ჯარიმის დაწესების კონკრეტული საფუძვლები, საქართველოს კანონმდებლობით განმტკიცებული არ არის. არსად არ არის მითითებული და არ არსებობს თეორიული მსჯელობა ამა თუ იმ დარღვევის შემთხვევაში როგორ უნდა განისაზღვროს ჯარიმის ოდენობა. ამასთან, საქართველოს საგადასახადო კოდექსში ხშირია ცვლილებების შეტანა და ცალკეული სახის სამართალდარღვევებისთვის დაწესებული ჯარიმის ოდენობის ცვლილება. უმეტეს შემთხვევებში ასეთი ცვლილებების სამართლებრივი ასენა არ არსებობს და ხშირად საკანონმდებლო ცვლილებების ინიციატორი მიუთითებს მხოლოდ საგადასახადო პოლიტიკის ლიბერალიზაციის ან პირიქით, გამკაცრების საჭიროებაზე ქვეყნის ეკონომიკური ინტერესებიდან გამომდინარე, რაც, თავის თავად, არ არის ცვლილების სამართლებრივი შინაარსისა და ბუნების განმსაზღვრელი.

თეორიაში ჯარიმებს ყველაზე ხშირად გამოყენებად ადმინისტრაციულ სახდელებად მიიჩნევენ, რომელიც განსხვავებულია როგორც სისხლის

³¹⁷ იხ. ზ. როგავა, საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა, ბაქმი, თბილისი, 2009წ. გვ. 340.

³¹⁸ იხ. იქვე, გვ. 340-341.

³¹⁹ იხ. იქვე, გვ. 341.

სამართლებრივი, ასევე, სამოქალაქო ჯარიმებისგან.³²⁰ მეცნიერები მიუთითებენ, რომ ადმინისტრაციული ჯარიმა არის ერთჯერადი ფულადი გადასახდელი ადმინისტრაციული სამართლდარღვევის ჩამდენი პირის მიმართ, რომელიც არ არის ზიანის ანაზღაურება და ამავე დროს, არ იწვევს ნასამართლობას, მაგრამ უკავშირდება ფულად და ქონებრივი ხასიათის უარყოფით შედეგებს.³²¹

ზოგადად ჯარიმებს, როგორც ადმინისტრაციული სამართლდარღვევებისთვის დაწესებულ სანქციას, მეცნიერები ყველაზე მარტივად აღსრულებად სახდელად მიიჩნევენ. ამასთან, მეცნიერთა შეფასებით, მისი დაკისრებისას პიროვნების საერთო დახასიათებასთან ერთად აუცილებლად უნდა იქნეს გათვალისწინებული დარღვევის სიმძიმე, დამრღვევის მატერიალური მდგომარეობა, ხელფასი, სტიპენდია და სხვა სახის შემოსავლები.³²²

საინტერესოა იურიდიული პირებისთვის ჯარიმის დაკისრების საკითხი თეორიული კუთხით. სამეცნიერო ლიტერატურაში გამოქმული მოსაზრების თანახმად, ვინაიდან იურიდიული პირის ბრალი ცალკე არ არსებობს და ყოველთვის კონკრეტული ფიზიკური პირის ბრალთანაა დაკავშირებული, მას უნდა დაეკისროს ჯარიმის გადახდა საწარმოსთან ერთად.³²³ თუმცა, ამ შემთხვევაში საგადასახადო კანონმდებლობით მსგავსი სოლიდარული პასუხისმგებლობა და ერთობლივად საგადასახადო სამართლდარღვევისთვის დაკისრებული სანქციის გადახდის წესი, არ მოქმედებს. აქ გასათვალისწინებულია ის გარემოება, რომ საგადასახადო კანონმდებლობა ბრალს, როგორც პასუხისმგებლობის დაკისრების წინაპირობას, არ ითვალისწინებს.

ანგლო-ამერიკული სისტემის მიხედვით, ფულადი ჯარიმები, როგორც ფინანსური ხასიათის სანქციები, ძირითადად სამოქალაქო სანქციებს მიეკუთვნება. ამასთან, ფინანსური სანქციების დაწესებისას, ამერიკელი მკვლევარების აზრით, მნიშვნელოვანია იმ ზარალისა და თანხების დათვლა, რაშიც გამოიხატება გადასახადების გადაუხდელობით გამოწეული ზიანი.³²⁴ საინტერესოა ამერიკის მაგალითი ჯარიმების დაწესებასთან დაკავშირებით. ამერიკის შეერთებული შტატების საგადასახადო კოდექსი სანქციის სახით ჯარიმების დაწესებისას, ისევე, როგორც სხვა ქვეყნების კანონმდებლობა, მიმართავს ამ ჯარიმების დაწესების ორ გზას: პირველი, ესაა პირდაპირ დაწესებული განსაზღვრული თანხის ოდენობის ჯარიმა, ან გადაუხდელი გადასახადის განსაზღვრული პროცენტული მაჩვენებელი. ეს მიდგომები იცვლება იმის და მიხედვით, რამდენად მძიმეა ჩადენილი სამართლდარღვევა და რა მოცულობისაა

³²⁰ იხ. მ. სალხინაშვილი, ვ. ლორია, ადმინისტრაციული სახდელები და მათი გამოყენება, თბილისი, 2000წ. გვ. 61

³²¹ იხ. იქვე, გვ. 66

³²² იხ. იქვე, გვ. 66

³²³ იხ. ვ. ლორია, საქართველოს ადმინისტრაციული საპროცესო სამართლი, რედ. ა. ფალიაშვილი, გამომცემლობა მერიდიანი, თბილისი, 2002 წ. გვ. 270.

³²⁴ იხ. D. Cords, Tax Protestors and Penalties: Ensuring Perceived Fairness and Mitigating Systemic Costs, (Journal) Brigham Young University Law Review, 1565-1571, <<http://lawreview.byu.edu/archives/2005/6/2CORDS.FIN.pdf>> [23.08.2012].

გადაუხდელი გადასახადი.³²⁵ თუმცა, ჩადენილი სამართალდარღვევების გამოვლენის შესაძლებლობის გათვალისწინება და ადმინისტრირებაზე გაწეული ხარჯების შესაბამისი პასუხისმგებლობის ზომების დადგენა არ ხდება.³²⁶

ასევე, გარდა პროცენტებით გამოსათვლელი სანქციებისა, ანგლო-ამერიკული სისტემა ცნობს ჯარიმის თანხის პირდაპირ განსაზღვრას ფიქსირებული ოდენობებით ისეთი დარღვევებისთვის, რომლებიც რაიმე თანხის გადახდასთან კი არ არის დაკავშირებული, არამედ სხვა სახის ვალდებულებების შესრულებას, მაგალითად, დეკლარაციების წარდგენას და ა.შ. უკავშირდება.³²⁷

ფულადი სანქციების სახით ჯარიმების საკითხის თეორიულ გააზრებასთან ერთად მნიშვნელოვანია მისი პრაქტიკაში გამოყენების საკითხიც. საქართველოს სსიპ – შემოსავლების სამსახურის მიერ გაცემული ოფიციალური ინფორმაციის თანახმად, 2011 წლის 1 იანვრიდან 2012 წლის 20 სექტემბრამდე ჯარიმა, როგორც ფულადი სანქცია, საგადასახადო კოდექსით გათვალისწინებული სხვადასხვა სახის სამართალდარღვევისთვის გამოყენებულ იქნა 76792 შემთხვევაში (ამასთანავე აღნიშნული მონაცემი არ ასახავს სსიპ – შემოსავლების სამსახურის აუდიტის დეპარტამენტის მიერ გასვლითი საგადასახადო შემოწმების შედეგად სანქციის სახით შეფარდებული ჯარიმების რაოდენობას).³²⁸

7.1.2. არაფინანსური ხასიათის სანქციები

როგორც უკვე აღინიშნა, საქართველოს მოქმედი კანონმდებლობა საგადასახადო სამართალდარღვევებისთვის პასუხისმგებლობის ზომებად ფულად სანქციებთან ერთად, სანქციების არატრადიციულ სახეებსაც ადგენს, როგორიცაა: გაფრთხილება, საქართველოს საბაჟო საზღვრის გადაკვეთის უფლების შეზღუდვა, სამართალდარღვევის საქონლის ან/და სატრანსპორტო საშუალების უსასყიდლოდ ჩამორთმევა. ჩამოთვლილთაგან, გაფრთხილების გარდა, სანქციები გამოიყენება მხოლოდ საბაჟო-სამართლებრივი ურთიერთობების მომწესრიგებელი ნორმების შესრულებაზე პასუხისმგებელი პირების მიერ კანონმდებლობის მოთხოვნათა შეუსრულებლობის დროს და მათი დაკისრება არ ხდება კლასიკური საგადასახადო სამართალდარღვევების ჩადენის შემთხვევაში.

საქართველოში საგადასახადო სამართალდარღვევების ჩადენისთვის დაწესებულ არაფინანსურ სანქციას მიეკუთვნება გაფრთხილება. ამ სანქციის გამოყენება კლასიკური ადმინისტრაციული სამართალდარღვევების შემთხვევაში ფართოდ ხდება. მას, მსგავსად

³²⁵ ი. ა. Raskolnikov, Crime and Punishment in Taxation: Deceit, Deterrence and the self-adjusting Penalty, Columbia Law Review, April 2006, Columbia University - Law School, <http://papers.ssrn.com/sol3/papers.cfm?abstract_id=823468>, [23.08.2012].

³²⁶ ი. უკვე, <http://papers.ssrn.com/sol3/papers.cfm?abstract_id=823468>, [23.08.2012].

³²⁷ ი. ა. Tax Law Design and Drafting, Editor V. Thuronyi, International Monetary Fund, Volume 1, Washington D.C. 1996, pp. 130.

³²⁸ ი. სსიპ შემოსავლების სამსახურის მიერ გაცემული წერილობითი ინფორმაცია, №21-03/65091.

ქართული კანონმდებლობისა, სხვა ქვეყნის კანონმდებლობებიც იცნობს. თუმცა გაფრთხილების, როგორც საგადასახადო სამართალდარღვევების ჩადენისთვის სანქციის გამოყენება, ქართული კანონმდებლობით მხოლოდ გამონაკლის შემთხვევებშია შესაძლებელი. კერძოდ, გაფრთხილება, როგორც სანქცია, გამოიყენება საკონტროლო-სალარო აპარატების მოხმარების ცალკეული წესების, საქონლის დოკუმენტების გარეშე ტრანსპორტირების, რეალიზაციისა და აღრიცხვის წესებისა და ასევე, საბაჟო წესების დარღვევებისთვის. ამდენად, ამ სანქციის გამოყენება, ფინანსური სახის სანქციებისგან განსხვავებით, ყველა სახის საგადასახადო სამართალდარღვევისთვის არ ხდება. საინტერესოა გაფრთხილების სამართლებრივი ბუნების დადგენა. საგადასახადო სანქციების პარალელურად, საქართველოს კანონმდებლობა ადგენს ადმინისტრაციული პასუხისმგებლობის ზომებს ადმინისტრაციული სამართალდარღვევათა კოდექსით, რომელიც სხვადასხვა სახის სანქციებს შორის ცნობს გაფრთხილებას. ვინაიდან, საქართველოს საგადასახადო და ასევე, ადმინისტრაციულ სამართალდარღვევათა კოდექსით დადგენილი სანქციები მსგავსი ბუნების მატარებელია, საინტერესოა მეცნიერთა შეფასებები ამ სანქციის მიმართ. სამეცნიერო ლიტერატურაში გაფრთხილება ყველაზე მსუბუქ ფორმადაა მიწნეული, რომელიც როგორც წესი, აღსრულდება დადგენილების გამომტანი პირის მიერ დადგენილების მიღებისთანავე ამ გაფრთხილების საჯარო წაკითხვით.³²⁹ თუმცა ადმინისტრაციული სამართალდარღვევების შემთხვევისგან განსხვავებით, საგადასახადო კანონმდებლობა არ აკონკრეტებს ასეთი სახდელის აღსრულების წესს. ამასთან, მსგავსი საჯარო წაკითხვის პრაქტიკა საგადასახადო ორგანოების მხრიდან, აღსრულების პროცესში არ არსებობს. შესაბამისად, ამ მიმართულებით საგადასახადო კანონმდებლობაში ერთგვარი ვაძუუმია.

რამდენიმე თვის განმავლობაში, კერძოდ, 2011 წლის 1 აპრილიდან 2011 წლის 22 ნოემბრამდე³³⁰ საქართველოს საგადასახადო კოდექსით გათვალისწინებული იყო კიდევ ერთი არაფინანსური სახის სანქცია საგადასახადო სამართალდარღვევებისთვის - საგადასახადო კანონმდებლობის სწავლება, თუმცა საინტერესოა, რომ აღნიშნული სახის სანქციის ანალოგი სხვა ქვეყნის კანონმდებლობით დადგენილი არ არის. საკანონმდებლო ცვლილებების მიუხედავად, საგადასახადო ორგანოებს მისი პრაქტიკაში რეალიზაცია არ განუხორციელებიათ. აღნიშნული დასტურდება სსიპ - შემოსავლების სამსახურის მიერ 2012 წლის 20 სექტემბერს გაცემული №21-03/65091 ოფიციალური ინფორმაციის თანახმად.³³¹

³²⁹ იხ. ვ. ლორია, საქართველოს ადმინისტრაციული საპროცესო სამართალი, რედ. ა. ფალიაშვილი, გამოცემებლობა მერიდიანი, თბილისი, 2002 წ. გვ. 269.

³³⁰ იხ. საქართველოს კანონი „საქართველოს საგადასახადო კოდექსში ცვლილებებისა და დამატების შეტანის შესახებ“ გამოქვეყნებული ვებ-პორტალი, 110401014, 01.04.2011წ სარეგისტრაციო კოდი 200000000.05.001.016263 მუხლი 1, პუნქტი 4 და საქართველოს კანონი „საქართველოს საგადასახადო კოდექსში ცვლილებების შეტანის შესახებ“ გამოქვეყნებული ვებ-პორტალი, 111122011, 22/11/2011წ სარეგისტრაციო კოდი 200000000.05.001.016465 მუხლი 1, პუნქტი 35.

³³¹ იხ. სსიპ შემოსავლების სამსახურის მიერ გაცემული წერილობითი ინფორმაცია, №21-03/65091. გაცემულ ინფორმაციაში საერთოდ არ არის მითითებული საგადასახადო

შესაძლებელია ზუსტად ამ საფუძვლით კანონმდებელმა რამდენიმე თვის შემდეგ ეს ნორმა საქართველოს საგადასახადო კოდექსიდან ამოიღო.

საგადასახადო სამართალდარღვევების ჩადენისთვის დაწესებული არაფინანსური სანქციების გამოყენება აქტიურად შეისწავლება სამეცნიერო ლიტერატურაში. ამასთან, მათი გამოყენება ფინანსურ სანქციებთან შედარებით უფრო იშვიათია. თუმცა, როგორც სხვადასხვა კვლევა ადასტურებს, საგადასახადო სანქციის ყველაზე გავრცელებული სახე – ფულადი ჯარიმა, საგადასახადო სამართალდარღვევების ჩადენის შემთხვევაში, ყოველთვის პასუხისმგებლობის ეფექტური ზომა არ არის. მიუხედავად იმისა, რომ უმრავლეს სამართლებრივ სისტემაში საგადასახადო ორგანოებს გააჩნიათ სხვადასხვა სამართლებრივი ბერკეტები გადასახადის გადამხდელთა ქონების და შემოსავლების მიმართ იძულების მექანიზმების გამოყენების თვალსაზრისით, მაგალითად, დააყადაღონ გადამხდელის ქონება, მისი საბანკო ანგარიშები და ხელფასის სახით მიღებული შემოსავლები, ან მოახდინონ ქონების იძულებითი რეალიზაცია, ცალკეულ შემთხვევებში ეს მექანიზმები მაინც არ არის საკმარისი და ეფექტური ფინანსური სანქციების აღსრულებისთვის. აღნიშნულის გათვალისწინებით, ნაწილი მკვლევარებისა თვლის, რომ კანონმდებლობით დაწესებული უნდა იყოს ფინანსური სანქციის უფრო მეტი ალტერნატივები, ვიდრე მხოლოდ გაფრთხილებაა. მაგალითად, სპეციალური უფლების შეზღუდვა (მაგალითად, ფინანსისტების სამართალდარღვევის ჩადენის შემთხვევაში, დოროებით ჩამოერთვას ფინანსური საქმიანობის განხორციელების უფლება). ზოგიერთ სამართლებრივ სისტემაში, შესაძლოა საგადასახადო სამართალდარღვევებისთვის პასუხისმგებლობის ზომას მიეკუთვნებოდეს მეწარმე სუბიექტებისთვის შესაბამისი ლიცენზიებისა და საქმიანობების ნებართვების ჩამორთმევა. ამ ალტერნატიული ზომების გამოყენებას სკეპტიკურად აფასებს თეორეტიკოსთა მეორე ნაწილი, რომელსაც მიაჩნია, რომ მსგავსი ზომების გამოყენებამ შესაძლოა გადამხდელების სამეწარმეო საქმიანობაზე უარყოფითი გავლენა იქონიოს. აღნიშნული კი, თავის მხრივ, შეამცირებს ამ საწარმოთა მოგებას და მათი მხრიდან საგადასახადო გალდებულებათა შესრულების შესაძლებლობა დაიკლებს. ისინი ამ არაფინანსური სანქციების გამოყენების შესაძლებლობას განიხილავენ მხოლოდ მას შემდეგ, რაც გადამხდელი დადგენილი გეგმის და შეთანხმებული ფინანსური ცხრილის მიხედვით ვერ დაფარავს საგადასახადო დავალიანებას.³³²

საქართველოს კანონმდებლობის თანახმად, ლიცენზიის ჩამორთმევა ან მისი მოქმედების შეჩერება არ წარმოადგენს საგადასახადო სამართალდარღვევებისთვის დადგენილ პასუხისმგებლობის ზომას, არამედ არის სალიცენზიო პირობების დარღვევის შესაძლო თანმდევი შედეგები და ემსახურება ზოგადად საჯარო წესრიგის სტაბილურობას და არა

სწავლების, როგორც სანქციის სახის გამოყენების თაობაზე, რაც მიუთითებს იმაზე რომ აღნიშნული სანქცია საერთოდ არ იყო გამოყენებული.

³³² ი. ს. Tax Law Design and Drafting, V. Editor Thuronyi, International Monetary Fund, Volume 1, Washington D.C. 1996, pp.128.

კონკრეტული საგადასახადო ნორმების დაცვას.³³³ ცალკეულ სამართლებრივ სისტემებში შესაძლებელია განსაზღვრული იყოს არაფინანსური, არაორდინალური სანქციებიც. მაგალითად, შვედეთში მოქმედებს პასუხისმგებლობის საკმაოდ საინტერესო ზომა: შემოწმებული გადასახადის გადამხდელებისა და მათ მიმართ გამოყენებული სანქციების გასაჯაროება.³³⁴ აღნიშნულ მოქმედებას აქვს პრევენციის საკმაოდ მაღალი ეფექტი, ვინაიდან ზეგავლენას ახდენს სამეწარმეო ურთიერთობებსა და სამოქალაქო ბრუნვაში მონაწილე სუბიექტების სანდორბაზე. თუმცა, იგივე იაპონიაში, სადაც ხდება გადამხდელთა სიების გამოქვეყნება, აქვეყნებენ მხოლოდ მსხვილი გადამხდელების შესახებ ინფორმაციას და ამ შემთხვევაში მას ნაკლებად აქვს პრევენციის მიზანი. საფრანგეთშიც გამოიყენება შესაბამისი გამოქვეყნების პრაქტიკა დაკისრებული თანხების ოდენობების მითითებით, თუმცა სიაში ყოფნა არ არის სანქცია და მხოლოდ ინფორმაციული ღონისძიების ხასიათს ატარებს.³³⁵

საქართველოს საგადასახადო კოდექსში 2012 წელს 12 ივნისიდან შესული ცვლილებების თანახმად, ასეთი ტიპის ინფორმაცია, ასევე, საჯარო გახდა, თუმცა მას სანქციის დატვირთვა არ გააჩნია და მხოლოდ გადამხდელის შესახებ არსებული ინფორმაციის გასაჯაროებას ნიშნავს.³³⁶

გადამხდელის მიმართ დაკისრებული პასუხისმგებლობის შესახებ ინფორმაციის გასაჯაროება, როგორც სანქციის სახე, შესწავლილი აქვს ამერიკელ მეცნიერს - ოლივერ ორდმენს. მას მიმოხილული აქვს აღნიშნული ღონისძიების, როგორც სანქციის სახე რამდენიმე ქვეყნის მაგალითზე, თუმცა მიაჩნია, რომ მისი დაწესება სხვა ქვეყნის საგადასახადო სისტემებში არ იქნება მიზანშეწონილი, ვინაიდან ასეთი გამოქვეყნება არ არის შესწავლილი სხვადასხვა ქვეყნის კონტექსტიდან გამომდინარე. ამის გამო მეცნიერი თვლის, რომ საჭიროა აღნიშნული მოქმედების, როგორც სანქციის ბუნების კარგად შესწავლა თითოეული ქვეყნის მაგალითზე მის პრაქტიკაში რეალიზაციამდე.³³⁷

სამეცნიერო ლიტერატურაში ხშირად განიხილება საკითხი, რამდენად ეფექტურია ისეთი არაფინანსური სანქციების დაწესება, როგორიცაა, მაგალითად, თავისუფლების აღკვეთა, ან საჭიროა თუ არა საგადასახადო სამართლდარღვევებისთვის სისხლის სამართლებრივი პასუხისმგებლობის დაწესება, თუ საკმარისია ამისთვის სამოქალაქო პასუხისმგებლობის

³³³ იხ. ლიცენზიებისა და ნებართვების შესახებ საქართველოს კანონი (გამოქვეყნებული საქართველოს საკანონმდებლო მაცნე, №40, 18.07.2005, მუხ.264), 22-ე მუხლი, 2012 წლის 1 ოქტომბრის მდგომარეობით.

³³⁴ აღნიშნული გამოწვეული იყო დიდი ხნის განმავლობაში სიტყვისა და პრესის თავისუფლების მაღალი ხარისხით. იხ. Problems of Tax Administration in Latin America, Joint Tax program, Editor J. Hopkins, Organization of American States inter-American Development Bank, Economic Commission for Latin America, Johns Hopkins Univ. Press, 1965, pp. 311.

³³⁵ იხ. იქვე, pp. 311-312.

³³⁶ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 39-ე მუხლი, 1-ლი ნაწილი, 2012 წლის 25 ივნისის მდგომარეობით.

³³⁷ იხ. Problems of Tax Administration in Latin America, Joint Tax program, Editor J. Hopkins, Organization of American States inter-American Development Bank, Economic Commission for Latin America, Johns Hopkins Univ. Press, 1965, pp. 312- 313.

ზომების შეფარდება და ამ მიმართულებით სისხლისსამართლებრივი კანონმდებლობის ლიბერალიზაცია. აღნიშნულთან დაკავშირებით ერთმნიშვნელოვანი პოზიცია მეცნიერთა შორის არ არსებობს და ეს უკანასკნელი ქვეყნის საგადასახადო პოლიტიკასა და სამართლებრივ სისტემაზეა დამოკიდებული.³³⁸

ამავე დროს, მეცნიერები განიხილავენ პასუხისმგებლობის დაწესების საფუძვლებს, თუ როგორ უნდა განისაზღვროს პასუხისმგებლობის ზომები და მათი ოდენობა სხვადასხვა სახის საგადასახადო სამართალდარღვევების ჩადენისას. ამერიკელ მეცნიერთა მოსაზრებით, საგადასახადო სფეროში სამართალდარღვევების დიდი ნაწილი გამოიხატება კანონმდებლობით დადგენილი გამოქვითვების არამართლზომიერად გაზრდაში. მათი აზრით, ამის გამო უმჯობესია დაწესდეს ფინანსური სანქციები იმ ოდენობით, რომელიც შეესაბამება დეკლარაციებში მითითებული გამოქვითვების ოდენობას, რაც, თავის მხრივ, შეიცავს გარკვეული ოდენობის უკანონო გამოქვითვებს. შესაბამისად, რაც უფრო რთული იქნება ამ გამოქვითვების დადგენა საგადასახადო ადმინისტრაციების მხრიდან, მით უფრო მაღალი უნდა იყოს მოსალოდნელი სანქციის დაკისრების შესაძლებლობა. ამ შემთხვევაში კოლუმბიის სამართლის სკოლის პროფესორს მიაჩნია, რომ სანქციების ეფექტურობა საგადასახადო სამართალდარღვევების ჩადენისთვის გაიზრდება.³³⁹ ზოგიერთი მეცნიერი ფიქრობს, რომ საგადასახადო სამართალდარღვევებისთვის განსაზღვრული პასუხისმგებლობის უმრავლესობა არ არის დადგენილი იმის და მიხედვით, თუ რა მატერიალური თუ ადამიანური რესურსი იხარჯება ამ დარღვევების გამოვლენისთვის. იმ პირობებში, როცა გადასახადის გადამხდელები იყენებენ სხვადასხვა საშუალებებს და მეოთხებს, არ გადაიხადონ გადასახადები, არსებული ზომები არის აშკარად არაპროპორციული.³⁴⁰

გარდა ამისა, საინტერესოა საგადასახადო პასუხისმგებლობის დაკისრების საკითხი კონკრეტული უფლებამოსილი პირისთვის და შესაბამისი სპეციალური სახის სანქციის შემოღება, რომელსაც მეცნიერები უფლებამოსილი პირის სანქციას უწოდებენ. აღნიშნულ სპეციალურ სუბიექტს მეცნიერები მიაკუთვნებენ იმ ფიზიკურ პირს, რომელსაც უკისრება პასუხისმგებლობა საწარმოში საგადასახადო საკითხებზე. მისი მხრიდან ვალდებულების შეუსრულებლობის გამო, სანქციის გამოყენება მოხდება კონკრეტულად ამ უფლებამოსილი ფიზიკური პირის და არა საწარმოს, როგორც იურიდიული პირის მიმართ.³⁴¹

³³⁸ ი. ა. Raskolnikov, Crime and Punishment in Taxation: Deceit, Deterrence and the self-adjusting Penalty, Columbia Law Review, April 2006, Columbia University - Law School, <http://papers.ssrn.com/sol3/papers.cfm?abstract_id=823468> [23.08.2012].

³³⁹ ი. ა. რასკოლნიკოვი, <http://papers.ssrn.com/sol3/papers.cfm?abstract_id=823468> [23.08.2012].

³⁴⁰ ი. ა. რასკოლნიკოვი, <http://papers.ssrn.com/sol3/papers.cfm?abstract_id=823468> [23.08.2012].

³⁴¹ ი. ა. Tax Law Design and Drafting, Editor V. Thuronyi, International Monetary Fund, Volume 1, Washington D.C. 1996, pp. 128.

7.2. საგადასახადო სანქციების მიზნები და ფუნქციები

მსგავსად სხვა სახის სანქციათა მიზნებისა და ფუნქციებისა, საინტერესოა საგადასახადო სამართალდარღვევებისთვის დაწესებული სანქციების მიზნების და ფუნქციების არსის განსაზღვრა. კონკრეტული სანქციის მიზნისა და ფუნქციის დადგენით ხდება სანქციის დანიშნულების განსაზღვრა, თუ რა მიზნის მიღწევა სურს კანონმდებელს ამ ზომის დადგენით, შესაძლებელია თუ არა ამ მიზნის მიღწევა და ამავე დროს, თავისი ფუნქციის შესრულება, რაც კონკრეტული ზომის შემთხვევაში იქნა განსაზღვრული.

7.2.1. მიზნები

საგადასახადო სანქციათა დაწესების მიზნებს შორის, პირველ რიგში, გამოყოფებ გადამხდელთა მიერ სამართალდარღვევის ჩადენის შემაკავებელ ეფექტს მოსალოდნელი პასუხისმგებლობის ზომის გამო. ამასთან მნიშვნელოვანია, პასუხისმგებლობის შესაბამისი ზომა იყოს სამართლიანი და პროპორციული იმ სიკეთისა, რაც ხელყოფილ იქნა სამართალდარღვევის ჩადენის დროს.³⁴²

სამეცნიერო ლიტერატურაში განიხილავენ სხვადასხვა სახის თეორიებს, რომლებიც ეხება სანქციის მიზნებს. ერთ-ერთი ასეთი თეორიაა რაციონალური არჩევანის თეორია, რომელიც სამართალდამრღვევების მიმართ პასუხისმგებლობის სხვადასხვა ზომის გამოყენებასთან დაკავშირებით აღნიშნავს, რომ სანქციის შესაბამისმა ზომებმა შესაბამის მიზანს რომ მიაღწიოს, აუცილებელია, ეს სანქციები იყოს საკმარისად მკაცრი და საგადასახადო აღმინისტრაციებს ჰქონდეთ მათი გამოყენების რეალური საშუალება. აღნიშნული თეორია რაციონალურ მიღგომას ინდივიდუალურ ჭრილში განიხილავს თითოეული გადამხდელის მიმართ და თვლის, რომ ყველა გადამხდელისთვის ერთი და იგივე შემთხვევები რაციონალური ვერ იქნება და დამოკიდებულია გადამხდელების მატერიალურ მდგომარეობასა და სხვა გარემოებებზე. ერთობლიობაში კი ამ ორივე მიზანმა უნდა სძლიოს გადამხდელების მიერ სამართალდარღვევის ჩადენის შემთხვევაში შესაძლო მისაღებ სიკეთეს, რათა პასუხისმგებლობის ზომებიდან გამომდინარე გაიზარდოს სამართალდარღვევების ჩადენის პრევენციის დონე.³⁴³

ამერიკელი მეცნიერები, როგორც აღინიშნა, პასუხისმგებლობის ზომებად საგადასახადო სამართალდარღვევებისთვის მოიაზრებენ, როგორც ფინანსურ სანქციებს, ასევე, თავისუფლების შემზღვდველ პასუხისმგებლობის ზომებს, თუ დარღვევა სერიოზულ ხასიათს ატარებს. თუმცა, ფინანსურ სანქციებს გააჩნია დადგებითი ეკონომიკური ეფექტი, მაშინ როცა პატიმრობა და თავისუფლების აღკვეთა უფრო მეტი დანახარჯების გაწევას გულისხმობს. მეცნიერთა აზრით, ფინანსური სანქციები შესაძლოა დადგინდეს იმ

³⁴² ი. საგადასახადო სანქციების მიზნები და ფუნქციები, Tax Law Design and Drafting, Editor V.Thuronyi, International Monetary Fund, Volume 1, Washington D.C. 1996, pp. 111

³⁴³ ი. იქვე, pp. 120 -122.

ოდენობით, რომ დაფაროს საგადასახადო ორგანოების მხრიდან ჩადენილი სამართალდარღვევის გამოვლენისთვის დახარჯული თანხები, ასევე, ამ სანქციის გამოყენებით შესაძლოა მთლიანად იფარებოდეს საგადასახადო ადმინისტრაციების ხარჯები.³⁴⁴ ზოგი მეცნიერი ფიქრობს, რომ ქონებრივი ხასიათის პასუხისმგებლობის ზომების დაწესებისას სახელმწიფო ხშირად მიზნად ისახავს ბიუჯეტის საშემოსავლო ნაწილის მაქსიმალურ ზრდას. ასეთ პირობებში სახელმწიფო დაინტერესებულია კანონის მოთხოვნათა სისტემატური დარღვევებით, რათა გადახდილი ჯარიმებისა და სხვა სახის სახდელების მეშვეობით უზრუნველყოს ბიუჯეტის საშემოსავლო ნაწილის შესრულება.³⁴⁵ თუმცა საგადასახადო სამართალდარღვევებისთვის დაწესებული მკაცრი სანქცია, როგორც წესი, არ აუმჯობესებს საგადასახადო დისციპლინის მდგრომარეობას და ამასთან, წინააღმდეგობაში მოდის სანქციის არარეპრესიულობის მიზანთან.

საგადასახადო სამართალდარღვევის გამო სანქციის არარეპრესიულობის მიზანია, საგადასახადო პასუხისმგებლობის დაკისრებისას პირის მატერიალური მდგრომარეობის გათვალისწინება. პირის მიმართ გამოყენებული სანქცია არ უნდა უზღუდავდეს მას მომავალში შემოსავლების მიღების შესაძლებლობას. აღნიშნული არა მხოლოდ საგადასახადო განაკვეთების დაღვენისას უნდა იქნეს მხედველობაში მიღებული, არამედ საგადასახადო სამართალდარღვევებისთვის პასუხისმგებლობის ზომების დაწესების დროსაც.³⁴⁶

საგადასახადო პასუხისმგებლობის ზომა პირის მიმართ გამოყენებულ უნდა იქნეს სამართალდარღვევი პიროვნების, ბრალის ხარისხის, პასუხისმგებლობის შემამსუბუქებელი და დამამდიმებელი გარემოებების გათვალისწინებით.³⁴⁷

სანქციის მიზანი თავისთავად არის არა მხოლოდ კონკრეტული გადამხდელის მიერ მომავალში სამართალდარღვევის ჩადენის თავიდან აცილება, არამედ ზოგადი პრევენციაც, რამეთუ მისი გამოყენების საშიშროება და სხვათა მიმართ სანქციების გამოყენების პრაქტიკა, აიძულებს გადამხდელებს არ ჩაიდინონ რაიმე სახის გადაცდომა. თუმცა, სამართალდარღვევის არჩადენა მაინც დამოკიდებულია ორ გარემოებაზე: სწორად განისაზღვროს და შეირჩეს სანქციის ზომა და მეორე, კანონმდებლობა იყოს რაციონალური და გასაგები. გადამხდელს უნდა შეეძლოს ლოგიკურად განსაზღვროს რა არჩევანის წინაშე დგას. ამ შემთხვევაში, ეკონომისტთა მოსაზრებით, გადამხდელი სამართალდარღვევას ჩაიდენს მაშინ, თუ მისი ჩადენა უფრო მეტ სარგებელს მოუტანს, ვიდრე მოსალოდნელი ჯარიმის ოდენობაა.³⁴⁸

³⁴⁴ იბ. Tax Law Design and Drafting, Editor V.Thuronyi, International Monetary Fund, Volume 1, Washington D.C. 1996, pp. 111-1112.

³⁴⁵ იბ. ზ. როგავა, საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა ბაქმი, თბილისი, 2009წ. გვ. 298.

³⁴⁶ იბ. იქვე, გვ. 302.

³⁴⁷ იბ. იქვე, გვ. 302.

³⁴⁸ იბ. Tax Law Design and Drafting, V. Editor Thuronyi, International Monetary Fund, Volume 1, Washington D.C. 1996, pp. 118-120.

როგორც აღინიშნა, საერთო სამართლის სისტემებში საგადასახადო სამართლდარღვევებისთვის შესაძლებელია დაწესდეს, როგორც სამოქალაქო, ასევე, სისხლის სამართლებრივი სანქციები. ამ შემთხვევაში სამოქალაქო სანქციებს, როგორც წესი, გააჩნია ორი მიზანი: ადგენოს კონკრეტული დარღვევა, მოხდეს ზიანის ანაზღაურება და წაახალისოს კანონმდებლის მოთხოვნათა შესრულება, ხოლო მისი მეორადი მიზანი, სისხლის სამართლებრივი პასუხისმგებლობის მსგავსად, პირის დასჯაა სამართლდარღვევის ჩადენის შემთხვევაში. ივარაუდება, რომ სამოქალაქო ხასიათის სანქციები ადვილად განსაზღვრებადი და ადვილად ადმინისტრირებადია. ყველაზე მარტივი გზა ამისთვის არის სანქციების სახით ჯარიმების დაწესება, რომელიც გამოითვლება შეუსრულებელი ვალდებულებების კონკრეტული პროცენტული ოდენობებით.³⁴⁹ თუმცა, როგორც ზემოთ უკვე აღინიშნა, ჯარიმები შესაძლებელია ფიქსირებული თანხის სახითაც იყოს განსაზღვრული.

ამავე დროს, ისეთ სისტემებში, სადაც ადმინისტრაციული და სამოქალაქო პასუხისმგებლობები ერთმანეთისგან დამოუკიდებლად არსებობს, სამოქალაქო სანქციებისგან განსხვავებით, მას არ აქვს მხოლოდ ზიანის ანაზღაურების მიზანი და ამ შემთხვევაში ადმინისტრაციული სამართლის სანქციებში სისხლის სამართლდარღვევათა მსგავსად დასჯის ელემენტი წინ იწევა.

როგორც ამერიკელი მკვლევარები მიუთითებენ, ყველაზე მნიშვნელოვანია სანქციის მნიშვნელობის გაგება. სანქციები ვერ მიაღწევს მიზანს იმ შემთხვევაში, თუ გადამხდელებს არ აქვთ გაცხობიერებული მათი მნიშვნელობა და ვალდებულებათა შეუსრულებლობის გამო პასუხისმგებლობის დაკისრების შესაძლებლობა. მნიშვნელოვანია, რომ საგადასახადო ადმინისტრაციებს მარტივად შეეძლოთ სამართლდარღვევების გამოვლენა და მათზე რეაგირების მოხდენა. გამომდინარე აქედან, ნორმები, რომელთა მოთხოვნების შესრულების შემოწმება არის ყველაზე ადვილი, აღსრულების მაღალი მაჩვენებლით ხასიათდება. შესაბამისად, კანონმდებლის ის მოთხოვნები, რომელთა შესრულების შემოწმება როგორია, ყველაზე ხშირად ხდება სამართლდარღვევის ჩადენის სამიზნე.³⁵⁰

საგადასახადო სამართლდარღვევების ფინანსური ხასიათიდან გამომდინარე ლოგიკურია ფინანსური სანქციების დაწესება, თუმცა ამ სანქციების გამოყენება ყოველთვის ეფექტური არ არის. თუ გადასახადის გადამხდელი არის გაკოტრების ზღვარზე, ან გადახდისუუნარო და არ აქვს შესაძლებლობა გადაიხადოს გადასახადები და მით უმეტეს, დაკისრებული სანქცია, ამ შემთხვევაში ზოგიერთ მეცნიერს მიაჩნია, რომ დაწესებული უნდა იყოს საპატიმრო სანქციები, ვინაიდან ფინანსური ხასიათის სანქციებით მიზანი ვერ მიიღწევა. თუმცა, უმრავლეს სამართლებრივ სისტემებში სამოქალაქო დარღვევებისთვის პატიმრობა არ არის დადგენილი და როგორც ლიტერატურაშია მითითებული, უპირატესობა შეიძლება

³⁴⁹ ob. Tax Law Design and Drafting, V. Editor Thuronyi, International Monetary Fund, Volume 1, Washington D.C. 1996, pp. 127.

³⁵⁰ ob. იქვე, pp. 130-131.

მიენიჭოს სხვადასხვა სახის უფლებების შეზღუდვას პასუხისმგებლობის დაკისრების სახით. ამასთან, გასათვალისწინებელია, რომ ეს სანქციები არ უნდა იწვევდეს საწარმოს საქმიანობის შეჩერებას, რაც უარყოფითად იმოქმედებს საწარმოს საქმიანობაზე და მომავალში თანხების მოძიებას შეუძლებელს გახდის.³⁵¹

საგადასახადო სანქციის მიზნებთან ერთად საინტერესოა ზოგადად ადმინისტრაციული სახდელების მიზნების განსაზღვრაც. სამეცნიერო ლიტერატურაში გამოყოფებ ადმინისტრაციული სანქციის ორ ძირითად მიზანს: დამრღვევის დასჯა და სამართალდარღვევის თავიდან აცილება.³⁵² ცალკეულ შემთხვევებში კი სანქციის მიზანია სამართალდამრღვევის მიერ ჩადენილი ქმედებისთვის სამართლიანი ზემოქმედების ზომის გამოყენება.³⁵³

7.2.2. ფუნქციები

საგადასახადო სამართალდარღვევებისთვის დაწესებულ სანქციის ზომებს მიზნებთან ერთად გააჩნია შემდეგი ფუნქციები: დასჯის, პრევენციის და სახელმწიფოს მიერ გაწეული ხარჯების ანაზღაურების ფუნქცია.³⁵⁴ ფუნქციები და მიზნები ძალიან პგავს ერთმანეთს, თუმცა ლიტერატურაში ერთმანეთისგან დამოუკიდებლად განიხილება.

სანქციას შეუძლია, პირველ რიგში, აღკვეთოს დარღვევა და გაზარდოს შესრულების ოდენობა. თუმცა, სანქცია უნდა იყოს თავისთავად სამართლიანი. უმეტეს სამართლებრივ სისტემებში სანქციის გამოყენება ნიშნავს პირის მიერ ბრალეულად ვალდებულებათა შეუსრულებლობის შემთხვევაში, მის მიმართ პასუხისმგებლობის პროპორციული ზომის გამოყენებას. დარღვევების ადგვეთის და პრევენციულ ფუნქციასთან ერთად, ფინანსური ხასიათის სანქციებს აქვს ბიუჯეტის შემოსავლითი ნაწილის შევსების ფუნქცია, მაშინ როცა არაფულადი ხასიათის სანქციები იწვევს საბიუჯეტო სახსრების ხარჯებას. უფრო მეტიც, ფინანსური სანქციების დადგენა ისეგა შესაძლებელი, რომ დაფაროს ყველა ადმინისტრაციული ხარჯი, რაც გაწეული იქნება ამ სამართალდარღვევების გამოსავლენად. ანდა, სანქციები დაწესდეს იმისთვის, რათა წახალისებულ იქნეს დავის ადრეულ სტადიაზე გადაწყვეტის საკითხი. საგადასახადო სანქციას მართლაც აქვს მნიშვნელოვანი პრევენციული ფუნქცია საზოგადოების წევრებისთვის, რა დროსაც ხაზგასმულია გადასხადების გადახდის განსაკუთრებული მნიშვნელობა, რაც სხვადასხვა სამართლებრივ სისტემაში განსხვავებულად გამოიხატება ორივე ტიპის პასუხისმგებლობის დაწესებით:

³⁵¹ ი. მ. Tax Law Design and Drafting, V. Editor Thuronyi, International Monetary Fund, Volume 1, Washington D.C. 1996, pp. 132-134.

³⁵² ი. მ. სალხინაშვილი, ვ. ლორია, ადმინისტრაციული სახდელები და მათი გამოყენება, თბილისი, 2000წ. გვ. 18.

³⁵³ ი. იქვე, გვ. 31.

³⁵⁴ ი. D. Cords, Tax Protestors and Penalties: Ensuring Perceived Fairness and Mitigating Systemic Costs, (Journal) Brigham Young University Law Review, pp. 1565-1571, <<http://lawreview.bry.edu/archives/2005/6/2CORDS.FIN.pdf>> [23.08.2012].

სამოქალაქო და სისხლის სამართლებრივი³⁵⁵ მეცნიერები თვლიან, რომ სისხლის სამართლებრივი სანქციები, რომელთა შეფარდებისთვის უფრო ძალალი მტკიცების სტანდარტია საჭირო, მართალია შედარებით იშვიათად გამოიყენება, მაგრამ გააჩნია რეალურად პრევენციის ფუნქცია სამოქალაქო და ადმინისტრაციულ სანქციებთან შედარებით.³⁵⁶

7.3. საურავი – როგორც საგადასახადო პასუხისმგებლობის თავისებური ზომა

როგორც სადისერტაციო ნაშრომის წინამდებარე თავის დასაწყისში აღინიშნა, საგადასახადო სამართალდარღვევებისთვის კანონმდებლობით განსაზღვრულ ერთ-ერთ ფინანსურ სანქციას მიეკუთვნება საურავი. ვინაიდან, ეს უკანასკნელი საგადასახადო ჯარიმისგან, როგორც ფულადი სახის სანქციისგან განსხვავებით, მთელი რიგი თავისებურებებით ხასიათდება, მისი კალკუ განხილვა მიზანშეწონილად მიმაჩნია.

საურავი, მსგავსად საგადასახადო ჯარიმებისა თუ სანქციის სხვა სახეებისა, არ არის დადგენილი მხოლოდ საგადასახადო კანონმდებლობით და მის ცნებას ითვალისწინებს, როგორც საჯარო სამართლებრივი, ასევე, კერძო სამართლებრივი ნორმები.

კერძო სამართლებრივი ნორმებისა თუ საჯარო სამართლებრივი ურთიერთობების მომწესრიგებელი სხვა ნორმებისგან განსხვავებით, საურავის ცნება საგადასახადო კანონმდებლობაში მთელი რიგი თავისებურებებით ხასიათდება.

საქართველოს საგადასახადო კოდექსის თანახმად, საურავი გათვალისწინებული, საგადასახადო სამართალდარღვევათა სახეებსა და პასუხისმგებლობის თავში და მიეკუთვნება სანქციათა ერთ-ერთ სახეს.³⁵⁷ თავდაპირველად, მიზანშეწონილია განიმარტოს საგადასახადო საურავის საკანონმდებლო ცნება.

ადმინისტრაციული სამართალდარღვევებისთვის დაწესებული საურავებისა და სამოქალაქო კანონმდებლობით დადგენილი პირგასამტკელოსგან განსხვავებით, საგადასახადო კანონმდებლობის თანახმად, საურავი არ წარმოადგენს უზრუნველყოფის საშუალებას. ის მიეკუთვნება პასუხისმგებლობის ზომას, რომლის გადახდა პირს ეკისრება გადასახდელი თანხის გადაუხდელობის გამო.³⁵⁸ საქართველოს კანონმდებლობის თანახმად, საურავის დარიცხვა ხორციელდება გადასახადის თანხაზე და იგი არის სხვაობა გადასახადის გადამხდელის შეუსრულებელ საგადასახადო ვალდებულებებსა და ზედმეტად გადახდილი გადასახადების ჯამს შორის.

³⁵⁵ ob. Tax Law Design and Drafting, Editor V. Thuronyi, International Monetary Fund, Volume 1, Washington D.C. 1996, pp. 117-118.

³⁵⁶ ob. D. Cords, Tax Protestors and Penalties: Ensuring Perceived Fairness and Mitigating Systemic Costs, (Journal) Brigham Young University Law Review, pp. 1565-1571 <<http://lawreview.byu.edu/archives/2005/6/2CORDS.FIN.pdf>> [23.08.2012].

³⁵⁷ იბ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 270-ე მუხლის მე-2 ნაწილი, 2012 წლის 23 აგვისტოს მდგრადარღვებით.

³⁵⁸ იბ. იქვე, 272-ე მუხლის 1-ლი ნაწილი, 2012 წლის 23 აგვისტოს მდგრმარეობით.

ამასთან, საურავის დარიცხვა ხორციელდება თითოეული გადაგადაცილებული დღისთვის.³⁵⁹ საურავის ოდენობა სხვა ფულადი სანქციის – ჯარიმებისგან განსხვავებით, ყველა შემთხვევაში შეადგენს გადაუხდელი გადასახადის თანხის 0,06 პროცენტს ყოველი გადაგადაცილებული დღისთვის.

აღნიშნული საკანონმდებლო ნორმების ანალიზი ცხადყოფს, რომ საგადასახადო სამართალდარღვევებისთვის საურავის, როგორც სანქციის დაკისრება გარკვეული თავისებურებებით ხდება. კერძოდ, გადამხდელს ის შეეფარდება მხოლოდ იმ შემთხვევაში, თუ ჯამურად საგადასახადოს წინაშე არსებული დავალიანებებისა და მოთხოვნების ერთობლიობით, იქმნება უარყოფითი სალდო. საურავის გამოსაანგარიშებლად, სალდირებულ თანხას დაერიცხება ყოველდღიურად 0,06 პროცენტი, მაშინ როცა სხვა ფულადი სანქციის – ჯარიმის დაკისრება ხდება კონკრეტული სამართალდარღვევის ჩადენისთვის და არ აქვს არაგითარი მნიშვნელობა უარყოფითი სალდოს არსებობას. ამდენად, საურავი კონკრეტული დარღვევისთვის კი არ ეკისრება პირს, არამედ, მისი შეფარდების საკითხი დგება დარღვევის ჩადენისას, თუმცა შეეფარდება თუ არა ეს სანქცია გადამხდელს და რა ოდენობით, არ არის დამოკიდებული კონკრეტული სამართალდარღვევის შინაარსზე. ამდენად, ის თავისი ბუნებით არ არის ტიპური ფულადი სანქცია.

როგორც აღინიშნა, საქართველოს საკანონმდებლო სივრცეში საურავი, საგადასახადო კანონმდებლობის გარდა, გათვალისწინებულია აღმინისტრაციულ სამართალდარღვევათა კოდექსითა და ასევე, მსგავს ინსტიტუტს – პირგასამტებლოს ითვალისწინებს სამოქალაქო კოდექსი. პირგასამტებლოს, რომელიც პრაქტიკაში ხანდახან სამოქალაქო საურავებად მოიხსენიება, განსაზღვრავს საქართველოს სამოქალაქო კოდექსის 416-ე – 420-ე მუხლები.³⁶⁰ სამოქალაქო კოდექსის კომენტარის ავტორები პირგასამტებლოს განმარტავნ, როგორც ვალდებულების შესრულების უზრუნველყოფის დამატებით საშუალებას, რომელიც მოვალემ უნდა გადაიხადოს ვალდებულების შეუსრულებლობის ან არაჯეროვანი შესრულებისთვის. ლიტერატურაში გამოყოფენ პირგასამტებლოს ორ ფუნქციას: პირველი - ეს არის ვალდებულების შესრულების სტიმულირება და და მეორე - ეს არის მოვალის მიერ ზიანის ანაზღაურების საშუალება. საინტერესოა ის, რომ პირგასამტებლოს პირი მაინც იხდის იმის მიუხედავად, ზიანი დადგება თუ არა ვალდებულებათა შეუსრულებლობის შემთხვევაში. თუმცა, როგორც ლიტერატურაში აღინიშნება, პირგასამტებლოს გადახდევინების შემთხვევაში ერთი მხრივ, პირგასამტებლო ქართულ სამოქალაქო სამართლის სივრცეში ჩათვლითი პირგასამტებლოს ხასიათს ატარებს, რაც გამორიცხავს ერთდღოულად პირგასამტებლოს გადახდასაც და ზიანის ანაზღაურებასაც და მეორე

³⁵⁹ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 272-ე მუხლის მე2 და მე4 ნაწილები, 2013 წლის 2 მაისის მდგრმარეობით.

³⁶⁰ იხ. საქართველოს სამოქალაქო კოდექსი (გამოქვეყნებული პარლამენტის უწყებანი, 24 ივნისი, №31, 1997წ), 416-420-ე მუხლები, 2012 წლის 1 ოქტომბრის მდგრმარეობით.

მხრივ, კანონმდებლობა მხარეებს ანიჭებს შესაძლებლობას შეთანხმდნენ პირგასამტებლოს ისეთ ოდენობაზე, რომელიც შესაძლოა აღემატებოდეს შესაძლო ზიანის ოდენობას.³⁶¹

მართალია, პირგასამტებლო სამოქალაქო სამართლის ინსტიტუტია და მისი შესწავლა აღნიშნული დისერტაციის ფარგლებს სცდება, მაგრამ წარმოდგენილი ზოგადი მსჯელობაც ადასტურებს, რომ სამოქალაქო კოდექსით დადგენილი ეს ინსტიტუტი საგადასახადო საურავთან შედარებით, არსებითად განსხვავდება და სხვაგვარი სამართლებრივი ბუნების მატარებელია.

რაც შეეხება ადმინისტრაციული სამართალდარღვევების კოდექსით დადგენილი საურავის ცნებას, მართალია, საგადასახადო და ადმინისტრაციული სამართალდარღვევების კანონმდებლობით განსაზღვრული საურავები საჯარო სამართლებრივი ბუნებისაა და ორივე ადმინისტრაციული პასუხისმგებლობის ფარგლებში დგინდება, ისინი განსხვავებული სამართლებრივი ბუნების მატარებელია.

საგადასახადო კანონმდებლობით გათვალისწინებული საურავი წარმოადგენს საგადასახადო სანქციის ერთ-ერთ სახეს, რომელიც სხვა ფულად სანქციასთან - ჯარიმასთან ერთად ეკისრება გადამხდელს საგადასახადო პასუხისმგებლობის ზომად. იგივე სახელწოდების მიუხედავად, სხვაგვარი მნიშვნელობა აქვს საურავს ადმინისტრაციული სამართალდარღვევების შემთხვევაში. ამ მიზნებისთვის საურავი არ წარმოადგენს ადმინისტრაციულ სახდელს³⁶² ანუ სანქციის სახეს, არამედ ცალკეული სახის ადმინისტრაციული სამართალდარღვევისთვის დაკისრებული სანქციის შეუსრულებლობის შემთხვევაში დამატებით ეკისრება სამართალდამრღვევს. თუ საგადასახადო პასუხისმგებლობის დაკისრებისას არავითარი მნიშვნელობა არ აქვს სანქციის ნებაყოფლობით შესრულებას, ვინაიდან საურავი თავად სანქციაა, ადმინისტრაციული სამართალდარღვევების შემთხვევებში საურავი პირს ეკისრება სახდელის ნებაყოფლობით შეუსრულებლობის შემთხვევებში. ამასთან,

³⁶¹ იხ. საქართველოს სამოქალაქო კოდექსის კომენტარი, წიგნი მესამე, გამომცემლობა სამართალი, თბილისი, 2001წ. გვ. 487-498.

³⁶² საქართველოს ადმინისტრაციულ სამართალდარღვევათა კოდექსის 24-ე მუხლის პირველი ნაწილის თანახმად, სახდელის სახეებს მიეკუთხება: გაფრთხილება; ჯარიმა; იმ საგნის სასყიდლით ჩამორთმევა; რომელიც ადმინისტრაციული სამართალდარღვევის ჩადენის იარაღი, უშუალო ობიექტი ან საქართველოს საგადასახადო კოდექსით დადგენილი, საქართველოს საბაჟო საზღვარზე საქონლის გადაადგილებასთან დაკავშირებული წესების დარღვევის საგანი, საქონლის ტრანსპორტირებისა და მიწოდების საშუალება იყო; იმ საგნის კონფისკაცია, რომელიც ადმინისტრაციული სამართალდარღვევის ჩადენის იარაღი, უშუალო ობიექტი ან საქართველოს საგადასახადო კოდექსით დადგენილი, საქართველოს საბაჟო საზღვარზე საქონლის გადაადგილებასთან დაკავშირებული წესების დარღვევის საგანი, საქონლის ტრანსპორტირებისა და მიწოდების საშუალება იყო; მოქალაქისათვის მინიჭებული სპეციალური უფლების (სატრანსპორტო საშუალებათა მართვის უფლება) ჩამორთმევა; იარაღის ტარების უფლების ჩამორთმევა; გამასწორებული სამუშაოები; ადმინისტრაციული პატიმრობა. ეს ჩამონათვალი არ ითვალისწინებს საურაეს, როგორც სახდელს. იხ. საქართველოს ადმინისტრაციულ სამართალდარღვევათა კოდექსი (გამოქვეყნებული საქართველოს სსრ უმაღლესი საბჭოს უწყებები, 1984წ. №12, მუხ. 421), 24-ე მუხლის პირველი ნაწილი, 2012 წლის 18 აგვისტოს მდგომარეობით.

ადმინისტრაციული სამართალდარღვევებისთვის დაწესებული საურავის ოდენობა საგადასახადო საურავისგან განსხვავებით ფიქსირებულად არის დადგენილი კონკრეტული ადმინისტრაციული სამართალდარღვევისთვის.³⁶³ ზემოაღნიშნული ნორმების ანალიზი ცხადყოფს, რომ ადმინისტრაციული სამართლის ფარგლებში საურავის ცნება არ არის ერთგვაროვანი და მას სხვადასხვა დატვირთვა აქვს საგადასახადო და ადმინისტრაციული სამართალდარღვევის მიზნებისთვის.

გარდა საკანონმდებლო რეგულაციებისა, საინტერესოა სასამართლო პრაქტიკასა და სამეცნიერო ლიტერატურაში საურავებთან დაკავშირებული განმარტებების განხილვა. საგადასახადო საურავი საქართველოს უზენაესი სასამართლოს მიერ განმარტებულია, როგორც გადასახადის ძირითადი თანხის გადაუხდელობის კანონიერი თანმდევი შედეგის მატერიალური გამოხატულება, რის გამოც, საურავის დაკისრებისთვის მთავარია არა გადასახადის ძირითადი თანხის მოგვიანებით გადახდის გზით შესაბამისი თავდაპირველი ვალდებულების შესრულება, არამედ შესაბამის პერიოდში, როდესაც გადასახადის გადამხდელს იურიდიულად არ ჰქონდა გადასახადის ძირითადი თანხა გადახდილი, საკომპენსაციო თანხების ამოდება. საურავს სასამართლო მიზნებს გადასახადის გადამხდელის საგადასახადო-სამართლებრივი პასუხისმგებლობის ერთგვარ გაგრძელებად, რომელიც პირდაპირ გამომდინარეობს გადასახადის თანხის გადახდაზე, გადასახადის გადამხდელის პასუხისმგებლობიდან.³⁶⁴ ამასთან, საქართველოს უზენაესმა სასამართლომ თავის ერთ-ერთ გადაწყვეტილებაში მიუთითა, რომ საურავი არის გადასახადის გადამხდელისთვის დადგენილი პასუხისმგებლობის ერთ-ერთი სახე.³⁶⁵

³⁶³ საქართველოს ადმინისტრაციულ სამართალდარღვევათა კოდექსის თანახმად, საურავის გადახდის ვალდებულება დადგენილია ცალკეული სახის სამართალდარღვევებისთვის, როცა ამ დარღვევის ჩამდენი პირი ნებაყოფლობით არ აღასრულებს დაკისრებულ სახდელს. ასეთ სამართალდაღვევებს მიეკუთვნება მაგალითად შემდეგი სამართალდარღვევები: საქართველოს შიდა საზღვაო წყლებსა და ტერიტორიულ ზღვაში სასაზღვრო რეჟიმის წესების დარღვევა; სატრანსპორტო საშუალების მართვის წესების დარღვევა ან ასეთი საშუალების აღკოჰოლური, ნარკოტიკული ან ფსიქოტროპული სიმთვრალის მდგომარეობაში მართვა, ანდა სატრანსპორტო საშუალების სამართვად გადაცემა ასეთ მდგომარეობაში მყოფი პირისათვის; მოძრაობის წესების დარღვევა თბილისის ტერიტორიაზე სახელმწიფო ან თვითმმართველის ერთეულის საკუთრებაში არსებული მიწის ნაკვეთის უნებართვოდ დაკავება ან/და მიწათსარგებლობის უფლების გარეშე სარგებლობა. ი. საქართველოს ადმინისტრაციულ სამართალდარღვევათა კოდექსი (გამოქვეყნებული საქართველოს სსრ უმაღლესი საბჭოს უწყებები, 1984წ. №12, მუხ. 421), 55⁵-ე, 114²-ე, 116-ე, 117-ე, 118-ე, 118¹-ე, 118²-ე, 118³-ე, 119-ე, 120-ე, 121¹-ე, 122-ე, 123-ე, 125²-ე, 125³-ე, 127¹-ე, 135-ე, 151¹-ე, 152³-ე მუხლები, 2012 წლის 18 აგვისტოს მდგომარეობით.

³⁶⁴ ი. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2009 წლის 20 ივლისის გადაწყვეტილება №ბს-258-248 (4-09), საქართველოს უზენაესი სასამართლოს გადაწყვეტილებანი ადმინისტრაციულ საქმეებზე, რედ. ს. ჯორბეგნაძე (საგადასახადო დავები 2010წ. №3), გვ. 53.

³⁶⁵ ი. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2006 წლის 12 ივლისის გადაწყვეტილება №ბს-265-251(კ-06), საქართველოს უზენაესი სასამართლოს გადაწყვეტილებანი ადმინისტრაციულ და სხვა კატეგორიის საქმეებზე, რედ. ს. ჯორბეგნაძე (საგადასახადო სამართალი 2006 წ. №2), გვ. 149.

საურავების დარიცხვასთან დაკავშირებით საინტერესოა, ასევე, საქართველოს უზენაესი სასამართლოს დიდი პალატის 2005 წლის 5 დეკემბრის განჩინება, რომელიც ეხება დღგ-ის ჩათვლების გაუქმების გამო დღგ-ის გადამხდელებისთვის საურავების დარიცხვას. ზემოხსენებული გადაწყვეტილება იმ მხრივ არის მნიშვნელოვანი, რომ სასამართლო აღნიშნავს შემდეგს: დღგ-ის ჩათვლის წესების დარღვევისთვის ჩათვლილი თანხის გადახდა ეკისრება იმ პირს, რომელმაც ისარგებლა ამ ჩათვლით, თუმცა გადასახადის გადახდის ვალდებულება ამ შემთხვევაში ეკისრება საქონლის მიმწოდებელს (გამყიდველს). დიდმა პალატამ ამ შემთხვევაში განმარტა, რომ საგადასახადო პასუხისმგებლობის სუბიექტებს წარმოადგენენ გადასახადის გადამხდელები, რომლებსაც საგადასახადო სამართლდარღვევების ჩადენისას გადასახადების გადაუხდელობისთვის პასუხისმგებლობის სახით ეკისრებათ საურავის გადახდა. აღნიშნულიდან გამომდინარე, სასამართლომ მიუთითა, რომ საურავი წარმოადგენს ე.წ. დამატებით გადასახადს თანხების არათავისდროული გადახდის გამო. შესაბამისად, პასუხისმგებლობაც მისი დარღვევისთვის უნდა დადგეს იმ შემთხვევაში, თუ გადასახადის გადამხდელი დადგენილ ვადებში არ მოახდენს გადასახადის გადახდას. ამდენად, საურავი წარმოადგენს გადასახადის გადამხდელისთვის დადგენილი პასუხისმგებლობის სახეს, რომელიც გამოყენებული ვერ იქნება იმ პირის მიმართ, რომელიც არ ითვლება გადასახადის გადამხდელად.³⁶⁶

მეცნიერთა მოსაზრებით, საურავი თავისი შინაარსით უფლებააღმდგენი ხასიათის სანქციაა. საურავის გადახდის ვალდებულება აიძულებს მოვალეს, სათანადოდ შეასრულოს მასზე დაკისრებული საგადასახადო ვალდებულება. ამასთან, საურავის მეშვეობით სახელმწიფო განსაზღვრული ხარისხით ახდენს ვადაგადაცილებული საგადასახადო დავალიანების შედეგად მიყენებული ზიანის კომპენსაციას. ამდენად, საურავი საგადასახადო სანქციაა, რომელიც დაწესებულია კანონმდებლის მიერ გადასახადების არათავისდროული ან არასრული გადახდის გამო, სახელმწიფო ხაზინის დანაკარგების კომპენსაციის მიზნით. ამასთან, მეცნიერები მიიჩნევენ, რომ საურავი უფლებააღმდგენ სანქციას წარმოადგენს მხოლოდ იმ შემთხვევაში, თუ მისი მიზანი შეესაბამება ბიუჯეტის რეალურ დანაკარგებს. საურავის ზომა უნდა უკავშირდებოდეს ინფლაციის კოეფიციენტსა და სხვა გარემოებებს.³⁶⁷

გარდა ამისა, სამეცნიერო ლიტერატურაში აღნიშნულია, რომ საურავის ზომის განსაზღვრისას მხედველობაში უნდა იქნეს მიღებული სესხის პროცენტიც, რომელიც შესაძლოა გადახდილ იქნას სახელმწიფო გადასახადების არათავისდროული გადახდის შემთხვევებში აღებული სესხის გამო.³⁶⁸ იმ შემთხვევაში, თუ საურავის ზომა აღემატება ბიუჯეტის

³⁶⁶ ი. საქართველოს უზენაესი სასამართლოს დიდი პალატის 2005 წლის 5 დეკემბრის №ბ-817-403(კ-ქ-05), №9-ბახტრიონი 2 განჩინება, საქართველოს უზენაესი სასამართლოს ოფიციალური ვებ-გვერდი <www.supremecourt.ge> [23.08.2012].

³⁶⁷ ი. როგავა, საგადასახადო სამართლი, საგადასახადო კონტროლი და საგადასახადო პასუხისმგებლობა, პირველი გამოცემა ბაქმი, თბილისი, 2009წ. გვ. 342-343.

³⁶⁸ ი. იქვე, გვ. 343.

რეალურ დანაკარგებს, მაშინ საურავი, მეცნიერთა მოსაზრებით, კარგავს საკომპენსაციო მნიშვნელობას და იძენს სადამსჯელო სანქციის ხასიათს. გადასახადების არათავისდროული გადახდის გამო პირს საგადასახადო პასუხისმგებლობა ეკისრება ყველა შემთხვევაში, გადასახადების არათავისდროული გადახდის მიზეზების მიუხედავად. საურავის დარიცხვა წარმოებს იმ შემთხვევაშიც, როდესაც გადასახადის გადამხდელი გადასახადის გადახდის ვადის ამოწურვის შემდეგ, დამოუკიდებლად აღმოაჩენს გადასახადის გამოანგარიშებისას დაშვებულ შეცდომას და ბიუჯეტში გადარიცხავს შემცირებული გადასახადის თანხას, მაშინ როცა ასეთ შემთხვევებში გადამხდელი თავისუფლდება სხვა ტიპის პასუხისმგებლობისგან.³⁶⁹ საურავების დარიცხვა ხდება მხოლოდ დროულად გადაუხდელ საგადასახადო დავალიანების თანხაზე და მისი დარიცხვა სხვა თანხაზე, მაგალითად, დროულად გადაუხდელი ჯარიმის თანხაზე, რომელიც სამართალდამრღვევისგან გადახდევინებას ექვემდებარება, დაუშვებელია. შესაბამისად, საგადასახადო სანქციას საურავი არ ერიცხება.³⁷⁰

საინტერესოა, ასევე, საურავის მიმართ კანონის უკუძალის საკითხი. მეცნიერები აღნიშნავენ, რომ თუ სამართალდარღვევის ჩადენის შემდეგ კანონით შემცირდა საურავის ზომა, ამ კანონის ძალაში შესვლამდე არსებულ პერიოდზე დარიცხული საურავიც უნდა შემცირდეს ახალი კანონით დადგენილი ზომის ფარგლებში. თუ კანონით იზრდება საურავის ზომა, მაშინ ამ კანონის ძალაში შესვლამდე არსებულ პერიოდზე საურავის ახალი ზომა არ გავრცელდება.³⁷¹

საურავის სამართლებრივ ბუნებასთან დაკავშირებით საინტერესოა აშშ-ის მსგავსი ინსტიტუტის შესწავლა. როგორც უკვე აღინიშნა, საერთო სამართლის სისტემაში საგადასახადო სამართალდარღვევებისთვის დადგენილია სამოქალაქო და სისხლისსამართლებრივი პასუხისმგებლობა. სამოქალაქო პასუხისმგებლობის ფარგლებში სამართალდამრღვევებს ჯარიმებთან ერთად ეკისრებათ ე.წ. დამატებითი გადასახადები, რომლებიც შეიძლება ქართული სამართლებრივი სისტემის საურავს შევადაროთ. ამერიკელი მეცნიერების მოსაზრებით, ეს უკანასკნელი მიეკუთვნება სანქციის სახეს, თუმცა თუ როგორი სამართლებრივი ბუნებისაა, უნდა დადგინდეს იმის მიხედვით, აღნიშნული დამატებითი გადასახადები რა მიზნით არის დაწესებული. მეცნიერთა მოსაზრებით, ეს დამატებითი გადასახადები შესაძლოა ატარებდეს, როგორც საკომპენსაციო ხასიათს, ასევე, შეიძლება იყოს სადამსჯელო და პრევენციული ხასიათის. ამ ბუნების განმსაზღვრელი კი არის თავად კანონმდებლი, რომელიც ადგენს დამატებითი გადასახადების ოდენობას. საინტერესოა ისიც, რომ მსგავსად ქართული სისტემისა, გადამხდელს უწევს დამატებითი თანხის გადახდა იმ

³⁶⁹ იხ. ზ. როგავა, საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა ბაქმი, თბილისი, 2009წ. გვ. 343.

³⁷⁰ იხ. იქვე, გვ. 344.

³⁷¹ იხ. იქვე, გვ. 344.

შემთხვევაშიც, როცა თავად წარადგენს შესწორებულ დეკლარაციას საგადასახადო ორგანოების მიერ დარღვევის აღმოჩენამდე.³⁷² ამრიგად, საურავის ინსტიტუტის მიმართ, როგორც საკანონმდებლო, ასევე, სამეცნიერო მიდგომები ერთგვაროვანი არ არის. აღსანიშნავია, რომ მეცნიერთა განსხვავებული შეხედულებების მიუხედავად, საგადასახადო სამართალდარღვევებისთვის დაწესებული საურავი არ წარმოადგენს დაკისრებული პასუხისმგებლობის შეუსრულებლობისთვის თანხის გადახდის უზრუნველყოფის ღონისძიებას ან დაკისრებული ვალდებულების შესრულების დამატებით საშუალებას. ვინაიდან ის დადგენილია, როგორც საგადასახადო სანქციის ერთ-ერთი სახე, მისი დაკისრება ხდება სხვა სახის სანქციასთან ერთად, საგადასახადო დავალიანების არსებობის შემთხვევაში. ამასთან, რადგან სანქცია არ გამოითვლება თითოეულ შემთხვევაში ბიუჯეტში გადაუხდელი თანხების პროპორციულად კომპენსაციისთვის, ამიტომ საურავი უფრო მეტად სადამსჯელო ხასიათს ატარებს, ვიდრე საკომპენსაციო დანიშნულებას.

შესწავლის შედეგად საგადასახადო სანქციების სამართლებრივ ბუნებასთან დაკავშირებით გამოვლინდა ის, რომ კლასიკური საგადასახადო სამართალდარღვევებისთვის დადგენილი პასუხისმგებლობის ზომები არ გამოირჩევა დიდი მრავალფეროვნებით და კანონმდებლობა შემოიფარგლება მხოლოდ რამდენიმე სახის დაწესებით, როგორიცაა: ჯარიმა, საურავი, გაფრთხილება. შედარებითი სამართლებრივი კვლევის მეთოდის გამოყენებით ამ სანქციების ბუნებისა და დაწესების საფუძვლების შესწავლის შედეგად დასკვნის სახით შესაძლებელია მიეთიოთს, რომ საგადასახადო სამართალდარღვევების ფინანსური ხასიათიდან გამომდინარე აუცილებელია საგადასახადო სანქციების დაწესებას წინ უძღვოდეს საკითხის მეცნიერული შესწავლა. უნდა განისაზღვროს არა მხოლოდ ფინანსური თუ არაფინანსური სანქციის კონკრეტული სახის დაწესების მიზანშეწონილობა, არამედ ფინანსური სანქციის შემთხვევაში მოხდეს ამ სანქციის ზომის გაანგარიშება მეცნიერული მეთოდების გამოყენებით და მეცნიერული კვლევის შედეგად.

ცალკეული სახის სანქციების დაწესებისას აუცილებელია თეორიულად იქნეს შესწავლილი ამ სანქციის მიზანი და მისი ფუნქცია, რაც, თავის მხრივ, უზრუნველყოფს შესაბამისი ბალანსის დადგენას სანქციის პროპორციულობასა და მისაღწევ მიზანს შორის და დაადგენს სანქციის ეფექტურობას. ამასთან, შესაძლებელი გახდება საგადასახადო სანქციების საკომპენსაციო, თუ სადამსჯელო ხასიათის განსაზღვრა.

და ბოლოს, საურავებთან დაკავშირებით უნდა აღინიშნოს, რომ მართალია, საგადასახადო სამართალი ადმინისტრაციული სამართლის ნაწილია და საგადასახადო პასუხისმგებლობა ადმინისტრაციული პასუხისმგებლობის ნაირსახეობაა, ადმინისტრაციული სამართალდარღვევებისგან განსხვავებით საგადასახადო საურავი წარმოადგენს საგადასახადო სანქციის ერთ-ერთ სახეს, რომელიც სხვა სანქციებისგან განსხვავებით გარკვეული

³⁷² ob. Th. M. Elliott, Department of Revenue of Montana v. Kurth Ranch: The Demise Of Civil Tax Fraud Consequences? (Journal) Vanderbilt Law Review, Vol. 48:1421, 1450-1459, 1995, <<http://heinonline.org/>> [24.08.2012].

თავისებურებებით ხასიათდება. მაგალითად, ყველა შემთხვევაში გამოიყენება საურავის ერთი საპროცენტო განაკვეთი განსხვავებით ჯარიმებისგან, ასევე, მისი გამოანგარიშების საფუძველი განსხვავებულია ჯარიმების გამოანგარიშების მეთოდებისგან. სტატიაში განვითარებული მსჯელობის გათვალისწინებით, საურავი ძალიან განსხვავდება სხვა სახის ფინანსური სანქციებისგან და თავისი სამართლებრივი ბუნებით მიეკუთვნება საგადასახადო ვალდებულებათა შეუსრულებლობის გამო ერთგვარად საკომპენსაციო შენატანებს ბიუჯეტში, რაც თავისი არსით არ არის სანქცია და შესაძლებელია მსჯელობა მისი სანქციებისგან დამოუკიდებლად მოწესრიგებასა და განსაზღვრაზე.

საქართველოში საგადასახადო მეცნიერების ჩამოყალიბებისა და შემდგომი განვითარებისთვის აუცილებელია, ამ მიმართულებით კვლევების გაგრძელება, რათა კვლევაზე დაფუძნებულმა სწავლებამ, თავის მხრივ, უზრუნველყოს ქვეყანაში სწორი საკანონმდებლო განვითარება.

თავი 8. საგადასახადო სამართალდარღვევასთან დაკავშირებული საქმის წარმოება

8.1. ჩადენილი საგადასახადო სამართალდარღვევის გამოვლენა და შესაბამისი გადაწყვეტილების მიღება საგადასახადო ორგანოების მიერ

საგადასახადო სამართალდარღვევების ჩადენის შემთხვევაში საგადასახადო ორგანოების მიერ ამ დარღვევის გამოვლენისა და შემდგომ პასუხისმგებლობის დაკისრების მიზნით, ტარდება შესაბამისი ადმინისტრაციული წარმოება. წინამდებარე სადისერტაციო ნაშრომის კვლევის საგანს საგადასახადო სამართალდარღვევის სხვა საკითხებთან ერთად წარმოადგენს, როგორც აღნიშნული წარმოების, ასევე, მის შედეგად მიღებული გადაწყვეტილების გასაჩივრებასთან დაკავშირებული საკითხები.

8.1.1. საგადასახადო საქმეთა წარმოების ამოცანები, პრინციპები

საგადასახადო სამართალდარღვევების ჩადენისთვის პირის მიმართ პასუხისმგებლობის დაკისრებას წინ უძღვის საგადასახადო სამართალდარღვევის საქმის შესაბამისი ადმინისტრაციული წარმოება.

საგადასახადო სამართალდარღვევის საქმის წარმოების თავისებურებანი, სხვა ადმინისტრაციული სამართალდარღვევების საქმის წარმოებისა და ზოგადი ადმინისტრაციული კოდექსით განსაზღვრულ ადმინისტრაციულ წარმოებებთან მიმართებით, ქართულ სამეცნიერო ლიტერატურაში არ არის სათანადოდ შესწავლილი. აღნიშნულ საკითხებზე უცხო ქვეყნების გამოცდილების შესწავლა მნიშვნელოვანია, თუმცა გასათვალისწინებელია, რომ რიგ ქვეყნებში ადმინისტრაციული პასუხისმგებლობა ცალკე არ არსებობს და საგადასახადო სამართალდარღვევები სისხლის სამართალწარმოების ნაწილია და არა ადმინისტრაციული სამართლის.

სამეცნიერო ლიტერატურაში აღნიშნულია, რომ საგადასახადო ორგანოების მიერ სამართალდარღვევების საქმეებზე გადაწყვეტილების მიღებისას გათვალისწინებული უნდა იყოს ამ წარმოების ამოცანები და პრინციპები. საგადასახადო სამართალდარღვევის საქმის წარმოების მთავარ ამოცანებად თეორიაში მიჩნეულია: სახელმწიფოს ფინანსური ინტერესების დაცვა; თითოეული საქმის გარემოებების თავისდროული, ყოველმხრივი, სრული და ობიექტური გამოკვლევა; საქმის განხილვა და გადაწყვეტა კანონმდებლობის მკაცრი დაცვით; სამართალდარღვევათა გამოვლენა და ბრალეულ პირთა გარდაუვალი დასჯა; სამართალდარღვევის ჩადენის ხელის შემწყობი მიზეზების და პირობების გამოვლენა; სამართალდარღვევების თავიდან აცილება; მოქალაქეთა აღზრდა საგადასახადო კანონმდებლობის დაცვის სულისკვეთებით; გადასახადებით დაბეგვრის სფეროში კანონიერების განმტკიცება.³⁷³

მსგავსია ზოგადად ადმინისტრაციული სამართალდარღვევების საქმეთა წარმოების ამოცანებიც. მეცნიერთა აზრით, ადმინისტრაციული გადაცდომების საქმისწარმოება ეურდნობა ყველა იმ დემოკრატიულ პრინციპს, რომელიც ადმინისტრაციული პროცესისთვის არის დამახასიათებელი, თუმცა ამ შემთხვევაში უმნიშვნელოვანებია ისეთი პრინციპების დაცვა, როგორიცაა: საქმის გარემოებათა ყოველმხრივი, სრული და ობიექტური გამოკვლევა; ყველას თანასწორობა კანონისა და საქმის განმხილველი ორგანოს წინაშე და ადმინისტრაციული ორგანოსადმი დაქვემდებარების პრინციპი; საქმის განხილვის მონაწილეობის უფლებების და კანონიერი ინტერესების განხორციელების უზრუნველყოფა; საჯაროდ განხილვა; სახელმწიფო ენაზე წარმოება; ასევე, დროული, იაფი და ეფექტური განხილვა; საქმის გადაწყვეტა კანონისა და მისი შესაბამისი მართლშეგნების საფუძველზე, დარღვევისთვის შესაბამისი პასუხისმგებლობის ზომის გამოყენება და მიღებული გადაწყვეტილების გასახივრების შესაძლებლობა. ამასთან, ხაზგასმულია ადმინისტრაციული გადაცდომების საქმისწარმოების დროს კონსტიტუციით აღიარებული არაბრალეულობის პრეზუმუციის დაცვა, რომლის მიხედვითაც პირი არ ჩაითვლება ადმინისტრაციულ პასუხისგებაში მიცემულად, ვიდრე მის მიმართ ძალაში არ შევა უფლებამოსილი ორგანოს მიერ მიღებული გადაწყვეტილება, ხოლო მტკიცების ტვირთი ამ შემთხვევაში ადმინისტრაციული სახდელის დადგების შესახებ ადევს ადმინისტრაციულ ორგანოს.³⁷⁴ ადსანიშნავია, რომ ადმინისტრაციული სამართალდარღვევის საქმისწარმოებისთვის დამახასიათებელი ეს პრინციპები, ასევე, მნიშვნელოვანია საგადასახადო სამართალდარღვევათა საქმისწარმოებისას, თუმცა საგადასახადო საქმეთა წარმოება ხასიათდება რიგი თავისებურებებით.

ამერიკულ სამეცნიერო ლიტერატურაში აღნიშნულია, რომ ვინაიდან საგადასახადო ორგანოების მიერ გადამხდელების მიმართ თანხის

³⁷³ იხ. ზ. როგავა, საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა, ბაქმი, თბილისი, 2009 წ. გვ. 334-335.

³⁷⁴ იხ. ვ. ლორია, საქართველოს ადმინისტრაციული საპროცესო სამართალი, რედ. ა. ფალიაშვილი, გამომცემლობა მერიდიანი, თბილისი, 2002წ. გვ. 209.

დაკისრებაზე გადაწყვეტილება გადამხდელთა საკუთრების უფლებას ხელყოფს, მნიშვნელოვანია ამ საქმეების განხილვისას უზრუნველყოფილი იყოს გადამხდელთა მონაწილეობის მიღება და მათთვის თავიანთი ინტერესების დაცვის საშუალების მიცემა. ამავე დროს, ამერიკელი მეცნიერები აცნობიერებენ გადასახადების ამოღების ოპერატიულობის საჭიროებას და მიუთითებენ, რომ დაბეგვრის სფეროში დაინტერესებული პირების საკითხის განხილვაში მონაწილეობის საკითხი შესაძლებელია შედარებით დაკნინებული იყოს და ხშირ შემთხვევებში ცალკეული ღონისძიებები ამ მოთხოვნების მკაცრი დაცვის გარეშე ჩატარდეს.³⁷⁵

8.1.2. საგადასახადო სამართალდარღვევის საქმეთა წარმოების სტადიები


საგადასახადო სამართალდარღვევების განხილვა გარკვეული თანმიმდევრობით მიმდინარეობს. სამართლებრივ ლიტერატურაში გამოიყოფა საგადასახადო საქმის წარმოების შემდეგი სტადიები: საგადასახადო გამოძიება; საქმის განხილვა; გადაწყვეტილების გადასინჯვა; გადაწყვეტილების აღსრულება.³⁷⁶

საქართველოს საგადასახადო კანონმდებლობის თანახმად, საგადასახადო სამართალდარღვევის საქმის წარმოება მოიცავს: საგადასახადო სამართალდარღვევის გამოვლენისას სამართალდარღვევის ოქმის შედგენის, საქმის განხილვის, სანქციის შეფარდების, გადაწყვეტილების მიღების და მიღებული გადაწყვეტილების აღრიცხვის პროცედურებს.³⁷⁷ (იხ. სქემა №1)

³⁷⁵ იხ. E. Frank, Administrative agencies and the courts, Cooper University of Michugan, Law School, 1951, pp. 62.

³⁷⁶ იხ. ზ. როგაგა საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა, ბაქმი, თბილისი, 2009 წ. გვ. 335. აქვე უნდა აღნიშნოს, რომ სავარაუდო ავტორი საგადასახადო სამართალდარღვევის საქმეთა წარმოების სტადიებს შორის მოიაზრებს სამართალდარღვევის საქმეზე გადაწყვეტილების მიღებას.

³⁷⁷ იხ. „საგადასახადო კონტროლის განმახორციელებელი პირის შერჩევისა და საგადასახადო კონტროლის განმახორციელების, მიმდინარე კონტროლის პროცედურების ჩატარების, სასაქონლო-მატერიალურ ფასეულობათა ჩამოწერის, საგადასახადო დავალიანების გადახდევინების უზრუნველყოფის ღონისძიებების განხორციელების, სამართალდარღვევათა საქმისწარმოების წესის დამტკიცების თაობაზე“ საქართველოს ფინანსთა მინისტრის 2010 წლის 31 დეკემბრის ბრძანება №994, 69-ე მუხლის მე-2 პუნქტი, 2012 წლის 20 სექტემბრის მდგრმარეობით.



8.1.2.1. საგადასახადო სამართალდარღვევის საქმის განხილვის დაწყება; დარღვევის ფაქტის განხილვა

საკანონმდებლო რეგულაციებისგან განსხვავებით, სამეცნიერო ლიტერატურაში ადმინისტრაციული გადაცდომების საქმის წარმოებისას გამოყოფენ ადმინისტრაციული საქმის აღძვრის და წინასწარი გამოკვლევის ეტაპებს, თუმცა როგორც თეორიაში აღინიშნება, პრაქტიკაში უმეტესწილად ადმინისტრაციული საქმის აღძვრა და საქმის გამოკვლევა ერთმანეთს ემთხვევა. განსაკუთრებით იმ შემთხვევებში, როცა საქმე არ ატარებს როგორც ხასიათს და აღძვრისთანავე ხდება სამართალდარღვევის ოქმის შეღვენა და ცალკეული სამართალდარღვევების შემთხვევაში ადგილზე გადაწყვეტილების მიღება კონკრეტული სახის პასუხისმგებლობის დაკისრების ან არდაკისრების თაობაზე.³⁷⁸ ცალკეული სახის ადმინისტრაციულ სამართალდარღვევათა ჩადენისას კი ოქმის შემდგენი და საქმის განმხილველი ორგანოები ერთმანეთისგან განსხვავდებიან.³⁷⁹

³⁷⁸ იხ. ვ. ლორია, საქართველოს ადმინისტრაციული საპროცესო სამართალი, რედ. ა. ფალიაშვილი, გამომცემლობა მერიდიანი, თბილისი, 2002წ. გვ. 210.

³⁷⁹ იხ. იქვე, გვ. 211.

რაც შეეხება საგადასახადო სამართალდარღვევებთან დაკავშირებულ საკითხებს, სამეცნიერო ლიტერატურაში ზ. როგავა საგადასახადო სამართალდარღვევების საქმეების განხილვას პირობითად მოიხსენიებს საგადასახადო გამოძიებად,³⁸⁰ თუმცა უნდა აღინიშნოს, რომ ეს პროცესი არ არის დაკავშირებული უშუალოდ სისხლის სამართლის საქმეების გამოძიებასთან. მეცნიერის მოსაზრებით, საქმის განხილვა უნდა მოიცავდეს საქმის განხილვასა და მოსმენისთვის მომზადებას, შეგროვებული მასალებისა და საქმის გარემოებების ანალიზს, გადაწყვეტილების მიღებას და გადაწყვეტილების გადამხდელისთვის გაცნობას. ამ სტადიებზე უნდა შემოწმდეს: კომპეტენტურია თუ არა უფლებამოსილი ორგანო განიხილოს აღნიშნული საქმე; აქვს თუ არა ადგილი საგადასახადო სამართალდარღვევას (არის თუ არა სახეზე საგადასახადო სამართალდარღვევის შემადგენლობა); ბრალეულია თუ არა პირი მის ჩადენაში; ეკვემდებარება თუ არა პირი საგადასახადო პასუხისმგებლობაში მიცემას და ა.შ.³⁸¹ როგორც უკვე აღინიშნა, საქართველოს მოქმედი კანონმდებლობა განსხვავებულად მოიხსენიებს საგადასახადო სამართალდარღვევის საქმის წარმოების ეტაპებს და მოიცავს: საგადასახადო სამართალდარღვევის გამოვლენისას სამართალდარღვევის ოქმის შედგენის, საქმის განხილვის, სანქციის შეფარდების, გადაწყვეტილების მიღების და მიღებული გადაწყვეტილებების აღრიცხვის სტადიებს.³⁸² ადმინისტრაციული სამართალდარღვევების ოქმის შედგენის და შემდეგ განხილვის ეტაპების არსებობისას ადმინისტრაციული საქმის განმხილველი ორგანო იცავს ფორმალურ მოთხოვნებს ოქმის შედგენისა და ზეპირი მოსმენის ჩატარების სახით, თუმცა ადგილზე გადაწყვეტილებების მიღების შემთხვევაში ადმინისტრაციული საქმის წარმოების ეს სტადია სახეზე არ გვაქვს.³⁸³ ვ. ლორიას მოსაზრებით, ადმინისტრაციული სამართალდარღვევების განხილვის სტადიის ჩატარება საკმაოდ მნიშვნელოვანი ეტაპია, ვინაიდან უზრუნველყოფს გადაწყვეტილების მიღებამდე ადმინისტრაციული წარმოების ყველა წესის დაცვით გარემოებების გამოკვლევას და საკითხის განხილვის მეტ შესაძლებლობას იძლევა.³⁸⁴

ზ. როგავას აზრით, საგადასახადო სამართალდარღვევის პროცედურა საქართველოში დაუსაბუთებლად გამარტივებულია. გადაწყვეტილი არ არის საკითხი სამართალდარღვევის გამოძიებისა და საქმის განხილვის

³⁸⁰ იბ. ზ. როგავა, საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა, ბაქმი, თბილისი, 2009 წ. გვ. 335.

³⁸¹ იბ. იქვე, გვ. 336.

³⁸² იბ. „საგადასახადო კონტროლის განმახორციელებელი პირის შერჩევისა და საგადასახადო კონტროლის განხორციელების, მიმდინარე კონტროლის პროცედურების ჩატარების, სასაქმაო-მატერიალურ ფასეულობათა ჩამოწერის, საგადასახადო დავალიანების გადახდევინების უზრუნველყოფის ღონისძიებების განხორციელების, სამართალდარღვევათა საქმისწარმოების წესის დამტკიცების თაობაზე“ საქართველოს ფინანსთა მინისტრის 2010 წლის 31 დეკემბრის ბრძანება №994, 69-ე მუხლის მე-2 პუნქტი, 2012 წლის 20 სექტემბრის მდგომარეობით.

³⁸³ იბ. ვ. ლორია საქართველოს ადმინისტრაციული საპროცესო სამართალი. გამომცემლობა მერიდიანი 2002 რედ. ა. ფალიაშვილი, თბილისი, 2002წ. გვ. 237-238.

³⁸⁴ იბ. იქვე, გვ. 239-240.

შესახებ. საგადასახადო სამართალდარღვევის საქმის წარმოების მთავარი სტადია, ფაქტობრივად, საგადასახადო ორგანოს უფროსის ან მისი მოადგილის მიერ მხოლოდ შემოწმების მასალების ან საგადასახადო სამართალდარღვევის ოქმის გაცნობით და გადაწყვეტილების მიღებით შემოიფარგლება. აღნიშნული გარემოება, მეცნიერის აზრით, ხელს უშლის გადასახადის გადამხდელის უფლებების ეფექტურ დაცვას, ვინაიდან საქმეზე გადაწყვეტილების მიღება სათანადო გამოკვლევისა და განხილვის გარეშე ხდება.³⁸⁵ 2009 წლის შემდეგ შეცვლილი საკანონმდებლო რეგულაციებიდან გამომდინარე, მეცნიერის ეს მოსაზრება შესაძლოა აღარ იყოს რელევანტური საკანონმდებლო რეგულაციების ნაწილთან მიმართებით. მოქმედი საკანონმდებლო რეგულაციების განხილვა შემდგომ ქვეთავებშია წარმოდგენილი, სადაც კანონმდებლობის ამ კუთხით შეფასებაც მოხდება. იმის მიხედვით, თუ როგორია ქვეყნის სამართლებრივი სისტემა და გამიჯნულია თუ არა ადმინისტრაციული და სისხლისსამართლებრივი პასუხისმგებლობები, საგადასახადო სამართალდარღვევების საქმეები განსხვავებულად განიხილება. მაგალითად, შვედეთში საგადასახადო სამართალდარღვევების გამოვლენისას უფლებამოსილი პირები იყენებენ ადმინისტრაციული სამართლით დადგენილ პროცედურებს. ამასთანავე, 1972 წლიდან, მხოლოდ სერიოზული საგადასახადო დარღვევები იწვევს სისხლის სამართლის პასუხისმგებლობას, რაც ამ შემთხვევაში მოითხოვს სისხლის სამართლის ბრალდების არსებობას და სასამართლოს მიერ პირის დამნაშავედ ცნობას. რაც შეეხება უფრო მცირე მნიშვნელობის დარღვევებს, ისინი ჩვეულებრივად განიხილება საგადასახადო ადმინისტრაციების მიერ და შესაძლებელია პირის მიმართ გამოიწვიოს ე.წ. დამატებითი გადასახადის სახელწოდებით ცნობილი თანხის დარიცხვა.³⁸⁶ როგორც არაერთხელ აღინიშნა სადისერტაციო ნაშრომში, საერთო სამართლის ქვეყნებში და მათ შორის აშშ-ში კანონმდებლობით ორი სახის პასუხისმგებლობა არის დაწესებული: სამოქალაქო და სისხლის სამართლებრივი პასუხისმგებლობა. საგადასახადო სამართალდარღვევების გამოვლენის შემთხვევაში, აშშ-ის ფედერალური საგადასახადო სამსახურის სისხლის საგამოძიებო განყოფილება იწყებს გამოძიებას. თუ ვლინდება, რომ სახეზეა დარღვევა და მართლაც არის ჩადენილი სისხლისსამართლებრივი დარღვევა, შემოსავლების სამსახურში მომზადებული დასკვნა თავდაპირველად იგზავნება იუსტიციის დეპარტამენტში და შემდეგ უკვე პროკურორთან. ამ პროცესში გადამხდელთა უფლებები არის დაცული და ეს უკანასკნელი სარგებლობს ჟელა იმ უფლებით, რაც სისხლის სამართლის წესით ბრალდებულ პირს გააჩნია. წარმოების მთელი პროცესი მიმართულია იმის დასადგენად, პირმა ჩაიდინა სისხლის სამართლებრივი დარღვევა თუ სამოქალაქო დარღვევა. მიუხედავად იმისა, რომ უმეტეს შემთხვევებში სამოქალაქო და სისხლის სამართალდარღვევების საქმეთა განხილვა პროცედურულად ერთად

³⁸⁵ იხ. ზ. როგავა საგადასახადო სამართლი, საგადასახადო კონტროლი და საგადასახადო პასუხისმგებლობა, პირველი გამოცემა, ბაქმი, თბილისი, 2009წ. გვ. 336.

³⁸⁶ იხ. W. Wade, H. Ragnemalm, P. Lstrauss, Administrative Law the problem of Justice, vol. №1 Anglo american and Nordic Systems, Editied by A. Piras, Coordinated by G. Motzo Giuffre, Milan, 1991, pp. 323.

მიმდინარეობს, შედეგი შესაძლოა დადგეს სრულიად განსხვავებული. პირს შესაძლოა დაეკისროს სისხლისსამართლებრივი პასუხისმგებლობა მკაცრი სანქციის ან მსუბუქი სანქციის სახით ან მას დაეკისროს სამოქალაქო სამართლებრივი პასუხისმგებლობა. განსხვავება სამოქალაქო და სისხლის სამართლებრივ პროცედურებს შორის ვლინდება მხოლოდ ბრალდების მტკიცების ხარისხში. სისხლის სამართლებრივი ბრალდების შემთხვევაში გონივრულ ეჭვს მიღმა სტანდარტია დადგენილი, მაშინ როცა სამოქალაქო სანქციების გამოყენებისას აღნიშნული სტანდარტი გაცილებით დაბალია.³⁸⁷

8.1.2.2. საგადასახადო სამართალდარღვევების გამოვლენის შემთხვევები და საქმის განხილვა საქართველოს საგადასახადო კანონმდებლობიდან გამომდინარე

საქართველოს კანონმდებლობის ანალიზი ცხადყოფს, რომ საგადასახადო სამართალდარღვევების გამოვლენა, რაც წარმოადგენს საგადასახადო სამართალდარღვევის საქმის წარმოების დაწყების საფუძველს, შესაძლოა მოხდეს მიმდინარე კონტროლის პროცედურების³⁸⁸ ან საგადასახადო შემოწმების (კამერალური და გასვლითი საგადასახადო შემოწმება) პროცესში³⁸⁹ და საგადასახადო ორგანოების მიერ გადასახადების აღმინისტრირების დროს.³⁹⁰

საქართველოს საგადასახადო კოდექსი არ განსაზღვრავს, რა ნიშნით ხდება საწარმოთა მიმართ საგადასახადო კონტროლის პროცედურების განხორციელება, თუმცა კანონქვემდებარე ნორმატიული აქტით განსაზღვრულია კონტროლის პროცედურების ჩატარების მომზადების პროცესში თუ რომელი მონაცემების შეგროვება და გაანალიზება უნდა მოხდეს კონტროლის პროცედურების ჩატარებამდე.³⁹¹

³⁸⁷ ი. გ. Th. M. Elliott, Department of Revenue of Montana v. Kurth Ranch: The Demise Of Civil Tax Fraud Consequences? (Journal) "Vanderbilt Law Review", Vol. 48:1421, 1995, 1450-1459. <<http://heinonline.org/>> [24.08.2012].

³⁸⁸ ი. საგადასახადო კონტროლის განმახორციელებელი პირის შერჩევისა და საგადასახადო კონტროლის განხორციელების, მიმდინარე კონტროლის პროცედურების ჩატარების, სასაქონლო-მატერიალურ ფასეულობათა ჩამოწერის, საგადასახადო დავალიანების გადახდევინების უზრუნველყოფის ღონისძიებების განხორციელების, სამართალდარღვევათა საქმისწარმოების წესის დამტკიცების თაობაზე" საქართველოს ფინანსთა მინისტრის 2010 წლის 31 დეკემბრის ბრძანება №994, მე-6 მუხლის მე-5, მე-6 პუნქტები, 69-ე მუხლის მე-4 პუნქტი, 2012 წლის 20 სექტემბრის მდგომარეობით.

³⁸⁹ ი. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 271-ე მუხლის მე-2 ნაწილი, 2012 წლის 23 აგვისტოს მდგომარეობით.

³⁹⁰ ი. შემოსავლების სამსახურის უფროსის 2011 წლის 2 ივნისის ბრძანება №2742 „საჯარო სამართლის იურიდიული პირის – შემოსავლების სამსახურის სტრუქტურული ერთეულების დებულების დამტკიცების თაობაზე“ 03.03.2012 წლის მდგომარეობით.

³⁹¹ ი. საგადასახადო კონტროლის განმახორციელებელი პირის შერჩევისა და საგადასახადო კონტროლის განხორციელების, მიმდინარე კონტროლის პროცედურების ჩატარების, სასაქონლო-მატერიალურ ფასეულობათა ჩამოწერის, საგადასახადო დავალიანების გადახდევინების უზრუნველყოფის ღონისძიებების განხორციელების, სამართალდარღვევათა საქმისწარმოების წესის დამტკიცების თაობაზე“ საქართველოს

აშშ-ში საგადასახადო შემოწმების ჩატარებისას გადასახადის გადამხდელები შეირჩევა სპეციალური პროგრამის - გადასახადების გადახდის შეფასების პროგრამის - Taxpayer Compliance Measurement Program (TCMP) მეშვეობით. პროგრამა ავტომატიზირებულად განსაზღვრავს იმ გადამხდელებს, რომლებიც ექვემდებარებიან შემოწმებას. თუმცა აღნიშნულ პროგრამას აშშ-ში ჰყავს კრიტიკოსები, რომლებსაც მიაჩნიათ, რომ ამ პროგრამის მეშვეობით აუდიტისა და შესამოწმებელ გადამხდელთა წრეში ხვდებიან ყოველთვის მსხვილი გადამხდელები. საშუალო შემოსავლის ან მცირე შემოსავლიანი გადამხდელების შემოწმების პროცენტული მაჩვენებელი არის 1%, რაც, თავის თავად, მათ მიერ ჩადენილი სამართალდარღვევების გამოვლენის დაბალ მაჩვენებელზე აისახება.³⁹² საინტერესოა, ასევე, აშშ-ში საგადასახადო სამართალდარღვევების გამოვლენისთვის გამოყენებული გ.წ. წითელი დორშების პრინციპი, რაც მოიაზრებს თავის თავში კონკრეტული გადამხდელებისთვის უჩვეულო ან/და სხვა საგადასახადო პერიოდებისგან განსხვავებული მონაცემების შესწავლას, ჩადენილი საგადასახადო სამართალდარღვევათა გამოვლენის მიზნით.³⁹³

საგადასახადო სამართალდარღვევათა საქმის წარმოების პროცედურები, იმის მიხედვით როდისაა სამართალდარღვევები გამოვლენილი საგადასახადო კონტროლისა თუ გადასახადების ადმინისტრირების დროს, სხვადასხვა პროცედურის განხორციელებით მიმდინარეობს. კერძოდ, საქართველოს საგადასახადო კოდექსის თანახმად, საგადასახადო კონტროლის ორი ფორმა არსებობს: მიმდინარე კონტროლის პროცედურები და საგადასახადო შემოწმება.³⁹⁴ მიმდინარე კონტროლის პროცედურებს მიეკუთვნება:³⁹⁵ ქრონომეტრაჟი; საგადასახადო მონიტორინგი; საკონტროლო შესყიდვა; საკონტროლო სალარო აპარატების გამოყენების წესების დაცვის კონტროლი; დათვალიერება; ინვენტარიზაცია. საგადასახადო შემოწმება მოიცავს: კამერალურ და გასვლით საგადასახადო შემოწმებას.³⁹⁶ აქვე უნდა აღინიშნოს, რომ საგადასახადო კონტროლის პროცედურების განხილვა სადისერტაციო ნაშრომში მოხდება მხოლოდ იმ მოცულობით, რაც კვლევის მიზნებისთვის იქნება აუცილებელი და არ იქნება წარმოდგენილი ამ საკითხების სიღრმისეული განხილვა.

ფინანსთა მინისტრის 2010 წლის 31 დეკემბრის ბრძანება №994, მე-5 მუხლი, 2012 წლის 20 სექტემბრის მდგრმარეობით.

³⁹² იხ. A. Raskolnikov, Crime and Punishment in Taxation: Deceit, Deterrence and the self-adjusting Penalty, Columbia Law Review, April 2006, Columbia University - Law School, pp. 584 <http://papers.ssrn.com/sol3/papers.cfm?abstract_id=823468>, [23.08.2012].

³⁹³ იხ. იქვე, pp. 583-594 <http://papers.ssrn.com/sol3/papers.cfm?abstract_id=823468>, [23.08.2012].

³⁹⁴ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), მე-12 კარი, 2012 წლის 23 აგვისტოს მდგრმარეობით.

³⁹⁵ იხ. იქვე, 37-ე თავი, 2012 წლის 23 აგვისტოს მდგრმარეობით.

³⁹⁶ იხ. იქვე, 262-ე მუხლი, 2012 წლის 23 აგვისტოს მდგრმარეობით.

8.1.2.3. საგადასახადო სამართალდარღვევის განმხილველი ორგანოები

ადმინისტრაციული სამართალდარღვევების მრავალფეროვნებიდან გამომდინარე მრავალფეროვანია ამ სამართალდარღვევების განმხილველი ორგანოებიც, რომლებიც მათი კომპეტენციის ფარგლებში განიხილავნ სხვადასხვა სახის სამართალდარღვევის საქმეებს.³⁹⁷

საგადასახადო სამართალდარღვევების განმხილველ ორგანოებს საქართველოს კანონმდებლობის თანახმად, წარმოადგენენ საგადასახადო ორგანოები, ასევე, საგადასახადო ორგანოთა მიერ უფლებამოსილი პირები (ცალკეულ შემთხვევებში ეს უფლებამოსილი პირები არიან კანონმდებლობის საფუძველზე საჯარო უფლებამოსილების განმახორციელებელი, როგორიცაა სსიპ - აღსრულების ეროვნული ბიურო, ან ცალკეული სამართალდარღვევების შემთხვევებში შინაგან საქმეთა ორგანოები) და ასევე, სხვა პირები (საგადასახადო ინსპექტორები, აღტერნატიული აუდიტის განმახორციელებელი პირები), რომლებიც თავის უფლებამოსილებას სსიპ - შემოსავლების სამსახურთან გაფორმებული ხელშეკრულების საფუძველზე ახორციელებენ.³⁹⁸

ზემოთ განხილული კონტედურებისა და გადასახადების ადმინისტრირების სხვადასხვა დონისძიების (მაგალითად, საგადასახადო დავალიანების გადახდევინების უზრუნველყოფა) განხორციელების დროს საგადასახადო და ადმინისტრაციული (იმ სამართალდარღვევების, რომლებიც არის გათვალისწინებული ადმინისტრაციული სამართალდარღვევების კოდექსით) სამართალდარღვევების გამოვლენა და სამართალდარღვევის ოქმების შედგენა შედის შემოსავლების სამსახურის შემდეგი სტრუქტურული ერთეულების უფლებამოსილების ფარგლებში: მომსახურების, საგადასახადო პრევენციის, გაფორმების და ეკონომიკური საზღვრის დაცვის დეპარტამენტები.³⁹⁹ გარდა ამისა, ცალკეული სახის ადმინისტრირების დონისძიებების (ცალკეული სახის საგადასახადო დავალიანების გადახდევინების უზრუნველყოფის დონისძიებები, როგორიცაა ყადაღის დადება, ყადაღადადებულის ქონების რეალიზაცია და მათთან დაკავშირებული ცალკეული მოქმედებები) განხორციელების უფლებამოსილება და სამართალდარღვევის ოქმების შედგენის უფლება საგადასახადო ორგანოსა და აღსრულების ეროვნულ ბიუროს შორის

³⁹⁷ იხ. ვ. ლორია საქართველოს ადმინისტრაციული საპროცესო სამართალი, რედ. ა. ფალიაშვილი, გამომცემლობა მერიდიანი, თბილისი, 2002წ. გვ. 231-233.

³⁹⁸ იხ. საქართველოს საგადასახადო კოდექსი (გამოქვენებული საქართველოს საკანონმდებლო მაცნე, №54, 12.10.2010, მუხ. 343), 271-ე მუხლი, 2012 წლის 23 აგვისტოს მდგომარეობით და „საგადასახადო კონტროლის განმახორციელებელი პირის შერჩევისა და საგადასახადო კონტროლის განხორციელების, მიმდინარე კონტროლის პროცედურების ჩატარების, სასაქონლო-მატერიალურ ფასეულობათა ჩამოწერის, საგადასახადო დავალიანების გადახდევინების უზრუნველყოფის დონისძიებების განხორციელების, სამართალდარღვევათა საქმისწარმოების წესის დამტკიცების თაობაზე“ საქართველოს ფინანსთა მინისტრის 2010 წლის 31 დეკემბრის ბრძანება №994, მე-15¹ მუხლი, 69-ე მუხლის მე-3 პუნქტი, 2012 წლის 20 სექტემბრის მდგომარეობით.

³⁹⁹ იხ. შემოსავლების სამსახურის უფროსის 2011 წლის 2 ივნისის ბრძანება №2742 „საჯარო სამართლის იურიდიული პირის – შემოსავლების სამსახურის სტრუქტურული ერთეულების დებულების დამტკიცების თაობაზე“ 03.03.2012 წლის მდგომარეობით.

დადებული ხელშეკრულების საფუძველზე, გადაცემული აქვს სსიპ - ადსრულების ეროვნულ ბიუროს, რომელიც ამ ფუნქციის განხორციელების დროს გამოვლენილ საგადასახადო სამართალდარღვევების შესახებ ოქმებს აღგენს.⁴⁰⁰ სსიპ - ადსრულების ეროვნული ბიუროს მიერ ასეთი დონისძიებების განხორციელების გარდა, საგადასახადო კოდექსის 49-ე მუხლის მე-6 ნაწილის საფუძველზე, საქართველოს საგადასახადო კანონმდებლობით, საქართველოს საგადასახადო ორგანოს კომპეტენციისთვის მიკუთვნებული საგადასახადო კონტროლის ცალკეული სახეები შესაძლებელია განახორციელოს სხვა პირმა. მოქმედი კანონქვემდებარე ნორმატიული აქტებიდან გამომდინარე, აღნიშნულ სხვა პირებს წარმოადგენენ კერძო საგადასახადო ინსპექტორები და ალტერნატიული აუდიტის განმახორციელებელი პირები.

კერძო საგადასახადო ინსპექტორებს გააჩნიათ უფლებამოსილება განახორციელონ მიმდინარე კონტროლის ისეთი პროცედურა, როგორიცაა საკონტროლო შესყიდვა.⁴⁰¹ საგადასახადო კანონმდებლობა საკონტროლო შესყიდვის განხორციელების მიზნებს შემდეგნაირად განსაზღვრავს: ა) საქონლის მიწოდებით ან/და მომსახურების გაწევით მიღებული შემოსავლების რეალური მოცულობის დადგენა; ბ) საქონლის სატარიფო დირექტულების განსაზღვრის სისწორის კონტროლის მიზნით საქონლის რეალური სარეალიზაციო ფასის განსაზღვრის აუცილებლობა; გ) საქართველოს კანონმდებლობის დარღვევის ფაქტის გამოვლენა (მათ შორის: მომხმარებლებთან ნაღდი ფულით ანგარიშსწორებისას საკონტროლო-სალარო აპარატების გამოყენების წესების დარღვევა); საქართველოს ტერიტორიაზე ეროვნული ვალუტის გამოყენების წესების დარღვევის გამოვლენა; საგადასახადო ორგანოში გადასახადის გადამხდელები აღრიცხვის წესის დარღვევის ფაქტის დადგენა და სხვ.).⁴⁰²

ამასთან, კერძო საგადასახადო ინსპექტორი უფლებამოსილია განახორციელოს საკონტროლო შესყიდვა შემდეგი საგადასახადო სამართალდარღვევების გამოვლენის მიზნით: ა) მომხმარებლებთან ნაღდი ფულით ანგარიშსწორებისას საკონტროლო-სალარო აპარატის გარეშე მუშაობა; ბ) მომხმარებელთან ნაღდი ფულით ანგარიშსწორებისას საკონტროლო-სალარო აპარატის გამოუყენებლობა; გ) ჩეკში, ფაქტობრივად, გადახდილზე ნაკლები თანხის ჩვენება; დ) გადასახადის გადამხდელების გადახდილზე ნაკლები თანხის ჩვენება;

⁴⁰⁰ მოქმედი საგადასახადო კოდექსის თანახმად, მხოლოდ სსიპ - ადსრულების ეროვნული ბიურო არის უფლებამოსილი განახორციელოს აღნიშნული სახის ღონისძიებები, ოუმცა კანონმდებლობა იძლევა იმის საშუალებას, რომ მსგავსი უფლებამოსილების დელებირება ხელშეკრულების საფუძველზე განახორციელონ სხვა აღმინისტრაციულმა ორგანებმა. იხ. საქართველოს საგადასახადო კოდექსი (გამოვლენებული საქართველოს საკანონმდებლო მაცნე, №54, 12.10.2010, მუხ. 343), 49-ე მუხლი, 2012 წლის 23 აგვისტოს მდგომარეობით.

⁴⁰¹ იხ. „საგადასახადო კონტროლის განმახორციელებელი პირის შერჩევისა და საგადასახადო კონტროლის განხორციელების, მიმდინარე კონტროლის პროცედურების ჩატარების, სასაქონლო-მატერიალურ ფასეულობათა ჩამოწერის, საგადასახადო დავალიანების გადახდევინების უზრუნველყოფის ღონისძიებების განხორციელების, სამართალდარღვევათა საქმისწარმოების წესის დამტკიცების თაობაზე“ საქართველოს ფინანსთა მინისტრის 2010 წლის 31 დეკემბრის ბრძანება №994, მუხლი 15¹, 2012 წლის 20 სექტემბრის მდგომარეობით.

⁴⁰² იხ. იქვე, მე-10 მუხლი, 2012 წლის 20 სექტემბრის მდგომარეობით.

ადრიცხვის საქართველოს კანონმდებლობით დადგენილი წესის დარღვევა.⁴⁰³ ამდენად, ზემოაღნიშნული ნორმებიდან გამომდინარე, კერძო საგადასახადო ინსპექტორები არ ახდენენ საქართველოს ტერიტორიაზე ეროვნული გალუტის გამოყენების წესების დარღვევის გამოვლენას და შესაბამისი სამართალდარღვევის ოქმის შედგენას, რაც არ წარმოადგენს საგადასახადო სამართალდარღვევას და აღნიშნული დარღვევისთვის პასუხისმგებლობა დადგენილია ადმინისტრაციულ სამართალდარღვევათა კოდექსით.⁴⁰⁴

აღნიშნული ნორმა ცხადყოფს, რომ კანონმდებლობით კერძო საგადასახადო ინსპექტორებზე საქართველოში საგადასახადო ორგანოებს დელეგირებული აქვთ მხოლოდ იმ სამართალდარღვევების გამოვლენა, რომელთა ჩადენისთვის პასუხისმგებლობა საგადასახადო კოდექსითაა დადგენილი და არა ადმინისტრაციულ სამართალდარღვევათა კოდექსით.

ერთ-ერთი სახის საგადასახადო სამართალდარღვევასთან დაკავშირებულ საქმისწარმოებას, საგადასახადო კოდექსის თანახმად, აწარმოებენ, ასევე, შინაგან საქმეთა სამინისტროს შესაბამისი ორგანოები.⁴⁰⁵

საქართველოს ფინანსთა მინისტრის ბრძანებით, რომლითაც მოწესრიგებულია სამართალდარღვევათა საქმის წარმოების საკითხები აღნიშნულია, რომ საგადასახადო სამართალდარღვევის ოქმებს ადგენენ საგადასახადო ორგანოს უფლებამოსილი პირები, კერძო საგადასახადო ინსპექტორები და ალტერნატიული საგადასახადო შემოწმების განმახორციელებელი პირები, ასევე, აღსრულების ეროვნული ბიუროს უფლებამოსილი პირები.⁴⁰⁶

ალტერნატიული საგადასახადო შემოწმების განმახორციელებელ პირს რაც შეეხება, ეს არის პირი, რომელსაც სხიპ - შემოსავლების სამსახურის უფროსის გადაწყვეტილებით მინიჭებული აქვს საგადასახადო შემოწმების

⁴⁰³ იხ. „საგადასახადო კონტროლის განმახორციელებელი პირის შერჩევისა და საგადასახადო კონტროლის განხორციელების, მიმდინარე კონტროლის პროცედურების ჩატარების, სასაქონლო-მატერიალურ ფასეულობათა ჩამოწერის, საგადასახადო დავალიანების გადახდევინების უზრუნველყოფის ღონისძიებების განხორციელების, სამართალდარღვევათა საქმისწარმოების წესის დამტკიცების თაობაზე“ საქართველოს ფინანსთა მინისტრის 2010 წლის 31 დეკემბრის ბრძანება №994, მე-15¹ მუხლი, 2012 წლის 20 სექტემბრის მდგომარეობით.

⁴⁰⁴ ამავე დროს ადმინისტრაციულ სამართალდარღვევათა კოდექსის თანახმად, ამ დარღვევის გამოვლენის შემთხვევაში ოქმის შედენის უფლება აქვს შინაგან საქმეთა ორგანოების მუშაკებს, სახელმწიფო მართველობის ორგანოების მიერ უფლებამოსილ პირებსა და საქართველოს ფინანსთა სამინისტროს საგადასახადო ორგანოების ან სახელმწიფო აუდიტის სამსახურის იურიდიკურის უფლებამოსილ პირებს. იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 153¹-ე მუხლი, 239-ე მუხლის მე-16 ნაწილი, 2012 წლის 28 აგვისტოს მდგომარეობით.

⁴⁰⁵ იხ. იქვე, 271-ე მუხლის, 1-ლი პრიმა ნაწილი, 2012 წლის 23 აგვისტოს მდგომარეობით.

⁴⁰⁶ იხ. „საგადასახადო კონტროლის განმახორციელებელი პირის შერჩევისა და საგადასახადო კონტროლის განხორციელების, მიმდინარე კონტროლის პროცედურების ჩატარების, სასაქონლო-მატერიალურ ფასეულობათა ჩამოწერის, საგადასახადო დავალიანების გადახდევინების უზრუნველყოფის ღონისძიებების განხორციელების, სამართალდარღვევათა საქმისწარმოების წესის დამტკიცების თაობაზე“ საქართველოს ფინანსთა მინისტრის 2010 წლის 31 დეკემბრის ბრძანება №994, 70-ე მუხლის 1-ლი პუნქტი, 2012 წლის 20 სექტემბრის მდგომარეობით.

ჩატარების უფლებამოსილება და შესაბამისი კატეგორია, რითაც განისაზღვრება თუ რა ოდენობის ბრუნვის მქონე გადამხდელების შემოწმების უფლება გააჩნიათ ამ პირებს.⁴⁰⁷

ალტერნატიული აუდიტის განმახორციელებელ პირთა ჩამონათვალი განთავსებულია სიიპ-შემოსავლების სამსახურის ოფიციალურ ვებ-გვერდზე, თუმცა აღნიშნული ჩამონათვალი დროთა განმავლობაში ცვალებადია და განახლებადი.⁴⁰⁸

ზემოაღნიშნული მსჯელობიდან გამომდინარე, გადამხდელთა მხრიდან საგადასახადო და ასევე, ცალკეული სახის ადმინისტრაციული სამართალდარღვევების ჩადენის შემთხვევაში სამართალდარღვევათა საქმის წარმოების განხორციელება და ოქმების შედგენის უფლებამოსილება მიმდინარე კონტროლისა და ადმინისტრირების განხორციელების კომპეტენციის ფარგლებში გააჩნიათ: საგადასახადო ორგანოებს, სიიპ – ადსრულების ეროვნულ ბიუროს, საქართველოს შინაგან საქმეთა ორგანოებს, კერძო საგადასახადო ინსპექტორებს და ალტერნატიული საგადასახადო შემოწმების განმახორციელებელ პირებს. ამასთან, ამ უკანასკნელთან მიმართებით უნდა აღინიშნოს, რომ ამ პირებს აქვთ უფლება განახორციელონ საგადასახადო კონტროლის ისეთი პროცედურა, როგორიცაა საგადასახადო შემოწმება, თუმცა საგადასახადო კოდექსის 271-ე მუხლის მე-2 ნაწილის თანახმად, საგადასახადო სამართალდარღვევის საგადასახადო შემოწმების დორს გამოვლენისას მისი დაფიქსირება ხდება საგადასახადო შემოწმების აქტში⁴⁰⁹ და ოქმის შედგენა აღარ ხდება. ამ შემთხვევაში გამოვლენილი სამართალდარღვევის საქმის წარმოება განსხვავებულია სხვა დორს გამოვლენილი სამართალდარღვევების საქმის წარმოებისგან.

ზემოაღნიშნული მსჯელობიდან გამომდინარე, დასკვნის სახით უნდა აღინიშნოს, რომ მითითებული სუბიექტების მიერ მათი უფლებამოსილების ფარგლებში საქმიანობის განხორციელებისას, საგადასახადო სამართალდარღვევების გამოვლენისას ხდება საგადასახადო სამართალდარღვევათა ოქმების შედგენა, ან დარღვევის დაფიქსირება შემოწმების აქტში, რაც საგადასახადო სამართალდარღვევათა საქმის წარმოების საწყის ეტაპად მიიჩნევა.

⁴⁰⁷ „საგადასახადო კონტროლის განმახორციელებელი პირის შერჩევისა და საგადასახადო კონტროლის განხორციელების, მიმდინარე კონტროლის პროცედურების ჩატარების, სასაქონლო-მატერიალურ ფასეულობათა ჩამოწერის, საგადასახადო დავალიანების გადახდების უზრუნველყოფის ღონისძიებების განხორციელების, სამართალდარღვევათა საქმისწარმოების წესის დამტკიცების თაობაზე“ საქართველოს ფინანსთა მინისტრის 2010 წლის 31 დეკემბრის ბრძანება №994, 37¹-ე მუხლის მეორე პუნქტის „ა“ ქვეპუნქტი, 2012 წლის 20 სექტემბრის მდგრმარეობით.

⁴⁰⁸ იხ. შესაბამისი ჩამონათვალი შემოსავლების სამსახურის ოფიციალურ ვებ-გვერდზე <http://www.rs.ge/default.aspx?sec_id=4861&lang=1> [22.11.2012].

⁴⁰⁹ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 271-ე მუხლის მე-2 ნაწილი, 2012 წლის 23 აგვისტოს მდგრმარეობით.

8.1.2.4. საგადასახადო სამართალდარღვევის ოქმი

საგადასახადო სამართალდარღვევის ოქმის გამოვლენისთანავე მნიშვნელოვანია სამართალდარღვევის ოქმის სათანადოდ შედგენა. საქართველოს უზენაესი სასამართლო 2009 წლის 14 მაისის №ბს-1470-1428(კ-08) გადაწყვეტილებაში⁴¹⁰ მიუთითებს, რომ საგადასახადო სამართალდარღვევის ოქმი არის პირველადი წერილობითი დოკუმენტი, რომელშიც ფიქსირდება საგადასახადო სამართალდარღვევის ფაქტი, რომლის გამოც მომავალში პირის მიმართ შესაძლებელია გამოყენებულ იქნეს კანონით დადგენილი სანქცია. ოქმის შემდგენი პირი ვალდებულია ზედმიწევნით ზუსტად დაიცვას კანონით (კანონქვემდებარე ნორმატიული აქტით) დადგენილი მოთხოვნები. შესაბამისად, ოქმი უნდა იყოს ზედმიწევნით სრული. ამ შემთხვევაში, კანონის ისეთი სავალდებულო მოთხოვნები, როგორიც არის სამართალდარღვევის ოქმის ადგილზე შედგენა, სამართალდამრღვევისთვის ახსნა-განმარტების ჩამორთმევა, მოწმეთა მოძიება, გამოკითხვა და მათ შესახებ ინფორმაციის ოქმში შეტანა, საბოლოო შედეგის დადგომისთვის – სახდელის დაკისრებისთვის პრაქტიკული მნიშვნელობის მქონე გარემოებებს წარმოადგენს.⁴¹¹ საგადასახადო სამართალდარღვევის ოქმი, მოქმედი კანონმდებლობის შესაბამისად, შესაძლოა შედგეს ორი ფორმით: მატერიალური – წერილობითი ფორმით, რომელიც საქართველოს კანონმდებლობის შესაბამისად წარმოადგენს მკაცრი აღრიცხვის დოკუმენტს⁴¹², ან ის შესაძლოა შედგენილ იქნეს ელექტრონული ფორმით. ორივე შემთხვევაში ოქმები ექვემდებარება აღრიცხვას და გააჩნიათ შესაბამისი ნომერი. წერილობითი ოქმი დგება ორ ეგზემპლარად, რომელთაგან ერთი რჩება საგადასახადო ორგანოს, ხოლო მეორე ბარდება/ეგზავნება სამართალდამრღვევ პირს ან მის უფლებამოსილ წარმომადგენელს. ელექტრონული ფორმით ოქმი დგება ერთ ეგზემპლარად და ბარდება/ეგზავნება სამართალდამრღვევ პირს ან მის უფლებამოსილ წარმომადგენელს.⁴¹³ თანამედროვე ადმინისტრაციულ წარმოებაში და მათ

⁴¹⁰ იხ. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2009 წლის 14 მაისის გადაწყვეტილება №ბს-1470-1428(კ-08); საქართველოს უზენაესი სასამართლოს გადაწყვეტილებანი ადმინისტრაციულ საქმეებზე, რედ. ს. ჯორბენაძე (საგადასახადო დავვები 2010 წ. №1) გვ. 42.

⁴¹¹ იხ, იქვე, გვ.42.

⁴¹² მკაცრი აღრიცხვის სამართლებრივი სტატუსი მოქმედი კანონმდებლობითაა განსაზღვრული და ეს დოკუმენტი არის სახელმწიფოს მხრიდან კონტროლს დაქვემდებარებული მკაცრი აღრიცხვის დოკუმენტი, განსხვავებით ელექტრონული დოკუმენტებისაგან. იხ. „მკაცრი აღრიცხვის ფორმების ნუსხის, მკაცრი აღრიცხვის ფორმების რეგისტრაციის წესისა და მკაცრი აღრიცხვის ფორმების რეგისტრაციის ურნალის ფორმის დამტკიცების თაობაზე“ საქართველოს ფინანსთა მინისტრის 2005 წლის 2 აგვისტოს №669 ბრძანება, 2012 წლის 29 აგვისტოს მდგომარეობით.

⁴¹³ იხ. „საგადასახადო კონტროლის განმახორციელებელი პირის შერჩევისა და საგადასახადო კონტროლის განმახორციელებების, მიმდინარე კონტროლის პროცედურების ჩატარების, სასაქონლო-მატერიალურ ფასეულობათა ჩამოწერის, საგადასახადო დავალიანების გადახდევინების უზრუნველყოფის დონისძიებების განხორციელების, სამართალდარღვევათა საქმისწარმოების წესის დამტკიცების თაობაზე“ საქართველოს

შორის, სამართალდარღვევათა საქმის წარმოებასთან დაკავშირებით საკმაოდ აქტიურად გამოიყენება მართვის ავტომატური საშუალებები და მათი მეშვეობით ელექტრონული საქმის წარმოების დანერგვა. ამ ფორმით მიღებული გადაწყვეტილებები ისეთივე იურიდიული ძალის მატარებელია, როგორიც ტრადიციული მატერიალური ფორმებით მიღებული გადაწყვეტილებები.⁴¹⁴

უფლებამოსილმა სუბიექტებმა საგადასახადო სამართალდარღვევის ოქმი უნდა აღნიშნონ: ა) ოქმის დასახელება; ბ) ოქმის შედგენის თარიღი, დრო და ადგილი; გ) საგადასახადო ორგანოს/აღსრულების ეროვნული ბიუროს უფლებამოსილი პირის (პირების) თანამდებობა, სახელი და გვარი ან კერძო საგადასახადო ინსპექტორის/აღტერნატიული საგადასახადო შემოწმების განმახორციელებელი პირის სახელი, გვარი და პირადი ნომერი; დ) სამართალდამრღვევი პირის დასახელება/სახელი და გვარი, საიდენტიფიკაციო/პირადი ნომერი; ე) საგადასახადო სამართალდარღვევის შინაარსი; ვ) შეფარდებული სანქციის სახე ან/და ოდენობა. თუ ჯარიმის დარიცხვისთვის საჭიროა გაანგარიშება, საგადასახადო სამართალდარღვევის ოქმის შემდგენელი პირი ადგენს ცნობას ჯარიმის თანხის გამოანგარიშების შესახებ, რომელიც წარმოადგენს ოქმის განუყოფელ ნაწილს.⁴¹⁵

ზემოთ განხილული ცალკეული სახის ადმინისტრაციული სამართალდარღვევების მსგავსად, საგადასახადო კოდექსის თანახმად, საგადასახადო სამართალდარღვევის ოქმის შედგენაზე უფლებამოსილი პირი სამართალდარღვევის ადგილზე განიხილავს საგადასახადო სამართალდარღვევის საქმეს და სამართალდამრღვევ პირს ადგილზევე უფარდებს საგადასახადო სანქციას. ამ შემთხვევაში პირს შესაბამისი პასუხისმგებლობა დაეკისრება საგადასახადო სამართალდარღვევის ოქმის

ფინანსთა მინისტრის 2010 წლის 31 დეკემბრის ბრძანება №994, 70-ე მუხლის მე-3 პუნქტი, 2012 წლის 28 აგვისტოს მდგომარეობით.

⁴¹⁴ საგულისხმოა, რომ ელექტრონული სერვისებისა და ელექტრონული საშუალებების გამოყენება ადმინისტრაციულ წარმოებაში საქართველოში ცალკეული მიმართულებებით რამდენიმე წელია მიმდინარეობს. ჯერ კიდევ 2010 წლის ამ კუთხით ნამდვილად პოზიტიური ტენდენციები შეიმჩნეოდა, ამასთან ამ სფეროში ლიდერებად საქართველოს იუსტიციის სამინისტროსთან ერთად, მინწეულია საქართველოს ფინანსთა სამინისტრო და დაბეგვრის სფეროში მის მიერ ახალი საგადასახადო პორტალის შექმნა და საგადასახადო ადმინისტრირებაში ელექტრონული საქმისწარმოების განხორციელების დაწყება. ელექტრონული ოქმების შედგენაც ამ პროცესის განუყოფელი ნაწილია, რაც საგრძნობლად ამარტივებს წარმოების მიმდინარეობას საგადასახადო სამართალდარღვევებთან მიმართებით. იხ. საქართველოს საჯარო დაწესებულებებისათვის საინფორმაციო (ინტერნეტ) რესურსების მონიტორინგი, ინფორმაციის თავისუფლების განვითარების ინსტიტუტი (2010 წლის აგვისტო-დეკემბერი) თბილისი, 2011წ. გვ. 35.

⁴¹⁵ იხ. „საგადასახადო კონტროლის განმახორციელებელი პირის შერჩევისა და საგადასახადო კონტროლის განხორციელების, მიმდინარე კონტროლის პროცედურების ჩატარების, სასაქონლო-მატერიალურ ფასეულობათა ჩამოწერის, საგადასახადო დავალიანების გადახდებინების უზრუნველყოფის ღონისძიებების განხორციელების, სამართალდარღვევათა საქმისწარმოების წესის დამტკიცების თაობაზე“ საქართველოს ფინანსთა მინისტრის 2010 წლის 31 დეკემბრის ბრძანება №994, 70-ე მუხლის მე-5, მე-6 პუნქტები, 2012 წლის 28 აგვისტოს მდგომარეობით.

საფუძველზე, რომელიც ითვლება საგადასახადო მოთხოვნად.⁴¹⁶ ამავე დროს, საგადასახადო კოდექსის 64-ე მუხლის თანახმად, საგადასახადო მოთხოვნა არის საგადასახადო ორგანოს მიერ გამოცემული ადმინისტრაციულ-სამართლებრივი აქტი, რომლის შესრულებაც საგადადებულოა კანონმდებლობით დადგენილი წესით.⁴¹⁷

ზემოაღნიშნულიდან გამომდინარე, მიმდინარე კონტროლის პროცედურების და საგადასახადო ადმინისტრირების პროცესში გამოვლენილი საგადასახადო სამართლდარღვევების დაფიქსირება და საქმის განხილვა ერთდროულად ხორციელდება. ამ დროს ოქმი გასაცნობად წარედგინება სამართლდამრღვევ პირს, თუ იგი ესწრება მის შედგენას. სამართლდამრღვევ პირს უფლება აქვს, წარმოადგინოს განმარტებები და შენიშვნები, რომლებიც აისახება ოქმში ან დაერთვება მას. თუ სამართლდამრღვევი პირი უარს აცხადებს ოქმის ხელმოწერაზე ან ჩაბარებაზე, ოქმის შემდგენელი პირის მიერ ოქმში კეთდება შესაბამისი ჩანაწერი.⁴¹⁸

ხშირ შემთხვევაში პრაქტიკაში საგადასახადო ორგანოები გადამხდელების მიერ ოქმში რაიმე სახის შენიშვნების დაფიქსირებას, ან უბრალოდ ხელის მოწერას და არა ოქმში დაფიქსირებული დარღვევის აღიარების შესახებ მათ მითითებას, მიიჩნევენ გადამხდელის მიერ სამართლდარღვევის ჩადენის აღიარებად. აღნიშნულთან დაკავშირებით საინტერესოა საქართველოს უზენაესი სასამართლოს შეფასება. სასამართლო ერთ-ერთ საქმეში მიუთითებს, რომ გადამხდელის წარმომადგენლის მიერ სამართლდარღვევის ოქმის „შენიშვნების“ გრაფაში დაფიქსირებული ახსნა-განმარტებით აღიარებულია მხოლოდ კონკრეტული ფაქტი, რაც სამართლდარღვევის აღიარებად ვერ იქნება მიჩნეული, რადგან სასამართლო განმარტავს, რომ სამართლდარღვევა არის მოქმედება ან უმოქმედობა, რომლისთვისაც საგადასახადო კოდექსის მიხედვით დადგენილია პასუხისმგებლობა. ამდენად, თავად ფაქტის აღნიშვნა გადამხდელის მიერ შენიშვნების გრაფაში არ ნიშნავს სამართლდარღვევის ჩადენის დადასტურებას, რამეთუ განსახილველ შემთხვევაში, გადამხდელს დღის ბოლომდე პქონდა უფლება შეესრულებინა კონკრეტული მოქმედება და შესაბამისად, ოქმის შედგენის დროისთვის, რაც შენიშვნაშიც იქნა მითითებული, გადამხდელის მიერ არ იყო ჩადენილი სამართლდარღვევის

⁴¹⁶ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 271-ე მუხლის მე4 ნაწილი, 2012 წლის 23 აგვისტოს მდგრმარეობით.

⁴¹⁷ იხ. იქვე, 64-ე მუხლის 1-ლი ნაწილი, 2012 წლის 23 აგვისტოს მდგრმარეობით.

⁴¹⁸ იხ. „საგადასახადო კონტროლის განმახორციელებელი პირის შერჩევისა და საგადასახადო კონტროლის განხორციელების, მიმდინარე კონტროლის პროცედურების ჩატარების, სასაქონლო-მატერიალურ ფასეულობათა ჩამოწერის, საგადასახადო დავალიანების გადახდევინების უზრუნველყოფის ღონისძიებების განხორციელების, სამართლდარღვევათა საქმისწარმოების წესის დამტკიცების თაობაზე“ საქართველოს ფინანსთა მინისტრის 2010 წლის 31 დეკემბრის ბრძანება №994, 70-ე მუხლი, 2012 წლის 28 აგვისტოს მდგრმარეობით.

ფაქტი. ე.ო. გადამხდელის მხრიდან საგადასახადო კოდექსით გათვალისწინებული საგადასახადო სამართალდარღვევა არ მომხდარა.⁴¹⁹ როგორც უკვე აღინიშნა, ზოგადად სამართალდარღვევების განხილვისას ამ სამართალდარღვევის განმხილველი სუბიექტები ვალდებული არიან სათანადოდ განიხილონ და სრულყოფილად შეისწავლონ საკითხი, გამოიკვლიონ ფაქტობრივი გარემოებები და მხოლოდ ამის შემდეგ მიიღონ შესაბამისი გადაწყვეტილებები. ზემოაღნიშნული ნორმებიდან გამომდინარე კი ნათელია, რომ სამართალდარღვევის გამოვლენის ადგილზე ოქმის შედგენისას, რაც, ამავე დროს, წარმოადგენს სამართალდამრღვევის მიმართ მიღებულ გადაწყვეტილებას დაჯარიმებასთან დაკავშირებით, საკითხის განხილვა საკმაოდ ზედაპირულად ხორციელდება და სამართალდარღვევის ადგილზე დაფიქსირებისას, პრაქტიკულად გამორიცხულია დაინტერესებული პირის მიერ დამატებით ინფორმაციის მოძიების და მოგვიანებით წარდგენის შესაძლებლობა.


საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2009 წლის 21 მაისის გადაწყვეტილებაში⁴²⁰ №ბს-1239-1201(კ-08) ერთ-ერთ საქმეზე სასამართლო აღნიშნავს, რომ საგადასახადო სამართალდარღვევის ოქმის შედგენისას ოქმის შემდგენს არ მოეთხოვება სამართალდარღვევის იურიდიული კვალიფიკაცია, ვინაიდან ოქმის შედგენისას შეუძლებელია გადასახადის გადამხდელის მიერ კონკრეტული სამართალდარღვევის ჩადენის განმეორებითობის განსაზღვრა, რის გამოც ოქმში მისი მიუთითებლობა არ წარმოადგენს კანონის დარღვევას, რაც განაპირობებდა თავად ამ ოქმის უკანონობას. სასამართლო მიუთითებს, რომ იურიდიული კვალიფიკაცია ოქმის საფუძველზე საკითხის განხილვისას სამართალდარღვევის საქმის განხილვისა და გადაწყვეტილების მიღების სტადიაზე გადასაწყვეტი საკითხია. აღნიშნული შემთხვევა სრულიად განსხვავებულია მოქმედი კანონმდებლობისგან, რომელიც საგადასახადო სამართალდარღვევის შედგენის ადგილზე სანქციის შეფარდების საშუალებას იძლევა, მსგავსად სხვადასხვა სახის ადმინისტრაციული სამართალდარღვევების შემთხვევებისა.

⁴¹⁹ ი.ხ. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2009 წლის 22 დეკემბრის გადაწყვეტილება №ბს-942-902(კ-09), საქართველოს უზენაესი სასამართლოს გადაწყვეტილებანი ადმინისტრაციულ და სხვა კატეგორიის საქმეებზე, რედ. ს. ჯორბეგნაძე (საგადასახადო დავები 2009 წ. №12), გვ. 83.

⁴²⁰ ი.ხ. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2009 წლის 21 მაისის გადაწყვეტილება №ბს-1239-1201(კ-08), საქართველოს უზენაესი სასამართლოს გადაწყვეტილებანი ადმინისტრაციულ საქმეებზე, რედ. ს. ჯორბეგნაძე (საგადასახადო დავები 2010 წ. №1), გვ. 68.

8.1.2.5. საგადასახადო შემოწმების დროს გამოვლენილი საგადასახადო
სამართალდარღვევის განხილვა

სქემა №2



სრულიად განსხვავებულია საგადასახადო სამართალდარღვევების საქმის წარმოება იმ შემთხვევაში, როცა მათი გამოვლენა ხორციელდება საგადასახადო შემოწმების დროს (იხ. სქემა №2). განსხვავებით მიმდინარე კონტროლისა და გადასახადების ადმინისტრირების დროს სამართალდარღვევების გამოვლენისა, რაც უფლებამოსილი პირების მიერ ფიქსირდება შესაბამის სამართალდარღვევის ოქმში, საგადასახადო შემოწმების ჩატარების დროს ხდება შემოწმების აქტის შედგენა. ასეთი შემოწმების დროს გამოვლენილი სამართალდარღვევების თაობაზე არ ხდება ცალკე სამართალდარღვევის ოქმის შედგენა და მათი დაფიქსირება ხორციელდება შემოწმების აქტში.⁴²¹ საგადასახადო შემოწმების აქტის საფუძველზე გადასახადების ან/და საგადასახადო სანქციის გამოყენების თაობაზე შესაბამისი საგადასახადო ორგანო, აქტის შედგენიდან არა უგვიანეს 30 კალენდარული დღისა, იღებს გადაწყვეტილებას, რომელიც ფორმდება საგადასახადო ორგანოს უფროსის/მოადგილის ინდივიდუალური აღმინისტრაციულ-სამართლებრივი აქტით.⁴²² ამდენად, საგადასახადო შემოწმების დროს გამოვლენილ სამართალდარღვევებთან დაკავშირებით გადაწყვეტილება არ მიიღება მათი გამოვლენისთანავე, არამედ, მას წინ უძლვის საკითხის განხილვის შესაძლებლობა. საგადასახადო შემოწმების შესახებ აქტის შედგენის შემდეგ გადაწყვეტილების გამოტანამდე გადამხდელებს აქვთ საშუალება მიმართონ შემოწმების განმახორციელებელ ორგანოს და წარადგინონ თავიანთი ახსნა-განმარტებები, დამატებითი მტკიცებულებები ან/და მოსაზრებები, რომელთა გათვალისწინება არის შესაძლებელი საგადასახადო ორგანოს მიერ საბოლოო გადაწყვეტილების მიღებამდე. სეიპ - შემოსავლების სამსახურის აუდიტის დეპარტამენტი ჩატარებული საგადასახადო შემოწმების შედეგებს წინასწარ განიხილავს გადაწყვეტილების მიღებამდე.⁴²³

ამავე დროს, თუ ეს საგადასახადო შემოწმება განხორციელებულია ალტერნატიული საგადასახადო შემოწმების განმახორციელებელი პირის მიერ, ამ შემთხვევაში საგადასახადო შემოწმების აქტის შედგენის შემდეგ კანონმდებლობის საფუძველზე შესაძლოა მედიაციის გამართვა, რაც გულისხმობს საგადასახადო ორგანოს/შემოსავლების სამსახურის მიერ ალტერნატიული აუდიტის შედეგებზე გადასახადის გადამხდელის პოზიციის

⁴²¹ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 271-ე მუხლის მე-2 ნაწილი, 2012 წლის 23 აგვისტოს მდგომარეობით.

⁴²² იხ. „საგადასახადო კონტროლის განმახორციელებელი პირის შერჩევისა და საგადასახადო კონტროლის განხორციელების, მიმდინარე კონტროლის პროცედურების ჩატარების, სასაქონლო-მატერიალურ ფასეულობათა ჩამოწერის, საგადასახადო დავალიანების გადახდევინების უზრუნველყოფის დონისძიებების განხორციელების, სამართალდარღვევათა საქმისწარმოების წესის დამტკიცების თაობაზე“ საქართველოს ფინანსთა მინისტრის 2010 წლის 31 დეკემბრის ბრძანება №994, 71-ე მუხლის მე-3 პუნქტი, 2012 წლის 28 აგვისტოს მდგომარეობით.

⁴²³ იხ. შემოსავლების სამსახურის უფროსის 2011 წლის 2 ივნისის ბრძანება №2742 „საჯარო სამართლის იურიდიული პირის – შემოსავლების სამსახურის სტრუქტურული ერთეულების დებულების დამტკიცების თაობაზე“ დანართი №8, მე-5 მუხლი 2012 წლის 3 მარტის მდგომარეობით.

განხილვის, გადაწყვეტილების მისაღებად დამატებით საკითხის შესწავლისა და გარემოებების სრულყოფილად გამოკვლევის შესაძლებლობის არსებობას.⁴²⁴

მედიაციასთან მიმართებით საინტერესოა აშშ-ის ცალკეული შტატების (მაგალითად ფლორიდის შტატი) მაგალითი, სადაც შესაძლო მოლაპარაკებების გამართვა შემოსავლების სამსახურთან და ასევე, ე.წ. არაფორმალური გასაჩივრების მექანიზმების გამოყენება გამოვლენილი სამართალდარღვევის გამო ჯარიმის დაკისრების სისწორეებთან დაკავშირებით.⁴²⁵

ამდენად, საგადასახადო შემოწმების პროცედურების განხორციელების დროს განსხვავებით ზემოთ განხილული სხვა შემთხვევებისა, გადასახადის გადამხდელებს აქვთ შესაძლებლობა გადაწყვეტილების მიღებამდე წარადგინონ ახსნა-განმარტებები და დამატებითი მოსაზრებები. სხვა შემთხვევებში კი საგადასახადო სამართალდარღვევებთან დაკავშირებით პასუხისმგებლობის დაკისრების შესახებ გადაწყვეტილებები მიღება ადგილზე სამართალდარღვევის გამოვლენისას, რაც როგორც საგადასახადო ორგანოს მხრიდან, ასევე, თავად გადამხდელების მხრიდან შეუძლებელს ხდის დამატებითი გარემოებების გამოკვლევას, სრულყოფილად საკითხის შესწავლას და გადაწყვეტილების შემდეგ მიღებას.

8.1.2.6. საგადასახადო სამართალდარღვევასთან დაკავშირებით გადაწყვეტილების მიღება

თეორიაში ადმინისტრაციული სამართალდარღვევების გამოკვლევისა და განხილვის შემდეგ ეტაპად განიხილავენ სახდელის დაკისრების სტადიას, რომელზეც მიღება გადაწყვეტილება: ადმინისტრაციული სახდელის დაკისრების ან/და საქმის წარმოების შეწყვეტის შესახებ.⁴²⁶ საინტერესოა სასამართლოს განმარტება ადმინისტრაციული ორგანოს მიერ გადაწყვეტილების მიღებამდე გასათვალისწინებელ გარემოებებთან დაკავშირებით. როგორც საქართველოს უზენაესი სასამართლოს 2012 წლის 11 აპრილის №ბს-1655-1627 (ქ-11) გადაწყვეტილებაშია აღნიშნული, ადმინისტრაციული ორგანოს მიერ სახდელის დანიშნის დროს მხედველობაში მიღება ის ზოგადი საწყისები, რომლებიც განაპირობებს

⁴²⁴ ი. „საგადასახადო კონტროლის განმახორციელებელი პირის შერჩევისა და საგადასახადო კონტროლის განმახორციელებების, მიმდინარე კონტროლის პროცედურების ჩატარების, სასაქონლო-მატერიალურ ფასეულობათა ჩამოწერის, საგადასახადო დავალიანების გადახდევინების უზრუნველყოფის ღონისძიებების განხორციელების, სამართალდარღვევათა საქმისწარმოების წესის დამტკიცების თაობაზე“ საქართველოს ფინანსთა მინისტრის 2010 წლის 31 დეკემბრის ბრძანება №994, 37¹-ე მუხლი, 2012 წლის 28 აგვისტოს მდგომარეობით.

⁴²⁵ ი. R. Babin, Y. Gsteiger, Florida Tax Procedure: A Primer, (Journal) The Florida Bar Journal, June, 2007 Volume 81, No. 6, pp73-76. <<https://www.floridabar.org/divcom/jn/jnjournal01.nsf/Author/66A17FF237043D33852572E6006D4742>> [30.08.2012].

⁴²⁶ ი. ვ. ლორია საქართველოს ადმინისტრაციული საპროცესო სამართალი, რედ. ა. ფალიაშვილი, გამომცემლობა მერიდიანი, თბილისი, 2002წ. გვ. 239-240.

სამართლიანი სახდელის დაკისრებას, პირის დასჯას მის მიერ ჩადენილი ქმედების თანაზომიერად. მხედველობაში მიიღება, ასევე, ჩადენილი სამართლდარღვევის ხასიათი, დამრღვევის პიროვნება, მისი ბრალის ხარისხი, ქონებრივი მდგომარეობა, შემამსუბუქებელი და დამამძიმებელი გარემოებები, რაც სანქციის ინდივიდუალიზაციის პრინციპის გატარების აუცილებელი პირობათაგანია.⁴²⁷

საგადასახადო სამართლდარღვევების შემთხვევაში, როგორც ზემოაღნიშნული მსჯელობიდან გამომდინარეობს, მიმდინარე კონტროლის პროცედურების განხორციელებისა და გადასახადების ადმინისტრირების პროცესში სამართლდარღვევების გამოვლენისთანავე, ადგილზე ხდება პასუხისმგებლობის ზომის შეფარდების თაობაზე გადაწყვეტილების მიღება, ხოლო საგადასახადო შემოწმების დროს ამ გადაწყვეტილების მიღებას წინ უძღვის საკითხის განხილვა და ადმინისტრაციული წარმოების ჩატარება. პირველ შემთხვევაში ცალკე გადაწყვეტილება შეწყვეტის თაობაზე არ მიიღება, თუმცა მეორე შემთხვევაში საკითხის განხილვის შემდეგ შესაძლოა მიღებულ იქნეს გადაწყვეტილება საქმის წარმოების შეწყვეტის შესახებ კონკრეტულ სამართლდარღვევასთან დაკავშირებით. ამდენად, პირველ შემთხვევაში თეორიულად რთულია იმ პრინციპებისა და მოთხოვნების გათვალისწინება, რაც წინ უნდა უძღვოდეს გადაწყვეტილების მიღებას.

ამასთანავე, აღსანიშნავია, რომ უმეტეს შემთხვევებში საგადასახადო კანონმდებლობა სანქციების გარკვეულ ალტერნატივებს ითვალისწინებს, რაც გამოიხატება ჯარიმის მინიმალური ან მაქსიმალური ოდენობების დადგენაში ან/და სხვადასხვა სახის სანქციის შეფარდების შესაძლებლობაში. ამ შემთხვევებში საგადასახადო ორგანოები სარგებლობენ დისკრეციული უფლებამოსილებით. აღნიშნულ საკითხებზე, ასევე, ნამსჯელი აქვს საქართველოს უზენაეს სასამართლოს, რომელიც მიუთითებს, რომ დისკრეციული უფლებამოსილების ფარგლებში გადაწყვეტილების მიღება არ გამორიცხავს ადმინისტრაციული ორგანოს ვალდებულებას, გაითვალისწინოს დისკრეციული უფლებამოსილების გამოყენების წესები. სასამართლოს განმარტებით სახდელის დაკისრებისას, მხედველობაში მიიღება მისი პროპორციულობა და თანაზომიერება, პასუხისმგებლობის შემამსუბუქებელი გარემოებანი, სამართლდარღვევის სიმძიმე, სამართლდარღვევის ჩამდენის პიროვნება, რაც საბოლოო ჯამში განაპირობებს გამოყენებული სანქციის ადეკვატურობას. ნორმაში ალტერნატიული სანქციის არსებობა მიუთითებს უფრო მკაცრი სახის სახდელის გამოყენების შესაძლებლობას იმ შემთხვევაში, თუ ნაკლებად მკაცრი სახის სანქცია გერ უზრუნველყოფს სახდელის მიზნის მიღწევის შესაძლებლობას.⁴²⁸

⁴²⁷ იბ. საქართველოს უზენაესი სასამართლოს ადმინისტრაციულ საქმეთა პალატის 2012 წლის 11 აპრილის №ბს-1655-1627 (ქ-11) გადაწყვეტილება. <www.supremecourt.ge> [21.09.2012].

⁴²⁸ იბ. იქვე, <www.supremecourt.ge> [21.09.2012].

8.1.2.7. სამართალდარღვევის შესახებ მიღებული გადაწყვეტილების გაუქმება

საქმაოდ საინტერესოა ადმინისტრაციულ სამართალდარღვევასთან დაკავშირებით მიღებული გადაწყვეტილების ბათილად ცნობის ან ძალადაკარგულად გამოცხადების საკითხი. თეორიაში აღნიშნულია, რომ ადმინისტრაციულ სამართალდარღვევებზე მიღებული გადაწყვეტილებების მიმართ შესაძლოა გავრცელდეს ზოგადი ადმინისტრაციული კოდექსით დადგენილი ადმინისტრაციულ-სამართლებრივი აქტების ბათილად ცნობისა და ძალადაკარგულად გამოცხადების ნორმები. ამასთან, ვ. ლორია მიუთითებს, რომ თავად ადმინისტრაციულ სამართალდარღვევათა კოდექსით დადგენილია გადაწყვეტილების გაუქმებისა და შეცვლის საფუძვლები.⁴²⁹ ამასთან, მეცნიერი აღნიშნავს, რომ გაუქმება თავის თავში მოიაზრებს გადაწყვეტილების ბათილობას.⁴³⁰ საქართველოს ადმინისტრაციულ სამართალდარღვევათა კოდექსის 278-ე მუხლის პირველი ნაწილის „ბ“ ქვეპუნქტის თანახმად, სამართალდარღვევასთან დაკავშირებით მიღებული დადგენილების გასაჩივრების შემთხვევაში, საჩივრის განმხილველ ორგანოს შეუძლია მიიღოს გადაწყვეტილება დადგენილების გაუქმებისა და საქმის ხელახალი განხილვისთვის გაგზავნის შესახებ.⁴³¹ ამდენად, ადმინისტრაციულ სამართალდარღვევათა კოდექსი არ ცნობს აქტის ბათილად ცნობისა და ძალადაკარგულად გამოცხადების საფუძვლებს, თუმცა აქ ისიც უნდა იქნეს გათვალისწინებული, რომ ეს კოდექსი გაცილებით ადრეა მიღებული, ვიდრე ზოგადი ადმინისტრაციული კოდექსი, რომლითაც დადგენილია აქტების ბათილობა. საგადასახადო კანონმდებლობა გადასახადის გადამხდელთა მიმართ მიღებულ გადაწყვეტილებებს სამართალდარღვევების გამო დაკისრებული პასუხისმგებლობის შესახებ მიიჩნევს ინდივიდუალურ ადმინისტრაციულ-სამართლებრივ აქტად, რამეთუ უთანაბრებს მას საგადასახადო მოთხოვნას, რომლის ბათილად ცნობის მიმართ ვრცელდება ზოგადი ადმინისტრაციული კანონმდებლობით დადგენილი იგივე საფუძვლები.

საქართველოს უზენაესი სასამართლო თავის ერთ-ერთ გადაწყვეტილებაში მიუთითებდა, რომ საგადასახადო შემოწმების აქტი, რომელშიც აისახება შემოწმების დროს გამოვლენილი სამართალდარღვევები და მის საფუძველზე მიიღება გადაწყვეტილება გადამხდელის მიმართ პასუხისმგებლობის დაკისრებასთან დაკავშირებით, ამ შემთხვევაში წარმოადგენს უწყებრივ ადმინისტრაციულ-სამართლებრივ აქტს, რომლის შემოწმება ან/და მისი გაუქმება დაიშვება მხოლოდ მისი გამომცემი ადმინისტრაციული ორგანოს ან სასამართლოს მიერ. შესაბამისად, სასამართლო არ არის უფლებამოსილი განახორციელოს საქმის გარემოებათა და მტკიცებულებათა გამოკვლევა და შეფასება, რაც წინ უნდა უძღვდეს ასეთი აქტის გამოცემას, ჩაანაცვლოს მხოლოდ ამა თუ იმ

⁴²⁹ იხ. ვ. ლორია, საქართველოს ადმინისტრაციული საპროცესო სამართალი, რედ. ა. ფალიაშვილი, გამომცემლობა მერიდიანი, თბილისი, 2002წ. გვ. 242.

⁴³⁰ იხ. იქვე, გვ. 242.

⁴³¹ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 278-ე მუხლის პირველი ნაწილის „ბ“ ქვეპუნქტი, 2012 წლის 28 აგვისტოს მდგომარეობით.

ცალკეული მტკიცებულებით დადგენილი გარემოებების დადასტურებით და საქმის გარემოებათა ყოველმხრივი გამორკვევის გარეშე მიიღოს გადაწყვეტილება, ვინაიდან სამოქალაქო საპროცესო კოდექსის 105-ე მუხლის მე-2 ნაწილის თანახმად, სასამართლო აფასებს მტკიცებულებებს თავისი შინაგანი რწმენით, რომელიც უნდა ემყარებოდეს სასამართლო სხდომაზე მათ ყოველმხრივ სრულ და ობიექტურ განხილვას, რის შედეგადაც მას გამოაქვს დასკანა საქმისთვის მნიშვნელობის მქონე გარემოებების არსებობის ან არარსებობის შესახებ.⁴³² ამდენად, სასამართლომ ამ გადაწყვეტილებაში ორ გარემოებაზე გაამახვილა ყურადღება - ერთი ის, რომ შემოწმების აქტის კანონიერების დადგენა არის მისი გამომცემი, ზემდგომი ორგანოს ან სასამართლოს კომპეტენცია და მეორე, რომ ეს აქტი აუცილებლად სათანადო ადმინისტრაციული წარმოების ჩატარების შემდეგ უნდა გამოიცეს. ადმინისტრაციულ სამართლდარღვევათა შესახებ მიღებული გადაწყვეტილებების გასაჩივრების სხვადასხვა ფორმას ადგენს საქართველოს ადმინისტრაციულ სამართლდარღვევათა კოდექსი, რომლის თანახმად, ჯარიმის სახით სახდელის დაკისრებასთან დაკავშირებული დადგენილება, შესაძლებელია გასაჩივრებულ იქნეს ზემდგომ ორგანოში ან პირველი ინსტანციის სასამართლოში. სასამართლოს გადაწყვეტილება არის საბოლოო, სხვაგვარი სახდელის დადების შესახებ გადაწყვეტილება კი შეიძლება გასაჩივრდეს ზემდგომ ადმინისტრაციულ ორგანოში და შემდეგ უპგე რაიონულ სასამართლოში, რომლის გადაწყვეტილება, ასევე, საბოლოოა.⁴³³

თუმცა, აქვე უნდა აღინიშნოს, რომ ადმინისტრაციულ სამართლდარღვევათა ცალკეულ შემთხვევებში, როცა სახდელის შეფარდების თაობაზე გადაწყვეტილება მიღება არა კონკრეტული უფლებამოსილი ადმინისტრაციული ორგანოს, არამედ უფლებამოსილი ორგანოს შუამდგომლობის საფუძველზე სასამართლოს მიერ, ეს უკანასკნელი შესაძლებელია ერთჯერადად გასაჩივრდეს სააპელაციო სასამართლოში.⁴³⁴

საგადასახადო სამართლდარღვევებთან დაკავშირებით მიღებული გადაწყვეტილების გასაჩივრების სტადია არასაგალდებულო სტადიაა, ვინაიდან პირს, რომლის მიმართაც მიღებულია ასეთი გადაწყვეტილება, უფლება აქვს გასაჩივროს ეს გადაწყვეტილება. ამასთან, კომპეტენტური ორგანოები გალდებულნი არიან განიხილონ აღნიშნული საჩივრი.⁴³⁵

⁴³² იხ. საქართველოს უზენაესი სასამართლოს ადმინისტრაციულ საქმეთა კოლეგიის 2006 წლის 12 აპრილის გადაწყვეტილება №ბს-1618-1192(კ-05), საქართველოს უზენაესი სასამართლოს გადაწყვეტილებანი ადმინისტრაციულ და სხვა კატეგორიის საქმეებზე, რედ. ს. ჯორბენაძე (საგადასახადო სამართალი 2006 წ. №2) გვ. 140.

⁴³³ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 272-ე მუხლის პირველი პუნქტის „ა“ ქვეუნქები, 2012 წლის 28 აგვისტოს მდგომარეობით.

⁴³⁴ იხ. იქქე, 279-ე მუხლის პირველი ნაწილი, 2012 წლის 28 აგვისტოს მდგომარეობით.

⁴³⁵ იხ. ზ. როგავა, საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა, ბაკმი, თბილისი 2009 წ. გვ. 337.

საქართველოში საგადასახადო სამართალდარღვევების საქმეების სასამართლოში განხილვასთან დაკავშირებული თავისებურებების განხილვამდე, საინტერესოა საგადასახადო სამართალდარღვევების საქმის წარმოებასთან დაკავშირებული გერმანიის ფედერაციული ოესპუბლიკის ფისკალური კოდექსის დებულებების გაცნობა. აღნიშნული პროცესები მოიცავს სისხლის საპროცესო კანონმდებლობის ნორმებს და განსაზღვრავს საგადამოძიებო მოქმედებების ცალკეულ საკითხებს, ისევე, როგორც ამ მოქმედებების განმახორციელებელ სუბიექტებს. გარდა ამისა, კოდექსი მიუთითებს გერმანიის ადმინისტრაციული სამართალდარღვევების კოდექსით დადგენილ პროცედურებზე და განსაზღვრავს მხოლოდ ცალკეული პროცედურების განხორციელების წესს სამართალდარღვევების საქმის წარმოების პროცესში.⁴³⁶ ამდენად, საგადასახადო კანონმდებლობის დარღვევისთვის სისხლისსამართლებრივი და ადმინისტრაციული პასუხისმგებლობის დაკისრების საკითხები ერთდროულად არის განსაზღვრული ფისკალურ კოდექსში, რომელიც გარდა საგადასახადო ორგანოების უფლებამოსილების საკითხებისა, სასამართლოში სამართალწარმოების საკითხებსაც განსაზღვრავს. დადგენილია, რომ ცალკეულ შემთხვევებში სისხლის საქმეზე სასამართლომ შესაძლოა სუმარული (ე.წ. მარტივი, გამარტივებული) სამართალწარმოება განახორციელოს და საკითხი განიხილოს შემოკლებულ ვადებში გამარტივებული პროცედურებით. გარდა ამისა, ამ ნორმების ანალიზი ცხადყოფს, რომ გერმანიის კანონმდებლობა ერთმანეთისგან განასხვავებს ადმინისტრაციულ და სისხლისსამართლებრივ პასუხისმგებლობას ამ ცნებების მატერიალური და შინაარსობლივი გაგებით, თუმცა იგივე ფისკალური კოდექსის ნორმებიდან გამომდინარე უნდა აღინიშნოს, რომ სისხლისსამართლებრივი და ადმინისტრაციული პასუხისმგებლობის დაკისრების წინაპირობის საპროცესო გარანტიები ერთმანეთის მსგავსია, რაც განსხვავებულია ქართული სამართლებრივი სისტემისგან. შევდეთში საქმეთა დიდი ოდენობა საგადასახადო ვალდებულებების დარიცხვასთან დაკავშირებით განიხილება დამთვლელი კომიტეტების მიერ, რომელთა გადაწყვეტილებები შემდგომ შესაძლოა გასაჩივრდეს ადმინისტრაციულ საქმეთა სასამართლოებში და განიხილოს ადმინისტრაციული სამართალწარმოების წესით.⁴³⁷

8.2. სამართალდარღვევებთან დაკავშირებით მიღებული გადაწყვეტილებების სასამართლოში გასაჩივრება

როგორც უკვე აღინიშნა, საგადასახადო სამართალდარღვევებთან დაკავშირებით მიღებული გადაწყვეტილების გასაჩივრება და შესაბამისი დავის განხილვა საგადასახადო საქმის წარმოების ბოლო სტადიაა.

⁴³⁶ ი. გერმანიის ფედერაციული ოესპუბლიკის ფისკალური კოდექსის 369-ე - 376-ე მუხლები <http://www.gesetze-im-internet.de/englisch_ao/englisch_ao.html> [23.07.2012].

⁴³⁷ ი. W. Wade, H. Ragnemalm, P. Lstrauss, Administrative Law the problem of Justice, vol. №1 Anglo american and Nordic Systems, Editied by A. Piras, Coordinated by G. Motzo Giuffre, Milan 1991, pp. 321.

ადმინისტრაციული სამართალდარღვევების საქმეებზე მიღებული გადაწყვეტილებების გასაჩივრების შემთხვევაში, საჩივრები განიხილება ადმინისტრაციული სამართალდარღვევების შესახებ კოდექსით. აღნიშნულის თაობაზე მითითებულია, ასევე, ადმინისტრაციულ საპროცესო კოდექსში. ამდენად, ადმინისტრაციულ სამართალდარღვევებთან დაკავშირებულ საჩივრებს განიხილავენ ადმინისტრაციული სასამართლოები, თუმცა ადმინისტრაციულ სამართალდარღვევათა კოდექსით დადგენილი წესით.⁴³⁸ განსხვავებით საგადასახადო სამართალდარღვევების საქმეებისგან, საგადასახადო სამართალდარღვევების საკითხები განიხილება საგადასახადო კოდექსისა და ადმინისტრაციული საპროცესო კოდექსის შესაბამისად. საგადასახადო სამართალდარღვევის შემთხვევაში საგადასახადო ორგანოს მიერ მიღებული გადაწყვეტილება (როგორც სამართალდარღვევის ოქმის შედგენის ფორმით, ასევე, შემოწმების აქტის საფუძველზე) საგადასახადო მოთხოვნის გამოცემის ფორმით) გადამხდელის მიმართ პასუხისმგებლობის ზომის დადგენის თაობაზე, კანონმდებლობის თანახმად წარმოადგენს ინდივიდუალურ ადმინისტრაციულ-სამართლებრივ აქტს და მისი გასაჩივრება შესაძლებელია საგადასახადო კოდექსით დადგენილი წესით. საგადასახადო კოდექსით ცალკე არ არის განსაზღვრული კონკრეტულად სამართალდარღვევებთან დაკავშირებით მიღებული გადაწყვეტილებების გასაჩივრების მექანიზმი, არამედ დადგენილია ზოგადი წესი საგადასახადო ორგანოების მიერ მიღებული გადაწყვეტილებების გასაჩივრებასთან მიმართებით. მსგავსად სხვა ადმინისტრაციული დავებისა, რომლებიც ეხება ადმინისტრაციულ-სამართლებრივი აქტების კანონიერებას, საგადასახადო დავები, (მიუხედავად იმისა, რომ მათი დაწყების საფუძველია საგადასახადო სამართალდარღვევებთან დაკავშირებით მიღებული გადაწყვეტილების გასაჩივრება), სასამართლოს მიერ განიხილება ადმინისტრაციული საპროცესო კოდექსის შესაბამისად სხვა დავების მსგავსად, განსხვავებით ადმინისტრაციული სამართალდარღვევათა საქმეებისგან, რომელთა განხილვა, როგორც უკმა აღინიშნა, წარმოებს ადმინისტრაციულ სამართალდარღვევათა კოდექსის თანახმად.⁴³⁹

8.2.1. საგადასახადო დავების განმხილველი ორგანოები სხვადასხვა სამართლებრივი სისტემის მიხედვით

აშშ-ში საგადასახადო დავებს განიხილავს სხვადასხვა სასამართლო და ადმინისტრაციული ორგანო. სახელმწიფოს ფედერალური მოწყობის თავისებურებიდან გამომდინარე, რაც თავისთავად კანონმდებლობისა და საკანონმდებლო პროცედურების მრავალფეროვნებას იწვევს აშშ-ში,

⁴³⁸ იხ. საქართველოს ადმინისტრაციული საპროცესო კოდექსი (გამოქვეყნებული საქართველოს საკანონმდებლო მაცნე №39(46), 1999 წელი, მუხ. 190), მე-6 მუხლის „ბ“ და ბ⁴⁴⁰ პუნქტები, 2012 წლის 13 დეკემბრის მდგრმარეობით.

⁴³⁹ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 64-ე მუხლის პირველი ნაწილი, 271-ე მუხლის მე-4 ნაწილი, 296-ე მუხლის მე-4 ნაწილი, 2012 წლის 13 დეკემბრის მდგრმარეობით.

საგადასახადო დავების განმხილველი სასამართლოებიც
მრავალფეროვნებით გამოირჩევა.⁴⁴⁰

რაც შეეხება ადმინისტრაციული წესით დავების განმხილველ ფედერაციულ ადმინისტრაციულ ორგანოებს, აშშ-ში ადრე მოქმედებდა საგადასახადო დავების განმხილველი ფედერალური საბჭო, რომელიც, თავის მხრივ, იყო საგადასახადო სასამართლოს ჩანასახი. ამჟამად კი თითოეული შტატის დონეზე მოქმედებს და ფუნქციონირებს საგადასახადო სამსახურები და ასევე, საგადასახადო დავების განმხილველი საბჭოები. აღნიშნული ორგანოები არ წარმოადგენს სასამართლო უწყებებს, ისინი ადმინისტრაციული წესით განიხილავენ საგადასახადო დავებს შტატების დონეზე.⁴⁴¹

აშშ-ში ადრე მოქმედი საგადასახადო დავების განმხილველი ერთიანი საბჭო, როგორც ფედერალური საგადასახადო სასამართლოს პირველი ჩანასახი, შეიქმნა 1924 წელს შეერთებული შტატების „შემოსავლების აქტის საფუძველზე“. როგორც ამერიკელი მეცნიერები მიუთითებენ, პირველი მსოფლიო ომის შემდეგ აშშ-ში შემოსავლების ზრდა შეიმჩნეოდა. ამის ფონზე კი სრულიად დასაშვებად იქნა მიჩნეული ადმინისტრირებისა და გადასახადების ამოდებისას შეცდომების დაშვება სახელმწიფო მოხელეების მხრიდან და ცალკეულ გადამხდელთა უფლებების შელახვა.⁴⁴² საგადასახადო ორგანოს მუშაკებს შეეძლოთ არასწორადაც კი დაერიცხაო გადასახადი გადამხდელისთვის, რომელიც მას აუცილებლად უნდა გადაეხადა. გარდა ამისა, საგადასახადო სამსახურის უფლებამოსილი პირების მიერ მიღებული გადაწყვეტილებები გადასახადების დათვლასთან დაკავშირებით იყო სავალდებულო და მისი გადახედვა ხდებოდა მხოლოდ სასამართლოს მეშვეობით. ამ შემთხვევაში კი გადამხდელს უწევდა თავდაპირველიად თანხის გადახდა და მოგვიანებით ე.წ. „თანხების დაბრუნების სარჩევის“ - refund appeal შეტანა სასამართლოში, უკანონოდ დაკისრებული თანხების უკან დაბრუნების მოთხოვნით.

საკითხის გადასინჯვისა და გადახედვის გარეშე ხდებოდა, ასევე, უფლებამოსილი საგადასახადო სამსახურების მიერ საგადასახადო ჯარიმების და საურავების გადამხდელებისთვის დაკისრებაც.⁴⁴³ ამდენად, საგადასახადო დავების განმხილველი საბჭოს შექმნა 1924 წლის შემოსავლების შესახებ კანონის საფუძველზე, მიჩნეულ იქნა საკმაოდ დიდ წინგადადგმულ ნაბიჯად.

თავდაპირველიად საბჭო იყო შემოსავლების ბიუროს შემადგენელი ნაწილი, რომელიც, თავის მხრივ, შედიოდა ფინანსთა სახელმწიფო დეპარტამენტში. 1942 წლამდე საბჭო მოიაზრებოდა აღმასრულებელი ხელისუფლების

⁴⁴⁰ ob. S. Stanley, R. Paul McDaniel, J. Hugh, A. Stanley, A. Koppelman, Federal Income Taxation, cases and materials, Mineola; New York The foundation press, Inc. 1986, pp. 24-26.

⁴⁴¹ ob. იქვე, pp. 24-26.

⁴⁴² ob. D. Latham, Jurisdiction of the United States Board of Tax Appeals Under the Revenue Act of 1926.

San Francisco, California. California Law Review, pp. 1-2.
<<http://web.ebscohost.com/ehost/pdf?vid=17&hid=114&sid=e88a66da-c2c8-47e5-842b-f9763f80ab3d%40sessionmgr108>> [24.03.2011].

⁴⁴³ ob. იქვე, <<http://web.ebscohost.com/ehost/pdf?vid=17&hid=114&sid=e88a66da-c2c8-47e5-842b-f9763f80ab3d%40sessionmgr108>> [24.03.2011].

განშტოებად, თუმცა ის არ განიხილებოდა, როგორც დამოუკიდებელი სასამართლო.⁴⁴⁴ მას შემდეგ კი, რაც ახალი შემოსავლების აქტი იქნა მიღებული, საბჭო ჩამოყალიბდა, როგორც დამოუკიდებელი სასამართლო და დაერქვა შეერთებული შტატების საგადასახადო სასამართლო.⁴⁴⁵

საგადასახადო დავების განმხილველი ფედერალური საბჭოს მსგავსი ორგანო ფედერალურ დონეზე დღეს არ მოქმედებს, თუმცა შტატების დონეზე არსებობს საგადასახადო საჩივრების განმხილველი საბჭოები. ყველა შტატში მოქმედი საბჭოს სტრუქტურის, საქმიანობის წესისა და უფლებამოსილების საკითხის განხილვა ცდება კვლევის მიზნების ფარგლებს. თუმცა, აღნიშნული საბჭოების ფუნქციონირებაზე ზოგადი შეხედულების შესაქმნელად შესაძლებელია ერთი რომელიმე შტატის მაგალითის განხილვა. მაგალითად, ოპაიოს შტატში მოქმედი საგადასახადო საჩივრების განმხილველი საბჭო წარმოადგენს იმ ადმინისტრაციულ ორგანოს, რომელიც საგადასახადო დავებთან დაკავშირებულ საკითხებს ადმინისტრაციული წესით განიხილავს. ამ საბჭოს მარეგულირებელი წესებით განსაზღვრული და დადგენილია საჩივრის შეტანის ვადები და ფორმები, განსაზღვრულია დავის განხილვისას წარმომადგენელთა დაშვების საკითხები, საჩივრის უკან გამოხმობისა და საკითხის განხილვის ვადები. უფრო მეტიც, ამ წესებით განსაზღვრულია შუალედური პროცედურული განკარგულებების გამოცემის, ადმინისტრაციული წარმოების დროს კომერციული საიდუმლოების დაცვის და ზეპირი მოსმენის ჩატარებასთან დაკავშირებული საკითხები. გარდა ამისა, ეს წესითვალისწინებს ადმინისტრაციული წესით საკითხის განხილვისას მხარეთა მორიგების შესაძლებლობას.⁴⁴⁶

ასევე, საინტერესოა აშშ-ში საგადასახადო დავების განმხილველი სასამართლოების სისტემა. უპირველეს ყოვლისა, ასეთ სასამართლოებს შორის უნდა აღინიშნოს აშშ-ის საგადასახადო სასამართლო, როგორც სპეციალიზირებული სასამართლო, რომლის განსჯადობის სფერო მხოლოდ საგადასახადო დავებით შემოიფარგლება. გარდა ამ სასამართლოსი, საგადასახადო დავების განხილვა შესაძლებელია, ასევე, აშშ-ის სამ სხვა სასამართლოშიც:

- საერთო განსჯადობის პირველი ინსტანციის ფედერალურ სასამართლოებში (United States District Court);
- ფედერალურ სასამართლოებში, რომლებიც განიხილავენ სახელმწიფოს წინააღმდეგ მიმართულ სარჩევებს (United States Court of Federal Claims);
- გაკოტრების სასამართლოებში (The Bankruptcy Court).

ეს სამი სასამართლო საგადასახადო დავებს განიხილავს დამატებით სხვა სახის დავებთან ერთად. თუმცა, მთავარი განმასხვავებელი ნიშანი საგადასახადო სასამართლოებსა და ზემოაღნიშნულ პირველ ორ სასამართლოში საგადასახადო საქმის განხილვისას არის ის, რომ სხვა სასამართლოში მიმართვისას გადამხდელმა თავდაპირველად უნდა

⁴⁴⁴ ი. ბ. <http://en.wikipedia.org/wiki/United_States_Court_of_Federal_Claims> [15.07.2008].

⁴⁴⁵ ი. ბ. <http://en.wikipedia.org/wiki/Tax_court> [15.07.2008].

⁴⁴⁶ ი. ბ. <<http://bta.ohio.gov/rules2002.htm>> [07.09.2008].

გადაიხადოს სადაცო საგადასახადო დავალიანების თანხა და მხოლოდ ამის შემდეგ მიმართოს ამ სასამართლოებს და მოითხოვოს არასწორად დარიცხული და გადახდილი თანხების უკან დაბრუნება. საგადასახადო სასამართლოებში დავების დაწყების შემთხვევაში კი გადამხდელებს აღნიშნული ვალდებულების შესრულება არ უწევთ.⁴⁴⁷ რაც შეეხება გაკოტრების სასამართლოებს, დავა ამ სასამართლოში გაკოტრების საკითხებიდან გამომდინარე შეიძლება აღიძრას, მასთან ერთად შესაძლებელია გაკოტრების საქმესთან დაკავშირებული საგადასახადო საქმეების განხილვაც და ამ შემთხვევაშიც არ არის სავალდებულო წინასწარ იქნეს გადახდილი სადაცო გადაიხადი.⁴⁴⁸

აშშ-ის გარდა სხვა ქვეყნების გამოცდილებაც საინტერესოა. ბელგიაში საგადასახადო დავები მიეკუთვნება ადმინისტრაციულ დავათა კატეგორიას და განიხილება ადმინისტრაციული სასამართლოების მიერ. თუმცა, თავდაპირველად აუცილებელია ადმინისტრაციული საჩივრის მექანიზმის გამოყენება და მხოლოდ ამის შემდეგ სასამართლოსადმი მიმართვა.⁴⁴⁹

გერმანიის ფედერაციულ რესპუბლიკაში შექმნილია სპეციალური სასამართლოები - ფედერაციული რესპუბლიკის ფისკალური სასამართლოები (იგივე ფინანსური სასამართლოები), რომლებიც განიხილავენ საგადასახადო საკითხებთან დაკავშირებულ დავებს, მათ შორის იძულებითი ღონისძიებების გატარებასთან, დაბეგვრაზე კონსულტაციების გაცემასა და სხვა საკითხებთან დაკავშირებით. თუმცა ადგილობრივი გადასახადების გადახდასთან დაკავშირებული საკითხები განიხილება საერთო ადმინისტრაციული სასამართლოების მიერ.⁴⁵⁰

დიდ ბრიტანეთში საგადასახადო დავები სასამართლოში განხილვამდე განიხილება სპეციალური ან საერთო კომისიების მიერ. დიდი ბრიტანეთის კანონმდებლობა პირდაპირ განსაზღვრავს შემთხვევებს, რომლებიც ექვემდებარება სპეციალურ და საერთო კომისიებში განხილვას, სადაც საჩივრი გადამხდელმა უნდა შეიტანოს გადაწყვეტილების ჩაბარებიდან 30 დღის ვადაში. როგორც წესი, რომელი კატეგორიის საქმეები ექვემდებარება სპეციალურ კომისიებში განხილვას.⁴⁵¹

ძალიან საინტერესოა საგადასახადო საკითხებზე მართლმსაჯულების ევროპული სასამართლოს გამოცდილება და მიღებული გადაწყვეტილებების მნიშვნელობა ევროკავშირის წევრი სახელმწიფოების საგადასახადო კანონმდებლობის მიმართ. ევროპული მეცნიერების აზრით, ამ სასამართლოს მიერ მიღებული გადაწყვეტილებები ევროპის მასშტაბით დაბეგვრის სფეროში კანონმდებლობის პარმონიზაციისკენ მიმავალი ერთ-ერთი გზაა. შესაბამისად, ამ სასამართლოს გადაწყვეტილებების შესწავლა და ანალიზი

⁴⁴⁷ ob. <http://en.wikipedia.org/wiki/United_States_Court_of_Federal_Claims> [15.07.2008].

⁴⁴⁸ ob. იქვე, <http://en.wikipedia.org/wiki/United_States_Court_of_Federal_Claims> [15.07.2008].

⁴⁴⁹ ob. Mrc S. Gerorges, V. P. Delvolve, Ed. Garcia de Ecterria, I. B. Iniesta, Administrative Law the problem of Justice vol. #2, Western European Democracies , Edited by A. Piras, Coordinated by Giovanni Motzo Giuffre, Milan 1997, pp. 80-81.

⁴⁵⁰ ob. W. Leisner, A. Piras, M. Stipo, Administrative Law, the problem of Justice vol. #3, Western European Democracies, Edited by A. Piras, Coordinated by Giovanni Motzo Giuffre, Milan, 1997 pp. 165.

⁴⁵¹ ob. Ch. Whitehouse, E. Stuart-Buttle, Revenue Law – principles and practice, Eleventh Edition, Butterworths, London, Dublin, Edinburg 1993, pp.18.

სამეცნიერო წრეებში მნიშვნელოვან საკითხად მიიჩნევა.⁴⁵² მართლმსაჯულების ევროპულ სასამართლოში მოქმედებს, ასევე, წინასწარი გადაწყვეტილებების მექანიზმი, რომელსაც დაბეგვრის საკითხებთან დაკავშირებით ხშირად მიმართავენ ევროპული სახელმწიფოების მოსამართლეები. ხშირ შემთხვევებში კონკრეტულ საკითხებთან მიმართებით სასამართლოების მიერ საქმის განხილვა ჩერდება და საქმე განსახილველად იგზავნება ევროპულ სასამართლოში, რათა კონკრეტული წევრი სახელმწიფოს საგადასახადო კანონმდებლობის შესაბამისობა დადგინდეს ევროკავშირის ერთიან საგადასახადო კანონმდებლობასთან.⁴⁵³ საქართველოს მოქმედი საგადასახადო კანონმდებლობის თანახმად, საქართველოში საგადასახადო დავებს განხილავენ აღმინისტრაციული ორგანოები და საერთო სასამართლოები.⁴⁵⁴ საგადასახადო კოდექსის 296-ე მუხლის თანახმად, საგადასახადო დავების განხილვის ორი ძირითადი ფორმა არსებობს:

- ა) საგადასახადო დავების განხილვა საქართველოს ფინანსთა სამინისტროს სისტემაში;
- ბ) დავების განხილვა საქართველოს საერთო სასამართლოების სისტემაში.⁴⁵⁵

ამდენად, საქართველოში საგადასახადო დავებს განხილავენ აღმინისტრაციული წესით ფინანსთა სამინისტროს სისტემაში და საპროცესო კანონმდებლობის მიხედვით საერთო სასამართლოებში.

ფინანსთა სამინისტროს სისტემაში საგადასახადო დავები ორ ეტაპად განიხილება. პირველ ეტაპზე დავას განიხილავს შემოსავლების სამსახური,⁴⁵⁶ ხოლო მეორე ეტაპია ფინანსთა სამინისტროსთან არსებული დავების განხილვის საბჭო, რომლის უფლებამოსილება და საქმიანობის წესი განისაზღვრება საქართველოს მთავრობის დადგენილებით დამტკიცებული რეგლამენტით⁴⁵⁷.

როგორც შემოსავლების სამსახურში, ასევე, დავების განხილვის საბჭოში საგადასახადო დავები განიხილება საქართველოს ზოგადი აღმინისტრაციული კოდექსით დადგენილი წესების შესაბამისად, საქართველოს მთავრობის მიერ დადგენილებით განსაზღვრული თავისებურებების გათვალისწინებით.⁴⁵⁸

⁴⁵² იხ. M. Lang, F. Steuern, L. Verlag, Direct taxation: Recent ECJ Developments, Wien, 2003, pp. 102.

⁴⁵³ იხ. იქვე, pp. 104 .

⁴⁵⁴ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), XLII თავი, 2012 წლის 23 აგვისტოს მდგომარეობით.

⁴⁵⁵ იხ. იქვე, 296-ე მუხლი, 2012 წლის 23 აგვისტოს მდგომარეობით.

⁴⁵⁶ იხ. საქართველოს კანონი შემოსავლების სამსახურის შესახებ (გამოქვეყნებული საქართველოს საკანონმდებლო მაცნე, №47, 26.12.2007, მუხ. 402) 2012 წლის 23 აგვისტოს მდგომარეობით.

⁴⁵⁷ იხ. დავის განმხილველი ორგანოების რეგლამენტის დამტკიცების თაობაზე საქართველოს მთავრობის 2011 წლის 14 დკემბრის №473 დადგენილება, 2012 წლის 27 აგვისტოს მდგომარეობით.

⁴⁵⁸ იხ. იქვე, 2012 წლის 27 აგვისტოს მდგომარეობით.

რაც შეეხება საქართველოში საგადასახადო დავების განმხილველ სასამართლოებს, საქართველოში საგადასახადო დავებს განიხილავენ საერთო სასამართლოების სისტემაში შემავალი სასამართლოები საპროცესო კანონმდებლობით დადგენილი წესით. საერთო სასამართლოების შესახებ საქართველოს ორგანული კანონით დადგენილია, რომ საერთო სასამართლოების სისტემაში შედის რაიონული სასამართლოები, სააპელაციო სასამართლოები და საქართველოს უზენაესი სასამართლო.⁴⁵⁹ ამრიგად, მხოლოდ ამ სასამართლოებს აქვთ უფლებამოსილება განიხილონ საქართველოში საგადასახადო დავები. რაც შეეხება საქართველოს კანონმდებლობის საფუძველზე სპეციალური სასამართლოების არსებობას, რომელიც განიხილავდა საგადასახადო დავებს, ამ მხრივ არათუ საგადასახადო სასამართლოების, არამედ ნებისმიერ სახის სპეციალიზირებული სასამართლოს შექმნა დღეს მოქმედი კანონმდებლობით საქართველოში დაუშვებელია.⁴⁶⁰

სხვა ქვეყნების გამოცდილების გათვალისწინებით, უნდა აღინიშნოს, რომ საგადასახადო დავები, როგორც ერთ-ერთ ყველაზე რთულად განსახილველი დავები, უმეტეს შემთხვევებში სპეციალიზირებული სასამართლოების ან სასამართლოების სისტემაში სპეციალური კოლეგიების მიერ განიხილება. ამ მხრივ საქართველოში მდგრმარეობა არსებითად განსხვავებულია, რაც მოითხოვს საჭიროებას დაიწყოს მსჯელობა არსებული საერთო სასამართლოების სისტემაში მოსამართლეთა სპეციალიზაციისა და საგადასახადო დავების განმხილველი ერთეულების შექმნის თაობაზე. ადნიშნული გაადგილებს და აამაღლებს მართლმსაჯულების სტანდარტს საგადასახადო დავებთან დაკავშირებით.

8.2.2. საგადასახადო დავების განხილვის ცალკეული თავისებურებანი

საგადასახადო დავების თავისებურებების კვლევა საკმაოდ მნიშვნელოვანია და წარმოადგენს დამოუკიდებელი შესწავლის საგანს, ამიტომ სადისერტაციო ნაშრომში ეს საკითხი მხოლოდ იმ მოცულობით იქნება განხილული, რაც უშუალოდ საგადასახადო სამართალდარღვევების საქმეების განხილვის თავისებურებებს უკავშირდება.

მეცნიერები მიიჩნევენ, რომ საგადასახადო დავები გადამხდელებსა და საგადასახადო ორგანოებს შორის უნდა წყდებოდეს სამართლიანად, დროულად და შეძლებისდაგვარად, ეფექტურად. მათი აზრით, კანონმდებლობა უნდა აძლევდეს შესაძლებლობას გადამხდელებს, საგადასახადო ორგანოების ქმედებებთან დაკავშირებით წარადგინონ თავიანთი მოსაზრებები, ხოლო საგადასახადო ორგანოს უნდა გააჩნდეს უფლებამოსილება შეცვალოს მის მიერ ადრე მიღებული გადაწყვეტილებები. ამასთან, თუ გადამხდელს არ აკმაყოფილებს ასეთი განხილვების შედეგი, მას უნდა გააჩნდეს შესაძლებლობა ეს გადაწყვეტილება გაასაჩივროს

⁴⁵⁹ იხ. საერთო სასამართლოების შესახებ საქართველოს ორგანული კანონი (გამოქვეყნებული საქართველოს საკანონმდებლო მაცნე, №41, 08.12.2009, მუხ. 300) მე-2 მუხლი, 2012 წლის 15 ივლისის მდგრმარეობით.

⁴⁶⁰ იხ. იქვე, მე-2 მუხლის მე-4 პუნქტი, 2012 წლის 15 ივლისის მდგრმარეობით.

დამოუკიდებელ ორგანოში, რომელიც ასეთ საგადასახადო დავებს განიხილავს. გარდა ადმინისტრაციული ორგანოებისა, მეცნიერები თვლიან, რომ აუცილებელია არსებობდეს გადაწყვეტილებების სასამართლოში გასახივრების შესაძლებლობა, სადაც შეიძლება შექმნილი იყოს ცალკე სპეციალური კოლეგიები ან არსებობდეს ცალკე საგადასახადო სასამართლოები, ან ეს დავები განიხილებოდეს ადმინისტრაციული სასამართლოების მიერ, რაც დამოკიდებულია ქვეყნის სამართლებრივ განვითარებასა და სასამართლო სისტემის მოწყობაზე. გარდა ამისა, მეცნიერების აღნიშვნით, სამართლებრივი სისტემების მიხედვით შესაძლოა საგადასახადო საკითხები მოსამართლებობა ერთად განიხილებოდეს არაიურისტების მიერ, პროფესიონალი ფინანსისტების მონაწილეობით.⁴⁶¹ ამ მხრივ სხვადასხვა ქვეყნის გამოცდილება განსხვავებული და მრავალფეროვანია.

მნიშვნელოვანია ის თავისებურებანი, რომლებიც უკავშირდება საგადასახადო სამართალდარღვევების საფუძველზე დაწყებული საგადასახადო დაგების განხილვას და მათ განსხვავებას აღმინისტრაციული სამართალდარღვევათა საქმეების განხილვისგან.

სასამართლო ადმინისტრაციული სამართალდარღვევების განხილვისას აუცილებლად ადგენს პირის ბრალეულობის საკითხს სამართალდარღვევის ჩადენასთან მიმართებით,⁴⁶² რაც არ ხდება საგადასახადო სამართალდარღვევების დროს. ადმინისტრაციული სამართალდარღვევის საქმის განხილვისას სასამართლომ უნდა უზრუნველყოს მტკიცებულებათა უშუალო გამოკვლევა, სავარაუდო სამართალდამრღვევის, დაზარალებულთა და მოწმეთა დაკითხვა. როგორც მეცნიერები მიიჩნევენ, სასამართლო პროცესის სიმარტივიდან გამომდინარე სასამართლომ დადგენილება იმავე დღეს უნდა გამოიტანოს და საქმეც შეძლებისდაგვარად სწრაფად განიხილოს.⁴⁶³ ამასთან, სასამართლო განხილვის დამთავრების შემდეგ ადმინისტრაციული სამართალდარღვევის საქმეზე მხარეთა კამათი არ ტარდება, არც სამართალდამრღვევი არ წარმოოქმნას საბოლოო სიტყვას.⁴⁶⁴

საგადასახადო დავების განხილვის გზები მრავალფეროვანია აშშ-ში, სადაც, მაგალითად, საურავებისა და პასუხისმგებლობის დაკისრებიდან გამომდინარე დავების დაწყება და სხვა საფუძვლებით საგადასახადო ორგანოების წინაშე დავების დაწყება ერთმანეთისგან განსხვავდება. დავის დაწყების საფუძველი აშშ-ს საგადასახადო სასამართლოში არის საგადასახადო ორგანოების მიერ გადამხდელებისთვის გაგზავნილი შეტყობინება, რომელიც როგორც წესი ორი სახისაა: ერთი, რომელიც საგადასახადოს მიერ დათვლილ და დაკისრებულ გადასახადს ეხება (a notice of deficiency) და მეორე, რომელიც ეხება გადასახადის გადამხდელის

⁴⁶¹ ob. Tax law design and drafting, Editor V. Thuronyi, International Monetary fund, Volume 1, Washington D.C. 1996, pp. 104-106.

⁴⁶² იბ. ვ. ლორია საქართველოს ადმინისტრაციული საპროცესო სამართალი. რედ. ა. ფალიაშვილი, გამომცემლობა მერიდიანი, თბილისი 2002წ. გვ. 251.

⁴⁶³ *ibid.* 232, 23, 254.

⁴⁶⁴ οβ, οβζη, οβ, 258.

მიერ დეპლარაციების წარდგენის შემდგომ დარიცხულ საურავებს (a notice of liability).⁴⁶⁵ საურავების დაკისრების შემთხვევაში აშშ-ის საგადასახადო დავების განმხილველ სასამართლოში სარჩელის შესატანად დადგენილია 90 დღიანი ვადა. თუმცა საგადასახადო დავების განმხილველ სასამართლოში სარჩელის შეტანის ვადის გაშვება ჯერ კიდევ არ ნიშნავს გასაჩივრების უფლების დაკარგვას. ამ შემთხვევაში გადამხდელს რჩება შესაძლებლობა სადაო თანხის გადახდის შემდგეგ მიმართოს ე.წ. საოლქო სასამართლოებს ან სხვა სასამართლოებს, რომლებსაც გააჩნიათ კომპეტენცია საგადასახადო დავების განხილვასთან დაკავშირებით.⁴⁶⁶ გასაჩივრების ვადების საკითხი აშშ-ში არაერთხელ გამხდარა პრეცედენტული გადაწყვეტილების საგანი, ვინაიდან ამ ვადების დაცვა პირდაპირ არის დაკავშირებული გადამხდელთა მიერ სადავო თანხების წინასწარ გადახდასთან, რა დროსაც შესაძლებელია ეს თანხები გამოყენებულ იქნეს სახელმწიფოს მიერ.⁴⁶⁷

როგორც წესი, აშშ-ის საგადასახადო სასამართლოს განმარტებები ცალკეულ საქმეებზე ქმნის მნიშვნელოვან პრეცედენტებს, რომლებიც შემდგომ საქმეებში გამოიყენება, თუმცა გამონაკლისია ისეთი დავები, სადაც სადაო თანხების ოდენობა არ აღემატება 10 000 აშშ დოლარს. ასეთი დავები განიხილება მარტივი წესით. ამ შემთხვევაში გადასახადის გადამხდელებს შესაძლოა საერთოდ არ ჰყავდეს ადვოკატი/წარმომადგენელი სასამართლოში. ასეთ საქმეებზე მიღებული გადაწყვეტილებები არ არის პრეცედენტული ხასიათის და სხვა საქმეებთან დაკავშირებით მათი გამოყენება მომავალში არ მოხდება.⁴⁶⁸

ქართული სამეცნიერო და სასამართლო პრაქტიკა საგადასახადო სამართლდარღვევების ჩადენიდან გამომდინარე დავებს ცალკე არ გამოყოფს და სამართალწარმოებასთან დაკავშირებული ცალკეული საკითხები ზოგადად განიხილება.

საქართველოს უზენაესი სასამართლოს გადაწყვეტილებებში განმარტებულია ცალკეული ასეთი საკითხები, მაგალითად, გასაჩივრების ვადებთან დაკავშირებით. საქართველოს უზენაესი სასამართლოს საკასაციო პალატა თავის ერთ-ერთ გადაწყვეტილებაში აღნიშნავს, რომ საგადასახადო ორგანომ გადამხდელს შეტყობინებაში, რომელიც გადამხდელის მიმართ გარკვეული საგადასახადო ვალდებულების დადგენას გულისხმობდა, არასწორად მიუთითა გასაჩივრების ერთოვიან ვადაზე, ნაცვლად საგადასახადო კოდექსით განსაზღვრული გასაჩივრების სპეციალურ ვადებზე მითითებისა. ამ საკითხთან დაკავშირებით სასამართლო აღნიშნავს, რომ ვინაიდან ადმინისტრაციული სამართლის ერთ-ერთ უმნიშვნელოვანეს ინსტიტუტს წარმოადგენს კანონიერი ნდობა, ეს უკანასკნელი ადმინისტრაციულ-სამართლებრივ ურთიერთობებში განსაკუთრებულ დატვირთვას ატარებს. კანონიერი ნდობის უფლება იცავს პირს

⁴⁶⁵ ი. მ. <http://straylight.law.cornell.edu/uscode/html/uscode26a/usc_sec_26a_00000060---000-.html> [29.08.2008].

⁴⁶⁶ ი. მ. Tax Notes: Getting to the Tax Court on time, American Bar Association Journal, Volume 66, May 1980 pp. 654-657.

⁴⁶⁷ ი. მ. იქვე, pp. 654-657.

⁴⁶⁸ ი. მ. S. Stanley, R. Paul McDaniel, J. Hugh, A. Stanley, A. Koppelman, Federal Income Taxation, cases and materials, Mineola, New York The foundation press, Inc. 1986, pp. 30-31.

ადმინისტრაციული ორგანოს სამართლებრივი შეცდომის და მომავალში განსახორციელებელი მოქმედების შეუსრულებლობისგან. აღნიშნული ინსტიტუტის სრულფასოვანი დამკვიდრება უზრუნველყოფს მმართველობის კანონიერებას, ხერაბილურობას, მის ავტორიტეტს საზოგადოებაში. საკასაციო სასამართლოს მიაჩნია, რომ მოცემულ შემთხვევაში, სადაცო აქტის სარეზოლუციო ნაწილში გასაჩივრების უფლების განმარტებისას დაშვებული იყო არსებითი ხასიათის შეცდომა, ვინაიდან საგადასახადო კანონმდებლობით განსაზღვრული იყო ზოგადი ადმინისტრაციული კოდექსისგან განსხვავებული სპეციალური გასაჩივრების ვადა. საკასაციო სასამართლო განმარტავს, რომ ვინაიდან საგადასახადო ორგანომ დაუშვა სამართლებრივი შეცდომა აქტის გასაჩივრების უფლების განმარტებისას, ხოლო, ფიზიკური პირი სარგებლობს აღჭურვილი და დაცული კანონიერი ნდობის ინსტიტუტით, იგი უფლებამოსილია აქტი გასაჩივროს იმ წესით და ვადაში, როგორც ეს ადმინისტრაციულმა ორგანომ განუმარტა. საწინააღმდეგო განმარტების პირობებში, ადმინისტრაციულ ორგანოს ყოველთვის შეუძლია არასწორად განუმარტოს, ანუ შეცდომაში შეიყვანოს პირი, რაც სავსებით გამორიცხავს საჩივრის ან სარჩელის წარდგენის უფლებით სარგებლობის შესაძლებლობას.⁴⁶⁹

სამეცნიერო ლიტერატურაში აქტუალურია სასამართლოში საგადასახადო სამართლდარღვევებთან დაკავშირებული დავების განხილვისას უდანაშაულობის პრეზუმაციისა და მტკიცების ტვირთის საკითხის გადაწყვეტა.⁴⁷⁰

ამ საკითხან დაკავშირებით საინტერესოა დიდი ბრიტანეთის მიდგომა. როგორც აღინიშნა, დიდ ბრიტანეთში საგადასახადო დავებს განიხილავენ სპეციალური კომისიები. ამ კომისიებში საქმის განხილვისას მტკიცების ტვირთი აწევს გადამხდელს. მან უნდა დაადასტუროს, რომ საგადასახადო ორგანოს გადაწყვეტილება არასწორია, თუმცა იმ შემთხვევაში, თუ საგადასახადო ორგანოს გადაწყვეტილებაში მიეთითება გადამხდელის მიერ თაღლითობის ან გაუფრთხილებელ ქმედებებზე, მტკიცების ტვირთი საგადასახადო ორგანოზე გადადის.⁴⁷¹

აშშ-ში გადასახადის გადამხდელს ეკისრება მტკიცების ტვირთი, დაადასტუროს საგადასახადო ორგანოს მიერ გაგზავნილი მოთხოვნის უკანონობა. ხოლო იმ შემთხვევაში, თუ ამ დავის დროს საგადასახადო ორგანო წარადგენს ახალ მოთხოვნას და მის დამატებიცებელ არგუმენტებს, მათ დასადასტურებლად მტკიცების ტვირთი ეკისრება საგადასახადოს.⁴⁷²

განსაკუთრებით საინტერესოა საგადასახადო სამართლდარღვევების საქმეების განხილვისას პრეზუდიციის საკითხი. საქართველოს უზენაესი

⁴⁶⁹ ი. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2009 წლის 17 მარტის გადაწყვეტილება №ბს1433-1391(კ-08), საქართველოს უზენაესი სასამართლოს გადაწყვეტილებანი ადმინისტრაციულ და სხვა კატეგორიის საქმეებზე, რედ. ს. ჯორბეგაძე (საგადასახადო დავები 2009 წ. №12), გვ. 152.

⁴⁷⁰ ი. ა. ს. შაროვ, Налоговые правонарушения, Издательство Дело и Сервис, Москва, 2002, ст 4.

⁴⁷¹ ი. ჩ. Whitehouse, E.Stuart-Buttle, Revenue Law – principles and practice, Eleventh Edition, Butterworths, London, Dublin, Edinburg 1993, pp.18.

⁴⁷² ი. ს. Stanley, R. Paul McDaniel, J. Hugh, A. Stanley, A. Koppelman, Federal Income Taxation, cases and materials, Mineola; New York The foundation press, Inc. 1986, pp. 24-26.

სასამართლოს დიდი პალატის ერთ-ერთი გადაწყვეტილებაში, განხილულ იქნა შემთხვევა, როცა სახეზე იყო, ერთი მხრივ, კანონიერ ძალაში შესული სასამართლოს გამამტყუნებელი განაჩენი სისხლის სამართლის საქმესთან დაკავშირებით, როცა ერთ-ერთი საწარმოს დირექტორს გადასახადებისგან თავის არიდებისთვის გადასახდელად დაერიცხა განსაზღვრული ოდენობის თანხა და მეორე მხრივ, ამ განაჩენის პარალელურად არსებობდა ინდივიდუალური ადმინისტრაციულ-სამართლებრივი აქტი – საგადასახადო შემოწმების აქტი, რომლითაც იმავე პერიოდში საგადასახადო სამართალდარღვევის ჩადენისთვის საწარმოს გადასახადებისგან თავის არიდებისთვის ერიცხებოდა უფრო დიდი ოდენობით თანხები გადასახდელად. ამასთან, აღნიშნული საგადასახადო შემოწმების აქტი არ ყოფილა გასაჩივრებული და გაუქმებული. მოცემულ შემთხვევაში, როგორც კანონიერ ძალაში შესული განაჩენით, ისე საგადასახადო შემოწმების აქტით, ერთი და იგივე საკითხი – საწარმოს მიერ სახელმწიფო ბიუჯეტში გადასახადების გადახდისგან თავის არიდებისა და სახელმწიფო ბიუჯეტისთვის დასაბრუნებელი გადასახადების ოდენობის შესახებ – შედეგობრივად სხვადასხვაგარად იყო გადაწყვეტილი. სასამართლოს უნდა გაერკვია, როგორი სამართლებრივი შედეგი უნდა დამდგარიყო და როგორ უნდა დაბეგრილიყო გადასახადის გადამხდელი ასეთ შემთხვევებში: კანონიერ ძალაში შესული განაჩენის თუ ინდივიდუალური ადმინისტრაციულ-სამართლებრივი აქტის შესაბამისად, რამდენადაც განაჩენით დამდგარი სამართლებრივი შედეგი გარკვეულწილად გამორიცხავდა ინდივიდუალური ადმინისტრაციულ-სამართლებრივი აქტიდან გამომდინარე სამართლებრივ შედეგს და – პირიქით.⁴⁷³ აღნიშნულ საქმესთან დაკავშირებით დიდმა პალატამ განმარტა, რომ აქტით დადგენილი ფაქტები სისხლის სამართლის საქმეზე დადგენილ უნდა იქნეს საერთო წესით. ასეთ შემთხვევაში სისხლის სამართლის საქმის განმხილველი სასამართლო, თუმცა პირდაპირ არ იხილავს აქტის კანონიერების საკითხს, მაგრამ სისხლის სამართლის საქმეზე ბრალდების სისწორის შემოწმებისას, რომელიც, თავის მხრივ, სწორედ აღნიშნულ აქტს ეფუძნება, იმავდროულად, ინდივიდუალური ადმინისტრაციულ-სამართლებრივი აქტის ფაქტობრივ დასაბუთებულობაში „იჭრება“ და ამ აქტით ერთხელ უკვე დადგენილი ფაქტების სისწორეს ხელახლა ამოწმებს.⁴⁷⁴ სამოქალაქო საპროცესო კოდექსით დაშვებულია, რომ

⁴⁷³ იხ. საქართველოს უზენაესი სასამართლოს დიდი პალატის 2007 წლის 24 სექტემბრის გადაწყვეტილება №ბს-335-317(კ-07) <<http://prg.supremecourt.ge/DetailViewAdmin.aspx>> [24.08.2012].

⁴⁷⁴ ამ შემთხვევეში სასამართლო მიუთითებდა, რომ სისხლის სამართლის საქმის განმხილველი სასამართლოს ასეთი ფართო პროცესუალური კომპეტენცია შეიძლება აიხსნას სისხლის სამართლის პროცესის ფუნქციით, რომელიც ყველაზე ხელშესახებია პირის ფუნდამენტური უფლებებისა და თავისუფლებების მიმართ. ამის გამო, ძალიან მნიშვნელოვანია, სისხლის სამართლის საქმის განმხილველი სასამართლო ფართო უფლებამოსილებით იყოს აღჭურვილი და იმავდროულად, მართლმსაჯულებას ოპერატორულად ახორციელებდეს. სწორედ ამიტომ, მართალია, სისხლის სამართლის საქმის განმხილველ სასამართლოს არ შეუძლია, ბათილად, ძალადაკარგულად, არარად ცნოს ადმინისტრაციულ-სამართლებრივი აქტი, მაგრამ იგი ფლობს სრულ იურისდიქციას დანაშაულის ფაქტობრივი გარემოებების დადგენისა და სასჯელის გამოყენების საკითხზე; ამ მიზნით მას აქვს სპეციალური კომპეტენცია, შეამოწმოს ინდივიდუალური

ზოგიერთი ფაქტი, რომელიც უკვე დადგენილია, კანონიერ ძალაში შესული განაჩენით სასამართლომ თავის მიერ განსახილველ საქმეზე უნდა მიიღოს, როგორც უტყუარი და უდავო, როგორც წინასწარ დადგენილი სავალდებულო ძალის ანუ პრეიუდიციული ძალის მქონე და აღარ შეამოწმოს იგი. სასამართლო მიუთითებდა, რომ ამ შემთხვევაში მოქმედებს კანონიერ ძალაში შესული განაჩენის კანონიერების, ჭეშმარიტებისა და უტყუარობის პრეზუმაცია, რომელიც გამორიცხავს განაჩენით დადგენილი ფაქტების საეჭვოობას და აქედან გამომდინარე, ხელახლა დამტკიცების საჭიროებასაც. აღნიშნული პრეზუმაციიდან, ასევე, პროცესუალური ეკონომის ინტერესებიდან გამომდინარე, რიგი ფაქტების სისწორეზე ერთხელ უკვე განხორციელებული სასამართლო კონტროლის შემთხვევების, სასამართლოს მიერ იმავე ფაქტების სისწორის განმეორებით შემოწმებას კანონმდებელი საჭიროდ აღარ მიიჩნევს. გამომიების დროს დადგენილი ფაქტები, რომლებიც საბოლოო შემაჯამებელ გადაწყვეტილებაში აისახა, სასამართლომ მიიჩნია, რომ გასათვალისწინებელია ადმინისტრაციულ საქმეზე ფაქტობრივი გარემოებების დადგენისას.⁴⁷⁵ სასამართლომ მიუთითა, რომ სამოქალაქო საპროცესო კანონმდებლობიდან გამომდინარე, კანონიერ ძალაში შესული განაჩენის პრეიუდიციულობის ობიექტური ფარგლები ნიშნავს იმას, რომ სამოქალაქო და შესაბამისად, ადმინისტრაციულ სამართლწარმოებაში პრეიუდიციული ძალა აქვს კანონიერ ძალაში შესული განაჩენით დადგენილ არა ყველა, არამედ მხოლოდ ისეთ ფაქტებს, როგორიცაა: ჰქონდა თუ არა მოქმედებას (უმოქმედობას) ადგილი და ჩაიდინა თუ არა ეს მოქმედება კონკრეტულმა პირმა. სხვა ფაქტები კი, მათ შორის, ფაქტი იმის თაობაზე, თუ რა ოდენობის ზიანი გამოიწვია მოქმედებამ, პრეიუდიციული ძალის მქონე არ არის და მისი შემოწმების მოვალეობისგან სასამართლო არ თავისუფლდება. თუმცა, სასამართლომ მიიჩნია, რომ გამონაკლისია შემთხვევა, როდესაც ოდენობა კონკრეტული დანაშაულის შემადგენლობის მაკვალიფიცირებელი ნიშანია და ქმედების საკითხი რენტობის დადგენის გარეშე ვერ გადაწყვდება. განაჩენის პრეიუდიციული ძალის ობიექტურ ფარგლებთან ერთად ამ საქმეზე სასამართლომ დაადგინა განაჩენის პრეიუდიციული ძალის სუბიექტური მოქმედების ფარგლებიც. კერძოდ, განაჩენის პრეიუდიციულობის საკითხი დგება მხოლოდ იმ საქმეზე, რომლის დავის საგანია იმ პირის მოქმედების სამოქალაქო-სამართლებრივი შედეგები, ვის მიმართაც გამოტანილია განაჩენი. ამდენად, ადმინისტრაციული სამართლწარმოებით საქმის განმხილველი სასამართლოსთვის განაჩენი სავალდებულოა მხოლოდ იმ პირის მიმართ, ვის შესახებაც გამოტანილია იგი. მოცემულ შემთხვევაში კანონიერ ძალაში შესული განაჩენით დადგენილია, რომ საწარმო ნამდვილად არიდებდა თავს გადასახადის გადახდას, რაც გამოწვეული იყო

ადმინისტრაციულ-სამართლებრივი აქტით დადგენილი გარემოებები აღნიშნული აქტის კანონიერების საკითხის განხილვის გარეშე და დაადგინოს ამ აქტით დადგენილისაგან განსხვავებული ფაქტები, ასევე მოახდინოს ადმინისტრაციულ-სამართლებრივი აქტის არარობის საფუძვლების კონსტატირება. ი. საქრთველოს უზენაესი სასამართლოს დიდი პალატის 2007 წლის 24 სექტემბრის გადაწყვეტილება №ბს-335-317(პ-07) <<http://prg.supremecourt.ge/DetailViewAdmin.aspx>> [24.08.2012].

⁴⁷⁵ ი. იქვე, <<http://prg.supremecourt.ge/DetailViewAdmin.aspx>> [24.08.2012].

საბუღალტრო აღრიცხვისა და დოკუმენტაციის წარმოებაში არსებული დარღვევებით. ამ შემთხვევაში დამალული გადასახადის ოდენობა დანაშაულებრივი ქმედების მაკვალიფიცირებელი ნიშანია, რამდენადაც დამალული გადასახადის კონკრეტული ოდენობა სისხლისსამართლებრივი პასუხისმგებლობის აუცილებელ პირობას წარმოადგენს. მის გარეშე სისხლის სამართლის კოდექსის 218-ე მუხლით გათვალისწინებული დიდი ოდენობით ან განსაკუთრებით დიდი ოდენობით გადასახადისთვის თავის არიდების დანაშაულის შემადგენლობა არ იქნება. ამდენად, ამ შემთხვევაში ოდენობას პრეიუდიციული ძალის მქონე ფაქტის მნიშვნელობა აქვს.⁴⁷⁶

საქართველოს კანონმდებლობის 2012 წლის 31 დეკემბრამდე მოქმედი ნორმის თანახმად, საგადასახადო დავალიანებასთან დაკავშირებული დავების სასამართლო წესით დამთავრებამდე შესაძლებელი იყო სადავოდ გამხდარი გადაწყვეტილებების შესაბამისად აღსრულების განხორციელება. 2013 წლის 1 იანვრიდან მოქმედი საგადასახადო კოდექსის 254-ე მუხლის მე-3 ნაწილის თანახმად, კი სადავო საგადასახადო დავალიანების გადახდის ვალდებულება შეჩერებულად ითვლება საგადასახადო დავის დაწყების დღიდან მის დასრულებამდე.⁴⁷⁷ წინა რედაქციის ნორმა ხშირად გამხდარა კრიტიკის საგანი პრაქტიკოს და მეცნიერ იურისტთა შორის. მსგავს შემთხვევას ითვალისწინებდა შვედეთის კანონმდებლობა, რომელიც საგადასახადო ორგანოებს საშუალებას აძლევდა გადამხდელებისგან იძულებითი წესით ამოედოთ გადასახადები, მიუხედავად სასამართლოს მიერ ამ თანხებთან დაკავშირებული დავების დაუსრულებლობისა.⁴⁷⁸

საინტერესო საკითხი, გააჩნია თუ არ საგადასახადო სამართლდარღვევისთვის დაკისრებული პასუხისმგებლობის დამძიმების უფლებამოსილება გადაწყვეტილების კანონიერების შესწავლის მიზნით საჩივრის განმხილველ ზემდგომ ადმინისტრაციულ ორგანოს, რომელიც კონკრეტულ საჩივრთან დაკავშირებულ საკითხს განიხილავს. საინტერესო ისიც, სასამართლოს ეს უფლებამოსილება გააჩნია თუ არა. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2008 წლის 6 ნოემბრის №ბს-618-590 (კ-08) გადაწყვეტილებაში სასამართლო მიუთითებს, რომ დაუშვებელია საჩივრის ავტორის საუარესოდ ადმინისტრაციული ორგანოს მიერ გადაწყვეტილების შებრუნება და მისი პასუხისმგებლობის დამძიმება თუნდაც, ადმინისტრაციული ორგანოს მოქმედება მიზნად ისახავდეს ამ ორგანოს მიერ მანამდე დაშვებული შეცდომის გასწორებას⁴⁷⁹.

⁴⁷⁶ იბ. საქართველოს უზენაესი სასამართლოს დიდი პალატის 2007 წლის 24 სექტემბრის გადაწყვეტილება №ბს-335-317(კ-07); <<http://prg.supremecourt.ge/DetailViewAdmin.aspx>> [24.08.2012].

⁴⁷⁷ იბ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 254-ე მუხლის მე-3 ნაწილი, 2012 წლის 23 აგვისტოს მდგომარეობით და 2013 წლის 2 მაისის მდგომარეობით.

⁴⁷⁸ იბ. ადამიანის უფლებათა ეპოპულ სასამართლოში განხილული საქმე: Janosevic v. Sweden, 2001, ECHR <<http://hudoc.echr.coe.int/sites/eng/pages/search.aspx?i=001-60628>> [23.07.2012].

⁴⁷⁹ იბ. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2008 წლის 6 ნოემბრის გადაწყვეტილება №ბს-618-590 (კ-08), საქართველოს უზენაესი სასამართლოს გადაწყვეტილებანი ადმინისტრაციულ და სხვა

აღნიშნულ საკითხზე მსჯელობს უზენაესი სასამართლო 2012 წლის გადაწყვეტილებაში, რომელიც ეხება დისკრეციული უფლებამოსილების ფარგლებში გადამხდელებისთვის შეფარდებული სანქციის შეცვლის საკითხს ზემდგომი აღმინისტრაციული ორგანოს მიერ. ამ საქმეზე სასამართლო მიუთითებს, რომ აღმინისტრაციული საჩივრის განხილვისას განმხილველი ორგანო უნდა ამოწმებდეს არა მარტო სანქციის შეფარდების კანონიერებას, არამედ მიზანშეწონილობის საკითხსაც. ქვედა ინსტანციის ორგანოს დისკრეციას შესაძლებელია ჩაენაცვლოს ზემდგომი ორგანოს დისკრეცია და შემოწმდეს მიღებული გადაწყვეტილების პროპორციულობა.⁴⁸⁰

თავი 9. საგადასახადო სამართალდარღვევის ჩადენისთვის პასუხისმგებლობისგან გათავისუფლების საფუძვლები

სამართლის სხვადასხვა დარგში კანონმდებლობით განსაზღვრულია პასუხისმგებლობისგან გათავისუფლების საფუძვლები, მიუხედავად იმისა, პირი ასრულებს თუ არა მასზე დაკისრებულ ვალდებულებას.⁴⁸¹ მსგავსი ინსტიტუტები განსაზღვრულია, როგორც სამოქალაქო სამართლის ნორმებით⁴⁸², ასევე, აღმინისტრაციული პასუხისმგებლობის დადგენისას⁴⁸³. საგადასახადო სამართალდარღვევების ჩადენის შემთხვევაში კანონმდებლობა, ასევე, ითვალისწინებს პასუხისმგებლობისგან გათავისუფლების საფუძვლებს, რომლებიც დადგენილია საგადასახადო სამართალდარღვევათა თავისებურებებისა და მნიშვნელობის გათვალისწინებით.

როგორც არაერთხელ იქნა ხაზგასმული, საგადასახადო სამართალდარღვევების ჩადენა ზიანს აყენებს სახელმწიფოს საბიუჯეტო ინტერესებს. აქედან გამომდინარე, სამართალდარღვევების ჩადენის შემთხვევაში გადამხდელთა პასუხისმგებლობისგან გათავისუფლების საკითხის შესწავლისას გასათვალისწინებულია საგადასახადო სამართალდარღვევების ჩადენით ბიუჯეტისთვის მიყენებული ზიანის ოდენობები და შეფარდებული სანქციის პროპორციულობა, ასევე, საგადასახადო და აღმინისტრაციული პასუხისმგებლობებისგან

კატეგორიის საქმეებზე, საგადასახადო დავები. რედ. ს. ჯორბენაძე (საგადასახადო დავები 2008 წ. №5), გვ. 165.

⁴⁸⁰ იხ. საქართველოს უზენაესი სასამართლოს აღმინისტრაციულ საქმეთა პალატის 2012 წლის 11 აპრილის №ბე-1655-1627 (კ-11) გადაწყვეტილება, <www.supremecourt.ge> [21.09.2012].

⁴⁸¹ იხ. ზ. როგავა გადასახადები, საგადასახადო სისტემა და საგადასახადო სამართალი, ბაქმი, ბონდო მაცაბერიძის გამოცემლობა, თბილისი, 2002წ, გვ. 325.


⁴⁸² იხ. საქართველოს სამოქალაქო კოდექსი (გამოქვეყნებული პარლამენტის უწყებანი, 24 ივლისი, №31, 1997) 597-ე, 686-ე, 779-ე, 842-ე, 984-ე, 996-ე, 1007-ე მუხლები, 2012 წლის 26 აგვისტოს მდგომარეობით.

⁴⁸³ იხ. საქართველოს აღმინისტრაციულ სამართალდარღვევათა კოდექსი (გამოქვეყნებული საქართველოს სსრ უმაღლესი საბჭოს უწყებები, 1984წ. №12, მუხ. 421), 22-ე მუხლი, 2012 წლის 18 აგვისტოს მდგომარეობით.

გათავისუფლების საფუძვლების ურთიერთმიმართება. აღნიშნული საკითხები ამ კუთხით ქართულ სამეცნიერო ლიტერატურასა და თეორიაში, ცალკეული განხილვების გარდა, შესწავლილი არ არის.

საგადასახადო კანონმდებლობით განსაზღვრულია პასუხისმგებლობისგან, როგორც სრულად, ასევე, ნაწილობრივ გათავისუფლების საფუძვლები. კანონმდებლობა ცალკეულ შემთხვევებში პირდაპირ ჩამოთვლის პასუხისმგებლობისგან სრულად გათავისუფლების საფუძვლებს, ცალკეულ შემთხვევებში კი ამ საკითხს საგადასახადო ორგანოს დისკრეციული უფლებამოსილების ფარგლებს მიაკუთვნებს. ნაწილობრივ პასუხისმგებლობისგან გათავისუფლება ხდება, როგორც ერთი სახის სანქციის - ჯარიმების ნაწილში, ასევე, გარკვეული სუბიექტების მიხედვით კანონი ითვალისწინებს საურავის გადახდისგან გათავისუფლების საფუძვლებს. კანონმდებელი ჯარიმების გადახდისგან ათავისუფლებს ისეთ შემთხვევებში, როცა თავად გადამხდელი გამოხატავს ნებას და მის მიერ ვალდებულებათა შეუსრულებლობისა და კანონმდებლობის მოთხოვნათა დარღვევის შემდეგ საგადასახადო ორგანოს თავად წარუდგენს სწორ მონაცემებს და განახორციელებს დეკლარირებას ან/და ანგარიშგებას. ხოლო საურავების გადახდისგან გათავისუფლებული ორგანოები არიან სპეციალური სუბიექტები. (იხ. სქემა №3)

სქემა №3



9.1 საგადასახადო პასუხისმგებლობისგან სრულად გათავისუფლება

თეორიაში აღინიშნება, რომ კანონმდებლობით გათვალისწინებულ შემთხვევებში საგადასახადო სამართალდარღვევის გამო გადასახადის გადამხდელი, საგადასახადო აგენტი ან სხვა ვალდებული პირი შეიძლება გათავისუფლდეს საგადასახადო პასუხისმგებლობისგან იმ შემთხვევაშიც, როცა მისი ქმედება შეიცავს საგადასახადო სამართალდარღვევის შემადგენლობას.⁴⁸⁴

საქართველოს კანონმდებლობით, საგადასახადო პასუხისმგებლობა, რომელიც მოიცავს საგადასახადო კოდექსით დადგენილ ნებისმიერი სახის სანქციას, არ დაეკისრება პირს, თუ საგადასახადო სამართალდარღვევა გამოწვეულია დაუძლეველი ძალის მოქმედების შედეგად. ამავე დროს, საგადასახადო კანონმდებლობა თავისი მიზნებისთვის თავად განსაზღვრავს რა ითვლება დაუძლეველ ძალად. კერძოდ, ისეთი საგანგებო ან განსაკუთრებული გარემოება, რომელიც შეუძლებელს ხდის საგადასახადო ვალდებულებათა შესრულებას და რომლის დადგომა არ არის დამოკიდებული პირის ნებაზე, მათ შორის: а) სტიქიური უბედურება (მიწისძვრა, წყალდიდობა, მეწყერი, ზვავი, ხანძარი და სხვა); ბ) საგარეო ვაჭრობის შეზღუდვა, საგანგებო/საომარი მდგომარეობის გამოცხადება, აგრეთვე, სახელმწიფო ორგანოს სხვა გადაწყვეტილება; გ) მასობრივი არეულობა, გაფიცვა.⁴⁸⁵

ჩამოთვლილი საფუძვლების არსებობისას გადამხდელს არ ეკისრება საგადასახადო პასუხისმგებლობა მიუხედავად მის მიერ სამართალდარღვევის ჩადენისა.

9.2. პასუხისმგებლობის დაკისრებისგან ნაწილობრივ გათავისუფლება

საგადასახადო კოდექსით განსაზღვრულია შემთხვევები, როცა გადამხდელი ნაწილობრივ თავისუფლდება პასუხისმგებლობისგან. კერძოდ, თუ პირი ჩასწორებულ დეკლარაციას წარადგენს საგადასახადო შემოწმების ჩატარების შესახებ სასამართლოს ან საგადასახადო ორგანოს შესაბამისი გადაწყვეტილების ჩაბარებამდე, საგადასახადო სამართალდარღვევის ოქმის შედგენამდე ან საქართველოს სისხლის სამართლის საპროცესო კოდექსის შესაბამისად, უფლებამოსილი პირის გადაწყვეტილებით ბიუჯეტობის ანგარიშსწორების შემოწმების ან დოკუმენტური/ბუღალტრული რეგიზის დანიშვნამდე, ასევე, კერძო აუდიტის მიერ ჩატარებული შემოწმების შემდეგ პირი დეკლარირებას ან/და ანგარიშგებას განახორციელებს შემოწმების

⁴⁸⁴ იხ. ზ. როგავა საგადასახადო სამართალი, საგადასახადო კონტროლი და საგადასახადო პასუხისმგებლობა, პირველი გამოცემა ბაქმი, თბილისი, 2009წ. გვ. 330.

⁴⁸⁵ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 269-ე მუხლის მე-5 ნაწილი, 2012 წლის 23 აგვისტოს მდგომარეობით.

შედეგების გათვალისწინებით. ამ შემთხვევებში ის გათავისუფლდება ჯარიმის გადახდის ვალდებულებისგან. თუმცა, კანონი ამ შემთხვევებში სამართალდამრღვევს არ ათავისუფლებს პასუხისმგებლობის სხვა სანქციის – საურავის გადახდის ვალდებულებისგან. ფულადი ჯარიმა არ დაეკისრება, ასევე, პირს, თუ საქონლის გაშვებამდე შემოწმებისას აღმოუჩნდება არადეკლარირებული საქონელი (გარდა მალულად გადაადგილებულისა), რომლის სატარიფო დირებულება არ აღემატება დეკლარირებული სატარიფო დირებულების 5 პროცენტს, მაგრამ არა უმეტეს 15 000 ლარისა.⁴⁸⁶

გარდა ჯარიმების, როგორც სანქციათა გადახდის ვალდებულებისგან გათავისუფლებისა, საქართველოს კანონმდებლობა ითვალისწინებს, ასევე, საგადასახადო სანქციის სხვა სახის – საურავის გადახდისგან გათავისუფლებას. თუმცა ჯარიმის შემთხვევებისგან განსხვავებით, სანქციასთან დაკავშირებით კანონმდებლის მიერ არჩეულია სხვაგარი მიდგომა, დადგენილია სუბიექტთა წრე, რომლებიც გათავისუფლებული არიან საურავის გადახდისგან გარკვეულ შემთხვევებში. კერძოდ: საქონლის/მომსახურების მიმწოდებლები – საქართველოს სახელმწიფო ბიუჯეტის შესახებ შესაბამისი წლის საქართველოს კანონით და ადგილობრივი ოკითმმართველი ერთეულების ბიუჯეტებით გათვალისწინებული ასიგნებების საფუძველზე მიწოდებული საქონლის/გაწეული მომსახურების დირებულების შემსყიდველი ორგანიზაციის მიერ აუნაზღაურებლობის გამო წარმოქმნილ საბიუჯეტო ვალდებულებებზე, მათი დირებულების ფაქტობრივი დაფინანსების ოდენობისა და მიწოდებული საქონლის/გაწეული მომსახურების საერთო მოცულობაში ხვედრითი წლის პროპრიულად; ასევე, საქართველოს პარლამენტის მიერ რატიფიცირებული საერთაშორისო ხელშეკრულებებით განსაზღვრული პროექტების (მათ შორის, პროექტის მოსამზადებელი ეტაპის) განმახორციელებელი საჯარო სამართლის იურიდიული პირები, რომლებთანაც საქართველოს ფინანსთა სამინისტროს დადებული აქვს „პროექტის განხორციელების უფლებამოსილების შესახებ“ ხელშეკრულება ამ პროექტების ფარგლებში წარმოშობილ საგადასახადო ვალდებულებებზე.⁴⁸⁷ აღნიშნული ნორმის საფუძველზე შემოსავლების სამსახურის მიერ 2012 წლის 20 სექტემბერს გაცემული ინფორმაციის თანახმად, 2011 წლის 1 იანვრიდან 2012 წლის 29 აგვისტომდე პერიოდში, ორ ასეთ სუბიექტს არ დაკისრებია საურავის გადახდევინება.⁴⁸⁸

ამდენად, როგორც უკვე აღინიშნა, ცალკეულ სუბიექტებს, კანონმდებლობა გარკვეული გარემოებების არსებობისას, ათავისუფლებს საურავების გადახდისგან, ხოლო კონკრეტული საფუძვლების არსებობისას კი ყველა კატეგორიის გადამხდელს შეიძლება არ დაეკისროს სანქციის ზომა – ჯარიმა, მათ მიერ დარღვევების ჩადენისას.

⁴⁸⁶ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 269-ე მუხლის მე-5¹, მე-6 და მე-6¹ ნაწილები, 2012 წლის 23 აგვისტოს მდგომარეობით.

⁴⁸⁷ იხ. იქვე, 272-ე მუხლის მე-7 ნაწილი, 2012 წლის 23 აგვისტოს მდგომარეობით.

⁴⁸⁸ იხ. სიიპ შემოსავლების სამსახურის მიერ გაცემული წერილობითი ინფორმაცია, №21-03/65091.

9.3. კეთილსინდისიერი გადამხდელისა და სხვა საფუძვლებით
გადამხდელის პასუხისმგებლობისგან გათავისუფლება.

სრულ და ნაწილობრივ პასუხისმგებლობისგან გათავისუფლების კონკრეტულ საფუძვლებთან ერთად, კანონმდებლობა საგადასახადო ორგანოს ხელმძღვანელს ან დავის განმხილველ ორგანოს/სასამართლოს ანიჭებს უფლებამოსილებას გაათავისუფლოს კეთილსინდისიერი გადამხდელი საგადასახადო სანქციისგან და ამ შემთხვევაში იგულისხმება ყველა სახის სანქციისგან გათავისუფლება თუ სამართალდარღვევა გამოწვეულია გადამხდელის შეცდომით/არცოდნით.⁴⁸⁹ შესაბამისად, პასუხისმგებლობისგან გათავისუფლებისათვის აუცილებელია გადამხდელის ქმედება იყოს შეცდომის ან კანონის არცოდნის შედეგი. მხოლოდ ამ წინაპირობების არსებობისა და დადგენის შემდეგ შეუძლია უფლებამოსილ ორგანოს გადამხდელი მიიჩნიოს კეთილსინდისიერად. საგადასახადო კანონმდებლობა არ უთითებს თუ როგორი სახის ქმედება ითვლება შეცდომად ამ შემთხვევაში, ან ვის ეკისრება მტკიცების ტკირთი, დაადგინოს გადამხდელის მოქმედება განპირობებული იყო მისი მხრიდან კანონმდებლობის არცოდნით თუ შეცდომის ჩადენით. არ არის განსაზღვრული სად გადის ზღვარი არცოდნასა და ცოდნას შორის, რამაც შეიძლება გამოიწვიოს პირის პასუხისმგებლობა. აღნიშნული საგადასახადო ორგანოებს ანიჭებს საკმაოდ დიდ დისკრეციულ უფლებამოსილებას წინასწარ დადგენილი კრიტერიუმების გარეშე, გადამხდელის მოქმედება შეაფასონ კონკრეტულ შემთხვევაში როგორც ჩადენილი შეცდომა ან კანონის არცოდნის შედეგი.

საინტერესოა, ის რომ 2011 წლის 1 იანვრიდან 2012 წლის 20 სექტემბრამდე საგადასახადო დავების განხილვისას პასუხისმგებლობისგან გათავისუფლებულ იქნა ასეთი 424 კეთილსინდისიერი გადამხდელი.⁴⁹⁰ ამასთან, 2013 წლის 1 იანვრამდე მოქმედი ნორმა, ზემოაღნიშნულ პირობასთან ერთად, კეთილსინდისიერ გადამხდელად პირის მიჩნევისათვის აუცილებელ წინაპირობად ითვალისწინებდა ბიუჯეტისათვის ზიანის არ მიყენებასაც.⁴⁹¹ მაგალითად დავების განხილვის საბჭოს მიერ 2011 წლის 24 იანვარს მიღებული იქნა №1822/2/11 გადაწყვეტილება შპს „აჭარა ტექსტილებ“ საჩივართან დაკავშირებით.⁴⁹² აღნიშნული საწარმო დაჯარიმებულ იქნა იმის გამო, რომ მან დეკლარაციაში მოახდინა

⁴⁸⁹ ი. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 269-ე მუხლის მე-7 ნაწილი, 2013 წლის 2 მაისის მდგრმარეობით.

⁴⁹⁰ ი. სსიპ შემოსავლების სამსახურის მიერ გაცემული წერილობითი ინფორმაცია, №21-03/65091.

⁴⁹¹ ი. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 269-ე მუხლის მე-7 ნაწილი, 2013 წლის 23 აგვისტოს მდგრმარეობით.

⁴⁹² ი. საქართველოს ფინანსთა სამინისტროსთან არსებული დავების განხილვის საბჭოს გადაწყვეტილება <http://www.taxdisputes.gov.ge/images/file/Ajara%20Textile%20-%20201822_2_11.pdf> [01.09.2012].

არასწორი მონაცემების დაფიქსირება, რის გამოც დაუკისრა პასუხისმგებლობა - ჯარიმა 21 556 ლარის ოდენობით. მომჩივანი შპს „აჭარა ტექსტილე“ მიუთითებდა, რომ მის მიერ საბაჟო დეკლარაციაში სატარიფო ღირებულების გაზრდა გამოწვეული იყო ტექნიკური შეცდომის დაშვებით, როცა 0.9 აშშ დოლარის ნაცვლად საქონლის ერთეული ღირებულების ფასად მითითებულ იქნა 90 აშშ დოლარი, რამაც გამოიწვია საქონლის საბაჟო ღირებულების გაზრდა. დავების განხილვის საბჭომ ამ შემთხვევაში მიიჩნია, რომ ვინაიდან ადგილი ჰქონდა გადასახადის გადამხდელის მხრიდან ტექნიკური შეცდომის დაშვების გამო სამართალდარღვევის ჩადენას, რომელმაც გამოიწვია საექსპორტო საქონლის ღირებულების ზრდა და ამასთან, სახელმწიფო ბიუჯეტისთვის არ მომხდარა ზიანის მიყენება, არ შემცირებულა ბიუჯეტში გადასახდელი თანხის ოდენობა, საგადასახადო კოდექსის 269-ე მუხლის მე-7 ნაწილის საფუძველზე დავების განხილვის საბჭომ გადაწყვიტა გაეთავისუფლებინა საწარმო სანქციისგან.⁴⁹³ ამდენად, დავების განხილვის საბჭომ ისარგებლა დისკრეციული უფლებამოსილებით და მიიჩნია, რომ მომჩივნის მიერ დაშვებულ იქნა შეცდომა და არ ჰქონდა ადგილი მიზანმიმართულ დარღვევას, რომლითაც ბიუჯეტი დაზარალდებოდა. ამის საფუძველზე ისარგებლა თავისი უფლებამოსილებით გაეთავისუფლებინა გადამხდელი გაეთავისუფლებინა გადამხდელი განხილული მაგალითში, გადამხდელის კეთილსინდისიერება საგადასახადო ორგანოს მიერ დადგენილ იქნა ორი წინაპირობის მიხედვით: ერთი, რომ საწარმოს მიერ დაშვებული იქნა შეცდომა, რა დროსაც მას არ ჰქონია სამართალდარღვევის ჩადენის წინასწარი განზრახვა და მეორე, ამ ქმედებით სახელმწიფო ბიუჯეტს ზიანი არ მისდგომია.

გარდა ასეთი შემთხვევისა, თუ საგადასახადო სამართალდარღვევის ოქმში არ არის ასახული საქართველოს კანონმდებლობით განსაზღვრული რომელიმე მონაცემი ან საგადასახადო სამართალდარღვევის ოქმი შედგენილია კანონის დარღვევით, შესაბამისი ორგანოს ხელმძღვანელი ან დავის განმხილველი ორგანო იღებს გადაწყვეტილებას პირის საგადასახადო პასუხისმგებლობისგან გათავისუფლების შესახებ.⁴⁹⁴

საგადასახადო	სამართალდარღვევების	ჩადენის	დროს
კეთილსინდისიერი	გადამხდელის	გათავისუფლების	მსგავს
რეგულაციად	შეიძლება მიჩნეულ იქნეს ადმინისტრაციული		
სამართალდარღვევების	ჩადენის შემთხვევაში, თუ ეს დარღვევა მცირე მნიშვნელობისაა,	უფლებამოსილი ადმინისტრაციული ორგანოს უფლება,	
გაათავისუფლოს	დამრღვევი ადმინისტრაციული	პასუხისმგებლობისგან	

⁴⁹³ იხ. საქართველოს ფინანსთა სამინისტროსთან არსებული დავების განხილვის საბჭოს გადაწყვეტებით http://www.taxdisputes.gov.ge/images/file/Ajara%20Textile%20-%20201822_2_11.pdf [01.09.2012].

⁴⁹⁴ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 271-ე მუხლის მე-6 ნაწილი, 2012 წლის 23 აგვისტოს მდგომარეობით.

და შემოიფარგლოს მხოლოდ სიტყვიერი გაფრთხილებით.⁴⁹⁵ ამ შემთხვევაში ადმინისტრაციულ ორგანოებსა და საგადასახადო ორგანოებს დისკრეციული უფლებამოსილების ფარგლებში შეუძლიათ მიიღონ გადაწყვეტილებები, რაც სათანადო დასაბუთებას მოითხოვს.

გარდა ზემოაღნიშნული შემთხვევებისა, საინტერესოა კანონმდებლობით გათვალისწინებული ერთი შემთხვევა, როცა კანონმდებლელი განსაზღვრავს საგადასახადო ორგანოს უფლებამოსილებას საქართველოს ფინანსთა მინისტრის მიერ დადგენილი წესით და დადგენილ შემთხვევებში, საგადასახადო სამართალდარღვევის ოქმის შედგენის გარეშე, პირს განუსაზღვროს ვადა საგადასახადო სამართალდარღვევის აღმოსაფხვრელად. აღნიშნული არ მიეკუთვნება პასუხისმგებლობისგან გათავისუფლების ჩვეულებრივ საფუძველს, თუმცა უნდა აღინიშნოს, რომ საგადასახადო სამართალდარღვევის ჩადენის მიუხედავად, გადამხდელი მაინც თავისუფლდება პასუხისმგებლობისგან მის მიერ ნებაყოფლობით დარღვევის გამოსწორების შემთხვევაში.⁴⁹⁶ აღნიშნული ნორმა 2012 წლის 11 ივნისიდან 29 აგვისტოს ჩათვლით 54 გადამხდელის მიმართ იქნა გამოყენებული.⁴⁹⁷

აშშ-ში კანონმდებლობით დადგენილია გადამხდელების დაკისრებული პასუხისმგებლობისგან გათავისუფლება, იმ შემთხვევაში თუ მათ განზრას არ დაუმალავთ გადასახადები, ან მათი მხრიდან სამართალდარღვევის ჩადენა იყო საგადასახადო ორგანოების მიერ საგადასახადო კანონმდებლობის არასწორად გაკეთებული განმარტებების შედეგი.⁴⁹⁸ ამ უკანასკნელთან დაკავშირებით განსხვავებულია საქართველოს კანონმდებლობის მიდგომა, რომლის თანახმად, საგადასახადო კანონმდებლობის შესახებ საგადასახადო ორგანოს მიერ გაკეთებული განმარტება მხოლოდ სარეკომენდაციო ხასიათის შეიძლება იყოს⁴⁹⁹, რაც თავის თავად, გამორიცხავს: გადამხდელის მხრიდან რეკომენდაციის მიმართ კანონიერი ნდობის არსებობას და აშშ-ის მხგავსად საგადასახადო პასუხისმგებლობისგან გათავისუფლებას, ასეთი განმარტების საფუძველზე სამართალდარღვევის ჩადენის შემთხვევაში.

საინტერესოა, ასევე, საქართველოს სასამართლოს პრაქტიკა დაკისრებული პასუხისმგებლობისგან გათავისუფლების საკითხებთან მიმართებით. საქართველოს უზენაესი სასამართლოს ადმინისტრაციულ და სხვა

⁴⁹⁵ იხ. საქართველოს ადმინისტრაციულ სამართალდარღვევათა კოდექსი (გამოქვეყნებული საქართველოს სსრ უმაღლესი საბჭოს უწყებები, 1984წ. №12, მუხ. 421), 22-ე მუხლი, 2012 წლის 18 აგვისტოს მდგომარეობით.

⁴⁹⁶ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 269-ე მუხლის მე-9 ნაწილი, 2012 წლის 23 აგვისტოს მდგომარეობით.

⁴⁹⁷ იხ. სსიპ შემოსავლების სამსახურის მიერ გაცემული წერილობითი ინფორმაცია, №21-03/65091.

⁴⁹⁸ იხ. Your rights as a taxpayer, Department of the Treasury. International Revenue Service <<http://www.irs.gov/pub/irs-pdf/p1.pdf>> [01.09.2012].

⁴⁹⁹ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 46-ე მუხლის 1-ლი ნაწილი, 2012 წლის 23 აგვისტოს მდგომარეობით.

კატეგორიის საქმეთა პალატის 2009 წლის 20 მაისის №სბ-714-686(კ-08) და 2009 წლის 10 დეკემბრის №ს-997-995(კ-09) განჩინებებში განხილულია შემთხვევა, რომელიც ეხება საგადასახადო კანონმდებლობით გათვალისწინებული ჯარიმის გადახდისგან გათავისუფლებას ეწ. ნულოვანი დეკლარაციის წარუდგენლობის შემთხვევაში. უზენაესი სასამართლო მიუთითებს, რომ საგადასახადო სამართლდარღვევა წარმოადგენს მართლსაწინააღმდეგო მოქმედებას ან უმოქმედობას, გამოხატული საგადასახადო ვალდებულებების შეუსრულებლობაში, რომლისთვისაც დადგენილია პასუხისმგებლობა. 2004 წლის საგადასახადო კოდექსის 131-ე მუხლის პირველი ნაწილის (დღეს მოქმედი კოდექსის 274-ე მუხლის პირველი ნაწილი) თანახმად, პირის მიერ საგადასახადო ორგანოში დეკლარაციის/გაანგარიშების წარდგენისთვის საქართველოს საგადასახადო კანონმდებლობით დადგენილი ვადის დარღვევა, იწვევს დაჯარიმებას ამ დეკლარაციის/გაანგარიშების საფუძველზე გადასახდელად დასარიცხი თანხის 5%-ის ოდენობით ყოველ დაგვიანებულ (არასრულ) თვეზე. დეკლარაციის დაგვიანებით წარდგენისთვის პასუხისმგებლობას ითვალისწინებდა, ასევე, 1997 წელს მიღებული საგადასახადო კოდექსიც (253-ე მუხლის პირველი ნაწილი). საკასაციო სასამართლო ამ განჩინებებში მიუთითებს, რომ გადასახადის გადამხდელის მიერ შესაბამის საგადასახადო პერიოდში გადასახადის გადახდა და საშემოსავლო გადასახადის ნაწილში ზედმეტობის არსებობა დეკლარაციის დაგვიანებით წარდგენისთვის დადგენილი პასუხისმგებლობისგან გათავისუფლების საფუძველი არ არის. სასამართლო მიუთითებს, რომ პასუხისმგებლობისგან გათავისუფლების საფუძველი არის მხოლოდ ეწ. ნულოვანი დეკლარაციის წარუდგენლობა, ანუ ისეთი შემთხვევა, როცა პირს ევალებოდა დეკლარაციის წარდგენა, თუმცა ამ დეკლარაციით მას დაერიცხებოდა ნული (სასამართლოს აღნიშნული განმარტება ასახულია 2011 წლის საგადასახადო კოდექსის 274-ე მუხლის მე-3 ნაწილში). სასამართლო მიუთითებდა, რომ საგადასახადო დეკლარაცია არის გადასახადის გადამხდელის ანგარიშგება გადასახდელ გადასახადებთან დაკავშირებით. მისი წარდგენის ვალდებულება დადგენილია საგადასახადო კანონმდებლობით, ამასთან, როგორც ძველი, ასევე, ახალი საგადასახადო კანონმდებლობის თანახმად, საგადასახადო დეკლარაციის წარდგენა არის გადასახადის დარიცხვის ერთ-ერთი საფუძველი. სასამართლო აქვე აღნიშნავს, რომ გადასახადის გადამხდელის მიერ საგადასახადო ორგანოში დეკლარაციის წარდგენის ვალდებულება გამიჯნული უნდა იყოს გადასახადების გადახდის ვალდებულებისგან, ანუ ეს ორი ვალდებულება პირს უნდა ეკისრებოდეს დამოუკიდებლად, მიუხედავად მათი წარმოშობის საერთო საფუძვლებისა. შესაბამისად, თითოეული ამ ვალდებულების შეუსრულებლობისთვის სანქციები განისაზღვრება ცალ-ცალკე. ერთ-ერთი ვალდებულების შესრულება არც გამორიცხავს და არც მოიცავს მეორე ვალდებულებას. სასამართლო მოუთითებს, რომ იმ შემთხვევაში თუ გადამხდელი კანონით დადგენილ ვადაში წარადგენს დეკლარაციას, მაგრამ არ გადაიხდის კუთვნილ გადასახადს, მას დაეკისრება სანქცია შესაბამისი თანხის გადაუხდელობის ან შემცირებისთვის, ხოლო თუ კუთვნილი გადასახადის გადახდას არ ერთვის თან დეკლარაციის წარდგენა, გადამხდელს დაეკისრება დადგენილი

სანქცია დეკლარაციის დაგვიანებით წარდგენისთვის. ამასთან, დეკლარაციის წარუდგენლობასთან დაკავშირებულ სამართალდარღვევას გააჩნია არა მატერიალური, არამედ ფორმალური შემადგენლობა. ამდენად პასუხისმგებლობა დგება იმისდა მიუხედავად, წარმოიქმნა გადასახადზე ნარჩენი თუ გადასახადი გადახდილია ზედმეტი ოდენობით.⁵⁰⁰ აღნიშნული გადაწყვეტილებებით სასამართლომ დეკლარაციების წარუდგენლობის გამო, პასუხისმგებლობისგან გათავისუფლების ერთადერთ საფუძვლად მიიჩნია ე.წ. ნულოვანი დეკლარაციის წარუდგენლობა, რაც ასახულ იქნა კიდევაც მოქმედ კანონმდებლობაში.

9.4. საგადასახადო პასუხისმგებლობის დაკისრების ხანდაზმულობის ვადები

ხანდაზმულობის ვადების გასვლა, როგორც საგადასახადო პასუხისმგებლობისგან გათავისუფლების პირდაპირი საფუძველი, საგადასახადო კოდექსით არ არის გათვალისწინებული.

ადმინისტრაციულ სამართალდარღვევათა კოდექსის 38-ე მუხლის თანახმად, „1. ადმინისტრაციული სახდელი შეიძლება დაედოს არა უგვიანეს ორი თვისა სამართალდარღვევის ჩადენის დღიდან, ხოლო როცა სამართალდარღვევა დენადია – არა უგვიანეს ორი თვისა მისი გამოვლენის დღიდან. 2. რაიონული (საქალაქო) სასამართლოს განსჯად ადმინისტრაციული სახდელის დადების ვადა არ შეიძლება აღემატებოდეს ოთხ თვეს. . . 2¹. ამ კოდექსის 159⁵-159⁹ მუხლებით გათვალისწინებულ შემთხვევებში, რაიონული (საქალაქო) სასამართლოს განსჯად ადმინისტრაციული სამართალდარღვევის საქმეზე ამ მუხლის პირველი ნაწილით გათვალისწინებული ადმინისტრაციული სახდელის დადების ვადა არ შეიძლება აღემატებოდეს ექვს თვეს სამართალდარღვევის გამოვლენის დღიდან. 4. ამ მუხლში აღნიშნული ვადები არ ვრცელდება საქართველოს საგადასახადო კოდექსის საფუძველზე კონტრაბანდის საგნების კონფისკაციის და ამ კოდექსის 190¹-ე მუხლით გათვალისწინებული სანქციის შეფარდებისას.“⁵⁰¹

რაც შეეხება საგადასახადო კოდექსს, ხანდაზმულობის ვადებთან მიმართებით, გასათვალისწინებელია საგადასახადო კოდექსის მე-4 მუხლის პირველი ნაწილი, რომლის 2013 წლის 1 იანვრამდე რედაქციის თანახმად, „გადასახადის გადამხდელისთვის საგადასახადო მოთხოვნისა და საგადასახადო ორგანოსთვის გადასახადის გადამხდელის მოთხოვნის

⁵⁰⁰ იხ. საქართველოს უზენაესი სასამართლოს ადმინისტრაციულ საქმეთა პალატების 2009 წლის 20 მაისის №სბ-714-686(კ-08) და 2009 წლის 10 დეკემბრის №სს-997-995(კ-09) გადაწყვეტილებები, საქართველოს უზენაესი სასამართლოს გადაწყვეტილებანი ადმინისტრაციულ საქმეებზე, რედ. ს. ჯორბეგაძე (საგადასახადო დავები, თბილის 2010 წ. №1) გვ. 50-55, 237-244.

⁵⁰¹ იხ. საქართველოს ადმინისტრაციულ სამართალდარღვევათა კოდექსი (გამოქვეყნებული საქართველოს სსრ უმაღლესი საბჭოს უწყებები, 1984წ. №12, მუხ. 421), 38-ე მუხლი, 2012 წლის 18 აგვისტოს მდგომარეობით.

წარდგენის, აგრეთვე, გადასახადის თანხის დამატებითი დარიცხვისა და საგადასახადო სანქციის (გარდა საურავისა) დაკისრების ხანდაზმულობის ვადა 6 წელი.⁵⁰² ამდენად, აღნიშნული ნორმის თანახმად, პასუხისმგებლობის დაკისრების ვადა განისაზღვრება 6 წლით. ვინაიდან საგადასახადო სამართალდარღვევის ჩადენისთვის პირის მიმართ პასუხისმგებლობის დაკისრება ხორციელდება შესაბამისი სანქციის დაკისრებით. აღნიშნული სანქციის დაკისრებისთვის საგადასახადო ორგანოს მხოლოდ 6 წელი აქვს. თუმცა, საგულისხმოა ის გარემოება, რომ 2013 წლის 1 ინავრამდე მოქმედი რედაქციით კანონმდებელი არ ავრცელებდა ხანდაზმულობის ვადებს ყველა სახის პასუხისმგებლობის ზომაზე და გამონაკლისის სახით მიუთითებდა საურავების დაკისრების ვადებს, რაც საშუალებას აძლევდა საგადასახადო ორგანოებს, საურავი დაეკისრებინათ გადამხდელებს მიუხედავად 6 წლიანი ხანდაზმულობის ვადის გასვლისა. აქვე უნდა აღინიშნოს, რომ საგადასახადო კოდექსი საგადასახადო მოთხოვნის წარდგენის ერთ-ერთ საფუძვლად მიიჩნევს სანქციის დაკისრებას (მათ შორის საურავების). შესაბამისად, ნორმა ერთგვარად ბუნდოვნებას ადგენდა, რაც გამოსწორდა საგადასახადო კოდექსში ცვლილებების შეტანის გზით და 2013 წლის 1 იანვრიდან მე-4 მუხლის მოქმედი რედაქციის თანახმად, ცალკე არის გამოყოფილი სანქციების დაკისრების ხანდაზულობის ვადები და გამოსწორებულია ის ხარვეზი რაც ამ ნორმას გააჩნდა.⁵⁰³

9.5. საგადასახადო ამნისტია

საგადასახადო პასუხისმგებლობისგან გათავისუფლების განხილული საფუძვლების გარდა, საგამონაკლისო საფუძველს წარმოადგენს საკანონმდებლო ორგანოს გადაწყვეტილება გარკვეული საგადასახადო სამართალდარღვევის ჩადენის შემთხვევებში ან/და ცალკეული ტიპის გადამხდელები გაათავისუფლოს დაკისრებული პასუხისმგებლობისგან. ამ გზას კანონმდებელი ხშირად მიმართავს საგადასახადო კანონმდებლობის ლიბერალიზაციის შესახებ გადაწყვეტილების მიღებისას. საკანონმდებლო ტექნიკის თვალსაზრისით ასეთი გადაწყვეტილებები მიიღება ცალკეულ შემთხვევებში საგადასახადო კოდექსში დამატებების და ცვლილებების შეტანის გზით⁵⁰⁴ ან ცალკე საკანონმდებლო აქტების მიღებით. მაგალითად, როგორიცაა საქართველოს კანონი „ამნისტია და არადეკლარირებული საგადასახადო ვალდებულებებისა და ქონების ლეგალიზაციის შესახებ“⁵⁰⁵.

⁵⁰² იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), მე-4 მუხლის 1-ლი ნაწილი, 2012 წლის 23 აგვისტოს მდგომარეობით.

⁵⁰³ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), მე-4 მუხლ, 2013 წლის 2 მაისის მდგომარეობით.

⁵⁰⁴ იხვ, 309-ე მუხლი მე-20 და 21-ე ნაწილები, 2012 წლის 23 აგვისტოს მდგომარეობით.

⁵⁰⁵ იხ. ამნისტია და არადეკლარირებული საგადასახადო ვალდებულებებისა და ქონების ლეგალიზაციის შესახებ საქართველოს კანონი (გამოქვეყნებული საკანონმდებლო მაცნე, №821 – რს, 2004 წლის 24 დეკემბერი), 2012 წლის 15 აგვისტოს მდგომარეობით.

2004 წლის 24 დეკემბრის „ამნისტიისა და არადეკლარირებული საგადასახადო ვალდებულებებისა და ქონების ლეგალიზაციის შესახებ“ საქართველოს კანონით სამართლებრივი სახით დარეგულირდა ის წესები, რომელმაც განსაზღვრა არადეკლარირებული საგადასახადო ვალდებულებების, ქონების გამოვლენისა და აღიარების მიზნით ასეთი შემოსავლის (ქონების) ლეგალიზაციის პირობები და იმავდროულად, დაადგინა მისი დაფარვისთვის სისხლისსამართლებრივი პასუხისმგებლობისგან გათავისუფლების საფუძვლები. ⁵⁰⁶ ამ საკანონმდებლო აქტმა პრაქტიკაში საკმაოდ საინტერესოდ პპოვა ასახვა და მასთან დაკავშირებული საკითხები არაერთხელ გამხდარა სასამართლოს შეფასების საგანი. უფრო მეტიც, ერთიანი პრაქტიკის ჩამოყალიბებისა და როული სამართლებრივი ბუნების საკითხის გადასაწყვეტად ამ კანონის ნორმებთან დაკავშირებით ნამსჯელი აქვს უზენაესი სასამართლოს დიდ პალატას. „ამნისტიისა და არადეკლარირებული საგადასახადო ვალდებულებებისა და ქონების ლეგალიზაციის შესახებ“ საქართველოს კანონის მე-4 მუხლის მე-2 პუნქტის თანახმად, კანონის მოქმედება ვრცელდება საქართველოს საგადასახადო კოდექსითა და სხვა საკანონმდებლო აქტებით განსაზღვრულ გადასახადის გადამხდელებზე, აგრეთვე, საგადასახადო აგენტებზე, რომლებმაც 2004 წლის 1 იანვრამდე არ განახორციელეს საგადასახადო ვალდებულებათა დეკლარირება ან/და გადახდა. ამავე მუხლის მე-3 პუნქტის თანახმად, ამ მუხლის მოქმედება არ ვრცელდება: შესაბამის სახელმწიფო ორგანოებში კანონმდებლობით დადგენილი წესით დეკლარირებულ, დარიცხულ და აღრიცხულ, მაგრამ გადაუხდელ საგადასახადო და საბაჟო ვალდებულებებზე; ⁵⁰⁷ ეს ორი ნორმა ურთიერთსაწინააღმდეგო განმარტების საშუალებას იძლეოდა ვინაიდან, ერთი მხრივ, ამნისტირების საშუალებას აძლევდა დეკლარირებულ, თუმცა გადაუხდელ გადასახადებს და მეორე ნორმით, გამორიცხავდა ამ თანხების გადაუხდელობის ამნისტირებას. საქართველოს უზენაესი სასამართლოს დიდმა პალატამ ⁵⁰⁸ მიიჩნია, რომ „ამნისტიისა და არადეკლარირებული საგადასახადო ვალდებულებებისა და ქონების ლეგალიზაციის შესახებ“ კანონის მე-4 მუხლის მე-3 პუნქტის „ა“ ქვეპუნქტის თანახმად, „არადეკლარირებული საგადასახადო ვალდებულებების ლეგალიზაციის წესი არ ვრცელდება შესაბამის სახელმწიფო ორგანოებში კანონმდებლობით დადგენილი წესით დეკლარირებულ, დარიცხულ და აღრიცხულ, მაგრამ გადაუხდელ საგადასახადო და საბაჟო ვალდებულებებზე“. როგორც სასამართლო თავის გადაწყვეტილებაში მიუთითებს, საგადასახადო კოდექსის თანახმად, გადასახადის თანხების დარიცხვა გულისხმობს საგადასახადო ორგანოში კონკრეტული

⁵⁰⁶ იხ. საქართველოს სახალო დამცველის 2011 წლის ანგარიში <<http://ombudsman.ge/files/downloads/ge/dzympimgpvrmgdlnno.pdf>> [01.09.2012].

⁵⁰⁷ იხ. ამნისტიისა და არადეკლარირებული საგადასახადო ვალდებულებებისა და ქონების ლეგალიზაციის შესახებ საქართველოს კანონი (გამოქვეყნებული საკანონმდებლო მაცნე, №821 – რს, 2004 წლის 24 დეკემბერი), 2012 წლის 15 აგვისტოს მდგომარეობით.

⁵⁰⁸ იხ. საქართველოს უზენაესი სასამართლოს დიდი პალატის 2005 წლის 6 აპრილის №ბს-1117-954-კ-04 9.შპს კვარციტი 2) გადაწყვეტილება, <<http://www.supremecourt.ge/files/upload-file/pdf/6-04-2005.pdf>> [01.09.2012].

საგადასახადო პერიოდისთვის გადასახადის გადამხდელის, საგადასახადო აგენტის, სხვა ვალდებული პირის კუთვნილი გადასახადის თანხის აღრიცხვას. დიდი პალატა თვლიდა, რომ დარიცხვა და აღრიცხვა ურთიერთშემავსებელი ტერმინებია და ერთობლიობაში, ერთ ტერმინად უნდა იქნეს განხილული. ამასთან, ეს ტერმინები უკავშირდება დეკლარირებას ანუ საგადასახადო ვალდებულების არსებობას. შეიძლება საწარმოსთვის საგადასახადო ვალდებულებები წარმოშობილ იქნეს მას შემდეგ, რაც იგი შეამოწმა საგადასახადო ან სხვა ფისკალურმა ორგანოებმა და შესაბამისად, მოახდინა მისი ფაქტობრივად დეკლარირება, რაც დაირიცხა (აღირიცხა) საგადასახადო ვალდებულებად. თუ საგადასახადო ვალდებულება წარმოშობილია 2004 წლის 1 იანვრისთვის და ეს ცნობილია საგადასახადო ან სხვა ფისკალური ორგანოებისთვის, ეს ვალდებულება რჩება ძალაში და მასზე ამნისტიის კანონი ვერ გავრცელდება. შესაბამისად, არ შეწყდება ადმინისტრაციული საქმე, თუ იგი იხილება ადმინისტრაციულ ორგანოში ან სასამართლოში. ის საგადასახადო ვალდებულება კი, რაც ფაქტობრივად არ არსებობს, არ ჩანს და არც არის დეკლარირებული (გამოვლენილი) საგადასახადო ან სხვა ფისკალური ორგანოებისთვის აღარ წარმოიშობა, შესაბამისად, ვერც გამოვლინდება. აღნიშნული ამნისტიის მიზანი სწორედ ამ სახის არადეკლარირებული საგადასახადო ვალდებულებების ლეგალიზაცია იყო. „ამნისტიისა და არადეკლარირებული საგადასახადო ვალდებულებებისა და ქონების ლეგალიზაციის შესახებ“ კანონის მე-4 მუხლის მე-2 პუნქტის თანახმად, „ამ მუხლის მოქმედება ვრცელდება საქართველოს საგადასახადო კოდექსითა და სხვა საკანონმდებლო აქტებით განსაზღვრულ გადასახადის გადამხდელებზე, აგრეთვე, საგადასახადო აგენტებზე, რომლებმაც 2004 წლის 1 იანვრამდე არ განახორციელეს საგადასახადო ვალდებულებით დეკლარირება ან/და გადახდა“. სიტყვებში - „არ განახორციელეს დეკლარირება ან/და გადახდა“ - იგულისხმება ზემოთ მოყვანილი დეკლარაციების წარდგენით გადასახდელი გადასახადები და ის გადასახადები, რომლებიც ექვემდებარებოდა გადამხდელის მიერ დეკლარაციების წარდგენის გარეშე გადახდას და რომლის გადახდაც არ განხორციელებულა 2004 წლის 1 იანვრამდე.⁵⁰⁹

უზენაესი სასამართლოს ამ გადაწყვეტილების შესწავლით კიდევ ერთხელ დგინდება საკანონმდებლო აქტების ზუსტად და მკაფიოდ ფორმირების აუცილებლობა, რათა თავიდან იქნეს აცილებული რთული საგადასახადო კანონმდებლობის კიდევ უფრო მეტად გართულება.

საგადასახადო პასუხისმგებლობისგან გათავისუფლების საკითხი თავისთავად მნიშვნელოვანი საკითხია, რაც საჭიროებს სათანადო კვლევას და შესწავლას. საკანონმდებლო რეგულაციებიდან გამომდინარე, საგადასახადო პასუხისმგებლობისგან გათავისუფლება, როგორც აღინიშნა, სხვადასხვა საფუძვლით შეიძლება განხორციელდეს, როგორც სრულად, ასევე, ნაწილობრივ. განხილულ შემთხვევებში შედარებით პრობლემური

⁵⁰⁹ ი. საქართველოს უზენაესი სასამართლოს დიდი პალატის 2005 წლის 6 აპრილის №ბს-1117-954-კ-04 9.შპს კვარციტი 2 გადაწყვეტილება, <<http://www.supremecourt.ge/files/upload-file/pdf/6-04-2005.pdf>> [01.09.2012].

საკითხია პირდაპირ საკანონმდებლო ცვლილებების განხორციელებით დაწესებული პასუხისმგებლობისგან გათავისუფლება, რაც დღესდღეობით საგადასახადო პოლიტიკის ნაწილს წარმოადგენს. აღნიშნული სახის გადაწყვეტილებების მიღება უნდა საჭიროებდეს წინასწარ კვლევას აღნიშნული სანქციის გაუქმების შედეგების დასადგენად, რათა განისაზღვროს ასეთი ცვლილებების ზეგავლენა საგადასახადო გალდებულებათა შესრულებაზე. გადამხდელთა უფლებების მაქსიმალურად დაცის უზრუნველსაყოფად აუცილებელია, ასევე, საგადასახადო ორგანოების დისკრეციულ უფლებამოსილებას მიკუთვნებულ შემთხვევებში განისაზღვროს საგადასახადო ორგანოთა კანონისმიერი გალდებულება, სათანადოდ დაასაბუთონ, როგორც პასუხისმგებლობისგან გათავისუფლების შესახებ გადაწყვეტილებები, ასევე, გადამხდელთა სასარგებლოდ ამ გადაწყვეტილების მიუღებლობის შემთხვევებიც.

თავი 10. პასუხისმგებლობის დამამდიმებელი და შემამსუბუქებელი გარემოებები

ნაშრომის წინა თავში განხილული იყო საგადასახადო პასუხისმგებლობისგან გათავისუფლების საფუძვლები და ხაზი გაესვა მათი კვლევის მნიშვნელობას. აღნიშნულ საკითხებთან ერთად მნიშვნელოვანია და შესწავლას საჭიროებს პასუხისმგებლობის დამამდიმებელი და შემამსუბუქებელი გარემოებები. აღნიშნული გარემოებების გათვალისწინება პასუხისმგებლობის ზომების გამოყენებისას არის სანქციის პროპორციულობისა და სამართლიანობის განსაზღვრის ერთ-ერთი წინაპირობა.

საგადასახადო კანონმდებლობა პირდაპირ არ ადგენს ნორმას, რომელიც განსაზღვრავდა პასუხისმგებლობის დაკისრების დამამდიმებელ და შემამსუბუქებელ გარემოებებს. ამავე დროს, თეორიაში არ არის შესწავლილი ამ საკითხების მნიშვნელობა. გამომდინარე აღნიშნულიდან, ნაშრომში წარმოდგენილი იქნება საგადასახადო კანონმდებლობის კვლევა, ასეთი გარემოებების შესწავლისა და განსაზღვრის მიზნით.

10.1. პასუხისმგებლობის დამამდიმებელი გარემოებები

10.1.1. სამართალდარღვევის განმეორებით ჩადენა 12 თვის განმავლობაში

საქართველოს მოქმედი საგადასახადო კოდექსი ცალკე არ ჩამოთვლის საგადასახადო პასუხისმგებლობის დამამდიმებელ გარემოებებს, თუმცა განსაზღვრავს განმეორებით ჩადენილი სამართალდარღვევის ცნებას, რაც ცალკეული სამართალდარღვევების დამდგენი ნორმების მიხედვით, იწვევს პასუხისმგებლობის დამდიმებას მის პირველად ჩადენასთან შედარებით. კერძოდ, საგადასახადო კოდექსის 269-ე მუხლის მე-8 ნაწილის თანახმად, საგადასახადო სამართალდარღვევებისთვის პასუხისმგებლობის დაკისრების მიზნებისთვის, სამართალდარღვევა განმეორებით ჩადენილად ჩაითვლება, თუ იგივე ქმედება ჩადენილია წინა სამართალდარღვევის გამოვლენიდან 12

თვის განმავლობაში.⁵¹⁰ მოქმედი ნორმისგან განსხვავებით 2011 წლის 1 იანვრამდე მოქმედი საგადასახადო კოდექსით არ იყო განსაზღვრული განმეორებითობის, როგორც პასუხისმგებლობის დამამდიმებელი გარემოების, ერთიანი ცნება. აღნიშნული საკითხი გათვალისწინებული იყო სამართლდარღვევების განმსაზღვრელ ცალკეულ ნორმებში და ამავე დროს, არსებული ნორმები აღნიშნული გარემოების დადგენის განსხვავებული განმარტებისა და ინტერპრეტაციის საშუალებას იძლეოდა. აღნიშნული საკითხი არაერთხელ გამხდარა უზენაესი სასამართლოს მსჯელობისა და შეფასების საკითხი. საგადასახადო კოდექსის ძველი რედაქციის (2004 წლის საგადასახადო კოდექსი) თანახმად, 139-ე მუხლის პირველი ნაწილი ითვალისწინებდა მომხმარებლებთან ნაღდი ფულადი ანგარიშებისას საკოტროლო-სალარო აპარატების გარეშე მუშაობისას შესაბამის პასუხისმგებლობას, ხოლო ამავე მუხლის მე-2 ნაწილის თანახმად, იგივე ქმედება ჩადენილი განმეორებით ათმაგი ოდენობით ამბიმებდა პასუხისმგებლობას, ხოლო მე-3 ნაწილის თანახმად, იგივე ქმედება ჩადენილი განმეორებით წინა დარღვევისთვის ჯარიმის გამოყენების შემდეგ უფრო მეტად ამბიმებდა პასუხისმგებლობას. ამავე მუხლის მე-8 და მე-9 ნაწილებით კი დადგენილი იყო პასუხისმგებლობა ავტოგასამართ სადგურში მადოზირებელი და მრიცხველი მექანიზმების საგადასახადო ორგანოს ლუქების გარეშე მუშაობისთვის და ასევე, პასუხისმგებლობა ამავე ქმედებისთვის, რომელიც ჩადენილი იყო განმეორებით. კანონმდებლობა არ განსაზღვრავდა განმეორებითობის ცნებას, რაც პრაქტიკაში იწვევდა პრობლემას. დღის წესრიგში ხშირად იდგა საკითხი ჩაეთვალათ თუ არა განმეორებით ჩადენილად ისეთი სამართლდარღვევა, როცა მისი ჩადენის მომენტისთვის გადამხდელის მიმართ ჯერ კიდევ არ იყო გამოყენებული წინა შემთხვევისთვის დადგენილი ჯარიმა ანუ ამ შემთხვევაში იყო თუ არა სახეზე განმეორებითი სამართლდარღვევა. საქართველოს უზენაესი სასამართლო განსხვავებულად განმარტავდა ამ ნორმებს. მაგალითად, საქართველოს უზენაესი სასამართლოს ადმინისტრაციულ საქმეთა კოლეგიის პალატა 2009 წლის 11 ნოემბრის განჩინებაში №ბს-231-225(2-09) მიუთითებს, რომ საგადასახადო კოდექსის 139-ე მუხლის მე-9 ნაწილი (2004 წლის საგადასახადო კოდექსის ძველი რედაქცია) ითვალისწინებს ავტოგასამართ სადგურში მადოზირებელი და მრიცხველი მექანიზმების საგადასახადო ორგანოს ლუქების გარეშე მუშაობის განმეორებით ჩადენისთვის დაჯარიმებას. ამდენად, ხსენებული ნორმის თანახმად, საჯარიმო სანქციის გამოყენების შესაძლებლობისთვის გადამწყვეტი მნიშვნელობა აქვს საგადასახადო სამართლდარღვევის არაერთგზისობას, ორჯერ ჩადენის ფაქტს. საგადასახადო კოდექსის 139-ე მუხლის მე-3 და მე-6 ნაწილებისგან განსხვავებით, რომელშიც პირდაპირ იყო მითითებული ჯარიმის გამოყენების შემდეგ სამართლდარღვევის განმეორებით ჩადენაზე, ამავე მუხლის მე-9 ნაწილი მიუთითებდა ქმედების

⁵¹⁰ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 269-ე მუხლის მე-8 ნაწილი, 2012 წლის 01 სექტემბრის მდგრმარეობით.

განმეორებაზე და არა დაჯარიმების შესახებ ადმინისტრაციული აქტების მიღების შემდეგ ანალოგიური ქმედების განხორციელებაზე. განსახილველ შემთხვევაში სასამართლომ ჩათვალა, რომ ესაა სამართალდარღვევის გამოვლენის შემთხვევა და ოქმის შედგენის მიუხედავად, არის ერთი და იგივე სუბიექტის მიერ მართლსაწინააღმდეგო ქმედების გაგრძელება, საგადასახადო სამართალდარღვევის რამდენჯერმე ჩადენა, რაც საგადასახადო სამართალდარღვევის მაკვალიფიცირებელ ნიშანს შეადგენს და იწვევს სამართალდარღვევისთვის უფრო მძიმე სანქციის გამოყენებას.⁵¹¹ განმეორებითობის საკითხთან დაკავშირებით, საინტერესოა, ასევე, საქართველოს უზენაესი სასამართლოს ადმინისტრაციულ საქმეთა პალატის 2009 წლის 24 დეკემბრის №ბს-1055-1013(3-09) გადაწყვეტილება, რომელშიც სასამართლომ შეაფასა შემთხვევა, როცა სამართალდარღვევების ჩადენა ერთი გადამხდელის ორ სხვადასხვა ობიექტზე მიმდინარეობდა დაახლოებით ერთსა და იმავე დროს. კერძოდ, ერთ ბენზინგასამართ სადგურზე დარღვევის დასაფიქსირებლად ოქმის შედგენის დროდ იყო მითითებული 10.30. – 10.45, მაშინ როცა მეორე ობიექტზე ოქმის შედგენის დროდ მითითებული იყო 10.40. ამდენად, სასამართლო მიუთითებდა, რომ მეორე დარღვევის დაფიქსირება დაიწყო მაშინ, როცა ჯერ კიდევ პირველადი დარღვევის დაფიქსირება იურიდიულად არ იყო დასრულებული. სასამართლო მიუთითებდა, რომ ამ შემთხვევაში არ შეიძლებოდა ქმედება ჩათვლილიყო განმეორებითად, ვინაიდან არ იყო მისი ფაქტობრივი საფუძველი. სასამართლო თვლიდა, რომ საგადასახადო ორგანოებს უნდა მოეხდინათ ფაქტის სხვაგვარი სამართლებრივი შეფასება. კერძოდ, სახეზე იყო არა საგადასახადო სამართალდარღვევის განმეორებითობა, არამედ მეორე სამართალდარღვევა, ვინაიდან ყველა სამართალდარღვევის გამოვლენა მოხდა დროის ერთ შეალებული. ამდენად, სასამართლოს მითითებით, გადასახადის გადამხდელმა ჩაიდინა ერთი სახის სხვადასხვა ქმედება, რის გამოც მას უნდა დაკისრებოდა საქართველოს საგადასახადო კოდექსით დადგენილი პასუხისმგებლობის ზომა თითოეული ქმედებისთვის და არა დამიმებული პასუხისმგებლობა.⁵¹²

ზემოაღნიშნული შემთხვევებისგან განსხვავებით, როგორც აღინიშნა, დღეს მოქმედი კოდექსი ადგენს განმეორებითობის ერთიან ცნებას, რაც, თავის მხრივ, მაკვალიფიცირებელ, დამამდიმებელ გარემოებას წარმოადგენს. განმეორებით ჩადენილად საგადასახადო სამართალდარღვევა ჩაითვლება იმ შემთხვევაში თუ იგივე ქმედება, ანუ კონკრეტული სამართალდარღვევა, კონკრეტული მუხლით ან მუხლის ნაწილით გათვალისწინებული ქმედება, იგივე პირის, იმავე სუბიექტის მიერ წინა სამართალდარღვევის გამოვლენიდან 12 თვეში განმეორებით არის ჩადენილი. მართალია, ამ

⁵¹¹ იხ. საქართველოს უზენაესი სასამართლოს ადმინისტრაციულ საქმეთა პალატის 2009 წლის 11 ნოემბრის გადაწყვეტილება №ბს-231-225(2-09), საქართველოს უზენაესი სასამართლოს გადაწყვეტილებანი ადმინისტრაციულ საქმეებზე, რედ. ს. ჯორბენაძე (საგადასახადო დავები თბილისი, 2010 წ. №1), გვ. 190-191.

⁵¹² იხ. საქართველოს უზენაესი სასამართლოს ადმინისტრაციულ საქმეთა პალატის 2009 წლის 24 დეკემბრის გადაწყვეტილება №ბს-1055-1013(3-09), საქართველოს უზენაესი სასამართლოს გადაწყვეტილებანი ადმინისტრაციულ საქმეებზე, რედ. ს. ჯორბენაძე (საგადასახადო დავები თბილისი, 2010 წ. №1), გვ. 272-273.

შემთხვევაში კანონმდებლობამ წინა საგადასახადო კოდექსისგან განსხვავებით განმარტა განმეორებითობის ცნება, თუმცა არც აღნიშნული განმარტება არ იძლევა ცნების სრულყოფილ დეფინიციას. კერძოდ, ამ შემთხვევაში მნიშვნელობა არ აქვს პასუხისმგებლობა უკავე შეფარდებული აქვს თუ არა გადამხდელს იგივე ქმედებისთვის. ამ შემთხვევაში მნიშვნელოვანია წინა სამართალდარღვევა იყოს გამოვლენილი, რაც ერთგვარ უხერხულობას ქმნის ისეთ პირობებში, როცა ჯერ კიდევ მიმდინარეობს წინა სამართალდარღვევის თაობაზე გადაწყვეტილების მიღების პროცესი ან/და დავა დაკისრებული სანქციის კანონიერებასთან დაკავშირებით და რომელიც შესაძლოა გაუქმდეს დამძიმებული პასუხისმგებლობის ჩადენის შემდგა. აღნიშნული გამოიწვევს უკანონო გადაწყვეტილების მიღებას, ვინაიდან პირს დაკისრებული ექნება უფრო მკაცრი სანქცია იმ შემთხვევაშიც, როცა აღნიშნული პასუხისმგებლობის დამძიმების წინაპირობა სამართლებრივად აღარ იარსებებს. კანონმდებლობით განსაზღვრული არ არის მექანიზმი ამ ხარვეზის გამოსწორებისთვის. ქვეყანაში არსებული საგადასახადო პოლიტიკისა და გადამხდელთა უფლებების დაცვის სამართლიანი მექანიზმის მიხედვით შესაძლებელია ამ ხარვეზის გამოსწორების მიზნით არსებობდეს ორნაირი მიღგომა. ერთ შემთხვევაში შეიქმნას მექანიზმი, რათა ამდაგვარი გადაწყვეტილების მიღებისას საგადასახადომ თავად უზრუნველყოს პირის მიმართ არასწორად დაკისრებული მძიმე ხარისხის პასუხისმგებლობის მოხსნა და მის მიერ უკანონო გადაწყვეტილებით მიღებული ზიანის ანაზღაურება; ან/და მეორე ალტერნატივის შემთხვევაში განმეორებითად სამართალდარღვევის ჩადენისთვის, 12 თვიანი ვადის ათვლის დროდ მიჩნეულ იქნება არა წინა სამართალდარღვევის გამოვლენა, არამედ წინა სამართალდარღვევისთვის სანქციის შეფარდების მომენტი. ცალკეულ შემთხვევებში გამონაკლისის სახით კანონმდებელს გამოყენებული აქვს აღნიშნული მიღგომა. მაგალითად, საქონლის დოკუმენტების გარეშე ტრანსპორტირების, რეალიზაციისა და აღურიცხაობის დროს პასუხისმგებლობის დამძიმების წინაპირობა არის წინა შემთხვევისთვის გადამხდელის მიმართ სანქციის შეფარდება და არა წინა სამართალდარღვევის ქმედების გამოვლენა.⁵¹³ ამდენად, ამ მეორე მიღგომის მიხედვით საკითხის მოგვარება და გადამხდელთა ინტერესების დაცვისთვის სამართლიანი სისტემის უზრუნველყოფა უფრო მიზანშეწონილია. საგადასახადო სამართალდარღვევათა საქმის განხილვის საკითხების კვლევისას აღინიშნა, რომ საგადასახადო სამართალდარღვევების გამოვლენის ადგილზე სანქციის შეფარდების თაობაზე გადაწყვეტილების მიღება საჭიროებს უველა გარემოების სათანადო შესწავლას და გამოკვლევას, რაც პროცედურების სისტრაფისა და სიმარტივის ფონზე, კითხვის ნიშნის ქვეშ დგება. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2009 წლის 21

⁵¹³ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 286-ე მუხლის 1-ლი და მე-3 ნაწილები, 2012 წლის 01 სექტემბრის მდგომარეობით.

მაისის გადაწყვეტილებაში⁵¹⁴ №ბს-1239-1201(ქ-08) სასამართლო აღნიშნავს, რომ საგადასახადო სამართალდარღვევის ოქმის შედგენისას ოქმის შემდგენს არ მოეთხოვება სამართალდარღვევის იურიდიული კვალიფიკაცია, ვინაიდან ოქმის შედგენისას შეუძლებელია გადასახადის გადამხდელის მიერ კონკრეტული სამართალდარღვევის ჩადენის განმეორებითობის განსაზღვრა, რის გამოც ოქმში მისი მიუთითებლობა არ წარმოადგენს კანონის დარღვევას, რაც განაპირობებდა თავად ამ ოქმის უკანონობას. სასამართლო მიუთითებს, რომ საკითხის განხილვისას, იურიდიული კვალიფიკაცია არის ოქმის საფუძველზე სამართალდარღვევის საქმის განხილვისა და გადაწყვეტილების მიღების სტადიაზე გადასაწყვეტი საკითხი. მოქმედი საკანონმდებლო რეგულაციები ვერ ჯდება სასამართლო განმარტების ფარგლებში, ვინაიდან მიმდინარე კონტროლის დროს ძალიან გამარტივებულია გადამხდელების მიმართ სანქციის შეფარდების პროცედურა. შესაბამისად, ისეთ პირობებში, როცა განმეორებითობის არსებობისთვის წინა ქმედების გამოვლენაც კი საკმარისია, თეორიულად არსებობს ალბათობის მაღალი ხარისხი, რომ უფლებამოსილმა სუბიექტმა სანქციის შეფარდების გადაწყვეტილების მიღების დროს არ იცოდეს წინა სამართალდარღვევის გამოვლენის შესახებ.

გამონაკლისის სახით, საქართველოს კანონმდებლობა 12 თვიანი პერიოდის ნაცვლად, ითვალისწინებს უფრო მოკლე ვადებსაც ქმედების განმეორებითობის განსაზღვრისთვის. მაგალითად, საკონტროლო-სალარო აპარატების მოხმარებასთან დაკავშირებული წესების დარღვევისთვის, განმეორებითად ქმედების განსაზღვრის მიზნებისთვის კანონმდებელი აწესებს 60 დღიან ვადას, რომლის ათვლის წესები იგივეა, რაც 12 თვის შემთხვევაში.⁵¹⁵

განმეორებით ჩადენილად ქმედების მიზნების ზოგადი წესებიდან, რაც დაკავშირებულია წინა ქმედების გამოვლენიდან დროის ათვლასთან, კანონმდებლობით გამონაკლისის სახით დადგენილია განსხვავებული რეგულაცია, რომლის თანახმად, მოხმარებლებთან ნაღდი ფულით ანგარიშსწორებისას საკონტროლო-სალარო აპარატის გარეშე მუშაობის წესის დარღვევა არ მიიჩნევა განმეორებით ჩადენილად, თუ პირმა ამავე მუხლით გათვალისწინებული სამართალდარღვევები და არა მხოლოდ ეს კონკრეტული დარღვევა, ჩაიდინა ერთსა და იმავე დღეს, ტერიტორიულად განცალკევებულ ობიექტებზე.⁵¹⁶

⁵¹⁴ იხ. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2009 წლის 21 მაისის გადაწყვეტილება №ბს-1239-1201(ქ-08), საქართველოს უზენაესი სასამართლოს გადაწყვეტილებანი ადმინისტრაციულ საქმეზე, რედ. ს. ჯორბენაძე (საგადასახადო დავები, ობილისი, 2010 წ. №1), გვ. 68.

⁵¹⁵ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 281-ე მუხლი მე-8 ნაწილი, 2012 წლის 01 სექტემბრის მდგრმარეობით.

⁵¹⁶ იხ. იქვე, 269-ე მუხლის მე-8 ნაწილი, 2012 წლის 01 სექტემბრის მდგრმარეობით.

10.1.2. იგივე ქმედების ჩადენა განმეორებით

სამართალდარღვევის განმეორებით ჩადენილად მიჩნევისთვის, სახეზე უნდა იყოს განმეორებით იგივე ქმედების ჩადენა, რაც ნიშნავს კონკრეტულად იგივე ქმედების ჩადენას და არა სხვა რომელიმე სამართალდარღვევის ჩადენას. ამ ზოგადი წესიდან კანონმდებლობით შესაძლოა გათვალისწინებული იყოს განსხვავებული რეგულაციები, რაც იწვევს გადამხდელთა მიმართ არათანაბარი მიღების დამკვიდრებას. მაგალითად, ერთ შემთხვევაში საგადასახადო კოდექსით დადგენილია პასუხისმგებლობა საგადასახადო ორგანოს მოთხოვნის საფუძველზე სააღრიცხვო დოკუმენტაციის წარდგენაზე ან დაბეგვრასთან დაკავშირებული ინფორმაციის წარუდგენლობაზე და ამავე მუხლით მითითებულია, რომ ამ ქმედების განმეორებით ჩადენა იწვევს უფრო მკაცრ პასუხისმგებლობას.⁵¹⁷ ამ ნორმის თანახმად, შესაძლებელია საგადასახადო ორგანომ თავდაპირველად მოითხოვოს კონკრეტული შინაარსის ინფორმაცია, რისი შეუსრულებლობის შემთხვევაში, სხვა შინაარსის მოთხოვნის წარდგენაზე უარის თქმა გადასახადის გადამხდელის მიერ მოთხოვნის განმეორებით შეუსრულებლობად ჩაითვლება, მაშინ როცა განსხვავებული შედეგებია გათვალისწინებული მსგავსი შემადგენლობის 290-ე მუხლის პრიმა მუხლით. ამ მუხლის თანახმად, კონკრეტული სუბიექტის (საუბარია სპეციალურ სავაჭრო ზონებზე), მიერ საგადასახადო ორგანოს მიმართ მხოლოდ იგივე მოთხოვნის შეუსრულებლობა ჩაითვლება განმეორებით ჩადენილად.⁵¹⁸ ამ შემთხვევაში ცხადია, რომ კანონმდებელი განსხვავებულ მიღომას იჩენს სხვადასხვა გადამხდელის მიმართ, ვინაიდან შესაძლებლობას უშვებს მსგავსი მოთხოვნების შემთხვევაში, მათი განმეორებით შეუსრულებლობისას მათ მიმართ განსხვავებული შედეგები დადგეს. სასურველია, კანონმდებელი ყველა გადამხდელის მიმართ ერთნაირ რეგულაციებს ადგენდეს და განსხვავებულად არ აწესრიგებდეს მსგავს საკითხებს.

10.1.3. განმეორებით სამართალდარღვევის ჩადენა იგივე გადამხდელის მიერ

განმეორებითობის, როგორც დამამდიმებელი გარემოების დასადგენად, მნიშვნელოვანია, ასევე, სამართალსუბიექტობის საკითხი. სამართალდარღვევა აუცილებლად ჩადენილი უნდა იყოს იგივე გადამხდელის მიერ. ასეთ შემთხვევაში შესაძლოა წამოიჭრას უფლებამონაცვლისთვის პასუხისმგებლობის დამდიმების საკითხის გადაწყვეტა, რაც, ასევე, არ არის პირდაპირ მოწესრიგებული კანონმდებლობით.

ამ შემთხვევაში საკითხის გადასაწყვეტად შესაძლოა გამოყენებულ იქნეს იგივე მიღომა, რაც დადგენილია გადასახადის გადამხდელი სუბიექტების

⁵¹⁷ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 279-ე მუხლი, 2012 წლის 01 სექტემბრის მდგომარეობით.

⁵¹⁸ იხ. იქვე, 290¹-ე მუხლი, 2012 წლის 01 სექტემბრის მდგომარეობით.

უფლებამონაცვლეთა მიერ საგადასახადო ვალდებულებების შესრულებასთან დაკავშირებით. იქნება ეს ორორგანიზაციის დროს საგადასახადო ვალდებულებათა შესრულება უფლაბამონაცვლე სუბიექტის მიერ, თუ გადამხდელი ფიზიკური პირების მექავიდრეთა მიერ მამკვიდრებლის ვალდებულებების შესრულება.⁵¹⁹

ვინაიდან, საგადასახადო კანონმდებლობა არ ცნობს ბრალის ინდივიდუალიზაციის საკითხს, რაც განხილული იყო სადისერტაციო ნაშრომის სხვა თავში და ამავე დროს, გადასახადების ამოღების მიმართ არსებობს მაღალი საჯარო ინტერესი, საგადასახადო პასუხისმგებლობის დამახასიათებელი თანმდევი შედეგების სხვა უფლებამონაცვლე გადამხდელის მიმართ გავრცელება, დასაშვებად უნდა იქნეს მიჩნეული. ამდენად, თუ საგადასახადო სამართალდარღვევა კონკრეტული გადამხდელის მიერ იქნა ჩადენილი და მას შემდეგ დადგა მის უფლებამონაცვლეზე საგადასახადო ვალდებულებათა გადაკისრების საკითხი, სამართალდარღვევის ჩადენის განმეორებითობა უნდა დადგინდეს, ასევე, უფლებამონაცვლის მიმართ.

10.1.4. ადმინისტრაციული სამართალდარღვევებისთვის დადგენილი დამამდიმებელი გარემოებები

ვინაიდან, სადისერტაციო თემის ძირითადი საკვლევი საკითხის მიზნებისთვის ხდება საგადასახადო სამართალდარღვევის ადმინისტრაციულ სამართალდარღვევებთან მიმართების კვლევა, საინტერესოა, ასევე, ადმინისტრაციულ სამართალდარღვევათა კანონმდებლობის მიდგომა პასუხისმგებლობის დამამდიმებელი გარემოებების მიმართ. თუმცა აღნიშნული საკითხი განხილული იქნება მხოლოდ ზედაპირულად განსხვავებული გარემოებების აღსანიშნავად. პასუხისმგებლობის დამამდიმებელი გარემოებების ჩამონათვალი პირდაპირად დადგენილი ადმინისტრაციულ სამართალდარღვევათა კოდექსით: მართლსაწინააღმდეგო ქცევის განგრძობა მისი შეწყვეტის შესახებ საამისოდ უფლებამოსილ პირთა მოთხოვნის მიუხედავად; წლის განმავლობაში ერთგვაროვანი სამართალდარღვევის განმეორებით ჩადენა, რომლის გამოც პირს უკვე დაედო ადმინისტრაციული სახდელი; სამართალდარღვევის ჩადენა წინათ დანაშაულის ჩამდენი პირის მიერ; არასრულწლოვანის ჩაბმა სამართალდარღვევაში; სამართალდარღვევის ჩადენა პირთა ჯგუფის მიერ; სამართალდარღვევის ჩადენა სტიქიური უბედურების პირობებში ან სხვა საგანგებო გარემოებათა დროს; სამართალდარღვევის ჩადენა ნასკამ მდგომარეობაში. ესაა იმ გარემოებათა ჩამონათვალი, რომლებიც შესაძლოა მიჩნეულ იქნეს დამამდიმებელ გარემოებებად და ამავე დროს, კანონმდებლობა უშვებს, რომ უფლებამოსილმა პირმა ადმინისტრაციული სამართალდარღვევისთვის პასუხისმგებლობის შეფარდებისას შესაძლოა არც გაითვალისწინოს ეს გარემოებები, როგორც პასუხისმგებლობის

⁵¹⁹ იხ. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 56-ე, 57-ე მუხლები, 2012 წლის 01 სექტემბრის მდგომარეობით.

დამძიმების წინაპირობა.⁵²⁰ საგადასახადო კანონმდებლობასთან შედარებით ადმინისტრაციული სამართალდარღვევების მრავალფეროვნების შესაბამისად ჩამონათვალი უფრო ფართოა, მაშინ როცა საგადასახადო სამართალდარღვევების შემთხვევაში, პასუხისმგებლობის მხოლოდ ერთი დამამძიმებელი გარემოება გათვალისწინებული.

რუსეთის ფედერაციული რესპუბლიკის კანონმდებლობით დამამძიმებელ გარემოებად მიჩნეულია საგადასახადო სამართალდარღვევის ჩადენა იმ პირის მიერ, ვისაც ადრე უკვე ჩადენილი აქვს მსგავსი სამართალდარღვევა.⁵²¹

10.2. საგადასახადო სამართალდარღვევის ჩადენისთვის პასუხისმგებლობის შემამსუბუქებელი გარემოებები

10.2.1. შემამსუბუქებელი გარემოებები საგადასახადო კოდექსიდან გამომდინარე

დამამძიმებელი გარემოებების მსგავსად, საქართველოს საგადასახადო კოდექსით პირდაპირ არ არის გათვალისწინებული საგადასახადო პასუხისმგებლობის შემამსუბუქებელი გარემოებები. აღნიშნული გარემოებების დადგენა შესაძლებელია მხოლოდ საგადასახადო კოდექსის ცალკეული ნორმების ანალიზის საფუძველზე.

საგადასახადო კოდექსის 270-ე მუხლით დადგენილია საგადასახადო ორგანოს უფლებამოსილება, გადამხდელის მიერ საკონტროლო-სალარო აპარატების გამოყენების წესების დარღვევასთან დაკავშირებული ნორმების დარღვევის შემთხვევაში, გადამხდელს 200 ლარიანი ჯარიმის ნაცვლად შეუფარდოს სანქციის სახით გაფრთხილება.⁵²² ზემოაღნიშნულ შემთხვევებში საგადასახადო ორგანოს აქვს უფლება შეცვალოს სანქციის სახე უფრო მსუბუქი სახის სანქციით, თუმცა როგორია ასეთი შედარებით მსუბუქი პასუხისმგებლობის დაკისრების წინაპირობები, ანუ რომელ კონკრეტულ შემამსუბუქებელ გარემოებებს უნდა დაეყრდნოს საგადასახადო ორგანო, რომ ასეთი მსუბუქი პასუხისმგებლობის ზომები გამოიყენოს, საგადასახადო კანონმდებლობით არ არის დადგენილი. შესაბამისად, ეს უკანასკნელი წარმოადგენს საგადასახადო ორგანოების ფართო დისკრეციულ უფლებამოსილებას, რაც სხვადასხვა პერიოდში განსხვავებული საგადასახადო პოლიტიკის პირობებში შესაძლოა განსხვავებულად იქნეს გამოყენებული გადასახადის გადამხდელების მიმართ.

⁵²⁰ ი. საქართველოს ადმინისტრაციულ სამართალდარღვევათა კოდექსი (გამოქვეყნებული საქართველოს სსრ უმაღლესი საბჭოს უწყებები, 1984წ. №12, მუხ. 421), 35-ე მუხლი, 2012 წლის 18 აგვისტოს მდგრმარეობით.

⁵²¹ ი. ვ.В. მუდრიხ, Ответственность за нарушения налогового законодательства, Под Ред. Н.Д. Ериашвили, Издательство Юнити, Москва, дана 2001, ст. 205.

⁵²² ი. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 270-ე მუხლის მე-7 ნაწილი და 281-ე მუხლი 2013 წლის 2 მაისის მდგრმარეობით.

**10.2.2. შემამსუბუქებელი გარემოებები ადმინისტრაციული
სამართალდარღვევებისა და საზღვარგარეთ ქვეყნების სამართლის
მაგალითზე**

საგადასახადო კოდექსისგან განსხვავებული მდგომარეობა და სურათი გვაქვს ადმინისტრაციული სამართალდარღვევების შემთხვევაში. კერძოდ, ადმინისტრაციულ სამართალდარღვევათა კანონმდებლობა ითვალისწინებს ისეთი სახის შემამსუბუქებელ გარემოებებს, როგორიცაა, მაგალითად, ბრალეულის გულწრფელი მონაციება; ბრალეულის მიერ სამართალდარღვევის მავნე შედეგების აცილება, ზარალის ნებაყოფლობით ანაზღაურება ან მიყენებული ზიანის გამოსწორება; სამართალდარღვევის ჩადენა ძლიერი სულიერი აღელვების გავლენით, ან მძიმე პირად თუ ოჯახურ გარემოებათა დამთხვევის გამო; სამართალდარღვევის ჩადენა არასრულწლოვანის მიერ; სამართალდარღვევის ჩადენა ორსული ქალის ან იმ ქალის მიერ, რომელსაც ერთ წლამდე ასაკის ბავშვი ჰყავს. თუმცა ეს ჩამონათვალი არ არის ამომწურავი ხასიათის და შესაძლებელია პასუხისმგებლობის დაკისრების თაობაზე გადაწყვეტილების მიმღებმა პირმა სხვა სახის გარემოებებიც გაითვალისწინოს.⁵²³ აღნიშნული შემამსუბუქებელი გარემოებების ცალკეული სახეების გამოყენება საგადასახადო სამართალდარღვევების საკითხთა განხილვისას, ამ დარღვევების თავისებურებათა გათვალისწინებით არ არის მიზანშეწონილი. მაგალითად, მარტოხელა დედის მიერ საგადასახადო სამართალდარღვევის ჩადენისას გადამხდელის მარტოხელა დედობა არ შეიძლება მიჩნეულ იქნეს შემამსუბუქებელ გარემოებად, ამ დარღვევების ფინანსური ხასიათიდან გამომდინარე ისევე, როგორც ბრალეულის გულწრფელი მონაციება ვერ გახდება შემამსუბუქებელი გარემოება იმ მარტივი მიზეზის გამო, რომ ბრალის დადგენა არ არის საჭირო საგადასახადო სამართალდარღვევისთვის სანქციის შეფარდების დროს. საგადასახადო სამართალდარღვევების ჩადენაზე ზეგავლენის მოხდენა არ შეუძლია, ასევე, გადამხდელის ორსულობას ან 1 წლამდე ასაკის ბავშვის ყოლას. ამდენად, მიუხედავად იმისა, რომ საგადასახადო სამართალდარღვევები, ადმინისტრაციული სამართალდარღვევების ნაირსახეობად უნდა იქნეს მიჩნეული, სამართალდარღვევათა კოდექსით დადგენილი შემამსუბუქებელი გარემოებების ავტომატურ რეჟიმში საგადასახადო სამართალდარღვევებზე გავრცელება სწორი არ იქნება. მიზანშეწონილი იქნება, კანონმდებელმა საგადასახადო ორგანოების პრაქტიკის განზოგადების შედეგად საგადასახადო კოდექსით განსაზღვროს ამ გარემოებათა ჩამონათვალი, რა შემთხვევებშიც საგადასახადო ორგანოებს მიენიჭებათ უფლებამოსილება გადასახადის გადამხდელებს უფრო მსუბუქი სახის პასუხისმგებლობა შეუფარდონ.

საერთო სამართლის სისტემებში ჯარიმის ოდენობა, რომელიც გადასახადის გადამხდელებს ეკისრებათ, მცირე მნიშვნელობის დარღვევებისთვის

⁵²³ იხ. საქართველოს ადმინისტრაციულ სამართალდარღვევათა კოდექსი (გამოქვეყნებული საქართველოს სსრ უმაღლესი საბჭოს უწყებები, 1984წ. №12, მუხ. 421), 34-ე მუხლი, 2012 წლის 18 აგვისტოს მდგომარეობით.

შეადგენს გადაუხდელი თანხის 40%-ს. ამავე დროს, ცალკეულ შემთხვევებში შესაძლოა დადგინდეს შეღავათი, თუკი გადასახადის გადამხდელის შეცდომა იყო ასაკის, დაავადების ან გამოუცდელობის გამო. ასევე, თუ კანონმდებლობა იყო გაუგებარი, ან თუ კანონმდებლობაში შესულია ახალი ცვლილებები. ამ შემთხვევებში შესაძლოა დადგენილ იქნეს შეღავათები და პირებს პასუხისმგებლობა უფრო მცირე ოდენობით დაეკისროს.⁵²⁴ პასუხისმგებლობის შემამსუბუქებელი აღნიშნული საფუძვლები საკმაოდ საინტერესოა, განსაკუთრებით საკანონმდებლო ცვლილებების გამო სამართალდარღვევების ჩადენის შემთხვევები, რაც საქართველოში ხშირი საკანონმდებლო ცვლილებების ფონზე ყველაზე აქტუალურად შეიძლება იქნეს მიჩნეული.

რუსული საგადასახადო კანონმდებლობით შემამსუბუქებელ გარემოებებად მიჩნეულია მძიმე პირადი და ოჯახური მდგომარეობა, სამართალდარღვევის ჩადენა იძულებისა და მუქარის შედეგად, სამართალდარღვევების ჩადენა მატერიალური და სამსახურებრივი დამოკიდებულების გამო და სხვა ისეთი გარემოებები, რომლებიც ამომწურავად არ არის გათვალისწინებული რუსული კანონმდებლობით და რომელთა განსაზღვრის საშუალებაც გააჩნია სასამართლოს. მაგალითად, ხშირად სასამართლო შემამსუბუქებელ გარემოებად მიჩნევს გადასახადების გადახდის დროის მცირედ გადაცილებას.⁵²⁵

10.3. დამამძიმებელი და შემამსუბუქებელი გარემოებების დადგენა უფლებამოსილი ორგანოების მიერ გადაწყვეტილებათა მიღების დროს.

საგადასახადო სამართალდარღვევებისთვის პასუხისმგებლობის დამამძიმებელი და შემამსუბუქებელი გარემოებების განსაზღვრასთან ერთად მნიშვნელოვანია დადგინდეს, თუ როდის ან როგორ უნდა გამოიკვლიოს საგადასახადო ორგანოებმა ასეთი გარემოებების არსებობა. განსაკუთრებული პრობლემები შესაძლოა წამოიჭრას ცალკეული სახის მიმდინარე კონტროლის პროცედურების დროს დარღვევების გამოვლენისა და პასუხისმგებლობის ადგილზე შეფარდების პროცესში, როცა რიგი სამართალდარღვევების გამოვლენისას, რაც საკონტროლო-სალარო აპარატების გამოყენებას უკავშირდება, საკონტროლო შესყიდვას ან/და სხვა დარღვევების გამოვლენისას, უფლებამოსილი პირები ადგილზე იღებენ გადამხდელთა დაჯარიმების შესახებ გადაწყვეტილებას. ამ შემთხვევებში, განსხვავებით საგადასახადო შემოწმების დროს გამოვლენილი სამართალდარღვევების საქმის განხილვისა, როგორც ნაშრომის წინა თავებში აღინიშნა, გადაწყვეტილება მიღება ადგილზე უფლებამოსილი პირების მიერ. გადაწყვეტილების მიღებას წინ უნდა უსწრებდეს საქმის

⁵²⁴ ob. W. Wade, H. Ragnemalm, P. Lstrauss, Administrative Law, the problem of Justice vol. #1 Anglo American and Nordic Systems, Editied by Al. Piras, Coordinated by G. Motzo, Giuffre, Milan 1991. pp. 323.

⁵²⁵ იხ. В.В. Мудрых, Ответственность за нарушения налогового законодательства, Под Ред. Н.Д. Ериашвили, Издательство Юнити, Москва, дата 2001, ст. 205.

გარემოებების სათანადო გამოკვლევა და იმ გარემოებების დადგენა, რაც შესაძლოა პასუხისმგებლობის დამამდიმებელ, შემამსუბუქებელ გარემოებებად ან პასუხისმგებლობის დაკისრებისგან გათავისუფლების საფუძვლებად იქნეს მიჩნეული. მოქმედი კანონმდებლობით განსაზღვრული არ არის პროცედურები, თუ როგორ ხდება ამ შემთხვევაში ცალკეული ასეთი გარემოებების გამოკვლევა. კანონმდებლობიდან გამომდინარე, შესაძლებელია წინასწარ დადგინდეს გადამხდელთა მიერ სამართალდარღვევების ადრე ჩადენის თაობაზე, თუმცა გადაწყვეტილების მისაღებად აუცილებელი სხვა გარემოებების დადგენა საკმაოდ რთული იქნება.

აუცილებელია საგადასახადო კანონმდებლობით მკაფიოდ განისაზღვროს, როგორც საგადასახადო პასუხისმგებლობის დამამდიმებელი გარემოებები, ასევე, დადგინდეს ასეთი პასუხისმგებლობის შემამსუბუქებელი გარემოებები.

მართალია, საგადასახადო კანონმდებლობით განსაზღვრულია პასუხისმგებლობის დამამდიმებელი გარემოება, მაგრამ აუცილებელია ამ ინსტიტუტის დახვეწა მოხდეს. ზუსტად უნდა განისაზღვროს, თუ საიდან მოხდება განმეორებითობის დადგენის მიზნით 12 თვიანი ვადის ათვლა, წინა სამართალდარღვევის ჩადენისთვის პასუხისმგებლობის შეფარდების თუ გამოვლენის მომენტიდან. ამ უკანასკნელის შემთხვევაში აუცილებელია დამატებითი მექანიზმების გათვალისწინება, რათა წინა სანქციის გაუქმების ან არშეფარდების შემთხვევებში შეფარდებული მკაცრი პასუხისმგებლობა თავად საგადასახადო ორგანოს მიერ იქნეს შეცვლილი.

საგადასახადო პასუხისმგებლობის შემამსუბუქებელი გარემოებების განსაზღვრის მიზნით უნდა დადგინდეს კონკრეტული საფუძვლები და განისაზღვროს კონკრეტული გარემოებები, რომელთა გათვალისწინება საგადასახადო ორგანოს ყოველი კონკრეტული საკითხის გადაწყვეტისას შეეძლება და შესაბამისად, გადამხდელს დაკისრებს უფრო მსუბუქი ხასიათის პასუხისმგებლობას. ამასთან, გასათვალისწინებელია სხვა ქვეყნებში არსებული რამდენიმე ისეთი საფუძველი, როგორიცაა საკანონმდებლო რეგულაციების ხშირი ცვლილებების გამო გადამხდელის მიერ სამართალდარღვევის ჩადენა, ან/და საგადასახადო ორგანოს წერილობითი განმარტების საფუძველზე სამართალდარღვევის ჩადენა.

ამავე დროს, უნდა აღინიშნოს: მიუხედავად იმისა, რომ საგადასახადო სამართალდარღვევები თავისი სამართლებრივი ბუნებით არის ადმინისტრაციული სამართალდარღვევების ერთ-ერთი სახე, მათ შემთხვევაში არ უნდა იქნეს გამოყენებული ის შემამსუბუქებელი და დამამდიმებელი გარემოებები, რაც დადგენილია ადმინისტრაციული სამართალდარღვევების შემთხვევაში, ვინაიდან საგადასახადო დავები ატარებს ფინანსურ და სპეციფიკურ ხასიათს და მათ ჩადენაზე ზეგავლენას ადმინისტრაციული კანონმდებლობით დადგენილი დამამდიმებელი თუ შემამსუბუქებელი გარემოებების უმრავლესობა ვერ იმოქმედებს. შესაბამისად, ეს გარემოებები არ არის რელუვანტური.

გარდა ამისა, მნიშვნელოვანია საგადასახადო სამართალდარღვევების თაობაზე გადაწყვეტილებების მიღებისას საგადასახადო ორგანოების მიერ გათვალისწინებული იყოს ზოგადი ადმინისტრაციული კანონმდებლობის

მნიშვნელოვანი პრინციპი საქმესთან დაკავშირებული ყველა გარემოების სათანადოდ შესწავლასთან დაკავშირებით. ეს კიდევ ერთხელ უსვამს ხაზს საქმეზე, როგორც პასუხისმგებლობის დამამდიმებელი, ასევე, შემამსუბუქებელი გარემოებების სათანადოდ დადგენას და გამოკვლევას და ამისთვის შესაბამისი ეფექტური მექანიზმების შექმნის აუცილებლობას.

დასკვნა და რეკომენდაციები

როგორც სადისერტაციო ნაშრომის შესავალში იქნა აღნიშნული, კვლევის ერთ-ერთი მთავარი მიზანი იყო საგადასახადო სამართალდარღვევებისა და პასუხისმგებლობის საკითხების, აღმინისტრაციული სამართლისა და სხვა ქვეყნების სამართლებრივი სისტემების შედარებითი კვლევის ჭრილში შესწავლა.

ნაშრომში მოცემული საკითხების განხილვამ და კვლევისას გამოკვეთილმა პრობლემურმა თემებმა კიდევ ერთხელ დაადასტურა საგადასახადო პასუხისმგებლობის სამართლებრივი საკითხების მეცნიერული შესწავლის აუცილებლობა. ასევე, დადასტურდა ამ საკითხების სამეცნიერო კვლევის მნიშვნელობა საგადასახადო სამართლის განვითარების თვალსაზრისით, რამეთუ საგადასახადო სფეროს სათანადო კვლევა და საკანონმდებლო ბაზის განვითარებასთან ერთად საგადასახადო მეცნიერების ჩამოყალიბება, დიდწილად განსაზღვრავს საქართველოში სწორი საგადასახადო პოლიტიკისა და შესაბამისი კანონმდებლობის ფორმირებას.

ნაშრომის წინამდებარე თავში გამოიკვეთება ის ძირითადი თეზისები და დასკვნები, რომლებიც გამომდინარეობს ნაშრომის სხვადასხვა თავში საგადასახადო სამართალდარღვევებსა და პასუხისმგებლობასთან დაკავშირებული საკითხების მეცნიერული კვლევებიდან, ასევე, გამოიყოფა რიგი რეკომენდაციები ცალკეულ პრობლემატურ საკითხებთან დაკავშირებით. კერძოდ,

- საგადასახადო პასუხისმგებლობისა და სამართალდარღვევების სამართლებრივ სისტემაში ადგილის განსაზღვრამდე, შესწავლილ იქნა თავად საგადასახადო სამართლის ადგილი სამართლებრივ სისტემაში, რაც მეტწილად შემდგომ უკვე თავად საგადასახადო სამართალდარღვევებისა და პასუხისმგებლობის განსაზღვრისთვის იყო მნიშვნელოვანი. განსხვავებული მიდგომების მიუხედავად, საგადასახადო სამართალი, რეგულირების სფეროდან გამომდინარე, წარმოადგენს აღმინისტრაციული სამართლის განსაკუთრებულ ნაწილს და აწესრიგებს სპეციფიკურ აღმინისტრაციულ-სამართლებრივ ურთიერთობებს, რომლებიც დაბეგვრის პრინციპებიდან გამომდინარე წარმოიშობა გადამხდელებსა და სახელმწიფოს შორის.
- საგადასახადო სამართალდარღვევები და პასუხისმგებლობა არის მოწესრიგებული საგადასახადო კოდექსით და მოქმედ კანონმდებლობაში პირდაპირ არ არის მითითებული იმის თაობაზე, მიეკუთვნება თუ არა ამ ტიპის დარღვევა აღმინისტრაციულ სამართალდარღვევებს და არის თუ არა საგადასახადო კანონმდებლობის დარღვევებისთვის დადგენილი პასუხისმგებლობა, იმავდროულად, აღმინისტრაციული პასუხისმგებლობა. საგადასახადო სამართალდარღვევებისა და პასუხისმგებლობის ცნების ფარგლების შესწავლა მოხდა შედარებითი სამართლებრივი კვლევით, როგორც საერთაშორისო და საზღვარგარეთის ქვეყნების მსგავს ინსტიტუტებთან, ასევე, სხვადასხვა სახის იურიდიული

პასუხისმგებლობების მიმართ. კერძოდ, აღნიშნული საკითხები შესწავლილ იქნა ადმინისტრაციული და სხვა სამართლებრივი სისტემების სისხლის სამართლებრივ პასუხისმგებლობის ინსტიტუტებთან შედარებით და კვლევამ აჩვენა, რომ საგადასახადო სამართალდარღვევები და პასუხისმგებლობა ხასიათდება იგივე ნიშნებით და ატარებს ისეთივე სამართლებრივ ბუნებას, როგორიცაა ადმინისტრაციული სამართალდარღვევები და პასუხისმგებლობა. საგადასახადო პასუხისმგებლობა შესაძლოა განიმარტოს, როგორც იძულებით დონისძიებათა ერთობლიობა, რომელთა გამოყენება ხდება ადმინისტრაციული კანონმდებლობით დაგენერირებით და მიმართულია საგადასახადო კანონმდებლობის მოთხოვნათა შესასრულებლად. ამდენად, კვლევით დასტურდება, რომ საქართველოს საგადასახადო კოდექსით დადგენილი სამართალდარღვევების ცალკეული სახეები და მათ გამო დაწესებული პასუხისმგებლობა მიეკუთვნება ადმინისტრაციულ სამართალდარღვევებსა და პასუხისმგებლობას, თუმცა საგადასახადო სამართლებრივი ურთიერთობების თავისებურებიდან გამომდინარე ხასიათდება განსხვავებული ნიშნით, რაც გამოიხატება არაბრალეული ქმედებისთვის პასუხისმგებლობის დაკისრებაში.

- კვლევის მნიშვნელოვანი საკითხი იყო საგადასახადო სამართალდარღვევების ცნების განსაზღვრა. ელემენტების შესწავლის დროს განსხვავებული მიდგომებიდან უპირატესობა მიენიჭა საგადასახადო სამართალდარღვევების ცნების ელემენტების განსაზღვრას საკანონმდებლო განმარტების შესაბამისად. სხვადასხვა სისტემაში, როგორც წესი, აღნიშნული ელემენტებია: ქმედების შემადგენლობა, მართლწინააღმდეგობა და ბრალი. თუმცა, აქვე უნდა აღინიშნოს, რომ საგადასახადო სამართალდარღვევების დღევანდელი საქართველოს საკანონმდებლო რეგულაციებიდან გამომდინარე, სახეზეა მხოლოდ საგადასახადო სამართალდარღვევის ცნების ორი ელემენტი (ქმედების შემადგენლობა და მართლწინააღმდეგობა), ხოლო ბრალი, როგორც აუცილებელი წინაპირობა, პასუხისმგებლობის დაკისრებისთვის არ არსებობს.
- საგადასახადო სამართალდარღვევის ცნების თთოვეული ელემენტის მნიშვნელობა და არსი განხილულ იქნა სადისერტაციო ნაშრომის შესაბამის თავებში, თუმცა შესაძლოა გამოიყოს შემდეგი:

კვლევისას ქმედების შემადგენლობის ერთ-ერთ ელემენტად განისაზღვრა საგადასახადო პასუხისმგებლობის დამდგენი ნორმა, როგორც ქმედების შემადგენლობის ობიექტური მხარის ქვე-ელემენტი. ამ ელემენტის შესწავლისას ხაზი გაესვა საკანონმდებლო ნორმების სათანადო წესით განსაზღვრის აუცილებლობას. აღნიშნულ საკითხს უკავშირდება საგადასახადო კოდექსით დადგენილი ე.წ. სხვა სანქციების პრობლემა. საგადასახადო კოდექსით განსაზღვრულია პასუხისმგებლობის დამდგენი ზოგადი ნორმა. ამ შემთხვევაში კანონი სამართალდარღვევის ცნების ელემენტების ზუსტი განსაზღვრის გარეშე ადგენს პასუხისმგებლობას საგადასახადო კანონმდებლობის ამა თუ იმ მოთხოვნის

შეუსრულებლობისთვის. აღნიშნული ნორმა ეწინააღმდეგება კანონმდებლობის მკაფიოდ განსაზღვრისა და პასუხისმგებლობის დამდგენი ნორმების წინასწარ განტვრეტადობის ზოგად პრინციპებს, ვინაიდან საგადასახადო პასუხისმგებლობის დამდგენი ნორმები, უნდა იყოს ჩამოყალიბებული ცხადად და უნდა იძლეოდეს საშუალებას გადამხდელებისთვის წინასწარ იყოს განტვრეტადი პასუხისმგებლობის დაკისრების საფუძვლები. შესაბამისად, აუცილებელია, რომ კანონმდებელმა მოახდინოს ამ ნორმის გაუქმება და კონკრეტული დარღვევებისთვის კონკრეტული სახის პასუხისმგებლობის ზომების დადგენა მოხდეს;

- რაც შეეხება ბრალის საკითხს, როგორც სამართალდარღვევების აუცილებელ ნიშანს. სხვადასხვა სამართლებრივ სისტემაში საგადასახადო სამართალდარღვევების სისხლის სამართლისთვის ან ადმინისტრაციულისთვის მიკუთვნების გათვალისწინებით, ეს საკითხი განსხვავებულად წყდება. ბრალის, როგორც პასუხისმგებლობის დაკისრებისთვის აუცილებელ წინაპირობასთან დაკავშირებით უნდა აღინიშნოს, რომ საგადასახადო სამართალდარღვევების საკითხის განხილვისას მხედველობაში უნდა იქნეს მიღებული თავად ამ დარღვევების ხასიათი, რომელიც ყოველთვის ფინანსურ ხასიათს ატარებს და ხელყოფს ქვეყნის საბიუჯეტო ინტერესებს. მეორე მხრივ, კეთილსინდისიერი გადამხდელების არსებობის ფაქტორიც მნიშვნელოვანია, რის გამოც ბრალებულობის დადგენა ყოველთვის აუცილებელი ხდება. ამდენად, გარემოებათა გამოკვლევისას ბრალის განსაზღვრის საჭიროება მიუთითებს იმაზე, რომ მიზანშეწონილია ბრალი განისაზღვროს, როგორც ცნების ერთ-ერთი ელემენტი კანონმდებლობის საფუძველზე. ამავე დროს, უნდა დადგინდეს საგადასახადო პასუხისმგებლობა, როგორც განზრახ, ასევე, გაუფრთხილებლობით ჩადენილი სამართალდარღვევებისთვის.
- ბრალის საკითხს უშუალოდ უკავშირდება საგადასახადო სამართალდარღვევების სუბიექტების განსაზღვრის საკითხი. იმ შემთხვევაში, თუ კანონმდებლობით დადგინდება ბრალი, როგორც პასუხისმგებლობის დაკისრების წინაპირობა, გამოირიცხება ობიექტური შერაცხვის პრინციპი. ამავე დროს, კანონმდებლობით საჭირო გახდება ზუსტად განისაზღვროს ფიზიკური პირის ასაკი და შერაცხადობა, როგორც პასუხისმგებლობის დაკისრების წინაპირობა.
- ქართულ საკანონმდებლო სივრცეში ობიექტური შერაცხვის პრინციპის შენარჩუნების შემთხვევაში, სუბიექტების საკითხის მიმართ შესაძლებელია მეორე ალტერნატიულიმშიდგომის განვითარება. კერძოდ, პასუხისმგებლობის დაკისრებისთვის ბრალის დაუდგენლობისას შესაძლებელია საერთოდ არ განისაზღვროს პასუხისმგებელი ფიზიკური პირების ასაკი. არასრულწლოვანის ან სრულწლოვანი ქმედუუნარო პირის მიმართ საგადასახადო ვალდებულების წარმოშობის შემთხვევაში, რომელსაც არ გააჩნია უნარი დამოუკიდებლად მიმართოს საგადასახადო ორგანოებს და მოახდინოს დეკლარირება ან სხვა სახით საგადასახადო ორგანოების წინაშე განახორციელოს ანგარიშგება ან გადაიხადოს გადასახადი, ამ

ვალდებულებებს უნდა ასრულებდნენ მათი კანონიერი წარმომადგენლები - მშობლები ან მეურვეები და მზრუნველები, არასრულწლოვნებს, ქმედუუნარო პირებსა და მათ წარმომადგენლებს შორის არსებული განსაკუთრებული ვალდებულებით სამართლებრივი ურთიერთობებიდან გამომდინარე. შესაბამისად, მათ მიერ ამ ვალდებულებათა შეუსრულებლობის შემთხვევაში, მიუხედავად იმისა, რომ ისინი შვილების საგადასახადო ვალდებულებებს ასრულებენ, მათ მიმართ დადგება, ასევე, პასუხისმგებლობასთან დაკავშირებული შედეგები.

სუბიექტებთან დაკავშირებული შერაცხადობისა და ასაკის საკითხების რომელიმე გზით გადაწყვეტა, დიდწილად დაკავშირებულია იმაზე, თუ როგორი საგადასახადო პოლიტიკის გამტარებელი იქნება სახელმწიფო, ვინაიდან პასუხისმგებლობისა და ვალდებულებების შესრულების ასაკით შემოსაზღვრა, თავის თავად, ნიშნავს გარკვეული ოდენობით გადასახადების ბიუჯეტში არშეტანას.

- კიდევ ერთხელ ხაზგასმით უნდა აღინიშნოს, რომ შესწავლილი და გაანალიზებული უნდა იყოს ემპირიული კვლევის მეთოდის გამოყენებით საგადასახადო სამართლდარღვევების შემადგენლობის სუბიექტური მხარის ისეთი ელემენტები, როგორიცაა: საგადასახადო სამართლდარღვევების ჩადენის მოტივი და მიზანი, რაც, თავის მხრივ, საგადასახადო სამართლდარღვევების ჩადენის ან ვალდებულებათა შესრულების წინაპირობებს წარმოშობს და ასევე, უკავშირდება საგადასახადო პასუხისმგებლობის დამამძიმებელ და შემამსუბუქებელ გარემოებებს. აღნიშნული კვლევის ჩატარებისთვის საჭიროა შესწავლილ იქნეს სამართლდარღვევის საქმეების ცალკეული შემთხვევები, ასევე, სპეციალური გამოკითხვების ჩატარების გზით ემპირიულად დადგინდეს საგადასახადო ვალდებულებათა შესრულებისა და შეუსრულებლობის მიზეზები, რაც ცალკე დამოუკიდებელი კვლევის საგანი უნდა იყოს.
- საგადასახადო პასუხისმგებლობის დაკისრების პრინციპებთან დაკავშირებით აუცილებელია ყურადღების გამახვილება პასუხისმგებლობის ორჯერ დაკისრების დაუშვებლობასთან დაკავშირებით, რომელიც უმნიშვნელოვანესი კონსტიტუციური პრინციპია. საგადასახადო პასუხისმგებლობის ადმინისტრაციულისთვის მიკუთვნების კანონმდებლობით პირდაპირ დაუდგენლობა რეალურ საფრთხეს უქმნის ამ პრინციპის დაცვას, ვინაიდან როგორც წინამდებარე კვლევაში იქნა დადგენილი, საქართველოს კანონმდებლობიდან გამომდინარე, არსებობდა ერთი და იმავე ქმედებისთვის ერთდროულად ადმინისტრაციული და საგადასახადო პასუხისმგებლობის დაკისრების შესაძლებლობა. კანონმდებლობაში პირდაპირ უნდა მიეთიოს, რომ საგადასახადო სამართლდარღვევები ადმინისტრაციული სამართლდარღვევებია და მათი ჩადენის გამო პირს დაეკისრება ადმინისტრაციული პასუხისმგებლობა. აღნიშნული შემდგომში გამორიცხავს ერთსა და მათი ჩადენის გამო პირს დაეკისრება ადმინისტრაციული პასუხისმგებლობა.

და იმავე ქმედებისთვის პირების საგადასახადო და ასევე, ადმინისტრაციული სამართალდარღვევისთვის პასუხისმგებლობის დაკისრებას.

- ზოგადად სამართალდარღვევების განხილვისას ამ სამართალდარღვევის განმხილველი სუბიექტები ვალდებული არიან სათანადოდ განიხილონ და სრულყოფილად შეისწავლონ საკითხი, სათანადოდ გამოიკვლიონ ფაქტობრივი გარემოებები და მხოლოდ ამის შემდეგ მიიღონ შესაბამისი გადაწყვეტილებები. ნაშრომში ამ საკითხის განხილვისას აღინიშნა, რომ სამართალდარღვევის გამოვლენის ადგილზე ოქმის შედგენისას, რაც ამავე დროს, წარმოადგენს სამართალდამრღვევის მიმართ მიღებულ გადაწყვეტილებას დაჯარიმებასთან დაკავშირებით, საკითხის განხილვა საქმაოდ ზედაპირულად ხორციელდება და სამართალდარღვევის ადგილზე დაფიქსირებისას, პრაქტიკულად გამორიცხულია დაინტერესებული პირის მიერ დამატებით ინფორმაციის მოძიების და მოგვიანებით წარდგენის შესაძლებლობა. აღნიშნული ამარტივებს პასუხისმგებლობის შეფარდების პროცესს და ამავე დროს, ეწინააღმდეგება ადმინისტრაციული სამართლის სფეროში გარემოებათა სათანადო გამოკვლევისა და გადაწყვეტილების შესაბამისად მიღების აუცილებლობის პრინციპს. ცალკეულ შემთხვევებში ადამიანის უფლებათა ევროპული სასამართლოს გამოცდილების და პრეცედენტული სამართლის განხილვისას აღინიშნა, რომ საგადასახადო სამართალდარღვევების ჩადენისას, მიუხედავად იმისა, რომ შიდა კანონმდებლობით ეს დარღვევები ადმინისტრაციულ პასუხისმგებლობას იწვევს, გადაწყვეტილებათა მიღების დროს სასამართლო ამოწმებს, თუ რამდენად შეესაბამება პასუხისმგებლობა სისხლის სამართლის საქმეების მიმართ დაგენილ სტანდარტებს. აღნიშნული სტანდარტი კი ადმინისტრაციულ დარღვევებთან შედარებით უფრო მაღალია და რთული პროცედურების მომცველია. შესაბამისად, მნიშვნელოვანია, რომ გადამხდელთა დაცვის გარანტიები მაქსიმალურად იყოს დაცული სამართალდარღვევათა საქმის წარმოებისას. აუცილებელია, კანონმდებლობით განისაზღვროს და შეიქმნას საკითხის განხილვის ეფექტური მექანიზმები, რომლებიც ერთი მხრივ, უზრუნველყოფს სამართალდარღვევის საქმესთან დაკავშირებული ყველა გარემოების სათანადოდ შესწავლას და ამავე დროს, გადაწყვეტილების მისაღებად განისაზღვრება გონივრული პერიოდი, რაც, თავის თავად, არ გამორიცხავს გადაწყვეტილების მიღებისთვის შემოკლებული ვადების დადგენას.
- კვლევა მიუთითებს, რომ საგადასახადო დავები ერთ-ერთი ყველაზე რთულად განსახილველი დავებია. როგორც წესი, სხვადასხვა სამართლებრივი სისტემის ქვეყნებში ეს დავები სპეციალიზირებული სასამართლოების ან სასამართლოების სისტემაში სპეციალური კოლეგიების მიერ განიხილება. ეს მდგომარეობა არსებითად განსხვავებულია საქართველოში, რაც მოითხოვს საჭიროებას

დაიწყოს მსჯელობა მოსამართლეთა სპეციალიზაციისა და საგადასახადო დავების განმხილველი ერთეულების შექმნის თაობაზე არსებული საერთო სასამართლოების სისტემაში. აღნიშნული გაადვილებს და აამაღლებს მართლმსაჯულების განხორციელების სტანდარტს საგადასახადო დავებთან დაკავშირებით.

- სადისერტაციო ნაშრომში განხილული ერთ-ერთი საკითხი იყო საგადასახადო პასუხისმგებლობის შეფარდებისას დამამდიმებელი და შემამსუბუქებელი გარემოებების დადგენა. კანონმდებლობა ითვალისწინებს დამამდიმებელ გარემოებას - განმეორებითობას და შესაბამის ერთწლიან ვადას აითვლის სამართლდარღვევის ჩადენის მომენტიდან, რაც ერთგვარ უხერხულობას ქმნის იმ შემთხვევაში, თუ საკითხის განხილვის შედეგად პირს პასუხისმგებლობა აღარ დაეკისრება. ასევე, პრობლემა იქმნება იმ შემთხვევაში, თუ სადაცოდ ქცეული პირველი გადაწყვეტილება გაუქმდებული იქნება და ჩაითვლება, რომ პირს სანქცია არ აქვს შეფარდებული, მაშინ როცა საგადასახადო კანონმდებლობის თანახმად, მას უკვე ექნება შეფარდებული უფრო მკაცრი სახდელი. ამ შემთხვევებში აუცილებელია პირდაპირ განისაზღვროს, რომ განმეორებითობა აითვლება პასუხისმგებლობის შეფარდების მომენტიდან, ასევე, აუცილებელია შეიქმნას ბერკეტი, რომლის მემკვიდრეობითაც პირველი დარღვევისას პასუხისმგებლობის დაკისრების შემდეგ მეორე დარღვევისთვის დაკისრებული მკაცრი სანქცია ავტომატურად შეიცვლება და ზედმეტობის წარმოქმნის შემთხვევაში განისაზღვროს მარტივი პროცედურა, რომლითაც გადამხდელი დაიბრუნებს ასეთი შემთხვევებში ზედმეტად გადახდილ თანხებს.
- საგადასახადო ორგანოებს მოქმედი კანონმდებლობიდან გამომდინარე აქვთ უფლება, რომ ცალკეულ შემთხვევებში გამოიყენონ პასუხისმგებლობის უფრო მსუბუქი ფორმა, თუმცა რა გარემოებებზე დაყრდნობით და რა შემთხვევებში, ამას კანონმდებლობა არ აკონკრეტებს, რაც წარმოადგენს საგადასახადო ორგანოების ფართო დისკრეციულ უფლებამოსილებას და სხვადასხვა პერიოდში განსხვავებული საგადასახადო პოლიტიკის პირობებში შესაძლოა განსხვავებულად იქნეს გამოყენებული გადასახადის გადამხდელების მიმართ. ამდენად, აუცილებელია, ეს გარემოებები კონკრეტულად ჩამოყალიბდეს და ამომწურავი ხასიათი მიეცეს ნორმათა წინასწარ განჭვრეტადობის უზრუნველსაყოფად.
- ამავე დროს, უნდა აღინიშნოს - მიუხედავად იმისა, რომ საგადასახადო სამართლდარღვევები თავისი სამართლებრივი ბუნებით არის ადმინისტრაციული სამართლდარღვევების ერთ-ერთი სახე, მათ შემთხვევაში არ უნდა იქნეს გამოყენებული ის შემამსუბუქებელი და დამამდიმებელი გარემოებები, რაც დადგენილია ადმინისტრაციული სამართლდარღვევების შემთხვევაში, ვინაიდან საგადასახადო დარღვევები ატარებს ძალიან კონკრეტულ ფინანსურ და სპეციფიკურ ხასიათს და ასეთი შემთხვევებისთვის

ადმინისტრაციულ სამართალდარღვევათა კოდექსით დადგენილი გარემოებების უმრავლესობა არ არის რელევანტური.

- კიდევ ერთი დასკვნა, რაც გამომდინარეობს ნაშრომში წარმოდგენილი საკითხების შესწავლის შედეგად არის ის, რომ საგადასახადო კანონმდებლობის სირთულიდან გამომდინარე, აუცილებელია სახელმწიფომ ეფექტურად გამოიყენოს კანონმდებლობით განსაზღვრული საშუალებები და უზრუნველყოს ნორმათა ერთიანი განმარტებისა და მსგავსი პრაქტიკის დამკვიდრება საგადასახადო ორგანოების მიერ საქმიანობის განხორციელებისას, რათა გადასახადის ყველა გადამხდელის მიმართ მიღებული გადაწყვეტილებები მსგავსი გარემოებების დროს განსხვავებული არ იყოს.

ყოველივე ზემოაღნიშნულის საფუძველზე, შესაძლებელია წარმოდგენილი სადისერტაციო ნაშრომის ფარგლებში განხორციელებული კვლევა დაეხმაროს ამ საკითხით დაინტერესებულ საზოგადოებას უფრო სიღრმისეულად გაერკვეს საგადასახადო პასუხისმგებლობასთან დაკავშირებულ იმ საკითხებში, რაც წინამდებარე ნაშრომშია წარმოდგენილი. გარდა ამისა, სადისერტაციო ნაშრომში განხილული საკითხების შესწავლა ხელს შეუწყობს მეცნიერულად შესწავლილი შედეგების საფუძველზე სწორი საკანონმდებლო რეგულაციების დადგენას და თავის მხრივ, საგადასახადო სამართლის განვითარებას.

ბიბლიოგრაფია

გამოცენებული ნორმატიული მასალა

1. საქართველოს კონსტიტუცია (გამოქვეყნებული საქართველოს პარლამენტის უწყებები, 1995 წ. №№31-33, მუხ. 668), 2012 წლის 14 დეკემბრის მდგომარეობით.
2. საერთო სასამართლოების შესახებ საქართველოს ორგანული კანონი (გამოქვეყნებული საქართველოს საკანონმდებლო მაცნე, №41, 08.12.2009, მუხ. 300), 2012 წლის 15 ივლისის მდგომარეობით.
3. საქართველოს საგადასახადო კოდექსი (გამოქვეყნებული საქართველოს საკანონმდებლო მაცნე, №54, 12.10.2010, მუხ. 343), 2012 წლის 2 მაისის მდგომარეობით.
4. საქართველოს სისხლის სამართლის კოდექსი (გამოქვეყნებული საქართველოს საკანონმდებლო მაცნე, №41 (48), 1999წ. მუხ. 209), 2012 წლის 1 იანვრის მდგომარეობით.
5. საქართველოს სამოქალაქო კოდექსი (გამოქვეყნებული პარლამენტის უწყებანი, 24 ივლისი, №31, 1997წ.), 416-420-ე მუხლები, 2012 წლის 1 ოქტომბრის მდგომარეობით.
6. საქართველოს ადმინისტრაციული საპროცესო კოდექსი (გამოქვეყნებული საქართველოს საკანონმდებლო მაცნე №39(46), 1999 წელი, მუხ. 190), 2012 წლის 13 დეკემბრის მდგომარეობით.
7. საქართველოს ადმინისტრაციულ სამართალდარღვევათა კოდექსი (გამოქვეყნებული საქართველოს სსრ უმაღლესი საბჭოს უწყებები, 1984წ. №12, მუხ. 421), 2012 წლის 14 დეკემბრის მდგომარეობით.
8. საქართველოს კანონი შემოსავლების სამსახურის შესახებ (გამოქვეყნებული საქართველოს საკანონმდებლო მაცნე, №47, 26.12.2007, მუხ. 402), 2012 წლის 23 აგვისტოს მდგომარეობით.
9. საქართველოს კანონი ამნისტიისა და არადეკლარირებული საგადასახადო ვალდებულებებისა და ქონების ლეგალიზაციის შესახებ (გამოქვეყნებული საკანონმდებლო მაცნე, №821 – რს, 2004 წლის 24 დეკემბერი), 2012 წლის 15 აგვისტოს მდგომარეობით.
10. მეწარმეთა შესახებ საქართველოს კანონი (გამოქვეყნებული საქართველოს პარლამენტის უწყებები, 1994წ. №№21-22, მუხ. 455), 2006 წლის 17 ივნისის მდგომარეობით.
11. დავის განმხილველი ორგანოების რეგლამენტის დამტკიცების თაობაზე საქართველოს მთავრობის 2011 წლის 14 დეკემბრის №473 დადგენილება, 2012 წლის 27 აგვისტოს მდგომარეობით
12. „საგადასახადო კონტროლის განმახორციელებელი პირის შერჩევისა და საგადასახადო კონტროლის განხორციელების, მიმდინარე კონტროლის პროცედურების ჩატარების, სასაქონლო-მატერიალურ ფასეულობათა ჩამოწერის, საგადასახადო დავალიანების გადახდევინების უზრუნველყოფის დონისძიებების განხორციელების, სამართალდარღვევათა საქმისწარმოების წესის დამტკიცების თაობაზე“ საქართველოს ფინანსთა მინისტრის 2010 წლის 31 დეკემბრის ბრძანება №994, 2012 წლის 20 სექტემბრის მდგომარეობით.

13. მკაცრი აღრიცხვის ფორმების ნუსხის, მკაცრი აღრიცხვის ფორმების რეგისტრაციის წესისა და მკაცრი აღრიცხვის ფორმების რეგისტრაციის ჟურნალის ფორმის დამტკიცების თაობაზე საქართველოს ფინანსთა მინისტრის 2005 წლის 2 აგვისტოს №669 ბრძანება 2012 წლის 29 აგვისტოს მდგომარეობით.

14. მოვალეთა რეესტრის წარმოების წესის დამტკიცების შესახებ საქართველოს იუსტიციის მინისტრის 2008 წლის 28 დეკემბრის №234 ბრძანება, 2012 წლის 12 დეკემბრის მდგომარეობით.

15. შემოსავლების სამსახურის უფროსის 2011 წლის 2 ივნისის ბრძანება №2742 „საჯარო სამართლის იურიდიული პირის – შემოსავლების სამსახურის სტრუქტურული ერთეულების დებულების დამტკიცების თაობაზე“ 2012 წლის 3 მარტის მდგომარეობით.

გამოყენებული სამუცნიერო ლიტერატურა და ინფორმაცია ქართულ ენაზე

16. გ. ნაჭყებია, სისხლის სამართალი, ზოგადი ნაწილი, სახელმძღვანელო, საგამომცემლო სახლი ინვაცია, თბილისი, 2011წ.

17. ა. გაბიანი, ნ. გვენეტაძე, ი. დვალიძე, ნ. თოდუა, მ. ივანიძე, გ. მამულაშვილი, გ. ნაჭყებია, გ. ტყეშელიაძე, გ. ხუროშვილი, სისხლის სამართლის ზოგადი ნაწილი, სახელმძღვანელო, გამომცემლობა მერიდიანი, თბილისი, 2007წ.

18. ივ. სურგულაძე, ნარკვევები საქართველოს სახელმწიფოსა და სამართლის ისტორიიდან, საქართველოს სსრ კულტურის სამინისტრო, სახელმწიფო გამომცემლობა ცოდნა, თბილისი 1963წ.

19. მ. სალხინაშვილი, ვ. ლორია, ადმინისტრაციული სახდელები და მათი გამოყენება, თბილისი 2000წ.

20. ვ. ლორია, საქართველოს ადმინისტრაციული სამართალი, რედ. გ. გიორგაძე, გამომცემლობა მერიდიანი, თბილისი 2002წ.

21. ლ. ჭანტურია, შესავალი საქართველოს სამოქალაქო სამართლის ზოგად ნაწილში, რედ. პროფესორი ს. ჯორბეგაძე, გამომცემლობა სამართალი თბილისი 1997წ.

22. ზ. როგავა, საგადასახადო სამართალი; საგადასახადო კონტროლი და საგადასახადო პასუხისმგებლობა, პირველი გამოცემა, გამომცემლობა ბაკმი, თბილისი, 2009წ.

23. ზ. როგავა, გადასახადები, საგადასახადო სისტემა და საგადასახადო სამართალი, ბონდო მაცაბერიძის გამომცემლობა, თბილისი, 2002წ.

24. ვ. ლორია, საქართველოს ადმინისტრაციული საპოლიცესო სამართალი, რედ. ა. ფალიაშვილი, გამომცემლობა მერიდიანი, თბილისი, 2002წ.

25. ვ. ხმალაძე, გ. გვენეტაძე, დ. ნარმანია, მოსაზრებანი საქართველოს საგადასახადო კოდექსის პროექტის შესახებ, საქართველოს სტრატეგიული კვლევებისა და განვითარების ცენტრი, ბიულეტინი №87, ნოემბერი, 2004წ.

26. ზ. ძნელაშვილი, საგადასახადო საიდუმლოების ზოგიერთი სამართლებრივი ასპექტი; სამუცნიერო-პრაქტიკული რეცენზირებადი ჟურ. „მართლმსაჯულება“ №2, 2008წ.

27. ქ. ცხადაძე, ადმინისტრაციული გადაცდომა და მისი გამიჯვნა სისხლის სამართლის დანაშაულისაგან, ჟურნალი „მართლმსაჯულება“ №2, 2008წ.
28. საქართველოს საჯარო დაწესებულებებისათვის საინფორმაციო (ინტერნეტ) რესურსების მონიტორინგი, ინფორმაციის თავისუფლების განვითარების ინსტიტუტი (2010 წლის აგვისტო-დეკემბერი) თბილისი, 2011წ.
29. ო. ლვამიჩავა, ადმინისტრაციული პასუხისმგებლობის განსხვავება სხვა სახის იურიდიული პასუხისმგებლობისაგან, ჟურ. Georgian Electronic Scientific Journal: Jurisprudence No 1(7), 2006 წ.
- <<http://www.google.de/url?sa=t&rct=j&q=&esrc=s&frm=1&source=web&cd=1&ved=0CE0QFjAA&url=http%3A%2F%2Fgesj.internet-academy.org.ge%2Fdownload.php%3Fid%3D1117.pdf&ei=eTwaUIrWEvHP4QSd1oAY&usg=AFQjCNFpf007cDivOG5PpvINuTVHS7e6Vw&sig2=sYb3VrUjcBRrWRvpDvUEhw>> [23.07.2012]
30. სსიპ - შემოსავლების სამსახურის მიერ გაცემული საჯარო ინფორმაცია; წერილი №21-03/65091, 20.09.2012წ.

საქართველოს საკონსტიტუციო სასამართლოსა და საქართველოსამართლოების გადაწყვეტილებები

31. საქართველოს საკონსტიტუციო სასამართლოს პლენურის 2011 წლის 11 ივლისის №3/2/416 გადაწყვეტილება ი. მარტინ ბადაწყვეტილება <http://www.constcourt.ge/index.php?lang_id=GEO&sec_id=22&id=644&action=show> [11.10.2012].
32. საქართველოს უზენაესი სასამართლოს 2006 წლის 9 მარტის განჩინბა №ბს-888-474 (კ-05), საქართველოს უზენაესი სასამართლოს გადაწყვეტილებანი ადმინისტრაციულ და სხვა კატეგორიის საქმეებზე, რედ. ს. ჯორგენაძე (საგადასახადო სამართლი 2006 წ. №3).
33. საქართველოს უზენაესი სასამართლოს ადმინისტრაციულ საქმეთა პალატის 2011 წლის 29 ივნისის განჩინება №ბს-1750-1706(კ-10), საქართველოს უზენაესი სასამართლოს გადაწყვეტილები, <<http://prg.supremecourt.ge/DetailViewAdmin.aspx>> [24.08.2012].
34. საქართველოს უზენაესი სასამართლოს ადმინისტრაციულ საქმეთა პალატის 2011 წლის 13 აპრილის №ბს-787-761(კ-10) გადაწყვეტილება. <<http://prg.supremecourt.ge/DetailViewAdmin.aspx>> [22.09.2012].
35. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2008 წლის 20 მაისის გადაწყვეტილება №1104-1056(კ-07), <<http://prg.supremecourt.ge/DetailViewAdmin.aspx>> [20.09.2012].
36. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2009 წლის №ბს-906-870(კ-08) განჩინება, <<http://prg.supremecourt.ge/DetailViewAdmin.aspx>> [29.09.2012].
37. საქართველოს უზენაესი სასამართლოს ადმინისტრაციულ საქმეთა პალატის 2009 წლის 20 მაისის №სბ-714-686(კ-08) განჩინება, საქართველოს

- უზენაესი სასამართლოს გადაწყვეტილებანი ადმინისტრაციულ საქმეებზე, რედ. ს. ჯორბენაძე (საგადასახადო დავები, თბილისი 2010 წ. №1).
38. საქართველოს უზენაესი სასამართლოს ადმინისტრაციულ საქმეთა პალატის 2009 წლის 10 დეკემბრის №ბს-997-995(3-09) განჩინება, საქართველოს უზენაესი სასამართლოს გადაწყვეტილებანი ადმინისტრაციულ საქმეებზე, რედ. ს. ჯორბენაძე (საგადასახადო დავები, თბილისი 2010 წ. №1)
39. საქართველოს უზენაესი სასამართლოს ადმინისტრაციულ საქმეთა პალატის 2009 წლის 24 დეკემბრის განჩინება №ბს-1055-1013(3-09), საქართველოს უზენაესი სასამართლოს გადაწყვეტილებანი ადმინისტრაციულ საქმეებზე, რედ. ს. ჯორბენაძე (საგადასახადო დავები თბილისი, 2010 წ. №1).
40. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2009 წლის 21 მაისის განჩინება №ბს-1239-1201(კ-08), საქართველოს უზენაესი სასამართლოს გადაწყვეტილებანი ადმინისტრაციულ საქმეებზე, რედ. ს. ჯორბენაძე (საგადასახადო დავები, თბილისი, 2010 წ. №1).
41. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2009 წლის 24 თებერვლის განჩინება №ბს-1078-1040(კ-08); საქართველოს უზენაესი სასამართლოს გადაწყვეტილებანი ადმინისტრაციულ საქმეებზე, რედ. ს. ჯორბენაძე (საგადასახადო დავები 2010 წ. №2).
42. საქართველოს უზენაესი სასამართლოს ადმინისტრაციულ საქმეთა პალატის 2009 წლის 11 ნოემბრის განჩინება №ბს-231-225(2-09) საქართველოს უზენაესი სასამართლოს გადაწყვეტილებანი ადმინისტრაციულ საქმეებზე, რედ. ს. ჯორბენაძე (საგადასახადო დავები 2010 წ. №1)
43. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2009 წლის 27 იანვრის განჩინება №ბს-1133-1095(კ-08); საქართველოს უზენაესი სასამართლოს გადაწყვეტილებანი ადმინისტრაციულ საქმეებზე, რედ. ს. ჯორბენაძე (საგადასახადო დავები 2009 წ. №12)
44. საქართველოს უზენაესი სასამართლოს ადმინისტრაციულ საქმეთა პალატის 2011 წლის 20 აპრილის №ბს-1542-1503 (კ-10) განჩინება. საქართველოს უზენაესი სასამართლოს გადაწყვეტილებები <www.supremecourt.ge> [22.09.2012]
45. საქართველოს უზენაესი სასამართლოს დიდი პალატის 2007 წლის 24 სექტემბრის №ბს-335-317(კ-07); №9.ბს-317- დიდი პალატის განჩინება. <www.supremecourt.ge> [22.09.2012]
46. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2009 წლის 20 ივლისის განჩინება №ბს-258-248 (4-09); საქართველოს უზენაესი სასამართლოს გადაწყვეტილებანი ადმინისტრაციულ საქმეებზე, რედ. ს. ჯორბენაძე (საგადასახადო დავები 2010 წ. №3)

47. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2006 წლის 12 ივლისის განჩინება №ბს-265-251(კ-06); საქართველოს უზენაესი სასამართლოს გადაწყვეტილებანი ადმინისტრაციულ და სხვა კატეგორიის საქმეებზე. რედ. ს. ჯორბენაძე (საგადასახადო სამართალი 2006 წ. №2)
48. საქართველოს უზენაესი სასამართლოს დიდი პალატის 2005 წლის 5 დეკემბრის №ბს-817-403(კ-კს-05); №9-ბახტრიონი 2 განჩინება. www.supremecourt.ge [23.07.2012]
49. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2009 წლის 14 მაისის განჩინება №ბს-1470-1428(კ-08); საქართველოს უზენაესი სასამართლოს გადაწყვეტილებანი ადმინისტრაციულ საქმეებზე. რედ. ს. ჯორბენაძე (საგადასახადო დავები 2010 წ. №1)
50. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2009 წლის 22 დეკემბრის განჩინება №ბს-942-902(კ-09). საქართველოს უზენაესი სასამართლოს გადაწყვეტილებანი ადმინისტრაციულ და სხვა კატეგორიის საქმეებზე, რედ. ს. ჯორბენაძე (საგადასახადო დავები 2009 წ. №12)
51. საქართველოს უზენაესი სასამართლოს ადმინისტრაციულ საქმეთა კოლეგიის პალატა 2006 წლის 12 აპრილის განჩინება №ბს-1618-1192(კ-05) - საქართველოს უზენაესი სასამართლოს გადაწყვეტილებანი ადმინისტრაციულ და სხვა კატეგორიის საქმეებზე. რედ. ს. ჯორბენაძე (საგადასახადო სამართალი 2006 წ. №2)
52. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2009 წლის 8 იანვრის გადაწყვეტილება №ბს-808-777(კ-08). საქართველოს უზენაესი სასამართლოს გადაწყვეტილებანი ადმინისტრაციულ საქმეებზე რედ. ს. ჯორბენაძე (საგადასახადო დავები 2010 წ. №2).
53. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2009 წლის 17 მარტის განჩინება №ბს-1433-1391(კ-08). საქართველოს უზენაესი სასამართლოს გადაწყვეტილებანი ადმინისტრაციულ და სხვა კატეგორიის საქმეებზე. რედ. ს. ჯორბენაძე (საგადასახადო დავები 2009 წ. №12)
54. საქართველოს უზენაესი სასამართლოს გადაწყვეტილებანი ადმინისტრაციულ და სხვა კატეგორიის საქმეებზე, საგადასახადო დავები. რედ. ს. ჯორბენაძე (საგადასახადო დავები 2008 წ. №5)
55. საქართველოს უზენაესი სასამართლოს ადმინისტრაციულ და სხვა კატეგორიის საქმეთა პალატის 2008 წლის 6 ნოემბრის განჩინება №ბს-618-590 (კ-08), საქართველოს უზენაესი სასამართლოს გადაწყვეტილებანი ადმინისტრაციულ და სხვა კატეგორიის საქმეებზე, საგადასახადო დავები. რედ. ს. ჯორბენაძე (საგადასახადო დავები 2008 წ. №5)
56. საქართველოს უზენაესი სასამართლოს დიდი პალატის 2005 წლის 6 აპრილის №ბს-1117-954-კ-04 „9 შპს კვარციტი 2“ გადაწყვეტილება www.supremecourt.ge [22.09.2012]

57. საქართველოს უზენაესი სასამართლოს ადმინისტრაციულ საქმეზა პალატის 2012 წლის 11 აპრილის №ბ-1655-1627 (პ-11) გადაწყვეტილება. <www.supremecourt.ge> [21.09.2012]

უცხოური სამართლებრივი დოკუმენტურა და ნორმატიული აქტები

58. W. Vermeend, Rick van der Ploeg, J. W. Timmer, Ed. Elgar, Taxes and Economy, A Survey of the Impact of Taxes on Growth, Employment, Investment, Consumption and the Environment. Published by Edward Elgar Publishing Limited; Glensanda House; Montpellier Parade Cheltenham UK. 2008.
59. D. D. Boker, R. C. Hatfield and S. S. Kramer, Professional Liability suits against tax accountants: Some Empirical evidence regarding case merit. Advances in Taxation, Volume 16, Emerland Group Publishing Limited
60. Tax Law Design and Drafting, Editor Victor Thuronyi, International Monetary Fund, 1996.
61. Traditional and Alternative Routes to European Tax Integration: Primary Law, Secondary Law, Soft Law, Coordination, Comitology and their Relationship, Edited by D. Weber IBFR, 2010.
62. E. Frank, Administrative agencies and the courts. Cooper University of Michigan, Law school, 1951.
63. W. Wade, H. Ragnemalm, P. Lstrauss, Administrative Law the problem of Justice, vol. №1 Anglo american and Nordic Systems, Edited by A. Piras, Coordinated by G. Motzo Giuffre, Milan 1991.
64. Mrc S. Gerorges, V. P. Delvolve, Ed. Garcia de Ecterria, I. B. Iniesta, Administrative Law the problem of Justice vol. №2, Western European Democracies, Edited by A. Piras, Coordinated by Giovanni Motzo Giuffre, Milan 1997.
65. W. Leisner, A. Piras, M. Stipo, Administrative Law, the problem of Justice vol. №3, Western European Democracies, Edited by A. Piras, Coordinated by Giovanni Motzo Giuffre, Milan, 1997.
66. S. Stanley, R. Paul McDaniel, J. Hugh, A. Stanley, A. Koppelman, Federal Income Taxation, cases and materials, Mineola; New York The foundation press, Inc. 1986.
67. M. Lang, F. Steuern, L. Verlag, Direct taxation: Recent ECJ Developments, Wien, 2003.
68. D. Vitkauskas, G. Dikov, Protecting The right to a fair trial under the European Convention on Human Rights, Council of Europe, Strasbourg, 2012.
69. St. Moore, M. Markson, Tax Unfairness, National Review, April 18, 1994.
70. Robert M. Howard, Controlling Forum Choice and Controlling Policy: Congress, Courts and the IRS, the Policy Studies Journal, Volume 35, No 1. 2007
71. H. A. Burton, Stewart S. Karlinsky, and C. Blanthonne. Perception of a White-Collar Crime: Tax Evasion. Journal of legal Tax Research. Volume three, 2005
72. O. Pastukhov, International Taxation of Income Derived From Electronic Commerce; Current Problems and possible Solutions; Boston University Journal of Science and Technology Law; 12 B.U.J.SCI & TECH. L. 310, Summer 2006.
73. O. Pastukhov, Will internet businesses ever become interested in complying with tax law? Intellectual property and technology Law Journal, Vol. 22, November 8 – August 2010.

74. Tax Reform in the 21st Century, A volume in Memory of Richard Musgrave 43. Edited by John G. Head and Richard Krever. ``Kluwer Law International BV,`` The Netherlands 2009.
75. C. Whitehouse, E. Stuart-Buttle, Revenue Law – principles and practice, Eleventh edition Butterworth London, Dublin, Edinburg 1993.
76. J. G. Gravelle, Tax Havens: International Tax Avoidance and Evasion, (Journal) National Tax Journal, Volume LXII, No 4, December 2009.
77. Problems of Tax Administration in Latin America, Joint Tax program Organization of American States inter-American Development Bank, Economic Commission for Latin America, Editor J. Hopkins, Johns Hopkins Univ. Press, 1965.
78. E. Svhobel, The German Federal Audit Court`s Observations and comments on tax administration and tax compliance, Financial Sociology Public Auditing, Editor Jurgen G. Backhaus, Peter Lang, Frankfurt am Main, 2007
79. H. Efebera, D.C. Hayes, J. E. Hunton and Ch. O`Neil, Tax compliance intentions of low-income individual taxpayers. Advances in Accounting Behavioral Research, Volume 7, Emerald Group Publishing Limited.
80. J. Lee-Lim and O. C. Morgenstern, Guarantors and Co-Obligors in the tax world. International Tax Journal. May-June 2010.
81. Field, Donald E, An analysis and criticism of United States v. Pennsylvania . Tax Lawyer, Fall 2005, Vol. 59, Issue 1.
82. A. Basila, R. Katz, N. D. Katz, H. Finkelstein New Preparer Penalties; (Journal) ``CPA Journal Federal Taxation,`` July, 2008.
83. P. Merrill Prior A. Tax Law Changes in the Wind, (Journal) ``Financial Executive`` September, 2004.
84. Tax Notes: Getting to the Tax Court on time, American Bar Association Journal, Volume 66, May 1980
85. G. R. Evans, Separate but Taxed: A Rejection of the Streamlined; Sales Tax Project through a Commerce Clause and Federalist Analysis, Journal American University Law Review, The American University Washington College of Law, Vol. 56, Issue 2. December 2006, <<http://digitalcommons.wcl.american.edu/cgi/viewcontent.cgi?article=1275&context=aclr>> [29.09.2012].
86. D. Chaikin, How effective are suspicious transaction reporting systems, Journal of Money Laundering Control, Vol. 12 No 3, 2009 <www.emeraldinsight.com/1368-5201.htm> [05.05.2012]
87. J. S. Shlomoitzhaki, Tax Avoidance, Evasion and Administration, 2002. <<http://elsa.berkeley.edu/~saez/course/Slemrod,Yitzhaki%20PE%20Handbook%20chapter.pdf>> [24.08.2012].
88. Joshua D Blank, Z. Daniel Levin, When is tax Enforcement publicized? Virginia Tax Review vol 30:1, 2010-2011, <<http://heinonline.org>> [23.08.2012].
89. Mihuț Elena-Ana, Certain Considerations Regarding the Methodology of the Investigation of the Tax Evasion Criminal Offences, Annals of the University of Oradea, Economic Studies Section, 2008, <http://www.cnccsis.ro/evaluare_rev_ed.php> [20.03.2009]
90. Th. M. Elliott, Department of Revenue of Montana v. Kurth Ranch: The Demise Of Civil Tax Fraud Consequences? (Journal) "Vanderbilt Law Review", Vol. 48:1421, 1450-1459, 1995, <<http://heinonline.org/>>, [24.08.2012].

91. Your rights as a taxpayer, Department of the Treasury. International Revenue Service <<http://www.irs.gov/pub/irs-pdf/p1.pdf>> [01.09.2012]
92. A. Raskolnikov, Crime and Punishment in Taxation: Deceit, Deterrence and the self-adjusting Penalty, Columbia Law Review Journal, April 2006, Columbia University - Law School, <http://papers.ssrn.com/sol3/papers.cfm?abstract_id=823468>, [23.08.2012].
93. K McG. Painter, There's no Place Like Home: Projections on the Fate of the Home Mortgage Interest Deduction and the Tentative Minimum Tax in Light of Consumer Behavior, St John's Journal of legal Commentary Journal, volume 22, Summer 2007, <<http://www.stjohns.edu/media/3/a3df3b46ede04e6286f332c0ff37a1be.pdf>> [24.08.2012].
94. M. Hatfielki, Tax Lawyers, Tax Defiance, and the Ethics of Casual Conversation Florida Tax Review Journal, Volume 10, Number 10, 2011, <<http://heinonline.org/HOL/Welcome>> [20.08.2012].
95. J. Henning, Perspectives on financial crimes in Roman-Dutch law. Bribery, fraud and the general crime of falsity (falsiteyt). Journal of Financial Crime; Vol. 16, No. 4, 2009 <www.emeraldinsight.com/1359-0790.htm>
96. Corporate taxes, Country Commerce 2010, Spain, 46, <www.eiu.com> [04.05.2012]
97. New Bill Cracks Down in Misclassifying Employees, Managing Accounts Payable, October, 2009, www.AccountsPayable360.com; <<http://ebscohost.com/academic>> [25.10.2010].
98. D. Cords, Tax Protestors and Penalties: Ensuring Perceived Fairness and Mitigating Systemic Costs, Brigham Young University Law Review Journal, <<http://lawreview.byu.edu/archives/2005/6/2CORDS.FIN.pdf>>, [23.08.2012].
99. Becker G.S. Landes W. M. Crime and Punishment, An Economic Approach, 1964 <<http://www.nber.org/chapters/c3625.pdf>> [20.03.2012]
100. R. Babin, Y. Gsteiger, Florida Tax Procedure: A Primer, (Journal) The Florida Bar Journal, June, 2007 Volume 81, No. 6, <<https://www.floridabar.org/divcom/jn/jnjournal01.nsf/Author/66A17FF237043D33852572E6006D4742>> [30.08.2012].
101. Dana Latham, Jurisdiction of the United States Board of Tax Appeals under the Revenue Act of 1926. San Francisco, California. California Law Review <http://web.ebscohost.com/ehost/pdf?vid=17&hid=114&sid=e88a66da-c2c8-47e5-842bf9763f80ab3d%40sessionmgr108> [24.03.2011]
102. Fair Trial in Criminal Cases, Published by Council of Europe, Course Outline Fair Trial in Civil and Administrative Law/Public Law, Published by Council of Europe <<http://www.coehelp.org/course/view.php?id=30>> [23.07.2012]
103. Tax policy in the European Union; European commission <http://ec.europa.eu/publications/booklets/move/17/txt_en.pdf> [24.08.2012].
104. John A.E. Vervaele The transnational ne bis in idem principle in the EU Mutual recognition and equivalent protection of human rights, <<http://www.utrechtlawreview.org>> Volume 1, Issue 2 (December) 2005, <<http://www.utrechtlawreview.org/index.php/ulr/article/download/10/10>> [14.11.2012].
105. Финансовое право, вопросы и ответы, Издание 4 -ое исправленное и дополненное. Юриспруденция, Москва 2003г.
106. Финансовое право, Под. ред. О.Н. Горбунова, Москва 1996г.
107. В.В. Мудрых, Ответственность за нарушения налогового законодательства, Под Ред. Н. Д. Ериашвили, Изд. Юнити Дано, Москва, 2001г.

108. Ю. А. Дмитриев, А.А. Евтееваб, С.М. Петров, Административное право, Под ред. Ю. А. Дмитриева, Российское юридическое образование, Изд. Эксмо, Москва 2005г.
109. Ю. Старилов, Нарушение налогового законодательства и юрисдикция ответственность. Воронеж, 1995г.
110. С.Г. Пепеляев, А.П. Алёхин, Ответственность за нарушение налогового законодательства, Москва, 1992 г.
111. С. Пепеляев. Основы налогового права: Учебно-методическое пособие, Под ред. С.Г. Пепеляева, Инвест Фонд, Москва 2000 г.
112. А.С. Шаров, Налоговые правонарушения, Изд. Дело и Сервис, Москва, 2002 г.
113. И.И. Кучеров, Налоговые преступления, Москва 1997 г.
114. В.В. Витрянский, С.А. Герасименко, Налоговые органы, налогоплательщик и гражданский кодекс, Москва 1995г.
115. Г.В. Петрова, Ответственность за нарушение налогового законодательства, Москва 1995 г.
116. В. Р. Панков, О нерешенных проблемах части первой Налогового кодекса, Журнал Налоговый вестник, №12, 1998г.
117. 28 Комментарии к налоговому кодексу РФ части 1. 664-666с
118. აზერბაიჯანის რესპუბლიკის ადმინისტრაციულ სამართლდარღვევათა კოდექსის მე-20 თავი; 2012 წლის 14 თებერვლის მდგრმარეობით იხ. <<http://www.lexadin.nl/wlg/legis/nofr/oeur/lxweaze.htm>> [14.02.2012]
119. გერმანიის ფედერაციული რესპუბლიკის ფისკალური კოდექსის მე-8 თავი იხ. <http://www.gesetze-im-internet.de/englisch_ao/englisch_ao.html> [15.03.2012]
120. ესტონეთის რესპუბლიკის სისხლის საპროცესო კოდექსის 206-ე მუხლის მე-4 ნაწილი, იხ. <<http://www.legislationline.org/download/action/download/id/1666/file/1f0a92298f6ba75bd07e101cdb93.htm/preview>> [09.09.2012]

ადამიანის უფლებათა ევროპული სასამართლოს გადაწყვეტილები

121. ადამიანის უფლებათა ევროპულ სასამართლოს საქმე A.P., M.P. and T.P. v. Switzerland, 1997, ECHR <<http://hudoc.echr.coe.int/sites/eng/pages/search.aspx?i=001-58178>> [20.09.2012]
122. ადამიანის უფლებათა ევროპული სასამართლოს გადაწყვეტილება Janosevic v. Sweden, 2003, ECHR <<http://hudoc.echr.coe.int/sites/eng/pages/search.aspx?i=001-60628>> [23.07.2012]
123. ადამიანის უფლებათა ევროპული სასამართლოს გადაწყვეტილება Ferrazzini v. Italy, 2001, ECHR, <<http://hudoc.echr.coe.int/sites/eng/pages/search.aspx?i=001-59589>> [11.09.2012]
124. ადამიანის უფლებათა ევროპული სასამართლოს გადაწყვეტილება Shchokin v. Ukraine 2011, ECHR, <<http://hudoc.echr.coe.int/sites/eng/pages/search.aspx?i=001-100944>> [11.09.2012]

125. ადამიანის უფლებათა ევროპული სასამართლოს გადაწყვეტილება Jussila v. Finland 2006, ECHR, <<http://hudoc.echr.coe.int/sites/eng/pages/search.aspx?i=001-78135>> [11.09.2012].
126. ადამიანის უფლებათა ევროპული სასამართლოს გადაწყვეტილება Ruotsalainen v. Finland, 2009, ECHR <<http://hudoc.echr.coe.int/sites/eng/pages/search.aspx?i=001-92961>> [11.09.2012].
127. ადამიანის უფლებათა ევროპული სასამართლოს გადაწყვეტილება Hentrich v. France 1994, ECHR <<http://hudoc.echr.coe.int/sites/eng/pages/search.aspx?i=001-57903>> [27.09.2012].
128. ადამიანის უფლებათა ევროპული სასამართლოს გადაწყვეტილება R.L. et J.O. – L. versus Switzerland, 1997, ECHR <<http://hudoc.echr.coe.int/sites/eng/pages/search.aspx?i=001-58179>> [20.09.2012]
129. ადამიანის უფლებათა ევროპული სასამართლოს გადაწყვეტილება Ziliberberg v. Moldava, 2005, ECHR <<http://hudoc.echr.coe.int/sites/eng/pages/search.aspx?i=001-68119>> [23.07.2012],
130. ადამიანის უფლებათა ევროპული სასამართლოს გადაწყვეტილება Kirakosyan v. Armenia <<http://hudoc.echr.coe.int/sites/eng/pages/search.aspx?i=001-89959>> [23.07.2012].

კლებტრონული წყაროები

131. <http://www.coe.int/t/dghl/cooperation/capacitybuilding/Source/documentation/hb1_2_fairtrial_en.pdf> [11.09.2012].
132. <<http://www.garynorth.com/public/2315.cfm> 28.03.2010> [11.09.2012].
133. <<http://www.taxhistory.org/thp/readings.nsf/ArtWeb/9375786377B669C385256F1F00593C1A?OpenDocument>> [09.07. 2009]
134. <http://en.wikiquote.org/wiki/Benjamin_Franklin> [11.09.2012].
135. <http://www.law.cornell.edu/uscode/718/usc_sec_18_0000004---000-.html> [11.09.2012].
136. <<http://www.statutes.legis.state.tx.us/docs/PE/htm/PE.12.htm>> [03.02.2012]
137. <<http://www.bestdefender.com/felonies.html>> [03.02.2012]
138. <<http://www.wisegeek.com/what-is-a-felony.htm>> [03.02.2012]
139. <<http://en.wikipedia.org/wiki/Felony>> [03.02.2012]
140. <<http://en.wikipedia.org/wiki/Delict>> [03.02.2012]
141. <<http://www.flexa.ru>> [03.02.2012]
142. <<http://www.supremecourt.ge/files/upload-file/pdf/administraciuli2011.pdf>> [15.07.2012]
143. <<http://www.supremecourt.ge/files/upload-file/pdf/administraciuli2010.pdf>> [15.07.2012]
144. <http://en.wikipedia.org/wiki/Tax_evasion> [03.02.2012]
145. <<http://ezinearticles.com/?Tax-Evasion-Penalties&id=179227>> [03.02.2012]
146. http://straylight.law.cornell.edu/uscode/html/uscode26a/usc_sec_26a_00000060----000-.html [12.07.2012]
147. <http://en.wikipedia.org/wiki/Tax_court> [15.07.2008]
148. <<http://www.mof.ge/RsReforms>> [12.07.2012]
149. <<http://bta.ohio.gov/rules2002.htm>> [12.07.2012]

150. <http://en.wikipedia.org/wiki/United_States_Court_of_Federal_Claims> [15.07.2008]
151. <http://en.wikipedia.org/wiki/Ne_bis_in_idem> [20.09.2012]
152. <<http://www.mof.ge/News/4914#>> [14.08.2012]
153. <http://www.mof.ge/common/get_doc.aspx?doc_id=9288> [14.08.2012].
154. <http://www.taxdisputes.gov.ge/images/file/Ajara%20Textile%20-%201822_2_11.pdf> [01.09.2012].
155. <<http://ombudsman.ge/files/downloads/ge/dzympimgpvvrngdlhnno.pdf>> [01.09.2012]
156. <<http://www.state.gov/documents/organization/160457.pdf>> [11.05.2012]
157. Rome, 4. XI 1950 Convention for the Protection of Human Rights and Fundamental Freedoms, <<http://conventions.coe.int/treaty/en/treaties/html/005.htm>> [23.07.2012]